



6-69




$\frac{4.5}{362}$



BIINOMIKON  
S I V E  
DE IVRISPERITIS  
LIBRI DVO.

A V T O R E  
JOANNE BERTRANDO  
*Præside Tolosano.*



TOLOSÆ,  
Ex Typographia Raymundi Colomerij, REGIS, &  
Academiæ Tolosanæ Typographi.

M. DC. XVII.

2 R

Des. 1144 bis  
R. 52598



THE MONITOR

Vol. 1

THE IVKISTEATIS

1841

Published by  
J. H. B. & Co.



Printed by  
J. H. B. & Co.  
No. 10 N. York St.





ILLVSTRI VIRO

ÆGIDIO MASVERIO  
SENATVS TOLOSANI  
PRINCIPI.

Tristandus Bertrandus Senator Tolosanus, &  
Franciscus Bertrandus Catoursæus  
fratres S. D.

**B**ΙΝΟΜΙΚΩΝ Ioannis Bertrandi pa-  
tris nostri, siue de Iurisperitis libros duos,  
in lucem mittimus. Homines quidem ma-  
li, & filij parum p̄i simus; si hosce ingenij  
paterni fœtus, & in fiduciaria nostra tu-  
tela existentes, fraterno amore non prosequamur. Quod  
autem illustrius veri affectus testimonium à nobis exhibe-  
ri potest, quam eos in lucem prodeuntes nomini tuo (Prin-  
ceps Senatus illustriss.) dicare? cuius virtus & doctrina  
in luce huius regni, & in oculis clarissima Prouincia po-  
sita est; & quem non solum, ut Masuerium; sed ut  
alterum Masurium ἀναστὰ ἀριστὸν, καὶ σόφον, & ἐκ δευτέρου δεύτερον,  
cives omnes suspiciunt & admirantur. Postulat etiam

Adi. n. 14.



hoc à nobis paternæ dignitatis pia recordatio, & Iuris-  
consultorum qui hoc in libro describuntur, nunquam satis  
laudata memoria. Quæ enim iustiore hostia paternæ lau-  
di, horumque veterum virorum doctrinæ, parentare pos-  
sumus: quam librum eius, qui in Senatu Principatum tot  
annos non indigne sustinuit, tibi Principi Senatus meri-  
tissimo, offerendo: & Iurisperitorum vitas, ab Iure-  
consulto (hoc nobis filiis de patre effari liceat) non con-  
temnendo scriptas, tibi Iurisconsultorum peritissimo,  
consecrando. His tanquam cumulus accessit, humani-  
tatis tuæ singularis testata omnibus professio, quæ nobis  
non parum gratum, iucundumque hoc munus te habitu-  
rum, facile persuasit. Quod si, hoc à te suppliciter postu-  
lantes, litare possumus; satis magnum nostræ in manes pa-  
ternos pietatis fructum, & tuæ erga nos beneuolentiæ  
summum testimonium, percepisse videbimur. Vale.





# IOANNIS BERTRANDI

PRAESIDIS TOLOSANI

VITA.

AVTORE FRANCISCO

Bertrando I. F. Catoursæo.



B Illustri rerum Gallicarum scriptore traditum est Togatos homines Reipub. vel Principibusvtilissimos esse cum boni sunt: atque perniciosissimos cum mali & iniqui. Quod quam verum sit, vltima Galliæ nostrę calamitosa tempora satis testantur. In hac enim communi & nouissima rerum pene euersione, quot Togati Rempub. seditionibus vndique erumpentibus concussam in eos scopulos impulerunt, ad quos naufragium facturam sperabant. Quot denique e contrario, togatam omnem autoritatem & scientiam, ad Reipub. regnique salutē conferentes, in hoc publicum naufragium colligendum & reficiendum, fideliter constanterque incubuerunt. Quamobrem quod de lingua hominum vulgo dicitur, eam optimā & pessimam omnium corporis humani partium esse, id ad Togatos homines, vere & non ineleganter referri potest.



*Ioannis Bertrandi*

Politia enim regia, quæ corpus ciuile est, membra sua partesque sicut humanum habet. Manus, sunt milites: nerui, vestigalia: pedes, plebeia multitudo: Rex, pro capite constituitur: eius Consilium, anima est quæ totum ciuile corpus mouet & regit: linguam autem præcipuam capitis partem animæque interpretem, Togati homines conficiunt. Sic Questor sacri Palatii, qui princeps Togatorum est, lingua & vox à celeberrimis autoribus dicitur. Mala autem & incommoda quæ Reipub. Togati quidam intulerunt, qui ut Tullius linguam appellat, flabella seditionum fuere, ea quidem tanta sunt, ut à me verbis exprimi, & describi nullo modo queant. Illud tamen non minus vere, quam libere dicam, inter omnes Togatos bonos ciues, & Reipub. amantissimos (qui quamplurimi quidem fuere, quosque meliorem humani generis partem cum Symmacho nuncupare possumus) neminem Ioanne Bertrando maiori cum integritate, & constantia Rempub. capessuisse, prudentiaque gubernasse. Cuius vitam, ob eximiam eius virtutem, & in Occitanam prouinciam merita, tamquam integritatis & religionis tabulam proponere decreui, ut aliis admirationi, suis vero exemplo esse possit.

Certum itaque est Bertrandorum gentem ab Illustri Comitum Tolosanorum familia originem duxisse. Ramundus enim Bertrandus decimus Tolosanorum Comes quatuor habuit filios, Bertrandum, Guillelmum, Alphonsum, & Odophredum: quorum tres primi, Comitatum obtinuerunt. Odophredus vero, qui Trinquellalli Vicecomitis Biterrensis & Carcassonenfis filiam uxorem duxit, pro portione sua hereditaria Seruianum agrum in Narbonensi prouincia situm habuit, cognomineque paterno quod retinuerat ad posterum omnes transmissit, filium reliquit Hadrianum Bertrandum, qui Rogerij Bertrandi pater fuit: quorum posterum præcipuis militaribus, & Ecclesiasticis Galliarum honoribus orna-



*Præsidis Tolos. vita.*

ti, agri Seruiani illis gentilitij possessionem dominatumque adepti sunt, ad Atauum vsque Ioannis Bertrandi, à quo abiudicatus est. Abauus qui tunc penè puer litterarum causa Tolosæ alebatur, simul cum re parente amisso, se ad Biturrensis Episcopi auunculi sui fidem, potestatemque totum contulit; cui iuuandæ pueri fortunæ in omni genere officij nec facultas, nec voluntas defuere. Sed eo paulo post obitû patris etiam mortuo, auunculi ope, opibusque paternis ille destitutus, post susceptos ex Agnete Fabritia nobili fœmina liberos, neglectis ambitionis studiis tranquillitatem vitæ sequutus est, & in Dominicano Cœnobio reclusus, pie sancteque ad mortem vsque vixit. Proauus togatis Reip. muneribus functus, non solum antiquitate nominis voluit, sed etiam virtute commendari. Auus in restauranda familiæ dignitate erectior, & Alebreti Principis Cancellarius factus, quatuor liberos superstites habuit: Ioannem Bertrandum S. R. E. Cardinalem, Archiepiscopum Senonensem, Galliarumque Cancellarium. Petrum Episcopum & Comitē Cadurcensem: Nicolaum Senatus Tolosani Præsidem, & Catherinæ Medicæ tunc Delphinæ Cancellarium: aliumque Petrum Abbatem Saramonensem: qui quidē præstanti gloria, rebusque præclare gestis maxime floruerunt. Ex Nicolao autem & Antonia Iordania, natus est Ioannes Bertrandus anno 1527. quinto Id. Maij. Cuius prima ætatis initia cum patris diligentia, tum etiam naturali litterarum desiderio munita, docilitatis suæ non paruum experimentum dedere. Deinde ex puerili institutione educus, sub Antonio Vfilio non indocto homine, maiorem quandam rationem complexus est, confirmationemque doctrinæ. Inde ad Iuris scientiam delapsus, vnum ex omnibus Antecessoribus Arnaldum Ferrerium, magnum ætatis suæ virum, & Iurisconsultum celeberrimum ita coluit, vt cum eo à Valentinis ad



*Ioannis Bertrandi*

ius publice profitendum accersito, Valentiam profectus sit. Ibique Doctoratu accepto Tolosam continuò reuersus, patrem graui morbo, & mortifero affectum inuenit. Post cuius obitum in aulam profectus ad Ioannem Bertrandum patrum suum, sub Lodoico Stroëbeo viro doctissimo, cum Guillermo Bertrando Villamorio fratre patruele aliquādiu vixit. Paulo tamen post, nec dum Senatoriæ ætatis adolescēs, Senator Tolosanus factus est. Cuius immaturæ promotionis hæc narratur fabella. Cum iussu patris sui Dianam Valentiniæ Regulam, quæ apud Henricum secundum prima erat, salutatum iisset gratias acturus, quod ea potissimum intercedente, honorem amplissimum adeptus esset: Dianam ab illo petiisse, an Cardinalis Galliarum Procancellarij ex fratre nepos esset: quo annuente, suasit ei Diana ne Regis vultum subiret. Nec enim (inquit) Rex imberbes adolescentulos, Consiliarios habere se existimat. Tum postea Regij, & sacri Consistorij Consiliarius factus: tandemque sextus Tolosani Senatus Præses à Carolo IX. Galliarum Rege creatus, magna integritatis, & religionis commendatione semper floruit. Quarum virtutum in eo eminentium innumera licet dentur exempla: perpauca tantum proponam, vt ex iis tota vitæ suæ inclinatio, tanquam ex vngue leo, diiudicari possit. Solent in Senatum cooprativnas quasdam panni serici Principi Senatus dare; is quamvis sub eius Principatu triginta in Senatum lecti sint, nihil vnquam à quoquam accepit. Munera vero non solum à litigantibus non sumpsit, sed ne quidem à propinquis, & coniunctioribus. Præter solemnia stipendia, cōgiaria annua dederat ei Rex Henricus tertius ex mulctarum Curiae exactione, ea tamen recusauit, ne videretur mulctam dicere, vt congiaria sibi soluerentur, & quasi ouem deglubere vt pellē lucraretur. Emolumenta autē illa quæ à litigantibus, oblates calculo rationiq; obnoxias, iudicibus dantur,



*Præsidis Tolos. vita.*

quæq; Sabatina Tolosæ nuncupantur reiecit, & tanquem dignitatis Senatus parū digna, condemnauit. Tantaque fide & religione vixit, vt dierū illorū quibus priuatis negotiis occupatus à Curia abstinuerat, stipendia regia sibi solui noluerit, Quæstorique reddiderit. Codicillos Senatoriæ in Curia Tolosana dignitatis à Carolo Lotharingio Guisfanarū partium in Gallia tunc Principe datos remisit; nec rei publicæ à se gestæ remunerationem à quoquam se accepturum, nisi à Rege suo, animose & fortiter rescripsit. Quæ quidem summa innocentie ratio, eo magis in ipso enitebat, quod & liberorum numerus, & rei familiaris angustia, eum ad opes non spernendas inuitare satis videbantur. Religionis autem & pietatis antiquum propemodum exemplar: quippe qui sine ostentatione piissimus, & sine superstitione religiosissimus fuerit. Singulis diebus Dominicis sacra Eucharistiæ communione utebatur: Ieiunia vero ab Ecclesia præcepta ita expresscripto obseruabat, vt ne quide ꝛ prope septuagenarius ea vnquam soluisse intelligatur. Vita ei proba, mores innocentes, animus quietus & placidus: Oratio tamen seuera, sed in qua non infrequenter comitas quædam vrba eluceret: His itaque animi & pietatis dotibus instructus, ad senectutem vsque summam constantissime vixit. Sed hoc magnopere mirum in homine nobili, & ad res magnas nato & alto, quod Magistratus sui partem ad iudicia spectantem, tractandam tantum suscepit: Illam vero ambitiosam Reip. curam quam tot homines & stulte & inœliciter amplectuntur, sibi fugiendam non minus, quam nauigantibus Syrtes aut Scyllas putauerit. Quod autem ei de iudiciario labore temporis dabatur, in studiis literisque conquiescebat. Otium sine literis, mortem & hominis viui sepulturam cum Seneca dicens. Verum in suscepto tranquillitatis consilio solidam vitam agere, fata rerum ei non concesserunt, necessitate temporum



*Ioannis Bertrandi*

inuitum eum ad Reip. curam, sollicitudinemque rapiente. Sicut enim primum mobile, cæteros orbes contrarium motum habentes, rapacitate sua violentiaque secum trahit. Sic vniuersa Gallicarum rerum perturbatio, cuiuscumque ordinis & naturæ homines, repentino suo impetu cursum hūc violentum, nolentes etiam, sequi coegit. Ad instar tamen stellarum orbiumque cœlestium, qui primum mobile sequendo, motum suum propriū non amittunt: Ioannes Bertrandus in hac rapacissima rerum omnium conuersione, tranquillum moderatumque animi sui motum, & circulum semper peregit. Ita enim æquabiliter, temperateque cuncta gubernauit: vt in maximis turbinibus ac fluctibus, ciuitatem suam sola placabilitate, & sedatione conseruari. Verum vt quem cursum ciuitas Tolosana eo gubernatore & Præsidente tenuerit, cunctis ostendere facile possimus, eundem nos rectâ tenebimus. Duobus itaque fratribus Duce & Cardinale Guisii, Blesii, vbi Conuentus Gallici agebantur, interfectis: ad huius necis rumorem tota fere Gallia commota est, & quod medicamentum Reip. salutare credebatur, malorū fuit irritamentum. Plebecula enim vrba suapte natura ad seditionem prona, pene omnis agitata est: maximeque Tolosana, à Concionatoribus quibusdam: qui quum aduersus Regem quædam seditiose perorassent, tum Ioannis Stephani Durantij Senatus Principis, regique nominis acerrimi vindicis dignitas ab eis laceratur. Qua concionum licentia, & maledictorum impunitate, factiosi de defectione cogitantes animos sumpserunt, & Concilium ex cunctis ordinibus, penes quod summa rerum esset, creari postularunt. Quod quidem eis concessum, repugnante Ioanne Bertrando. Præuidebat enim vir ille in rebus iudicandis sagax, eos ex hac administrationis concessione, quid ad Reip. euersionem possent cognituros, ad instar Herculis apud Senecam, qui



*Præsidis Tolos. vita.*

*Posse cælum viribus viribus vinci suis  
Didicit ferendo*

Huius autem Concilij princeps constitutus est Ioannes Bertrandus, vt hominum nouarum rerum cupidorum turbulentas voluntates moderatione sua mitigaret, & autoritate frænaret. Verum eò seditio serpsit, vt iam timidiore defectiōe à Rege non silerent; Et cum Dafisius Aduocatus Regius Causidicum quendam accusasset, quod effigiē Henrici tertij e Capitolio deiiciendam censuisset, tanta in eum commotio facta est, vt magnum sibi creauerit vitæ periculū. Itaque cum ad hoc vsque tēpus Durātius occulte cuniculis oppugnaretur, aperto Marte in posterum expugnari cæpit. Sept. ann. enim Cal. Febr. 1589. hora post meridiē quarta, eū e Senatu exeuntem, rhedamque ingressum quamplurimi armati homines eductis gladiis aggressi, ad extremum deduxissent casum: ni rhedarius equorum velocitate e manibus eorum euadens, dominum ab omni iniuria prohibuisset. Bertrandus autem cum Stephano Bertrando Quintio filio suo, qui hoc in repentino motu, cum militari manu ad patrem accurrerat, e Curia domum suam incolumis se recepit: primusque aggere doliario, in modum eritij militaris, vici sui angulos clausit. Cuius exemplum sequuti reliqui ciues, in singulis vrbis vicis aggeres similes egēre. Sed tandē Durantius in Dominicano Cœnobio, in quod cum militū custodia inclutus erat, decima quinta die post fugam, à plebe armata, siue potius plebis colluie occisus est, cum Dafisio Aduocato Regio, quem in Castro Narbonensi custodiis vinctum, obseruatam Regi fidem clausum habebant: & ita pluribus vulneribus confossus per totam urbem funiculo pedibus alligato, cum Regis Henrici tertij effigie maxima cum ignominia trahitur, & ad scalas D. Georgij, vbi



damnati & facinorosi homines ple&untur, cum omniū bonorum moerore suspenditur. In hac tanta tamen atrocitate temporis, Ioannes Bertrandus quæ fortem ciuem, & Senatorem optimum decebant, gerere non destitit. Nam cum tertia ipse in lecto laboraret, filium suum Stephanum Bertrandum Quintium ciuibus ducem ostentauit, ad hanc indignissimam calamitatem e Clarissimorum virorum ceruicibus depellendam. Sed cunctis perterritis, Quintius publicam causam suscipere non potuit: hanc tamen plebis fecem e Palatio & Dasij nece reuertentem, partim amissis gladiis & telis, partim ereptis, diffugere solus ipse cū paucis amicis coegit. A quibus autem plebs ad hunc furorem impulsæ fuerit, varie narrabatur: vel ab his qui priuatas iniurias publica manu vindicare tutum putabant: vel ab illis qui quum populari tantum freti potentia à Rege defecissent, credebant hoc facinore admissio, plebeculam metu supplicij ad sanitatem facile non reuersuram. Hoc quidem popularis leuitatis testimonium, & ætatis nostræ corruptæ argumentum: inter præcipuas odij & necis causas, eam tunc vulgo ferri, quod rheda in Palatium & Curiâ gestaretur, quasi alienum illud ab antiqua paritate, & togata modestia. Durantij vero fortis constansque animus in amplectenda morte, à multis laudatus est. Sed hoc in eo mirabile, quod hostiū furori, tanquam hostiam publicam sese libenter obtulerit, & pileo quadrato, togæ dignitatisque insigni, capiti imposito, Senatoriaque toga sumpta, eodem vultu quo Senatum ingrediebatur, furiosam turbam ad exitium suum paratam & anhelantem adierit: vt ipse qui togæ honor & decus fuerat, vere togatus mori videretur. Hoc autem omni admiratione dignissimum, quod his Senatoriis insignibus indutus, tanquam alter Arion Cytharædi palla, nō Orthion vt ille Diis maritimis, morti se offerens: sed hoc vere Orthion & rectum

Christi



*Præsidis Tolos. vita.*

carmen Diuis cœlestibus piè cecinerit. *Domine ignosce illis, quia nesciunt quid faciunt.* Durantio itaque mortuo, Ioannes Bertrandus Principatum Senatus obtinuit. Ne tamen publicæ calamitatis molestiam domestica fœlicitate leniret, filium natu maiorem Stephanû Bertrandum Quintium nefarie trucidatum hoc ipso tempore amisit, natum annos tantum xxiiij, relicto puerulo bimensi ex Francisca Vabresia à Castronouo, fœmina nobili, omniq; honesto lepôre confpicua. Cuius mortem quam grauius tulerit, satis intelligēt qui se patres meminerint. Hoc tamen exasperabat dolorem, quod in tam misero regni statu, nullo publico solatio, priuati mœroris luctum leuare posset. Veruntamen statim atq; Ciuitatis Tolosanæ clauum tenuit, nihil antiquius habuit, quam Senatus auctoritatem prostratam & afflictam erigere: Senatoresque profugos, qui ex Ciuitate in hoc communi Optimatum periculo cesserant Senatusconsulto reuocare. Quod quidem fecit repugnantibus quibusdam populi primarijs, nonnullisq; ex Senatu. Cur enim, inquit ille, tot Senatores viri boni, & nulla ignominia notati in eam Ciuitatem non reuertentur, in qua tot perditos & facinorosos, homines non solum habitare, sed etiam auctoritatem habere sinimus. Iam Reip. Tolosanæ tranquilla satis & serena frons apparebat, induciæque pactæ inter Guisianarum & Regiarum partium duces, domi forisque cuncta quietiora fore pollicebantur: cum subito discordia animos hominum ad noua surgentes, veluti pestilenti quodam sydere afflauit. Urbano Sangelasio Conuenarû Episcopo, à Senatu absente Guillermo à Ioyosa Galliæ Mareschallo, Occitaniæ Prorege, vrbis Tolosanæ cura demandata erat. Sed cum populariter nimis se gereret, Patres Ioyosano autore, eiusque sententiæ principe, de abroganda eius potestate consentiunt. Sangelasus qui cuncta quæ aduersus eum parabantur satis superq;



*Ioannis Bertrandi*

nouerat, conturbari Rempub. quam minus ipse valere mal-  
lens, vt inuisum plebi Ioyosanum redderet, contra publici  
solemnisque iurisiurandi religionem, cum cum hæreticis  
hostibusque inducias fecisse criminatur: Et sodalitatem  
nomine Corporis Christi prætexens, post Consilia cum ple-  
beijs nouarum rerum cupidis, interdium noctuque agitata,  
Richardum Ordinis D. Francisci à Paulo sodalem, in fano  
D. Mariæ Dealbatæ cõcionari iubet. Is quum de Reip. statu  
multa differuisset, Sangelasium tanquam Religionis Catho-  
licæ verum propugnatorem, plebi commendat: Mareschal-  
lum Ioyosanum, Patrumque Principes, de vrbe hostibus  
dedenda cogitasse. Quibus sermonibus, iam per se accensæ  
incitantur à Monacho plebis animi. Cui concione finita ad  
arma discurrenti, Sangelasius armatus occurrit: seque pro  
libertate & Religione arma sumpsisse clamitās, ne defensorē  
suum in ipso discrimine periculi ciues destituant precatur.  
Interim Bertrandus à Mareschallo euocatus, ad Archiepis-  
copatus ædes proficiscitur: vbi cuncta turbide & turbulente  
agitabantur. Quidam enim ex Nobilitate, vi armisque rem  
agendam censebant: rudem & inexercitatā turbam ensium  
solo fulgore terreri. Alij tamen lenibus remedijs subue-  
niendum putabant: vim armæque desperatæ Reipub. tantum  
medicamēta: concitatos autem plebis animos, quum tutius,  
tum facilius flecti posse quam frangi. In qua sententiarum  
incipiti contentione, Bertrandus nihil temere tentandum  
suadet: & vocatis Francisco Gargassio primæ sententiæ Se-  
natore, viro constantissimo prudentissimoq; , & quibusdam  
alijs Senatoribus, qui nihil antiquius communi salute iudi-  
cabant, Capitolium petit: ibique O&umuiros ad Senatus,  
& Mareschalli autoritatē armis tuendam excitare tentauit.  
Sed cum illi in varias traherentur sententias, nihilque certi  
decernerent. Bertrandus vno ex Capitolinis cum militum



*Præsidis Tolos. vita.*

cohorte secum assumpto, purpureaque toga induta, totam urbem perlustrās: ciuibus imperat, vt Mareschalli Ioyofani dicto tantum audientes, aliorum recusent iussa: nec à quolibet ambitioso Senatus decreta infirmari impunè patiantur. Sed tanta vis, tabésq; morbi omnes ferè ciues inuaserat, vt apud quos seditio non exarserat, esset dissimulatio; & qui nullarum partium essent, animos ex euentu se sumpturos demonstrarent. Dum hæc Bertrandus ageret, alia ex parte Sangelasius, Richardus monachus, cæteri; aduersæ factionis ciues Ioyosanum ob inducias cum hostibus pactas criminantur, concursant circum tabernas, & multitudinis rerū imperitæ sollicitando, & pollicitando animos lactant. Has autem contentiones cum nox superueniens diremisset, sequens dies renouauit. Postridie enim summoque mane, plebe rursus tympano ad arma vocata, maior in plateam Dealbatæ, multitudinis furentis fit concursus. Quo nouo populi tumultu Mareschallus perterritus, Bertrandum inuocat: plurimiq; ex Senatoribus domum eius veniunt ferè exanimati; admonent in tam aperto rerum discrimine non cunctandum: sed contra periculosissimas factionorum potentias, conditioni Senatus, bonorumque omnium saluti prouidendum. Quamobrem Bertrandus diutius non cunctatus, cum Senatoribus Mareschallum adit: simulque de summa rerum agunt vocatis ad Consiliū Patribus, Octumuiris, & ex Nobilitate proceribus. Quidam qui non tam incolumem ciuitatem quærebant, quam in quorum manu esset, tentandam rem armis censebant: Hoc indecorum Galliæ Mareschallo, si cum urbana multitudine manum conferre non auderet. Paucorum autem animi à certatione abhorrebant. Quorum sententiæ Bertrandus adiecit similia quædam verba. Vt prius noscerent vires quas haberent exiguas, quam Mareschalli vitam, Senatus dignitatem, Occita-



niæ tranquillitatē, bonorum denique fortunas in discrimen adducendo, quicquam periculo vltimo tentandum statuerent: pro dignitate antea pugnari potuisse, nunc pro vita & salute decertandum: satis decora quæ tuta: & gloriosiorem eum exitum rerum fore, qui partibus adhuc integris cum pace fieret. His ita dictis, legatos ad Sangelasium mittendos censeret. Sed Mareschallo cunctante, quum legationis missæ nomen, timoris signum videretur, tulere nonnulli conditiones has pacis, ut qui ex Capitolinis Ioyosanarum partium erant, populo suspecti, clauēs vr̄bis redderent, darentq; eas ciuib; probatis, & à plebe electis. Tum deinde Mareschallus, copias quas circum se habebat dimitteret: Sangelasio se dimissurum suas pollicente. Quibus conditionibus Mareschallo iam commoto, clamatum est à cunctis, hæc fraudulenter dici: si clauēs darentur, eos in manu hostium esse: haberent saltem liberam exitus portam; si victoriæ, fors clauderet. Nec imprudenter dictum, Sangelasio, tota vr̄be occupata, ad Mareschallum obsidendum aduentante. Quo nouo fremitu crebrescentis seditionis, languere statim multorum studia cœperunt, qui primò alacres, fidem atque animum ostentauerant. Mareschallus propter exiguitatem copiarum suarum, nec occupare pericula, nec obsidionem tolerare contra concitatam multitudinem, tutum & honestum putat: in bona enim causa, sed aduersa, bene cedere, quam malè opprimi, vtilius duxit. Cum paucis itaque Mareschallus clam ab vr̄be exijt. Quo subitaneo discessu nonnulli Senatores perculsi, vr̄be cedentes cum eo ad Castrum Balmanum ex Archiepiscopatus dirione peruenerunt. Post eius discessum, rerum omnium potitus Sangelasius, cum vniuerso Clero militum ordinibus stipato, ad Archiepiscopatus ædes proficiscitur: ibiq; diris per omnium Sacerdotum religiones Mareschallus deuouetur. Inde effrænata plebecula, nihil



nisi cædes & rapinas cogitabat, quum Bertrandus qui post discessum Mareschalli, domum suam se receperat, Sangelasio mandauit, vt prædas quibus armata turba potentiorum domus minitabatur, prohiberet; prouideretque ne quid detrimenti Respublica caperet: Senatum se coacturum, rogabat vt adesset, & ne rerum non penitus desperatarum remedia negligeret. Sed cum ille iratæ plebis impetum cohibere se non posse, nec in alios, nec in Bertrandum ipsum, qui imperiū illi abrogare voluisset, acerbè & minaciter respondisset: Bertrandus vt ab vrbe exiret, Mareschalli literis quotidie monebatur. Ille tamen non videbat, quemadmodum id fieri posset, nec deberet. Nec mouebat eum quod Sangelasius ciuitatem occuparet: quum neque Solonem cum Pisistratus, neque Socratem cum triginta tyranni essent, pedem porta extulisse diceret. Conijciebat etiam non ex alitis volatu, nec ex cantu sinistro oscinis, vt in veteri Romanorum augurum disciplina erat: sed vero prudentiæ augurio, dominationem illam vix bimestrem fore. Violenta enim imperia nemo diu continuit. Domi itaq; remansit Bertrandus absq; vlla Reip. gubernatione. Qui tamen in tam graui vulnere, non ob erepta ciuitatis gubernacula, sed Reip. tantum causa dolebat. Iam enim pridem virum illum minime ambitiosum gubernare tædebat, etiam cum licebat: & ad instar fici, dulcedinem suam, id est domesticam tranquillitatem retinere malebat, quam imperium adipisci. Caterùm cum ab Scipione Regulo Ioyosano, qui exercitum ob vindicandam patris iniuriam comparauerat, Tolosa premeretur: à nonnullis ciuib; viriliter ei iicitur Sangelasius, dum vulgus ignauum, & nihil vltra verba ausurum ad sui auxiliū frustra appellat. Sangelasio expulso Ioyosanus in urbem recipitur, Bertrandoque libera Ciuitatis administratione restituta, cuncta ita paccata redduntur, vt qui rerum magis diffiderēt, Tolosam



*Ioannis Bertrandi*

hoc in quieto statu permanfurā augurarentur. Verūm serena hæc rerum tranquillitas, coniurationum procellas in Rep. maximas concitauit. Ex quibus Tornerianam omniū periculossimam paucis describere statui, quoniam in ea compescenda & reprimenda, Bertrandi virtus & prudentia præcipue illuxit. Anno itaq; 1590. coniuratio facta est à ciuib; quibuscūq; religionis & pietatis nomine eam prætexentibus. In Gallia quippe rerum nouatores, vel boni publici, vel religionis nomen induentes, prauum animum simulatione recti semper tegunt. Princeps autem huius coniurationis ignoratur. Simile enim veri non est Tornerium Senatus tantum Aduocatum, nec opibus nec autoritate potentem, tantæ conspirationis ducem fuisse: neque eius auspicijs milites prouinciales, à quibus & ipsi primarij togæ viri temporum licentia despiciebantur, ad arma conuolasse credibile est. Si coniuratio valuisset, eius principem haberemus: sed infalices successus autores non reperiunt. Detecta autem coniuratio fuit à Galilio plebeio homine coniurationis conscio, qui cum à coniuratoribus constitutum audiuisset Senatores delendos VII. Id. Septemb. hora matutina, quæ frequens Senatus in Curia esse consueuerat: de vita Assesatij Senatoris amplissimi & integerrimi metuens, cum quo vetus erat consuetudo, tale periculum ei haud occultum habuit. Quæ cum Bertrando Assesatius de nocte enuntiaisset, Capitolinis ad se vocatis, & Petro Caumello Aduocato Regio, statuit ille per totam urbem vigilias habendas, præsidiaque in curia ponenda esse, vt sequenti die summoq; mane Senatus cogeretur, quo frequente aliquid salutare Reip. tutò decerni posset. Postridie Senatu vocato, quum ad eum ordinem hæc retulisset Bertrandus, decretum est eadem præsidia in vrbe retinenda, Galiliumq; in carcerem conijciendum, vt conspirationis autores, indiciaq; sceleris pateface



*Præsidis Tolosæ vita.*

ret. Qui cum impunitatis spe allectus, Bernesium, aliosq; æculasser: nominaturū eum cæteros cōiurationis socios, boni sperabant: fontes autem timebant. Interim portarum vrbis custodia Senatoribus probis, ciuibusque probatis committitur, vt eis curæ esset, ne alienus homo quisquam intromitteretur. Fama tunc erat quamplurimos milites ad spem prædæ vndique adscitos remissos esse, qui per varias portas vel litium persequendarum, vel aliorum negotiorum nomine, Tolosam ingredi auebant. Coniuratione itaque prodita, dum Bernesio dubitanti, negantique vincula iniiciuntur, tormenta que proponuntur: reliqui coniuratores sibi præcipientes iam animo cadebant, cum Tornerius simili oratione, eos ad agrediendum proiecta erexit. Si diutius, inquit, moramur extrema supplicia nobis certa sunt. Eō itaque fortunæ nostræ redeūt, vt pulchrius in armis mori succurrat, & vt nobis fortiter potius (licet victis) quam victis turpiter, cadendum sit: neque salutis via hoc modo desperata. Eos enim qui de fuga cogitare tantum nos cogitant, coniurationemque similem aquæ in olla ebullienti credunt, quæ cum detegitur feruorem amittit, inopinata aggressione terrebitur. Aspirabit sine dubio consilij nostris fortuna, ni eam ignauia nostra contempserit: aut nisi lictores qui nos vinciant, carnificesque qui nos ad patibulum trahant, expectare malimus. Hac oratione maximè commoti coniuratores, vt hominum fert natura, dubiam spem certo excidio anteposuerunt: & die Dominica v. Id. Septēb. circa horam quartam pomeridianam, Tornerius satellitibus stipatus, Papussium & Resseguerium Senatores integerrimos, ciuesque optimos ex D. Francisci Fano exeuntesprehendit: quos (magna voce exclamās, se libertatis & religionis vindicem) in insulam Tonisiam duxit, quæ seditionū & motuum Tolosanorum, sicut Lemnos insula, fulminum & fulgurum



*Joannis Bertrandi*

officina nuncupari iure poterat. Vnde & Tonisiani nomen tunc in vrbe, seditiosi erat synonimum. Quæ cum Petro Caumello Aduocato regio nuntiata essent, imminenti vrbis Senatorumque periculo permotus, Bertrandum adit, cuncta narrat, orationeque vehementi animū eius naturā remissum, ad ultionem ita incendit: vt cum ipsa toga domestica, quæ erat amictus, è domo exierit, populumq; ad publicam libertatem, & Senatus salutem protegendam concitare tentauerit. Dum autem Ioannes Bertrandus, Petrusque Caumellus plebem stimulant, affines eorum quamplurimi, & Senatus studiosi subsidio veniunt. Quorum aduentu, Palatio ab ipsis occupato, & in turre Tanusia, Castrisq; Narbonensis moletrinis præsidijs collocatis, quæ insulam Tonisiam hac ex parte interclusam tenerent, populum denuò ad arma excitant: Purpuraque induta Magistratus insigni, cum tercentorum hominum manu, insulam Tonisiam versus, salutari expeditoq; consilio profisciscuntur. Quò simul ac aduenerunt, Templum D. Mariæ Dealbatæ, quod est quasi arx, & castellum insulæ, occupant. Si fanum tenuisset Tornerius, magno in periculo Tolosana ciuitas versabatur, plebe coniuratorum studijs fauente, innata inuidia, odioque inopum erga potentes: vel quod è religione ita putaret esse, à factiosis quibusdam corrupta, qui ambitionem suam religionis nomine plebi adorandam præbebāt, non minus impie, quam Arelius pictor meretrices suas Dearum nomine, populo colendas dedisse traditur. Quibus à Bertrando cognitis, ne Cultellarij per fluuium Garumnam Tonisianis suppetias ferrent, Candellium & Flamandum Cultellariorum duces ad se venire iussit: quibus in Templum Dealbatæ conclusis patibulum & crucem denunciatur, si Cultellarij, contra Senatum vim susciperent. His autem remedijs in hoc subitaneo morbo, salutis publicæ subueniendum putauit: ne tamen pe-

riculosas



*Præsidis Tolos. vita.*

riculosas curationes & ancipites adhibere videretur, tentandum prius animum Tornerij, conspiratorumque duxit, an Senatores liberos dimittere, Senatusque dicto audientes esse vellent. Neque enim Magistratus, ciues tabe affectos statim diuidunt & præcidū: sed tantum, vt Plato vult, quum insanabiles, & his inquinati vlceribus sunt, quæ Plinius desperatia vocat, & medici *θριώματα, καὶ χειρόνεια ἔλκη*. Sed quū Tornerius mandata Bertrandi detrectasset, ille non amplius cunctandum ratus, Capitolinis imperat, vt è Capitolio tormenta quædam bellica ad oppugnandam insulam deduci curarent. Qui dum in ea exequenda mandata summam diligentiam conferrent, Aquensis Archiepiscopus qui à Cardinale Caietano Sixti quinti Summi Pontificis legato, ad Senatum missus erat, Dealbatam venit, Basilio ex Franciscanis Capuccenis sodali, nonnullisque Sacerdotibus è Societate Iesu comitatus; qui composita ad id oratione Bertrandum à proposito dimouere conatus est. Sed ipse desperatis morbis extrema remedia adhibenda dixit, & quos legum Magistratusque veneratio continere non valuerat, armorum vi & seueritate comprimendos. Hoc ab ipsis Magistratus nomen & officium postulare, vt qui tutores Reip. essent, deteriore eius conditionem fieri nō paterentur. Rogauit demum eos vt domum se reciperent, ibique pro Ciuitatis salute assidue vota facerent. Dum autem hæc ita colloquerentur, subuenire Odetus à Sancto Ioanne, vnus è Sex-primis Senatus, & Antonius Chalabrius Villæ-longæ Abbas, Mareschalli Ioyosani ex sorore nepos, alijque quamplurimi cum hominum armatorum turba. Cumq; his copijs Senatoriæ partes confirmatæ fuissent, jactis prius quibusdam tormentarijs globis, insulam oppugnare iussit Bertrandus. Qua quidem expugnata parum cruenta victoria, coniuratorum nonnulli viribus confisi, fluuium Garumnam tranantes: reliqui vero



lyntribus & nauiculis salutem sibi pepererūt. Plebeculæ autem Tonisianę supplici ad pedes jacenti venia data, liberatis Resseguerio & Papusio, relictoq; præsidio ad insulæ directionem prohibendam, Bertrandus, Senatoresq; fanum D. Mariæ Dealbatæ petierunt, & supplicationem Deo ob conseruatam Remp. constituerūt. Moris erat secundum Edictorum principalium præscripta, vt qui Codicillis Senatorijs frui vellent, frequente Senatu iurarent, se dignitatem illam venali suffragio non emisse. Cum itaque Gabriel Vesianus vir ornatissimus, candidatus Senatui se offerret, & coetu amplissimo iudicante probatus esset: reliquum erat vt de more iuraret. Quod quidem ille se facturum denegauit, ingenuè professus Codicillos Senatorios se emisse. Cumq; hoc durum nonnullis videretur. Bertrandus palam testatus est tantum abesse, vt Vesianum damnaret: vt potius candorem animi sui summopere laudandum existimaret. Neque enim honestum, perjurio homines in Senatum sibi viam quærere Iustitiæ fundamentū fidem esse. Qua autem fide poterat is videri, qui sciens fallensq; in ipso Iustitiæ templo peieraret. Dolendum quidem venales Regni potestates esse; hocque certissimum ruituræ Galliæ signum. Sed principibus sic placere, quos legibus solutos nemo ignorabat. Pudendum autem Senatui fore, si perjuria non solum toleraret: sed publica etiam autoritate iuberet. Quamobrem iurisiurandi illius formulam, vel potius periurij licentiam tollendam, penitus censebat. Cui sententiæ omnes ad vnum assensi sunt, iusiurandumq; illud abrogatum. Hæc cum domi gererentur, Antonius Scipio Regulus Ioyosanus Guisianarum partium in Occitania princeps, secundis quibusdam prælijs aduersus Henricum Mommorensensem vsus, tantam nomini suo peperit gloriam, vt nonnulla Galliæ Narbonensis Oppida ei vltro sese dederint. Inter quæ Carcasso florentissi-



*Præsidis Tolos. vita.*

num apud Teſtoſages Oppidum. Cuius deditiōis autor fuit Philippus Rufus, qui Magiſtratu in agro Carcaſſonenſi quem Iudicem maiorem Occitani vocant, fungebatur; vir apud ſuos magnæ autoritatis, & ob nomen paternum non mediocris gratiæ. Ad defectionem eum impulit libertas ciuium à Mommorenſe arce munitiſſima oppreſſa, & Franciſci Sabaterij Laborgadæi atrociores in eum minæ, & ſeuerius imperium. Scipio itaque Ioyofanus in Oppidum à Philippo Rufo accerſitus, vt plebis animos ſibi conciliaret, arcem diripit, & Laborgadeum Senatus regij principem, & Giuronium ſiſci patronum captiuos retinet. Ambo Scipioni inuiſi: Laborgadeus quod poſt necem Guiſianorū fratrum in fide Regis permanens, beneficiorum à Ioyofana familia acceptorum immemor, ad Henricum Mommorenſem tranſiſſet, & eius autoritate fretus omnia in Occitania miſcens, Senatum è Senatoribus quibuſdam qui vrbe exceſſerant, & nouis extra ordinem allectis conſtituiſſet. Giuronius quod quum cliens, & quaſi dedititiuſ Ioyofanæ familiæ fuiſſet, ingrata oratione non in cauſam, ſed in perſonam inuectus, frequenti Senatu multa in Ioyofanum acerbe & aſpere dixiſſet. Giuroniuſ itaque ceruice frangi iuſſit. Laborgadeum vero eodem mortis genere affici cupiebat. Quia tamen Sanator magni nominis, & primæ ſententiæ eſſet, in eius caput nihil injurioſum & hoſtile, præter cuſtodiam auſus eſt afferre, priuſquam Ioannis Bertrandi hac de re compertam voluntatem haberet. Maxima itaque qua potuit celeritate, vnum ex ſuis, cum litteris & mandatis ad Bertrandum mittit: rogans, vt quæ ipſe de Laborgadeo ſtatuerat, à Senatu probari curaret. Sed hæc duriora atrocioraq; viſa ſunt Bertrando, quam ciuitas legibus ſtabilita, & confirmata pati poſſet. Quamobrem hanc Ioyofani ſæuitiam damnans, reſcripſit ei ſubito, & cum aliqua obiurgationis ſpecie. Con-



sideraret attentius quæ gereret : neminem in caput Senatoris animaduertere posse præter Senatum : Si aliquid priuato imperio in Laborgadeum statuisset, Senatum mirum in modum ipsi iratum fore : Nec existimaret honestum esse tanta feueritate in regios homines sæuire, & maxime in Senatorem clarissimum, cui quidem vitio hoc verti non poterat, quod ut se à laqueis inimicorum eriperet Tolosa cessisset, & se totum Momorense commendasset; humanitatem Duci non minus expetendā, quam rei militaris scientiam. Quæ quum intellexisset Ioyosanus sententiam mutauit, & Laborgadeo se pecunia redimere permisit. Qua quidem in re non mediocre lenitatis & magnitudinis animi specimen Bertrandus præbuit. Qui licet cum Laborgadeo maximas simultates, atque etiam apertas inimicitias exercuisset: pro illius tamen salute tanto studio erga Ioyosanum, & frequenti Senatu agere non destitit, quanto amicus pro amicissimo agere potuerit. Cæterum quum virtute & prudentia Ioannis Bertrandi res vrbanæ cōmodiorem in statum peruenissent, fors turbulentis animis nouandarum rerum materiam præbuit. Antonio enim Scipione Regulo Ioyosano Occitaniæ Prorege xv. Kal. Nou. ad Villamurium Oppidum quod ipse oppugnabat submerso, & rebus omnibus in exercitu perditis, de Duce nouo partium eligendo varia ciuium sententia fuit, nonnulliq; è Proceribus Prouinciæ iam inter se de Præfectura contendebant. Cum Bertrandus huic ingruenti malo occurrendum ratus, Senatum cogit, & Franciscum Cardinalem Ioyosanū Scipionis fratrem Proregem eligendum esse proponit. Quibusdam hoc durum videbatur & periculosum: Verebatur enim ne Ecclesiastici & non militaris viri, Nobilitas, legionesq; imperium recusarent. Quum tamen Cardinales Strossam & Armeniacum cum militari imperio Occitanæ prouinciæ & ciuitati Tolosanæ præfuisse



*Præsidis Tolos. vita.*

Bertrandus dixisset, & sola nominis Ioyosani autoritate, suo quæque in officio contineri posse: Cardinalis Prorex Occitanix Senatus decreto factus est; mandatumq; illi ut prouideret, ne quid detrimenti Prouincia & ciuitas caperet. Cum tamen paucis ab hinc diebus prouinciam ille deposuisset, Senatus Nobilitate postulante Henricū à Ioyosa Cardinalis fratrem in Cœnobio Capuccenorum Tolos. inter sodales tunc commorantem, Occitanix Proregem fecit. Sed ne hac in re Christiani nominis religio vlla ex parte læderetur, Sacræ Theologiæ & Vniuersitatis Tolosanæ collegium coactum est: quod nihil contra Christianæ religionis leges fieri pronuntiauit, dummodo hæc autore Summo Pontifice agerentur. Bertrandus itaq; Senatus nomine, epistolam elegantem & tersam ad Pontificem Maximum Clementem viij scripsit, ut quæ à Senatu acta gesta que erant ab eius Beatitudine comprobarentur.

---

*Summo Pontifici Clementi viij. Ecclesiæ Catholice  
Patri Sanctiss. Senatus Tolosanus*

S. D.



**E**T si non dubitabamus, Beatissime pater, quin & litteris multorum, & fama denique ipsa de morte Clarissimi Ducis à Ioyosa, huius Occitanæ prouinciæ Præfecti tibi esset allatum: tamen existimauimus à nobis quoq; nuntium esse perferendum, quo significaremus, eam dolore nos quantum maximum capere potuimus affecisse: Intelligerésq; eius viri eximias excellentésq; virtutes, omnes probos, & pios viros semper fecisse



*Joannis Bertrandi*

maximi. Ex eo die quum in tam repētino casu, omnes huius  
urbis Ordines nullū tempus intermitterēt de salute ciuium,  
eorumq; omnium qui in hac Prouincia nobiscum Ecclesiā  
Catholicam fartam rectam esse cupiunt, cogitādi & agendi,  
ne in varijs voluntatibus militem sine imperatore, hostis ad  
suas partes traduceret: aut quorundam circa Oppidano-  
rum animi à nobis deficerent, aut illos vis aliqua externa  
adoriretur. Nullam moram interposuimus, quin Cardinali  
Ioyosano, Tolosano Archiepiscopo munus hoc tribuere-  
mus. Qui quum non multo post illud deposuisset, virum  
aliquem egregiè fortem, & sapientem in demortui locum  
creari placebat, qui huius tam afflictæ, & tantum non pro-  
stratæ prouinciæ rebus succurreret. Vnum esse dicebant ex  
Ioyosana familia Henricum Cardinalis & ipsius Ducis fra-  
trem, nuper in Franciscanum Sodalitium allectum, pium  
quidem illum, & probitate innocentiaq; præstantem: sed  
in quo sit præterea eximia belli scientia, multis antea præ-  
claris ab eo rebus gestis parta, à quo solo opem auxiliumq;  
prouinciales, ciuesq; nostri expectare possent: moræ peri-  
culum, Imperatorum penuriam commemorantes: si cuncta-  
retur, à singulis factiones peruenturas: in pace consuetudini,  
in bello necessitati esse seruiendum. Nobilitas, quæ hic ob  
eas causas frequens conuenerat, eius imperia æquo animo  
passuram pollicebatur, neque vlli alij concedere in animum  
inducebat. Quæ cum ille recusaret, neq; conuenire ista vlllo  
modo suscepto iam à se vitæ proposito ostenderet: adfuere  
pij multi sacrarum litterarum & Theologicæ facultatis pro-  
fessores, qui illum in tanto periculi metu & rerum discri-  
mine, ad defendendam armis aduersus Ecclesiæ Romanæ  
hostes Occitanam prouinciā non solum excitarunt, sed  
etiam impulerunt: apud te se eius rei consilijque autores  
fore. Quibus rebus perspectis & planè cognitis eam Pro-



*Præsidis Tolos. vita*

uinciam ei administrandam armisq; tuendam facto ad hanc rem Senatusconsulto cōmisiimus, existimantes te hoc ratum gratumq; habiturum, & quæ in eo censuimus, decreuimus libenter probaturum. Et si quid ad id facilius exequendum pertinet quod à te proficisci atque impetrari debeat, si nostras ad eius erga te preces adiungeremus facile concessurū. Quod ut facias te etiam atq; etiam rogare volumus. Datum Tolosæ in Parlamento 3. Non. Decemb. anno Dñi 1592.

Henrico Ioyosano Prorege facto, indutiæ cum Henrico Mommorantio regiarum partium principe in Occitania pactæ, Prouinciæ laxamentum aliquod calamitatis dedêre. Sed domi subito exarsit noua dissensionis occasio. Quum enim Regulus Ioyosanus post susceptam prouinciam in Curiam venisset absente Bertrando, à nonnullis è Senatu derisus, ludibriosus etiam verbis laceffitus est. Quorum quidem oratione Ioyosani fratres exulcerati, acceptam iniuriam eorum relegatione vlcisci statuunt. Quod tamen quum sine tumultu, Rei; publicæ perturbatione fieri non posse iudicarent, Cardinalis monachorum concionibus plebem suam facere, Regulus autē cohortes in hybernis collocatas accersere diligenter curarunt: ut populari gratia, suisque copijs confirmati, quamcunq; experiri possent fortunam. Hęc quidem Bertrandū magna affecerunt sollicitudine, quod animo cerneret, si Ioyosani in sententia permanerent, Ciuitatem ad vim atque ad arma descensuram. Cui rei ut præuerteret, eos priuatis admonitionibus ab hoc consilio reuocare tentauit. Initioq; orationis, non solum suum in Ioyosanam familiam summū studium, summamq; voluntatem; sed etiam maxima Senatus in eos beneficia commemorat. Quod Proreges ipsi à Senatu appellati essent: quod rejecta Mommorense familia, Principatus prouinciæ ipsis esset conseruatus. Docebat etiam quæ Senatusconsulta, quoties, quamque honorifica in



*Ioannis Bertrandi*

eos facta essent. Quamobrem precabatur ne Senatus auctoritatem imminuere conarentur, à quo tantam honoris & gloriæ amplificationem accepissent. Si è Senatorio ordine, quidam partibus suspecti essent, non ignorabāt de capite Senatoris Senatum tantum cognoscere posse: accusationem intentarent, Senatum eadem æquitate qua solebat ius cis redditurum: exemplum patris, & Scipionis fratris sequeretur, qui in pari causa, quæ per vim & seditionem fortasse assequi potuissent, per Senatum consequi maluerunt. Si in proposito permanerent, Senatum suo iure vsurum. Orabat denique vt respicerent, quam difficile esset Senatores expellere, quorum salutem neque Senatus negligere, neque ciuitas quod contra publicam libertatem hoc fieret, leui momento æstimare posset. Sed quum Ioyofani à sententia non dimouerentur, Capitolinos Bertrandus ad se vocat, quæ Ioyofani statuerint exponit, & eos ad publicam libertatem, Senatusq; auctoritatem tuendam magnopere cohortatur. Qui quum omnem suam industriam Senatui Reique publicæ polliciti essent, & præsidijs per plateas vrbs dispositis cuncta ad arma decurrerent; Ioyofani fratres incertum rerum euentum timentes, Bertrandum rogant, vt motum omnem in vrbe paccaret: quæcunq; Senatus vellet, se facturos. Posteróque die Cardinalis in Curiam venit, vt Senatum ab alienatū sibi reconciliaret: multaq; in eam rem dixit, quibus familiæ Ioyofanæ erga Senatum voluntatem testaretur maximam. Bertrandus autem de loco suo orationem Principi Senatus dignam, plenamq; grauitatis ex tempore habuit. Cuius inter præcipua capita, præterire nefas hæc duxi. Senatum viuam Regum imaginem: vt illis, sic & ipsi, manus oblongas dari. Cæteras Galliæ potestates, vt caducas quotidie interire: Senatum vero vt æternum corpus, nec cum ipsa regni machina periturum. Malè semper cum illis actum, qui auctoritatem  
eius



*Præsidis Tolos. vita.*

eius labefactare conati essent: patrumq; memoria & Pro-  
reges ipsos ex vinculis causam dixisse, & adhuc carnificinas  
sanguine eorum qui in Senatum quicquam hostile tentarāt,  
rubescens spectari. Cuius orationis magnitudine, maxi-  
mam in Senatu, & non parvam apud reliquos ciues virtutis  
& constantiæ gloriā est consequutus. Cæterum nec oppressa  
Tornerij coniuratione, nec rebus ita constitutis, planè con-  
firmatam Senatus auctoritatem putauit, quandiu Stephani  
Durantij Principis Senatus mortis vindicta silentio & timo-  
re abolita remaneret. Proponendæ itaque Mercurialis mo-  
rem iam à quibusdam annis intermissum, renouauit. Cuius  
caput præcipuum hoc erat, vt de Durantij nece quæstio de-  
cerneretur. Periculosa & intempestiua videbatur huius rei  
agitatio nonnullis, qui minime prauum, sed quidē paruum  
& parum fortem animum ad Remp. conferebant. Alij vero  
quasi prouidi ciues hac vne re quietem publicam pertur-  
bari, & ab eo bellicum cani dicebant. Nunquam tamen vir-  
tus eius contremuit: Sed constanti egregioq; animo, suam  
hac de re explicuit sententiam: in quam S. C. factum est.  
Quod tamen frustra sancitum: Edicto regio, rerum omnium  
Amnestia decreta, & promulgata. Quum autem hæc Tolosæ  
à Bertrando agerentur, Henricus iiii Galliarum & Nauarræ  
Rex, Lutetiā Parisiorū à Comite Brissacio, & Ciuitatis Cu-  
ratoribus recipitur. Quo Tolosæ renuntiato, varijs agitari  
cœpit vrbs motibus, quum quisque ad sua desideria incli-  
naret animum. Qui enim nomen Regium oderāt, subeunda  
antequam ei pareretur, cuncta pericula clamabant: iam His-  
panorum auxilia ditionemq; amplexabantur, & extrema  
quæque cogitatione voluebant. Alij vero qui regiarum par-  
tium fautores erant, hoc nuntio quasi è somno excitati, au-  
dacter proferunt, victori & Regi parendum: vltima ten-  
tanda non esse, nisi ad pacem veniamq; præteritorum obti-



nendam; magnum Ciuitati periculum impendere, nisi ad Regis clementiam confugerent: habere Parisiensium exemplum: famæq; eorum conducere, vt quos ad deficientem sequuti erant, eosdem ad nouam Regi fidem præstandam imitarentur. Clamabant denique non cunctandum: ne vt officio inter vltimos, ita & gratia reponerentur. Periculosa tamen erat tam subitanea illius negotij cōfectio, quum maxima pars populi in contrariâ traheretur partem. Ideoq; Bertrandus qui nihil aliud in animo propositum habebat, quam ciuitatem Tolosanam tot seditionum fluctibus, partiumque ventis agitatum, leni concordia quietisq; aura spirante, ad regis potestatem, tanquam ad tutissimum portum perducere: longiorem ambitum, circuitumq; in huius rei tractatione, quam ardens animus postulare videretur, amplecti coactus est. Primum itaque tentandum duxit Ioyosani Reguli animum, cuius maxima & in prouincia, & in vrbe autoritas erat, & fluctuantes in tam ancipiti rerum voluntatumque conditione cogitationes eius, ad id vnum maximè direxit, vt ipse se à Senatu non seiungeret. Rebus igitur hoc modo paulò confirmatis, conuocauit Senatum, qui frequēs conuenit propter expectationem tanti negotij, vnâq; cum Regulo Ioyosano decretum est, vt legati cum conditionibus ad Regem mitterentur, nomine Senatus, ipsius Reguli Ioyosani, & Ciuitatis Tolosana; in quibus præter cætera, hoc vnum erat caput: Senatum, Ciuitatemq; orare Regem, vt Henrico Ioyosano Præfectura Occitanae prouinciæ confirmaretur. Quum vero Antonius Chalabrius Villælongæ Abbas, Petrus Raoïllius, & Franciscus Sallustius Senatus Aduocati, legati cum mandatis ad Regem profecti essent, diuersis denuò conquassata est vrbs motibus. Nonnullis omnes pacis condiciones respuendas: alijs vero urbem Regi protinus dedendam, nec ea quæ à legatis gesta erant expe-



*Præsidii Tolos. vita.*

Standacensibus. Regulus autem Ioyofanus, qui nullam  
sui rationem hac in deditioe ab eis haberi satis intellige-  
bat, sibi ipsi præcauere cœpit, Ciuitates præsidio sibi con-  
firmare, & voluntates ciuium sollicitare. Bertrandus autem  
qui satis superq; nouerat, quam frangerentur Senatus opes,  
Regisq; negotia, eius disunctione: in hoc vnum maximè  
incumbebat, vt animum eius diuersa cogitantem & molien-  
tem retineret. Iamq; cura sua naufragium euaserat Ciuitas,  
& propemodū in vado salutis res esse videbatur, quum Ber-  
trandus tot vigilijs curisque fatigatus, dyssenteria laborare  
cœpit, & octauo morbi die è vita excessit Cal. Nouemb.  
1594. Cuius morte luctuosa suis, & acerba patriæ, Ciuitas in  
veteres seditionū scopulos recidit: ijque casus eam sequuti  
sunt, vt non immerito boni omnes eius mortem, tanquam  
publicæ quietis interitum lugerēt. Mortuus autem est anno  
ætatis suæ sexagesimo septimo, superstitibus relictis vxore  
charissima Maria à Castronouo Seruiesia, foemina primaria,  
ex nobilioris Albiensis prouinciæ familijs orta, & ex ea sex  
liberis: quorum priuatis lachrymis, publicus dolor dedit se  
comitem.



# INDEX IVRISCONSULTORVM

*quorum vitæ hoc in libro describuntur.*



Aluius Iulianus	p.2	Publius Mutius	p.141
Aemilius Papinianus	p.10	Brutus	p.142
Q. Mutius Scæuola	p.17	Marcus Manilius.	p.146
Sabinus	p.26	P. Rutilius Rufus	p.149
Proculus	p.33	C. Aquilius Gallus	p.154
Alphenus Varus	p.38	Caius Iuuentius	p.157
Antistius Labeo	p.40	Seruius Sulpitius	p.158
Neratius Priscus	p.48	C. Aulus Ofilius	p.165
Iabolenus Priscus	p.52	Aufidius Namusa	p.168
P. Iuuentius Celsus	p.55	C. Ateius Pacuuius	p.169
Sextus Pomponius	p.60	Cinna	p.168
Aburnius Valens.	p.64	Publicius Gellius	p.172
Volusius Mærianus	p.66	L. Tubero	p.173
Iulius Mauritianus	p.68	C. Trebatius Testa	p.173
Terentius Clemens	p.68	Aulus Cascellius	p.177
Africanus	p.69	Caius Flaccus	p.181
Vlpianus Marcellus	p.71	Fulcinus	p.181
Ceruidius Scæuola	p.73	Cartilius	p.181
Florentinus	p.76	Puteolanus	p.185
Titus Caius	p.76	Viuianus	p.185
Venuleius Saturninus	p.81	Quintus Saturninus	p.186
Domitius Vlpianus	p.82	Minitius Natalis	p.188
Tertulianus	p.95	Blesus	p.190
Papirius Iustus	p.98	C. Cassius Longinus	p.190
Iulius Paulus	p.98	Plautius	p.196
Claudius Triphoni	p.110	Valerius Severus	p.198
Callistratus	p.111	Pedius	p.200
Arrius Menander	p.114	Atilicinius	p.202
Aelius Martianus	p.115	Sextus Cæcilius	p.204
Iulius Aquila	p.118	Vrseius Ferox	p.205
Herennius Modestinus	p.120	Papirius Fronto	p.206
Tarantinus Paternus	p.122	Mela	p.208
Aemilius Macer	p.124	Campanus	p.209
Aurelius Arcadius Charisius	p.125	Aristo.	p.209
Licinius Rufinus	p.126	Arrianus	p.213
P. Furius Antinus	p.128	Varius Lucullus	p.215
Maximus	p.128	Vitellius	p.215
Hermogenianus	p.130	Fufidius	p.216
Aelius Gallus	p.131	Atteius Capito.	p.219
Iunius Gracchanus	p.133	Nerua	p.225
Cato	p.134	Sextus Pompeius	p.226
Sextus Aelius	p.139	Tuscanus	p.228

FINIS.





# DE IVRISPERITIS.

## LIBER PRIMVS.

**L**EGIMVS apud Spartianum, Seuerum Imperatorem quamplurimas ædes publicas ruinam minitantes & iniuriâ temporum labentes, tantâ cum vetustatis reuerentiâ instaurâsse, vt nusquam propè suum nomen ascripserit: seruatis tantùm vbique titulis conditorum. Hæc eadem ferè in Iustiniano antiquitatis obseruantia fuit. Cùm enim leges antiquas iam senio prægrauatas, Iurisconsultorùmque opera penè confusa & dissoluta refecit, & renouauit: licèt nomen suum præfulgere voluerit; veterum tamen Iuris autorum in primordijs Digestorum suorum inscribi nomina iussit, vt, inquit, manifestum esset ex quibus legislatoribus, quibûsque libris, & quot millibus hoc iustitiæ templum ædificatum est, factumque vt iusserat. Nam exarata cernuntur in omnibus Pandectarum voluminibus eorum nomina. De quibus eodem quo ille ordine dicere institui, & breuiter: non enim vberatatem orationis ista desiderant, nec eam hîc cogito consecrari.



## SALVIUS IULIANVS.

**A**PVD antiquos autorum nomina qui cuidam scientiæ operam dederant, & de ea scripta posteritati mandauerant, in catalogum redigebantur qui, index vocabatur: sic indicem Iurisconsultorum Iustinianus componi curauit, & Seneca mentionem facit indicis philosophorum, Epist. 39. *Sume in manus (inquit) indicem Philosophorum, hæc ipsa res expergisci te coget, si videris quàm multi tibi laborauerint, concupisces & ipse ex illis vnus esse.* Et in his indicibus, librorum ab autoribus scriptorum numerus continebatur, vt ex indice Iustiniano colligere liquet & ex Ciceronis verbis lib. 2. de Orat. *In Philosophos vestros (inquit) si quando incidi deceptus indicibus librorum quod sunt fere inscripti de rebus notis, &c.* Fiebantq; è membranulis apud eundem Ciceronem. Mirabitur autem fortasse quispiam, quòd Iustinianus in indice Saluium Iulianum primò scripserit, Quintoque Mutio Scæuolæ, aliisq; Iurisconsultis illo antiquioribus præposuerit: cùm magis congruum videretur, vt hæc in re temporis series obseruaretur, quàm si confusè, & sine vllâ antiquitatis ratione describerentur Iurisconsulti. Verùm hoc ideò factum puto, quòd Saluius Iulianus perpetuum composuerit Edictum. Imperator autem Iustinianus ad Edicti perpetui imitationem totum Pandectarum opus confecit. Idcirco æquitati consentaneum ei visum est, vt qui Digestorum quasi prototypus erat, quémque ad imitandum sibi maximè proposuerat, is tanquam primus huius operis autor, primum locum occuparet in indice, in quo nomina Prudentum eorumque libros, ex quibus Digesta composita & concinnata



sunt exarari voluit. Nec enim assentior ijs qui scripsere, Pandectarum opifices, integros non habuisse libros Iurisconsultorum: sed ex fragmentis quibusdam quæ in foro circumferbantur, singulis prænotatis, auctoris nomine libriq; titulo, hoc opus confecisse, & prænotatum libri numerum auctorisq; nomen vt in his portiunculis inuenerant, retinuisse. Simile enim veri non est, hoc tam magnum opus Iustinianum, siue potius Tribonianum ex imperfectis centonibus consuisse. Quin & ipse Iustinianus contrarium testatur in orat. ad Senatum & pop. In præsentia autem (inquit) consummatione maximus legum obtinentium congestus est numerus, ex libris rarioribus & qui vix inueniri poterant, & quorum nec nomina ne eruditissimi quidem in legibus complures homines nouerant. Quorum sanè copiam nobis vberissimam dictus gloriosissimus Tribonianus præbuit multorum librorum, & qui vix numerari possunt suppeditatâ multitudine, quibus omnibus perfectè lectis eongesta sunt hæc volumina, &c. Saluij autem Iuliani nomen apud antiquos maximæ commendationis fuit, illudq; ipsi Imp. amplificis & honorificis verbis prosequuti sunt. Iulianum enim Imp. fratres amicum, & clarissimum appellârunt in l. 67. D. de Iure patrō. & Iustinianus ipse, Sapientissimum, in Nou. 74. de liber. quom. eos oport. vel natur. intel. Tantæ existimationis virum, & disertissimum Iurisperitum, in l. non sinè C. de bonis quæ lib. Iuris sublimissimum testem, in l. pen. C. de condict. indeb. & summum autorem Iuris scientiæ in l. inter antiquam C. de usufr. & habit. & optimum, in orat. ad Senat. Eum etiam νομικῆς φάος j. jurisprudentiæ lumen in veteri quodam Epigrammate Græco nuncupatum legimus.

Τὸν Ἰουλιανὸν νομικῆς φάος ἔπλεον ἰδύσσαι

Ρωμῇ, καὶ Βερὸν παντὰ διδὸς δύναται.

Vbi tamen corruptè καὶ Βερὸν exaratum puto: legendumque



*Πρωτὴν Βήρυτος.* Quamuis enim Beroës ciuitatis mentio fiat apud  
 autores, quòd ibi prædicatum sit à Paulo verbum Dei, vt in  
 Act. Apostol. relatum est; nusquam tamen hâc in vrbe doctri-  
 nam Iuris publicè, vel priuatim traditam legi. Berytos autem  
 vrbs està Pomponio Mela lib. 1. cap. xij. de situ orbis, in orâ  
 primæ partis Syriæ collocata, in quâ celebre fuisse legalis  
 scientiæ ac facultatis gymnasium constat ex Nicephoro Cal-  
 listo lib. 14. cap. 52. Eccles. histor. Theodosij temporibus, at-  
 que etiam Diocletiani & Maximiani ex l. j. C. qui æt. se ex-  
 cus. Et Sosomenus Tripart. histor. lib. j. cap. x. ait Tryphil-  
 lum Ledrensem Episcopum, virum eloquio & sapientiâ, nec  
 non Beryto legibus eruditum. Quamobrem arbitror legum  
 nutricem appellari à Iustiniano in præmio Digest. Et hâc in  
 re similem Romæ quam patriam legum idem vocat in Nou.  
 const. x. Et Sidonius Apollinaris domiciliū legum lib. j. epist.  
 6. Rectè autem in Epigrâmate Græco *Πρωτὴν Βήρυτος* tantum po-  
 nuntur, quia prohibitum erat à Iustiniano in alijs vrbibus  
 doctrinam Iuris publicè tradere. Sed vt ad Iulianum reuerta-  
 mur non immeritò tot elogijs ornatus est, qui maximè nobi-  
 lis gloriâque clarus ob iuris ciuilis cognitionem fuisse dici-  
 tur ab Ælio Spartiano, & Edictum perpetuum sicuti diximus  
 composuit; siue vt vult Iustinianus orat. 2. ad Senatum, Ha-  
 drianus, assumpto ad id optimo Iuliano. Et ad hunc sensum  
 referēda sunt fortasse, quæ scribit Nicephorus lib. iij. Eccles.  
 histor. cap. xxiiij Hadrianum leges ad Draconis & Solonis  
 Atheniensium legislatorum imitationem promulgasse. Leges  
 enim Romanas ex legibus Draconis, & Solonis desumptas  
 esse certissimum est. Hoc autem ei Hadrianus commisit ne-  
 gotium, quasi illa quæ iam antè ab Ofilio eâ de re prodita  
 erant, non sufficerent. Non enim sparsa Prætorum edicta so-  
 lum compilauit, & in ordinem coëgit Saluius Iulianus (ne  
 quis ex verbis Iustiniani in l. pen. C. de condict. indeb. hoc



colligat) vbi cum Prætorij Ediçti perpetui ordinatorem appellat, sed etiam de suo addidit, quæ ibi deesse videbantur; quod ex l. qui duos, de coniung. cum emancip. lib. manifestò apparet. Ideoque Ediçti perpetui conditor appellatur. In Const. 2. §. Sed quia. C. de veteri iure enucl. & ab Vlpiano Ediçti conceptor in l. 1. D. commod. Hæc enim verba (*qui Ediçtum concepit*) de Iuliano explicanda sunt. Quædam etiam rejecit quæ necessaria non videbantur. Gellius enim meminit Prætorij Ediçti, quo Prætor de Vestalis sacerdotis, & Flaminis Dialis iuramēto cauebat. *Flaminem*, inquit, *Dialem, & Sacerdotem Vestalem iurare non cogam*. Cuius tamen Capitis Ediçti, nulla fit mentio à Iuliano in suâ compositione. Quædam porrò immutauit quæ verè concepta non videbantur: sicuti videre est in l. 1. D. commodati. Vbi olim Pacuius Prætor sic conceperat Ediçtum de commodato (*Quod quis vtendum dederit iudicium dabo.*) Iulianus verò sic concepit (*quod quis commodasse dicetur iudicium dabo.*) Et Vlpianus in Tit. de eo quod met. causâ, admonet aliter olim fuisse cōceptum Ediçtum Prætoris, antequàm Iulianus Hadriani præcepto illud ordinasset. Nonnulla denique contra receptam Iurisconsultorum sententiam scripsit, vt testatur Callistratus in l. 1. D. de iure fisci, his verbis, *An bona quæ soluendo non sint, ipso iure ad fiscum pertineant quæsitum est. Labeo scribit etiam ea quæ soluendo non sint, ipso iure ad fiscum pertinere. Sed contra sententiam eius Ediçtum perpetuum scriptum est*. Ceterùm in hâc Ediçti perpetui compilatione, si quid Iulianus dubitatione, vel animaduersione dignum inueniret, alios Iurisconsultos consulere non dubitauit. Quod colligere possumus ex l. 6. D. de legat. præst. contratab. quæ Iuliani est ex lib. xxij. Digestorum. Ex quâ constat Saluium Iurisconsultum Aristonem per Epistolam consuluisse (sic enim legendum esse in Aristone ostendemus) super hâc parte Ediçti. *Quâ emancipatus accepta*



contra tabulas liberorum possessione, liberis & parentibus legata præstare iubetur. Respondetque Aristo, hanc partem Edicti multas habere reprehensiones, ut sæpe se animaduertisse testatur. Tantâ autem ingenij sedulitate, hoc Edicti perpetui opus confectum est, ut in posterum Impp. Romani uti eo, tanquam vero & æquissimo iure voluerint. Idcirco Diocletianus & Maximianus illud, vocant ius perpetuum in l. Præses C. de Appellation. Quod quidem malè interpretatur Accursius, Edictum generale in l. vn. C. quando non pet. port. Generale enim Edictum dicitur de singularibus Magistratum Edictis, quæ generaliter ad certos spectant: sicut Edictum prouinciale Proconsulis de minoribus xxv. annis, Caius generale Edictum appellat in l. 53. D. de acquir. hæred. Fuit autem hoc Edictum perpetuum à Iuliano ordinatum, anno 15. Imperij Hadriani, autore Eusebio in lib. Chron. Præceptorẽ autem se in iure ciuili Iauolenum habuisse testatur ipse in lege 5. D. de manum. vind. A quo non solum ociosa illâ doctrinâ, & in scholarum umbris delitescente institutus, & imbutus est: sed veram & puram quæ in solem, & lucem perducitur philosophiam hausit. Cuius præcepta, ita infixæ in animo semper habuit: ut ad exemplum illius, in Præturâ, & in Consulatu quosdam ex seruis suis vindictâ liberauerit, & alijs quibusdam Prætoribus eum consulentibus, idem suaserit. Meminerat enim Iauolenum præceptorem suum in Aphricâ, & Syriâ cum consilium præberet, seruos suos manumisisse: ut ipse scribit in l. 5. D. de manum. vind. Litterarum etiam, & rerû cognitionem ita ardentè appetijt: ut & honores assequutus, & senex in ore habuerit semper hæc verba, *καὶ τὸν πόδα ἐν τῇ σαρρῇ ἔχων προσμαρτεῖν π βελόμην*, j. *et si pedem in tumulo haberem addiscere aliquid vellem*, autore Pomponio in l. apud Iulianum, D. de fideic. libert. Quam sententiam vel à Solone accepit, quem M. Tullius in libro de Senectute ait, in quibusdam



versibus gloriari, se quotidie aliquid addiscēte fieri senem: vel illud vetus prouerbiū imitatus est, quod vsurpauit Lucianus in sectis, *καὶ τὸν ἑταῖρον πῶτα φάσιν ἐν τῇ σαρρῶ ἔχειν*. Honores autem & Magistratus eos gessit, quos summi Iurisconsulti consequi solebant. Hadrianū enim in consilio cum habuisse cum Iulio Celso, Neratio prisco, aliisque Iurisconsultis, tradit Spartianus in Hadriano: Præturamq; vrbānam exercuisse in Didio Iuliano: & Consulem bis fuisse, idem autor est. Iulianum quidem Antonio Pio imperante, anno ab Vrbe cōdita 901. Coss. fuisse cum Torquato tertium, apud Cassiodorum in Chron. vel cum Torquato secundū, in Fastis Græcis reperimus. Cuspinianus quærendum putat, an ille sit hic Saluius Iulianus Iurisconsultus: Onuphrius in Fastis esse affirmat. Cuius sententiæ libentissimè assentior. Nostrum siquidem Iulianum Diui Pij temporibus vixisse, indicant satis ipsius verba, quæ ex lib. 44. Digestorum desumpta sunt in l. 17 D. de eo quod met. causa. vbi cū de Antonini Pij rescripto ad Claudium Frontinum loquitur, vtitur eo verbo (*Imperator*) quod de Imperatore regnante, & adhuc viuente semper intelligi debere infra ostendemus. Docent etiam verba Vlpiani in l. 1. D. ad Senatusc. Tertull. *Et Iulianus rectè putat circa Tertullianum locum esse succedenti agnato*. Tertullianum enim S. C. sub D. Pio factum est. Quamobrem Saluium cum esse puto, ad quem D. Pius rescripsit in l. 1. C. vt in poss. legat. De secundo autem Iuliani Consulatu, nihil compertum habeo; quandoquidem Iulianum, quem Cassiodorus Consulem factum esse cum Pisone, M. Antonio Vero imperiū obtinente ait, 30. anno post Torquatum Consulem III. alium esse ab eo qui cum Torquato Consul factus est, series temporum nos docet. Eūque potius cum Onuphrio existimarem, quem auunculum Didij Iuliani Imperatoris fuisse, scribit Spartianus. Ceterum Saluius Iulianus Insuber Mediolanensis fuit,

Seueri nomē habuit, filiūq; genuit Saluiū Iulianū, teste Lampridio: cuius apud autores nulla extat mentio. Sed ex eo habuit Nepotem Petronium Didium Seuerum, qui pater fuit Didij Iuliani Imperatoris. Ex quibus constat Iulianū Iuriconsultum, proauū fuisse Iuliani Augusti, qui post Pertinacem imperauit autore Aelio Spartiano in Didij Iuliani vitâ, qui & ipse Iurisperitus fuit, vt Eusebius in Chron. & Eutropius lib. viij. Rerum Roman. scripsere. Quapropter Sextum Aurelium Victorem maximè deprauatum esse constat hoc loco. *At Didius ( an Saluius ? ) Iulianus fretus Prætorianis quos in societatem promissis magnificentioribus perpulerat, ex præfecturâ Vigilum ad insignia dominatus processit. Genus ei pernobile, iurisq; Urbani præstans scientiâ; quippe qui primus Edictum quod variè, in conditèq; à Prætoribus promebatur, in ordinem composuerit.* Non enim existimandum est Sextum Victorem ignorasse non Didium Iulianum Imperatorem: sed Saluium Iulianū eius proauum, Edictum Hadriani temporibus composuisse. Euidens quippe est, librariorum solam ignorantiam hoc tam portentosum mendum in Victore inflixisse; quem candori suo pristino restituemus, si illa verba (*An Saluius*) transposita, loco suo reddamus, post dictionem (*quippe*) quæ etiam corrupta est: & sic emendemus, *Qui pronepos Saluij.* Cùm enim his notis, *pr. np.* verbum (*pronepos*) scribatur, faciliè potuit exemplaribus vetustate exesis, pro his notis librariorum inscitiâ, (*quippe an Saluius*) exarari. quæ quidem verba subsequentes scriptores, cùm ex his nullum aptum sensum elicere possent, putauerunt separanda, & dictionem, *an Saluius*, in initio huius loci reponendam: nec tamen foelicius, quàm alij fecere. Saluius autem Iulianus noster sub D. Pio mortuus est, & miliario quinto viâ Lauicanâ sepultus, in monumento quod sibi & posteris suis construxit, vt colligere licet ex Lampridio, in Didij Iuliani vitâ. Sed antequàm diem vltimum obierit mul-



ros de iure Ciuili scripsit libros quorum plerique in Indice Iustiniano reperiuntur; & in primis.


*Digestorum xcix.*] nuncupatione Iurisconsultis familiari. Sic Marcellus, sic Celsus libros Digestorum composuere, quos imitatus Iustinianus in Pandectarum conscriptione, Digestorum nomine usus est. Quod quidem ita usurpatum, quoniam his in libris, Decisiones & disputationes iuris containerentur, & quasi digestæ essent, Orat. Iustiani ad Senatum & pop. In his autem Digestorum libris Iulianum puto quæ in Edicto perpetuo continebantur (quod quidem breui libello complexus erat, autore eodem Iustiniano) latissime & fuse explicasse. Quædam autem in his libris Scæuolam notasse,prehendimus ex l. si venditione D. de peric. & comm. rei vend. Labeus verò nullam legem ex lib. 4. Digestorum depromptam affert. Verumtamen ea quæ à Pomponio in l. 7. D. de dolo malo ex lib. 4. Iuliani referuntur, ex lib. 4. DD. desumpta esse existimo, & quæ ab Ulpiano in l. 7. D. ex quib. causis maiores. Scripsit etiam Iulianus,

*Ad Vrseium Ferocem, libb. quatuor.*)

*De ambiguitatibus, lib. vnum.*]

*Ad Minitium Natalem, libb. sex.*] Minutium legit Politianus lib. 5. Epistol. & Alciatus in eâ Epistolâ, quam præposuit libris Prætermissorum, qui verba hæc accipit, quasi Minitio Iulianus libros dicauerit. Qui error quod facile appareat ex inscriptione legis. Cum res. D. de act. empt. & ex l. Plautius. D. ad leg. falcid. & l. si proprietarius §. ult. D. de damno inf. aliisque permultis admonitionem non magnoperè desiderat. Ex l. Minitius D. de rei vindicat. apparet, notas quasdam ad nonnulla scripta Minitij Iulianum edidisse, & ex inscriptione l. nec aduersus. D. de pos. Etenim scripsisse de iure Minitium autor est Pomponius, in l. tenetur. §. si tibi. D. de act. empti, quod nos fusius ex alijs Pandectarum locis ostendit.

demus. Labeus denique nactus videtur Codicem, in quo, in l. ex empto. § denique, Vlpianus meminit libri x. Iuliani ad Minitium: cum in alijs legatur, liber quintus. Verumtamen præter eos libros, quorum extant nomina in Indice Iustiniano, scripsit tractatum de Dotali prædio: cuius meminit Iustinianus in l. non sinè, C. de bon. quæ lib. Item ad Edictum. Quod intelligitur ex inscriptione legis i. D. de his qui not. infam.



### ÆMILIUS PAPINIANVS.

**A**EMILIUS Papinianus, Papiniano Hostilio patre, & matre Eugenia Gracili natus est: quod ex hac inscriptione, quæ Romæ extat, deprehenditur. *Æmilio Papiniano Præfeto Pætorio Iurisc. qui vixit annos xxxvj. dies x. menses tres, Papinianus Hostilius, Eugenia Gracili turbato ordine in senio heu parentes fecerunt filio optimo.* Socinus in l. cum auus, D. de condit. & demonstr. scripsit, temporibus Sixti Summi Pontificis vrnâ argenteam Romæ repertam, cum aliâ quâdam de Papiniano inscriptione; quam, quod subrustica ea mihi visa est, hîc transcribendam esse non putaui. Fuit autem Papinianus Cerebidijs Scæuolæ præceptis, & institutis eruditus; tum multo rerum aulicarum usu, morum integritate, Iuris Ciuilis scientiâ, maximam est gloriâ consequutus. Argutum genus scribendi habuit, cum acumine sententiarum, & studio verborum venustatis. Itaque disertissimi nomen meruit, in l. fin. C. de instit. & substit. Neque illum puduit si quâ de re melius cogitasset, mutare sententiam, quod ex l. qui. §. sed cum C. de furt. & seruo corrupto, licet cognoscere. Non enim ita destinatis sententijs consecratus fuit, ut iudicio suo (quanquam erat



acerrimum) magis tribuerit, quàm ratio veritatis ferre posset. Quamobrem à Sabino facilè se vinci passus est, in contrariam sententiam eum vocante, in l. si vendito. D. de seru. export. Quod si in Papiniano viro excellentibus animi dotibus prædito, ingenio acutissimo, & disciplinâ iuris eruditissimo ferendum est quòd quandoque sibi minimè constas, conueniènsq; fuerit; ne id quidem vitio verti nostris temporibus debet, in tam multiplici sinuosaq; huius scientiæ tractatione, cum & Imperatores ipsos, qui ius constituunt, suas leges emendare non pigeat, vt scribit Iustinianus Const. cxxij. & Cõstit. xxij Papinianum Diocletianus in l. vtero, C. de præd minor. prudentissimum virum appellat: Iustinianus in l. cum acutissimi C. de fideicom. acutissimum, & merito ante alios excellentem: in §. sed quia, de fideic. hæred. restit hominem excelsi ingenij: in Nou. 4. vt credit. agred. princ. deb. & in l. generaliter §. cum autem, C. de instit. & substit. Magnum Papinianum: in Nou. cvij. de restit. & eâ quæ parit in xj. mense prudentissimū Nec immeritò tot elogijs ab Impp. ornatur: Iustinianus enim narrat ante sua tempora, qui ius ciuile docebant pro more institutòque maiorum, & propter nimiam Papiniani subtilitatē, non nisi tertio anno auditoribus suis eius scripta explicasse: nec illa quidem omnia, sed octo tantum libros, ex decemnouem eius Responforum. Ideòq; tertij anni auditores Papinianistæ vocabantur: ac quò magis tanti viri nomen commendaretur, primi dies quibus illi eius scriptorū adyta penetrabant, festi atque solemnes celebrabantur. Quas institutas ceremonias Iustinianus, in præfatione suâ in Pandectas, continuâdas persequendâsq; in posterum voluit: cauitq; mutato eorum librorum ordine, quæ ab Antecessoribus iuris studiosis dabantur addiscenda. *Et maneat (inquit) Viri sublimissimi Præfectorij Papiniani per hoc in aternū memoria, hocq; termino, tertij anni doctrina concludatur.* Imperatores verò Theodosius &

Valentinianus in l. 1. de Respons. prud. C. Theod. cùm animaduernerent Iuris Ciuilis populi Romani multiplicem cognitionem, diuersâsq; & in omnes partes diffusas disputationes, quædam aliorum Iurisconsultorum scripta probârunt, quædam improbârunt; Papiniani quicquid erat retinuerūt, & de discrepantibus eorum sententijs in hæc verba sanxerūt. *Vbi diuersæ sententiæ proferuntur potius numerus vincat autorum; vel si numerus æqualis sit, eius partis præcedat autoritas, in quâ excellentis ingenij Vir Papinianus emineat, qui vt singulos vincit, ita cedit duobus.* Ad eam tamen Constitutionem obiter adnotabimus, quod de Notis Pauli atque Vlpiani sequitur, transpositum malè à librario quodam. Debent enim, meo iudicio, quod & sensus orationis desiderat, post illa verba (*ita cedit duobus*) illa subsequi, *vbi autem pares sententiæ recitantur, quarum par censetur autoritas, quod sequi debeat eligat moderatio iudicantis.* Tum postea, *Notas Pauli, atque Vlpiani in Papiniani corpus factas, sicut dudum statutum est, præcipimus infirmari. Pauli quoque sententias semper Valere præcipimus.* Ordine enim orationis inuerso, non solùm ordo rerum: sed etiam ratio ipsa omnis plerumq; inuertitur. Ex his constat, primas semper apud doctos in iure Papinianum tenuisse. Vnde non miror D. Hieronymum sagacis ingenij, variæq; doctrinæ virum, eum tanti fecisse, vt sub eius nomine vniuersum ius Romanum comprehenderit, diuóque ipsum Paulo Apostolo conferre non dubitauerit, in Epitaphio Fabiolæ Eliæ. Multos autem Papinianū discipulos habuisse, scribit Lampridius in Heliogabalo, Fabium videlicet Sabinum Sabini insignis viri filium, Domitium Vlpianum, Ælium Gordianum Gordiani Imperatoris patrem, Iulium Paulum, Claudium Venatum, Pomponium, Alphenum, Africanum, Florentinum, Martianum, Celsum, Proculum, Modestinum. Ex quibus in præfecturâ Prætorianâ duos habuit assessores, Paulum, & Vlpianum: vnum ad memoriam, alterum ad libellos. Paulus enim



in l. lecta, D. de reb. cred. se Papiniano præfecto Prætorio  
 affedisse scribit. Libellis etiam Papinianus præfuit, eiúsque  
 libellos agentis meminit Tryphoninus in l. Rescriptum D.  
 de distract. pign. Aduocatus etiam fisci fuit post Seuerum cui  
 successit, vt autor est Ælius Spartianus in Antonino Caracallâ.  
 Præfecturam autem Prætorianam Bassiani temporibus gessit,  
 cuius iussu nefariè trucidatus est, qui ne voce quidem nutûve  
 lædi debuerat. De cuius morte scripsit Spartianus in Bassiano.  
 quæ quidem vt apertè, eiúsque causa innotescat, ipsissima  
 eius verba referam. Scio ( inquit ) *de Papiniani nece multos ita in*  
*litteras retulisse vt cædis non adsciuerint causam, alijs alia referentibus.*  
*Sed ego malui varietatem* (sic enim legendum, non, vt vulgò, ve-  
 ritatem) *opinionum edere, quàm de tanti Viri nece reticere. Papinianum*  
*amicissimum fuisse Imperatori Seuero, & vt aliqui loquuntur affinem,*  
*etiam per secundâ uxorem memoriæ traditur : ad hoc præcipuè Vtrumq;*  
*filium à Seuero commendatum, eumq; cum Seuero professum sub Scauolâ,*  
*& Seuero in aduocatione fisci successisse, atq; ob hoc concordiam fratrum*  
*fouisse, egisse quinetiam ne occideretur, cum iam de insidijs eius Bassianus*  
*quereretur, atq; ideò vnâ cum his qui fautores fuerant Getæ militibus*  
*non solùm permittente, verùm etiam suadente Antonino occisum. Multi*  
*dicunt Bassianum occiso fratre illi mandâsse, vt & in Senatu pro se &*  
*apud Populum facinus dilueret, illum autem respondisse. Non tam facile*  
*parricidium excusari posse, quàm fieri. Est etiam hæc fabella quòd dictare*  
*noluerit orationem, & constat eum quasi fautorem Getæ occisum esse.*  
 Ex quibus discere possumus, quâ integritate mentis, animiq;  
 puritate vixerit Papinianus, qui rem iniquam imperanti  
 principi parère noluerit. Et è contra, quàm damnandus Neo-  
 tericus ille Iurifconsultus, qui in libris suis de Republicâ  
 Papinianum nostrum reprehendit, quòd hâc in re Imperato-  
 ris dicto audiens non fuerit. Meliúsque Pompeius Trogus  
 apud Iustinum lib. xvj. Histor. à quo Papinianum tam pium  
 responsum desumpsisse auguror, de parricidio ab Antipatro

in Theſſalonicem matrē perpetrato, ſcripſit hæc aurea verba.  
 ‘ In parricidio, nulla ſatis iuſta cauſa ad ſcleris patrociniã prætexi poteſt.  
 ‘ Fertur autem Papinianus cū raptus à militibus ad palatium traheretur occidendus, prædiuinãſſe dicendo. Stultiſſimum fore qui in ſuum ſurrogaretur locum, niſi appetitã crudeliter præfecturam vindicaret. Securi autem percuffus eſt à milite, cui Baſſianus dixit, Gladio te exſequi oportuit meum iuſſum, autore Spartiano. Tractum eius cadauer per plateam fuit, ſinè aliquã humanitate. Filium Papinianum habuit, qui quæſtoriã dignitatem conſequutus eſt, quẽmq; idem Baſſianus interfecit eodem Spartiano autore. Ceterũ libri quos Papinianus compoſuit, in Indice recensentur.

*Quæſtionum libri xxxvij* ] In Codice Florentino Quæſtionon *βιβλία* *ῥιάνων* *ἑπτὰ*. Iuſtinian⁹ in dicta Nou. cvij. in §. nouimus, citat ex xix. libro Quæſtionum, ſapientiſſimum ( ſic enim loquitur ) Papiniani dictum. Gratus autem hic fuit Quæſtionũ tractandarum modus alijs quoque Iuriſconſultis, nempe Q. Mituo Scæuolæ, Calliſtrato, Paulo, Mætiano, Tertulliano. Quæſtionis vocabulũ Iractatũſq; videtur confundere Aphricanus in l. qui quadringenta. D. ad leg. Falcid. Ex Paulo verò libro 1. Quæſt. colligi videtur in omni Quæſtione Tractatũ præmitti, in l. Neſennius. D. de negot. geſt. Seneca lib. Controuerſ. tractationem appellat, & à Quæſtione differre tradit. Sed Accuſſius in dicta l. qui quadringẽta, ex Iſidoro differentiam eſſe cõmonſtrat, qui definit Tractatũ vnus rei multiplicem expoſitionem. qui locus refertur etiam ab eodem Accuſſio in l. fin. D. ſi pars hered. pet. Hanc tamen veriorẽ differentiam exiſtimo, ſcilicet Quæſtionem eſſe appetitionem cognitionis, ex Cicerone lib. 4. Academ. Tractatum verò explicationem, ſiue agitationẽ, vt loquitur Paulus lib. 1. §. veteres D. de acquir. vel amitt. poſſ. eius rei quæ tractatur. Quod ſatis probatur ex Vlpiano lib. 31. ad Ediictum in l. 59. D. pro



focio, & ex Afric. lib. 4. Quæst. in l. 19. §. in proposito D. ad Senatusc. Velleian. l. qui bonâ fide §. si quis, D. de acquir. rerum dom. Hôcque ipsa verborum Græcorum vis indicat. Tractatus enim apud Græcos dicitur *διάληψις*, quod verbum à *διαλαμβάνω* descendit, quod explico significat. Sic enim apud Theophrastū *ἐπὶ τὸ παρὰ διαλαβεῖν*, ab interprete dicitur, in *universum explicare*; atque ita *διάληψις*, rectè vertitur, *explicatio eius rei quæ ita tractatur*. Quæstio autē à Græcis appellatur *πρόβλημα*, quod à verbo *προβάλλω* descendit, quod dubito significat. Sic enim Tufanus hæc verba Nazanzeni *προβεβλημένα διανοήματα*, dubias cogitationes interpretatur. Vnde & *πρόβλημα* quod quæstio appellatur, dicitur dubitatio apud Ciceronem, vel dubia propositio lib. 7. Epist. ad Attic. *Et simul tu hoc διευκρινήσεις πρόβλημα* sanè *πολίτικον*. Quod contra Manutiū particulæ, Aut, vel, quæ sequuntur, apertè demonstrant: quæ tantum ad dubium significandum apponuntur. Neque enim ut plurimum certa & vera sunt, quæ in his libris Quæstionum referuntur: sed potius verisimilia. Hôcque satis argumento esse potest, quod hoc verbo, *Constat*, his in libris Iurisconsulti non utantur. Quod quidem ius certum Iurisconsultorum demonstrat, autore Cicerone in Orat. pro Flacco. *Retulit, inquit, ad Iurisconsultos, constabat inter omnes*. Sed his verbis dubium designantibus, *potest dici*, ut Papinianus lib. 27. Quæst. in l. si stipulatus D. de usur. & illis *facilius putabo*, ut Paulus in l. 34. D. de negot. gest. Denique dicendum est, in Quæstione Tractatum sæpè inspici, teste Paulo in l. 5. D. de præsc. verb. & ipso Papiniano l. 6. §. si ædes D. si seru. vend.

*Responsorum libri xix.*] in Florentinâ editione Responson *βιβλία δεκάεντα*. Responsonum corruptè legitur apud Politianum. Verum autem hunc numerum librorum esse apparet, ex §. Tertio verò anno, præfationis Iustiniani in Pandectas. Qui tanto in honore fuere, ut ante Iustiniani institutum Iuris

Ciuiilis constituendi, proponerentur in scholis legendi. Citatur ex his, locus quidam à Diocletiano in dictâ l. vtero : Alius in l. cùm acutissimi. Is siquidem locus est qui extat in l. cùm auus. D. de condit. & demonstrat. & in l. generaliter. §. cùm autem. de instit. & substit. Alius ab eodem Iustiniano in l. si testamentum. C. eod. tit. ipsius Papiniani verbis (nisi me iudicium fallat meum) expressus. Sunt enim grauiâ, sonantia, & non vulgata. Est præterea ex ijsdem libris præclara sententia in l. si quando. §. illud. de inoff. testam. *Meritis magis filios ad paterna obsequia prouocandos, quàm pactionibus astringendos.* Quæ quidem Papinianum maximè redolet. Fuit enim pietatis patrum erga filios, & filiorum erga parentes pius æstimator. Sic in l. cùm auus, pro liberis coniecturâ pietatis respondit : & pro parentibus in l. 15. D. de inoff. testam. Meminit Iustinianus libri quinti Responsorum in §. Item qui. de excusat. tut. in Instit. Liber xvj. totus de Reis capitalium criminum erat. Hunc autem Responsorū morem à Papiniano, aliisque Iuriconsultis obseruatum, cùm quid cuique viro responderint, condemnat Crassus lib. 2. de Orat. apud Ciceronem. *Credo, inquit, ut putaremus in hominibus, non in re, consultationis, aut dubitationis causam aliquam fuisse.* Ceterum ex præfatione Iustiniani in Pandectas colligi potest, hæc Papiniani Responso Paulianis multò difficiliora fuisse. quòd illa discipuli per semetipsos recitabant : hæc autem professores discipulis explicabāt. Sequuntur postea in Indice,

*Definitionum libri duo.* ] qui Regulas iuris continebant.

*De adulterijs libb. duob* ] Libri tantum singularis mētio fit in Indice vulgato, cùm tamen primi, & secundi in plerisque legum inscriptionibus extant vestigia. Ad primum pertinet l. 28. etiâ, de fundo dot. Ad secundum l. si penituit D. de diuort. Ad eum verò librum notas scripsit Mærianus, si Martiano credimus, in l. qui pupillam. D. ad leg. Iul. de adulter.



Ἀσυνόμιμος βιβλίον ἐστὶ] Ἀσυνόμια Aedilitas ἀσυνόμιμα νόμιμα Aedilitiae leges apud Aristotelem in politicis libris; & verè ἀσυνόμιμα; propriè enim hæ leges ad curam Urbis, viarumque eius pertinebant. Vnde Vlpianus in Comment. in orat. Demosthenis contra Dimocratem eos patres appellat. Hi quæ ἀσύννομοι Magistratus, functionis rationes reddebant autore Demosthene in dicta Orat. Quamobrè Plato lib. 6. de legib. de his Aedilibus loquens, hanc legem ponit διασθὴν δὲ καὶ ἀρχοντὰ ἀντιπύθυον, ἐδ' ἐνα διαζεῖν καὶ ἀρχειν δ' εἰ πλὴν τῶν τὸ τέλος ἐπιπιδέντων διον βασιλέων. Cuiacius autem lib. xxi. Obseruat. cap. xxxi. rectè notat differentiam inter ἀσυνόμους, & ἀγορανόμους. quæ desumpta est ex Platone dicto lib. 6. de legib. vt hi rerum venalium curam; illi viarum & ædificiorum haberent. In Glossario autem Aedilis ἀγορανόμος est. Quid verò in hoc singulari libro contineretur, cognosci potest, ex l. i. de viâ publ. diuersum scilicet ab Aedilitio Edicto, quod interpretatum à Paulo, & Vlpiano inter Pandectarum titulos numeratur.



## Q. MUTIVS SCÆVOLA.



. Mutius Scævola ex Mutiâ familiâ fuit, Scævolaq; cognomen hereditariū ab Q. Mutio Scævola, qui Porcennam interficere tentaerat, acceptum retinuit. Patrem P. Mutium Scævola habuit, vt colligitur ex fragmento Capitolino *Crassus .... Q. Mutius P. F.* & ex Pomponio in l. 2. D. de orig. iur. qui Consul fuit cum L. Calpurnio, anno ab Urbe conditâ 620. quo anno Tiberius Gracchus seditione ortâ occisus est. Auum autem habuit P. Scævola qui Consul fuit anno 578. cum M. Lepido, vt Annales Cassiodori testantur; quem de Liguribus trium-

phâsse apparet ex fragmēto quōdam Capitolino, quod Sigonius in Commentarijs Faſtorum explicat. Quintus verò Mutius noſter, fuit homo omnium diſciplinâ iuris eruditiffimus, ingenio prudentiâq; acutiſſimus, & oratione maximè limatus; ita vt à Crâſſo Iuriſperitorum eloquentiſſimus, & eloquentium Iuriſperitiſſimus appellaretur lib. i. de Orat. Quod tamen Elogium Cicero, tanquam Crâſſo & Scæuolæ debitum, eis æqualiter tribuit in Bruto. Crâſſum enim eloquentium Iuriſperitiſſimum: Scæuolam Iuriſperitorum eloquentiſſimum appellat. Quem ſeueriorem Crâſſo in dicendo fuiſſe teſtatur. Hanc autem eloquentiæ facultatem, Q. Mutius domesticâ conſuetudine acquiſijt, eodem Tullio autore: Iuris verò Ciuilis ſcientiam tanquam gentilem hereditatem à maioribus accepit. Multos ſiquidem Mutios iuriſperitiſſimos fuiſſe legimus. Ideoque Symmachus lib. i. i. Epift. Epift. 23. *‘Mauritiano ſcribit. Tenet te eruditio Scæularū, dum forenſes rabulas peruigil doctor inſtiuis.* Et Antonius apud Ciceronē 2. de Orat. *‘Iſtam oſcitantem & dormitantem Scæularum, &c.* Id eſt Iuris Ciuilis ſcientiam. Et lib. i. Patrimonium Scæularum. Ludum ſcruporum Q. Mutius Scæuola amâſſe videtur ex Quintiliano lib. ii. cap. 2. quo ex ludo memoria eius maximè commendatur, cū enim calculum prior promouiſſet, eſſetq; victus; dum rus tendit, repetito totius certaminis ordine, quo dato errâſſet recordatus, redijt ad eum quī cum luſerat, iſque ita factum eſſe conſeſſus eſt. Optimè etiam pilâ luſiſſe traditur, & ad hoc diuerticulum animum forenſibus miniſterijs fatigatum, transferre ſolebat autore Valerio lib. viii. cap. 8. Tantâ autem nominis famâ floruit, vt omnes in Repub. maximos honores conſequutus ſit: Tribunus enim plebis fuit anno poſt Tribunatū Crâſſi. De cuius tamen Tribunatu nihil memoratu dignum inuenitur, niſi Crâſſum eo in Roſtris ſedente Seruiliam legem ſuaſiſſe. Omnibus verò alijs in Ma-



gistratibus collega fuit L. Crassi. Vnde collega, & æqualis à Crasso appellatur lib. 1. de Orat. Præterquàm in Censurâ. Neminem enim vnquam Scæularum, Magistratum eum petijſſe ſcribit Cicero in Bruto. Conſules itaque ſimul fuere, anno ab Vrbe conditâ 658. & ab his lata eſt lex Mutia Licinia de regundis ciuibus, vt in ſuâ quiſque ius ciuitatis redigeretur. Multi enim Italiæ populi cupiditate Ciuitatis Romanæ tenebantur, & Romano iure vti volebât. Quæ quidem lex, quamuis eorum Conſulatu, pacem domi foriſque fuiſſe Iulius Obſequens teſtetur in libello de prodigijs, grauiffimum bellum, quod poſt triennium exortum eſt, procreauit, autore Cicerone de Offic. & Aſconio Pædiano in Orat. de Maieſtate. Eorum etiam Conſulatu multa prodigia accidiffe, agnum videlicet bicipitem, puerum tribus manibus totidemque pedibus natum, aliâque multa Iulius Obſequens ſcriptis reliquit. Poſt Conſulatum autem Aſia prouincia ei obuenit; cuius adminiſtratio ita laudata, vt Senatus ijs qui ad eam regendam mitterentur, exemplum Scæuolæ decreto ſuo proponeret apud Valerium Maximum lib. 8, Pontificatum denique Maximum adeptus eſt, à quo ſacerdotio denominatur. Quapropter quàm à vero aberrant, qui putant eundem eſſe hunc Scæuolam P. M. cum Augure, dignoſcitur ex Tullij verbis in Dialogo de Amicitia: vbi ait ſe à L. Mutio Scæuolâ Augure, à cuius ſenis latere non diſcedebat, ad Q. Mutium Scæuolam Pontificem Maximum contuliſſe. Et de Augure intelligenda ſunt, quæ de L. Scæuola tradit Valerius lib. viii. cap. xiiii. Ea enim Auguri tribuit Cicero pro Cornelio Balbo. Idcirco à Valerio clariffimus legum vates appellatur, alludens ad nomen Auguris, qui & Vatem ſignificat, ijsque nominibus promiſcuè vtitur Cicero de Naturâ Deorum. Ceterum inter oratores ſui temporis præcipui nominis fuit: & inter varias & multiplices cauſas quas egit, celebris

est C. Coponij aduersus L. Crassum, quæ magno concursu, magnâque omnium expectatione agitata est. Cuius quæstio apud Ciceronem lib. 1. de Orat. hæc describitur. Paterfamilias qui grauidam vxorem putabat, posthumum instituit heredem: & si posthumus mortuus fuerit antequam in suam tutelam veniret, M. Curium heredem esse voluit. Ex hac conditione lis orta est, posthumus siquidem nullus fuit; atq; ita Crassus qui Curium defendebat, Curium substitutionis iure heredem esse dicebat. Hæc enim mente eum fuisse qui testamentum fecisset sustinebat, vt si filius non esset qui in tutelam veniret, M. Curius heres esset. Q. verò Scauola qui pro Coponio defuncti agnato agebat, ex scripto testamentorum iura defendebat, negabátq; nisi posthumus & natus, & antequam in suam tutelam venisset mortuus esset, heredem eum esse posse, qui esset secundum posthumum, & natum, & mortuum heres institutus, atque ita ad Coponium iure agnationis hereditatem pertinere; cum is posthumus nec natus, nec mortuus sit. Quæ res nos docet, Scauolam ius testamentorum calluisse, & illorum quæ in l. LXXIII. D. de Reg. iur. traduntur ex libro singulari *de test.* autorem fuisse. Strenuam itaq; & foro & Reipublicæ nauans operam, & inter Ciuitatis Principes constitutus, ad senectutem vsque vixit. In quâ tamen infirmissimâ valetudine fuit, autore Cicerone 4 ad Attic. siue vt idem loquitur pro C. Rabirio præpeditus morbo, mancus, & membris omnibus captus. Nunquam tamen Rempublicam deseruit, sed cum Syllanis & Marianis partibus tota ciuitas diuideretur, Syllam acriter ac forti animo sequutus est, ac tandem à Mario interfectus, cum ad proscriptionem fugiendam, aram Vestæ amplexaretur. Cuius mortem his elegantissimis verbis prosequutus est D. Augustinus lib. 111. de Ciuit. Dei, cap. 28. *Mutius Scauola Pontifex Max. quoniam nihil apud Romanos templo Vestæ sanctius habetur, aram ipsam amplexus occisus est,*



ignemq; illum qui perpetuâ curâ virginum semper ardebat, suo penè sanguine extinxit. Et cap. 29. *Marianis autem partibus quid sanctum cui parcerent fuit, quando Mutio, Cui, Senatori, Pontifici aram ipsam ubi erant, ut aiunt, fata Romana miseris ambiens amplexibus, non pepercerunt?* Miror D. Augustinum inter tot Elogia, Iurisconsulti epitheton omisisse: cum hâc in arte princeps fuerit, primûsq; ius ciuile constituerit autore Pomponio in l. 2. D. de orig. iur. generatim illud in libros decem & octo redigendo. Cautionem etiam inuenit quæ eius nomine Mutiana in Iure appellatur, primûsq; cautionum formam introduxit. Vnde hæc cautio Remedium appellatur in l. Mutianæ. D. de condit. & demonstr. & in l. 79 ad cuius exemplû aliæ etiam cautiones quæ postea introductæ sunt Remedia vocantur: ut cautio illa vsusfructus à Senatu inuenta, Remedium dicitur in l. 2. D. de vsufr. earum rerum, ab Caio. Vnde illa verba l. si vsusfructus D. de iure dot. (*Quidam ergo remedij loco*) cautionis loco explicanda puto. Ratiôq; nostra confirmabitur, si eam legem ex Pomponio lib. 8. ad Q. Mutium desumptam dixerimus. Cuius cautionis vtilitas consistit in conditionibus quæ in non faciendo sunt conceptæ, in d. l. Mutianæ D. de cond. & demonstr. Et quæ morte legatariorum finiuntur l. 73. D. de od. Balduinus existimat Q. Mutium aliam cautionem legi Miscellæ adjecisse. Hocque conijcit ex verbis Nou. 22. cap. 43. secundum Haloandri versionem & lectionem; qui *νεγροπο-  
δemonas* legit, & interpretatur (*apposuit.*) Quod si verum esset, sequeretur legem Miscellam antiquiorem Scæuolâ fuisse: vel latam Scæuolæ temporibus, quod tamen Cujacio displicet, qui leges Iuliam & Papiam, legem Miscellam arbitratur. Hoc ex lege 62. auguratur, quæ ex Clementis libris ad leges Iuliam & Papiam desumpta est; de lege tamen Miscellâ videtur loqui. Cum verò leges Iuliam & Papiam, nouas leges vocari ab Vlpiano in l. vlt. D. de Reg. Caton. tradit libro 14.

Obferuat. cap. 4. destruit omninò sententiam fuam. Lex enim Miscella à Iuftiniano lex vetufta, lex antiqua παλαιὸς νόμος nuncupatur, d. Nou. 22. Ideóq; & perperam Senatusconfultum illud quod circa legem Iuliam Miscellam factum effe traditur in l. 3. C. de indictâ viduit. malè trahit ad Senatusconfulta Caluifianum & Pernicianum. Primum enim de Senatusconfulto loquitur, l. 3. non de Senatusconsultis: Deinde Vlpianus qui Tit. xvi. horum Senatusconfultorum mentionem facit, ea circa legem Miscellâ facta effe non fcribit, nec circa leges Iuliam Papiámque Popæam. Dicemus itaque contra Balduinum, nullam Q. Mutium legi Miscellæ cautionem adieciffe. Sed illam Mutianam cautionem de quâ loquuti fumus, à iuris autoribus ad conditiones etiã legis Iuliæ Miscellæ productam fuiſſe. Quod ſatis colligitur ex verbis d. Nouellæ 22. cap. 43. Quamobrem in l. 2. C. de ind. viduit. & l. 3. cùm de cautione Mutiana Iuftinianus ſcribit, non ait eam factam ſuper legem Miscellam. Sed ſic loquitur. *Et lex l. Iulia Miscella cedat cùm Mutianâ cautione ſuper hoc introductâ*, j. ſuper conditionibus ad nuptias ſpectantibus. Quod apertiffimè diſtinguit in l. 3. his verbis. *Etiã expreſſim jancimus legem Iuliam Miscellam; & Senatusconfultum, quod circa eam factum eſt, nec non Mutianam cautionem quæ ſuper talibus nuptijs introducta eſt.* Vbi dictio illa, (*introduc-ta*) magnopere noranda eſt, cuius vis eſt, vt ſignificet generalem illam cautionem iam à Mutio inuentam, quæ ad alia negotia trahi ſolebat, ad tales nuptias, vel ad conditiones quæ circa has nuptias ſpectant applicatam eſſe à Prudentibus. Sciendum enim eſt, cautionem Mutianam locum habere in legatis & fideicommiſſis ſub conditione non facien-direlictis, in hereditatibus ſub eâdem conditione relictis, l. Mutianæ, l. is qui. D. de condit. & demonſt. in mortis cauſâ donationibus, & in his conditionibus legis Miscellæ. Quæ quidem cautio tam utilis reperta eſt, vt in his rebus in-



quibus ipsa cautio Mutiana interponi non poterat, Imperatores introduxerint quamdam cautionem ad exemplum Mutianæ, quam velut Mutianam vocant, l. 72. D. de condit. & demonstr. Scripsit etiam Q. Mutius,

*Libros decem*] vt ex indice Iustiniani apparet.


*Libros Iuris Ciuilis decem & octo*] quibus vt supra dixi ius Ciuile in artem redegit quod ad eius exemplum Cicero conceperat, vt ipse testatur. Ad hos libros pertinēt ea quæ extant in l. penum D. de penu leg. in l. 19. D. de auro, & arg. leg. in l. Mutius D. pro socio. lib. 2. meminit Vlpianus in l. 27. D. de auro arg. leg. & quæcumq; ex Mutio in illo titulo adferuntur ex lib. 2. desumpta sunt. Ad quos libros scripsit Notas Pomponius, vt ex indice apparet: quas, lectionum libros ad Q. Mutium, nominauit. in quorum nono Sententias Mutij refert varias, vt colligitur ex l. scribit, D. de auro arg. leg. cuius extrema verba non indignam discussionem merentur.

*Quod si, inquit, legasset uxori aurum quod eius causâ paratum erit tunc rectissime scribit Q. Mutius vt hæc scriptura habeat in se demonstrationem legati & argumentum. Ideoq; ipso iure alienata libra auri amplius quatuor pondo non remanebunt in obligatione nec erit vtendum distinctione quâ ex causâ alienauerit testator.* Iacobus Cujacius hæc verba corrupta existimat, sicque restituere tentat lib. 2. Obseruat. cap. 35. vt pro *demonstrationem legati & argumentum* legamus *Diminutionem legati & augmentum*. Et sanè *Demonstrationem*, si hæc in lege legeremus contrarium sibi Pomponium faceremus, qui in l. nuper, D. de leg. III. sic scribit, *Labeo tamen scripsit etiam in futurum tempus collatum hunc sermonem, qui meus erit, pro demonstratione accipiendum: sed alio iure vimur.* Hocque & Iulianus confirmat in l. Stichum, D. de legat. I. qui hoc verbum (*Erit*) non demonstrationem, sed conditionem in se continere scribit. nec enim hæc verba (*magis conditionem legato inieciisse, quàm demonstrare voluisse*) comparatiuè, vt Glossa existimat, intelligenda sunt;

licet eam Bartolus & Paulus sequantur, ut scilicet conditionem & demonstrationem hæc scriptura *Stichum, qui meus erit cum moriar*, contineat, sed magis conditionem, quod ex l. 19. §. hæc scriptura. D. de condit. & demonstr. liquet Iulianus siquidem hoc loquutionis genere usus est; quia Proculiani qui à Labeone descenderant hæc verba (*qui meus erit*) demonstrandi causâ concepta esse dicebāt, d. l. nuper. Ipse verò qui Capitonis præceptis ut Sabinianus, adhærebat, vult ostendere ex ipsis verbis patremfam. magis j. potius conditionem legato inieciisse, quàm demonstrare voluisse. quod ex sequentibus legis verbis manifestum redditur, & ex Pomponio in d. l. nuper, Sabinianæ sectæ Iurisconsulto, cum ait, *Planè in mortis tempore collatum hunc sermonem vestem quæ mea erit, sine dubio: pro conditione accipiendum puto*. Rectè itaque Demonstrationis dictio ut adulterina à Cujacio hæc in lege damnatur: cur autem dictionem illam *Argumentum* respuerit non video, minus cur legat *diminutionem legati* & *augmentum*. Dicitio quidem (*diminutionem*) mentem Iurisconsulti non turbat, sed quomodo, scripturam illam augmentum in se habere Pomponius ex Mutio dixerit, ignoro, cum sequentia verba contrarium arguant. *Augmenti* itaque verbum hoc in loco rejiciamus, restitutâ antiquâ & communi dictione, *argumentum*, sicque ex coniecturâ legamus, *ut hæc scriptura habeat in se demum detractionem legati*. Et *argumentum* ex eo quod ipso iure, & c. *Argumentum* j. ex verbis Mutij colligitur, ut alienatâ librâ auri ipso iure amplius quatuor pondo non remaneant in obligatione, nec utendum erit distinctione quæ in superiori casu expressa est. Non enim diminuere legatum dicitur vel diminutio legati, nisi à Marcello semel in l. ex asse, D. ad leg. falcid. sed minuere legatum vel diminuere ex legato, ut ex dictâ lege apparet, l. si peculium, D. de pecul. leg. l. Lucius, D. de alim. legat. l. Nefennius §. si debitori, D. ad leg. falcid.



& in l. denique D. de pecul. leg. æs alienum diminuitur, legatum minuitur. Detrahi autem legatum dicitur passim à latinis Iuris autoribus pro minus esse in legato: vt ab Vlpiano in d. l. denique §. item si seruo: à Cajo in l. 78. D. ad leg. Falcid. & alibi: *Argumentum* autem hoc loco retinemus rectè, vsitata loquutione à Pomponio. Sic eodem verbo vsus est in l. si vsusfructus D. quando dies legat. vel fideic. & Africanus in l. 21. §. quod si stipulator D. de fideiuss. & in l. qui negotia §. nec huic simile D. mandati. Hocque magis moueor ad hanc lectionem probandam quòd magis vestigia communis, quàm Cujaciana retinet. Cæterum præter ea quæ apud iuris conditores de Mutij præceptis leguntur, quædam ab alijs autoribus referuntur. Gellius libro 5. cap. xix. tradit Iusiurandum quod in arrogando iuraretur à Q. Mutio Pontifice Maximo conceptum fuisse: & libro 7. cap. xv. hanc eius sententiam affert. Quod cui seruandum datum est, si is vsus est, siue quod vtendum acceperit ad aliam rem atque accepit vsus est, furti se obligauit. Qui locus nos admonet ex his libris Vlpianum in l. si vt certo §. commodatum. D. commod. à Q. Mutio deprompsisse sententiam eam de commodato, quam ipse veriore esse scribit. Et Pomponius cum dubitaretur an vni mulieri relicto posset illa & cum marito habitare Q. Mutium primum admisisse dicit. Hunc Macrobius lib. 1. cap. 1. Saturnal. scribit se legisse dicere solitum non esse vsurpatam mulierem quæ cum Calend. Ianuarijs apud virum matrimonij causa esse cœpisset, ad diem quartum Calendas Ianuarias sequentes vsurpata esset, vbi quidam legendum putant, vsurpatum esset: ego ex Gellio lib. 3. cap. 2. vsurpatum esset. Q. etiam Mutij Scauolæ mentionem facit Festus, in verbo Nefrendes. *Nefrendes*, inquit, dictos asserit Prouintius lego *Quintus Mutius Scauola arietes, quòd denibus frondere non possint.*



## SABINVS.



Lures fuere Sabini Iurisconsulti. Fuit Cellius Sabinus, cuius Pomponius meminit in l. 2. de orig. iur. Fuit Vitellius Sabinus, fuit Iuuentius Sabinus, ad quem rescriptum D. Pij extat in l. 1. D. ad Senat. Sillan. Fuit Sabinus vir Consularis, ad quem Lampridius ait Vlpianum libros scripsisse, eum intelligit quem bis Consulem Imperate Antonino Caracalla liber Cuspiniani & Cassiodorus produnt. Secundum Consulatam, alij cum Venusto: alij cum Annullo gessisse asseuerant. Sed Onuphrius ad veritatem propius accedere putat eos, qui Annullinum ei in secundo Consulatu collegam adiiciunt. Id confirmat ex antiquo tubulo plumbeo in quo *Q. Aquilius Sabinus II. & S. Aur. Annullinus* leguntur. Cuius sententiam probare puto legis 4. subscriptionem C. de quaest. quæ est pars rescripti Imperatoris Antonini vbi sic exaratum est: *PP. V. Calendas Apr. Sabino & Annullino Coss.* Hunc Imp. Heliogobalus iussit occidi vocato Centurione: sed Centurio, inquit Lampridius, aure surdior imperari sibi credidit, vt vrbe pelleretur: hocque fecit: Sic vitium Centurionis, Sabino saluti fuit. Habuit filium, Fabiũ Sabinum, Catonem sui temporis dictum, qui eodem Lampridio autore cum Vlpiano, Paulo, alijsq; eius ætatis Iurisconsultis, Alexandrum Seuerum ex bono principe, meliorem fecit. Sed dubitat Politianus paterne, an filius de Iure scripserit. Hi tamen alij sunt ab hoc Sabino, de quo in præsentiarum sermo est, & cuius Indice Iustiniano fit mentio in Masfurius enim Sabinus vocatur. Quapropter facilè crediderim allucinatum fuisse Lampridium, cum retulit Vlpianum ad



Sabinum Consularem Fabij patrem libros scripsisse, cum ad Sabinum Massurium scripserit: quod ex §. 1. de hæred. instit. in Instit. & ex l. cum in libris C. de hæred. instit. comprobatur. Et verò etiam in inscriptione l. 1. de legat. fit mentio libri VII. Vlpiani ad Massuriū Sabinum, & lex falsus creditor in §. qui alienum D. de furt. si cum his quæ à Gellio tradita sunt lib. x. cap. vlt. coniungatur, videtur non mediocriter fulcire hanc sententiā: quandoquidem quæ Gellius ex libro Massurij Sabini de Iure Ciuili 2. verba protulit, ea ibi ab Vlpiano lib. 41. ad Sabinum conscripta feruntur. Quibus in locis admonendus lector est, animaduersiones quasdam & notas Vlpianū in illis libris ad Sabini scripta edidisse, quemadmodum suprā de Iuliani libris ad Minitium diximus: tantūque verba hæc *Vlpianus lib. 41. ad Sabinum* valere, quantum illa (*Ex Sabino.*) Assentior & Labito, existimanti Sabinum, cuius fit mentio in l. quæsitum §. sed & si de fundo instr. in l. qui penum de penu leg. in l. tutorem §. denique de his quib. ut indign. Massurium Sabinum esse: quem ex plebe natum ob virtutem & Iuris Ciuilis cognitionem eximiam, in Equestrem ordinem relatum fuisse credendum est, iam grandem natu, & annorum ferè quinquaginta autore Pomponio l. 2. de orig. iur. Ei enim amplæ facultates non fuere: sed plurimum à suis auditoribus sustentatus est, eodem teste Quamobrem eum probitate & sapientia insignem facit Athenæus lib. 14. his verbis *Μασσεύιος ἀπαραίτετος, καὶ σοφός, καὶ εὐδαιμόνιος διὰ τὴν ἐξουσίαν.* j. *Massurius omnino bonus & sapiens, & nulli secundus.* Et merito nulli secundus dicitur. Primas enim inter Iurisconsultos eum tenuisse, videntur demonstrare hæc verba Gellij lib. XIII. cap. 2. *Atque in rerum quidem diffusionibus, comperendinationibus & alijs quibusdam legitimis in rebus ex ipsa lege Iulia, & Sabini Massurij, & ex quorundam aliorum Iurisperitorum commentarijs commoniti, & adminiculati sumus.* Sabinum enim solum, tamquam præstantiorem,

nomine proprio designat : alios verò, veluti Deos minorum gentium, silentio prætermittit. Sicut Arrianus lib. 4. in Epictetum, legibus naturæ potius parendum esse ait, quam Massurij i. iuris ciuilis, quasi in Massurio totum ius ciuile resideret. Quem locum imitatus videtur D. Hieronymus de Papiniano loquens. *Aliæ, inquit, sunt Cæsaris leges, aliæ Christi: aliud Paulus noster, aliud Papinianus præcipit.* Eò videtur spectare Persius Satyra 5.

*Vindicta postquam meus à Prælore recessi*

*Cur mihi non liceat iussit quodcumq; voluntas,*

*Excepto si quid Massuri rubrica vetauit.*

Vbi obiter adnotabo in manuscripto quem penes me habeo, exaratum esse, *Massura rubrica vetauit.* Nec certè malè: cum Massurius duplici β scribitur apud Græcos, & Latinos auctores. Ceterum lectioni Græcorum poetarum operam dedisse manifestò apparet ex l. 1. D. de contrah. empt. vbi Homeri verbus ab eo citati referuntur, linguæ tamen Græcæ perfectam cognitionem non habuisse, atque in eo à Paulo reprehensum quòd versus Homeri qui permutationem significare videbantur, pro emptione afferret. Augurem quidem Massurium fuisse, vel de iure Augurij scripsisse apparet ex Plinio lib. x. cap. 7. Nullum autem magistratum eum gessisse quidam putant: nec Pomponius vllius mentionem facit in d. l. 2. Est tamen antiquus nummus, qui Sabini cuiusdam Triumuii meminit: sic enim inscribitur. *Sabinus Turpilianus* III. VIR. Quem Massurium asseuerare ausim. Massurius siquidem Sabinus, Tyberij Cæsaris temporibus floruit, vt ex Pomponio constat: ipseque Massurius Tyberij meminit lib. xi. Memorabilium, vt relatum est apud Gellium. Hic autem Triumuir Tyberij sæculo vixit. Turpillianus enim collega, Consul fuit anno vrbs conditæ DCCCXIII. cum Pæto, vt liber Cuspiniani & Cassiodorus testantur, XXII. annis tantum post mortem



Tyberij Cæsaris. Cæterum Massurius Sabinus cum in Equestrem ordinem relatus fuit, impetrauit à Cæsare Tyberio, ut populo responderet, iam grandis natu & ferè annorum quinquaginta: hocq; ex antiquo Romanorum more, apud quos senectutis non inertis gratum honestumq; munus erat, consulentibus respondere, autore Cicerone lib. 1. de legib. Vnde apud eundem lib. 1. de Orat. Crassus interpretationem iuris, non solum ad vsum forensem, sed etiam ad decus, senectutem comparasse ait. Quod induci debet illud Ouidij lib. 9. Metam.

*Iura senes norint.*

Atque id munus, vel domi exercebant, vel trauerso foro deambulantes. Fuisse enim id insigne, Cicero scribit lib. 111. de Orat. eum qui id ageret, facere ciuibus omnibus consilij sui copiam: Ad illos verò plerique Iuris Ciuilis discendi studio ventitabant. Quāquam enim se ad docendum non darent, tamen, ut ait idem Tullius in Bruto, consulentibus respondendo, studiosos audiendi docebant: quod & Athenis olim factitatum existimo, indēque Romam allatum. Quamobrem Demosthenes in Orat. in Euergum, ait Iurisconsultos quos adierat, ei dixisse, an sibi de iure responderi, vel consilium dari vellet. Hoc autem munere respondendi, nulla publica autoritate: sed priuata studiorum suorum fiducia fungebantur. Consulebatur aliquando vnus solus: aliquando pleriq; simul. Quare rectè apud Alphenum legitur in l. 17. D. si feruit. vind. *Annio consilium omnes Iurisperiti dederunt.* Aliquando cum vnum conuenissent, eiusque responso vel consilio non contenti, propter idem negotium alios prudentes consulebant, ut colligitur ex l. 16. D. de inst. vel instrum. quæ eiusdem Alpheni est. Aliquādo etiam ipsi quid de re, de qua consilium petebant iudicarent, enarrabant, ut patet ex l. vlt. D. de minor: Et qui consulebantur plerumq; Iudicibus ipsis scri-

bant, aut testabantur qui illos consuluerant, autore Pomponio ind. l. 2. D. de orig. iur. Hocq; obtinebat ante D. Augustū, qui primus ut maior iuris autoritas haberetur, constituit ut ex autoritate eius responderent: & ex illo tempore, peti hoc pro beneficio coepit. Quod tamē postea ab Hadriano remissum est, cū ab eo viri Prætorij peterent, ut sibi liceret respondere: rescripsit eis, hoc nō peti, sed præstari solere: & ideo delectari se, si qui fiduciam sui haberet, populo ad respondendū se præpararet, eodem Pomponio autore. Renouatū deinde morem ab Augusto institutum, videtur innuere Iustinianus in instit. de Iure natur. gent. in §. Responsa: additque, post id tempus sententias & opiniones eorum qui hoc beneficium obtinissent, tantū ponderis ac momenti habuisse, ut ab his recedere iudici non liceret. quod quidem Tribonianus, ut Theophilum taceam, de suo adiecit: Non enim credibile est rem tam notam & cognitione dignissimam, si fuisset, Pomponium hominem peritissimum Romanæ vetustatis, atque hic ex professo illam indagentem, reticere voluisse: aut certè, tantæ antiquitatis effigiem quibusdam aliorum monumentis expressam haberemus. Quin imò quamplurimū sententias Iurisconsultorum ab ipsis Imperatoribus & iudicibus sequutas nō fuisse constat: ut Pauli ab Antonino in lege Aemilius Larianus D. de minor. 25. ann. & à Prætore fideicommissario, in l. quæsitum §. penult. D. de legat. III. in qua mulieri tamquam aduocatus aderat. Adesse enim consueverant Iurisconsulti aliquando ut aduocati, vel ut aduocatis rationes iuris suggererent l. moris D. de poen. Nisi malimus dicere id, quod Tribonianus asserit, sub nouissimis Imperatoribus constitutum: atque ita Pomponij ætate non factum. Hoc tamen non silendum puto, cū quis offerebat preces Imperatori, eum apponere solitum sententias Iurisconsultorum, qui pro eo sentiebant. Hoc colligitur ex l. 14. C. de



præd. & alijs reb. min. vbi Impp. Diocletianus & Maximianus rescribunt Phrominio. *Viere Viri prudentissimi Papiniani responso, cæterorumq, quorum precibus fecisti mentionem, sententijs: & ex l. XII. C. de legat. Imperatores etiam rescripta sua Iurisconsultorum sententijs fulciebant: sic Alexander in l. 4. C. de contrah. & committ. stipul. rescribit Sabinæ, Secundum responsum Domitij Vlpiani Præfetti annonæ, Iurisconsulti, amici mei, ea quæ stipulata est cum moreretur, &c.* Et frequentissimè qui Iurisconsultos consulebant: principum rescripta in libello eis oblato apponebant, vt in l. 87. D. de legat. 2. is qui Paulum consuluit, Alexādri rescriptum ad Iulianum in libello posuit. Cæterum Massurius Sabinus secundum Augusti institutum, Tiberij autoritate, populo respondit: & in iuris disciplina Capitōnis sectam sequutus est: cuius erat summa, non recedere ab his quæ tradita erant: cū Labeo plurima innotaret. Eius scripta apud posteros maximæ autoritatis fuere. In indice Iustiniano recensentur tantum.

*Iuris Ciuilis libri tres.* ] Sic & in indice Græco, *βιβλία τρία*, Sparsa autem quædam in his libris fuisse de Operis libertorum, videri potest his verbis, ex Satyra 5. Persij depromptis.

*Vindicta postquam meus à Prætore receßi,*

*Cur mihi non liceat, iussit quodcumq, voluntas,*

*Excepto si quid Masuri rubrica vetauit.*

Gellius vero lib. 2. Iuris Ciuilis, quod iumentorum causa apparatus esset, quibus dominus vteretur, penori attribuisse Massurij Sabinum scribit. Ex III. lib. idem Gellius hæc verba transposuit lib. v. cap. XII I. In officijs apud maiores ita obseruatum est: primū tutelæ deinde hospiri, deinde clienti, tum cognato, postea affini, de qua causa foeminæ viris potiores sunt habitæ, pupillarisque tutela mulieri prælata, etiā aduersus quem affuisset: eius filij tutores relictī in eadem causa pupillo aderant. Omnes officiorum gradus his verbis

exposuit, cum Cicero lib. i. de Offic. Deorum tantum patriæ, parentumq; expressisset: reliquos verò his verbis, *deinceps gradatim reliqua reliquis debeantur*, comprehendisset. Ad eos libros pertinere arbitror, quod Plinius scribit lib. 7. cap. 5. *Massurius*, inquit, *autor est, Lucium Papirium Prætorem secundo hærede leges agente bonorum possessionem contra eum dedisse, cum mater partum se XIII. mensibus diceret tulisse, quoniam nullum certum tempus pariendi statutum videtur.* Scio Cujaciũ in Nou. Iustiniani 39. *decem mensibus* legere. sed de ea re quid sentiendum sit, non est præsentis disquisitionis. Illa etiam quæ ascripsit idem Gellius lib. xi. cap. xviii. sunt, ex Massurio. *Manifestũ*, inquit, *furtum, ut ait Massurius quod deprehendit, dum sit faciendi finis est, cum perlatum est, quò ferri cæperat.*

Scripsit præter hos libros indicis Iustiniani.

*De indigenis cõmentarios*] qui citantur à Gellio lib. ii. cap. ix. *libros Fastorum*] autore Raphaele Volaterrano lib. xix. *Anthropologiæ*.

*Libros Memorabilium*] quorum meminit Paulus Iurisc. in l. Massurius D. de verb. signif. Gellius librum primum Memorab. lib. v. cap. vi & Nonius Marcellus in verbo *Strigosus*. Massurij lib. 8. quem puto Memorabiliũ. tot enim libros: nisi Memorabilium edidisse non legi. Quædã refert ex Massurio Macrobius lib. i. cap. x. Saturnal. de Angerrona, & Plinius lib. xvi. cap. xviii. autorem profert Massurium fecisse pastores qui rapuerunt Sabinas de spina fascès nuptiales. Composuit etiam librum.

*De triumphis Romanorum*] ex Plinij lib. xv. cap. xxix. ex quo verba desumpta certissimum est, quæ de Massurio ab eo traduntur cap. 30.

*Libros ad Edictum Pratoris Urbani*] quorum quintus citatur à Paulo in l. suo victu D. de oper. libert. Et librum.

*A sefforiorum*] cuius meminit l. 5. §. hac lege D. de iniur.

*Librum de furtis*] unde multa sumpsisse Gellium & Macrobius notauit Bernardinus Rutilius.

PRO-



## PROCVLVVS.



Icinius Proculus vir prauus & callidus, urbanæ militiæ impiger autore Tacito præfectus prætorio fuit sub Othone in eo bello quod ab Othone contra Vitellium gestum: Honor quidem nomenque penes Titianum fuit fratrem Othonis. Ius veró ac potestas penes Proculum præfectum, qui tamen nec autoritate nec imperio prospere, vel prudenter vsus est. Othonianum enim exercitum amisit cum pugnare contra Vitellium infelicitè eum coegisset, abnudentibus Celso & Paulino qui militem itinere fessum, sarcinis grauem subijcere hosti imprudentiæ esse censebant. Titianus tamen & Proculus vbi consilijs vincebantur ad ius imperij transibant: profligato tandem superatoque exercitu, Vitellij victoris potestati se submisit, quem tamen tristi mora squalidum tenuit Vitellius: donec auditus necessarijs magis defensionibus quàm honestis vteretur, teste eodem Tacito lib. xvij. Annal. Quædam tamen pro Othone in Republica non inutiliter gessit, post seditionem illam quàm prope vrbi excidio fuisse scribit idem Tacitus lib. xv. cum milites quibusdam Tribunis & seuerissimis Centurionum obtruncatis palatium petijissent vbi Otho splendidum & magnificum conuiuium primoribus foeminis virisque celebrabat, milites vnâ Proculus cum Plotio Firmo alloquutus manipulatim est, ex suo quisque ingenio mitius, aut horridius: finis autem sermonis in eo, quinque millia nummum singulis militibus numerarentur. Nepos autem Proculus Sempronij cuiusdam fuit, vt ipse

testatur in l. 47. D. de legat. 2. *Sempronius*, inquit, *Proculo nepoti suo salutem*, quem consuluit, utrum Titius centum & quinquaginta, an centum dumtaxat habiturus sit, cum binæ tabulæ testamenti eodem tempore exemplarij causa scriptæ, ut vulgo fit, eiusdem patrisfamilias proferuntur, & in alteris centum, in alteris quinquaginta aurei Titio legati sunt. Eum etiam consuluit Licinius Lucusta per epistolâ, quæ extat lib. viij. *Epist.* ut apparet ex l. 48. D. eod. Hyberi etiam cuiusdam familiaris fuit ut apparet ex l. xij D. de Seruit. Urban. præd. Cæterum Neruæ Jurisconsulto Proculum successisse, atque autoritate antecessisse C. Cassium Longinum Pomponius refert. Plurimum enim ipse potuit in iure tractando: unde non tenuis iurisconsultus appellatur à Diuis fratribus in l. Diui D. de iure Patron. Tenuit enim certam quandamq; propriam viam, in multis articulis tractandi atque explicandi Iuris Ciuilis. Atque eius tempore iurisprudentiæ scientia, in duas diuisa est familias. Qui enim Institutionem eius sequuti sunt, Proculeiani vocati, ad differentiam eorum qui Cassij sectatores erant, qui Cassianorum nomen obtinuerunt. Dissimilis enim diuersâque doctrina eorum fuit: Unde Proculeianos diuersæ scholæ autores appellat Iustinianus tit. de Empt. & vendit. §. diuersæ scholæ, & tit. de mandato §. is qui exequitur in institut. Loci quidam eorum controuersiæ leguntur in l. si idem. §. fin. D. de Iurisd. omn. iud Proculus in communi actione plurium personarum singulas partes expectandas esse dicebat, circa ius dicentis iurisdictionem: Cassius totam rem. Deinde in Tit. xj. fragmentorum Vlpiani cum Proculeiani dicebant esse puberem, qui xiiij annos impleuisset: Cassiani verò eum, qui habitu corporis pubes appareret, i: qui generare posset. Iustinianus in maribus Proculeianorum sententiam probauit in §. i. quib. mod. tut. finitur in instit. Sic in l. 79. D. de petit. hæred. Si



post litē contestatam mancipia aut iumenta aut pecora deperierint damnari debere in specialibus petitionibus Proculo placet: Cassius contra sentit. Paulus tamen in prædonis persona Proculi sententiam laudat: in bonæ fidei possessoribus Cassij. Habemus etiam in l. 7. §. 7. cum quis D. de acquir. rerum domin. Proculi & Cassij controuersiam. Cum quis ex aliena materia speciem aliquam suo nomine fecerit. Proculus enim Neruam sequutus, putat hunc dominum esse qui fecerit: Cassius vero & Sabinus qui materiæ dominus fuerit. Sed Caius si species ad materiam reuerti possit, Cassij sententiam sequitur: si non possit reuerti, Neruæ & Proculi. Nota est item celebris illa dissensio inter Proculianos, & Sabinianos siue Cassianos, cuius fit mentio in l. possideri. D. de acquir. vel amitt. possess. an duo vnius rei possessores in solidum esse possint. Sabino existimante posse: Proculo verò non consentiente, qui à Trebatio & Labeone cœptam controuersiam auxere. Sed Proculi sententia posteriori ætate recepta est, vt ex d.l. possideri constat: Sabini autem & Trebatij probatam sententiam Ciceronis temporibus apparet, ex Oratione eius pro Quintio *Proficiscenti*, inquit, *tibi in possessionem Prætor ipse dedit. Naui palam dicit, ita possideto; vt tecum simul possideat Quintius.* Denique non omittemus disceptationem illam quæ ample describitur à Paulo in l. 1. D. de contrah. empt. Vtrum sine nummis venditio esse possit. Veluti si ego togam dedi, vt tunicam acciperem, Cassio & Sabino emptionem & venditionem esse existimantibus: Nerua vero & Proculo permutationē non emptionem. Cassius & Sabinus autoritate Homeri utebantur ex Iliad. 9 & n. desumpta. Proculus item & Nerua eodē autore vtuntur ( licet hoc à Paulo traditum non sit in d.l. 1. ) sed Tribonianus id testatur apud Iustinianum. Tit. de empt. & vendit. §. sed Proculi: vbi tamen notandū, verba Seruij Virgilij interpretis in 3. Georg.

*Apud maiores omne mercimonium in permutatione constabat quod & Caius Homericō confirmat exemplo, non de Caio Iurisc. qui Hadriani temporibus vixit intelligenda, vt quidam magni nominis vir arbitratur, eò fortasse deceptus, quod Seruius aliquando illius autoritate vtatur: Sed de Caio Cassio Cassianæ & Sabinianæ sectæ parente, vt ex superioribus verbis Triboniani apud Iustinianum d. Tit. de empt. & vend. constat: qui Cassium huius sententiæ autorem profert. Sæpissimè enim & ab ipsis Iuris autoribus Cassius sub nomine Caij solo citatur, vt à Iauoleno in l. si quis. D. de condit. & demōstrat. & in l. si alieni. D. de Solut. quod ea earum legum inscriptiones satis docent. Veruntamen explosa à Paulo Cassi annorum sententiā. Proculi præualuit & meritò, inquit Iustinianus, d. tit. quod & ipse alijs Homericis versibus adiuuaretur, & validioribus rationibus argumentaretur. Ex quibus obiter animaduertendum puto quanto in precio Homeri opera à Proculo, & alijs Iuris autoribus habita fuerint, cum quæstionem iuris difficillimam Homericorum versuum autoritate decidendam putarint: sic Martianus, siue potius Cassius (verba enim Cassij ea esse existimo) ex Homeri Odyssæ loco Sues gregatim pasci, & ideo pecorum appellatione contineri probat in l. legatis. §. pecoribus. D. de legat. iij. & olim Athenienses de Salamina contententes testem Homeri locū adduxerunt autore Aristotele lib. i. Rhetor. cap. 95. Diodorus etiam scribit lib. 6. Phocenses à Philomelo Homeri versuum autoritate adductos, ne Amphictionum publici Græciæ Concilij sententiæ starent. Sed vt ad Proculum nostrum reuertamur, in l. 14. D. de iure Codicil. refertur hæc quæstio. *An legata quæ postea quam instituti mortem obierint codicillis ascripta vel adempta sint à substitutis debeantur.* Et in quæstione huiusmodi controuersia Cassij & Proculi. Cassio respondente deberi: Proculo dissentiente, cuius opinio à*




Scæuola confirmatur. Proculi enim maior autoritas quàm Cassij & Sabini in iure interpretando fuit, & sic verba Pomponij in d. l. 2. de Orig. iur. explicanda sunt. Ideoque in omnibus controuersijs sententia Proculi præualuit, præterquam in quibusdam quæ recensentur à Iustiniano in l. quod certatum C. de posth. hæred. instit. in l. fin. C. de vsufr. vsuue & habit. in l. fin. de seruit. & aqua in l. cum quidam C. de impub. & alijs subtit. in quibus Imperator explosa Proculi sententia Sabinianorum probat: atque ita diu in diuersas scissa sectas iuris scientia remansit. Posteriores tamen Iuriconsulti nullo sectarum studio tenebantur: aliquando enim Proculum sequebantur: aliquando Cassium & Sabinum: aliquando vero mediam viam tenentes, vtriusque scholæ dogmata moderatione quadam temperabant. Cæterum ex hoc nostro Proculo originem sumpsisse Claudium Proculum nepotem auguror qui sub D. Hadriano Prætor fuit, & ad quem Hadriani rescriptum extat in l. 1. D. de ventre in possess. mitt. qui pater fuit Cornelij Proculi, cuius meminit Paulus in l. 24. D. de tut. & curat. dat. cui D. Marcus & Verus rescripserunt, qui Consul fuit cum Munatio vt colligitur ex l. 27. D. de liber. causa, & Proconsul Aphricæ sub D. Pio l. 1. D. de iure immu. & ad id tempus referendum est D. Pij rescriptum, quod ab Vlpiano traditur in l. 7. D. qui satisd. cog. qui etiam malè Cæcilius pro Æmilius dicitur in l. 1. D. de opt. legata: Æmilij siquidem nomen Corneliorum gentis fuit. Habuit filiam Proculam quæ sub Commodo vixit, cuius quæstio de fideicommissio aduersus fratris sui hæredes extat apud Papinianum, in l. 26. D. de probat. ad quam D. Marcus & Verus rescripserunt in l. xj. §. si in opere D. de legat. iij. Vlpij etiam Proculi mentio fit ab Vlpiano in l. 1. §. vsque adeo D. de tut. & rat. distrah. nisi malimus reponere Vlpium Marcellum: quod fartasse non inconcinnum.

Scriptorum autem quæ Proculus noster edidit in indice Iustiniano recensentur tantum.

*Epistolarum lib. octo.*

Scriptisse etiam notas in quosdam Labeonis libros indicat l. sed an ultro §. sed ut Celsus D. de negot. gest. & lex si ita expressum D. de condit. & demonst. ad eum Ferox scripsit, ut notatur ex l. xi. D. de aqua & aquæ pluui. arc.



## ALPHENVS VARVS.



**P**. Alphenus Varus patria Cremonensis Acronis autore antiquo Horatii interprete, inter decem Seruii discipulos numeratur à Pomponio in l. 2. D. de Orig. iur. quem plurimum autoritatis habuisse, Consulemque fuisse scribit. Casiodorus quidem in Chronicis Consulem eum cum C. Vinitio adiicit sub annum ab urbe condita 754. Onuphrius vero sub annum 755. Malè enim apud Dionem legitur P. Alphinus. His Consulibus Velleius Paterculus scribit Tiberium Neronem Rhodo Romam magna omnium ordinum lætitia reuersum esse. Alius est is ab eo Alphenus Varo, cuius mentio fit apud Tacitum lib. xviii qui temporibus Othonis Imperatoris præfectus Prætorio susceptus fuit in locum Sabini, & præfectus Castrorum creatus seditionem contra Valentem ortam compescuit. Sed facile crederem eius filium fuisse. Noster autem Iurisc. P. Alphenum Varum patrem habuit, ut ex Dione colligere licet. Cremonæ futrinam primum exercuit si Acroni credimus, qui de eo putat intellexisse Horatium lib. i. Sermonum



*Alphenus Vafēr omni*

*Abiecto instrumento artis clausaq; taberna,*

*Sutor erat sapiens operis. Sic opibus omnis*

*Est opifex solus, sic Rex solus.*

Sutrinam enim ingenui homines Romæ olim discebant, ut notari potest ex l. 5. §. proponitur. D. ad leg. Aquil. Atque ita Alphenus ex sutore Iurisconsultus celeberrimus factus est, ob vafriem illam i: subtilitatem ad ius interpretandum aptam: unde vafēr ab Horatio superioribus versibus appellatur: non ut quidam putauere pro Varo, gentili nomine. Nam & alibi lib. 2. Sermonū Sat. 2. illud nomen vafri quasi Epitheton, iuri apposuit Horatius

*Nos expulit ille*


*Illam aut nequities aut vafri infamia Iuris.*

Ex Sutore autem Iurisconsultus euasit Alphenus, sicut Nicodorus apud Ælianum lib. 2. qui cum pugil in iuuentute tantum esset, legislator in senectute Mantinensium præstantissimus fuit, & memoria patrum nostrorum Bernardus Malcius qui cum coriariam exercuisset ad legum scientiam accessit autore Paulo Iouio. Iurisprudentiæ autem studia in Alphenorum familia ab hoc introducta per multos annos viguere. Fuit enim Alphenus Iurisconsultus sub Alexandro Imperatore, quem Papiniani discipulum Lampridius in Alexandro tradit. Noster autem Alphenus non solum iuris cognitionem adeptus est, sed Philosophiæ studijs summè eruditus fertur, cuius scientiæ floribus aspergere opera sua non dubitauit ut apparet ex l. 17. D. de iudic. Gelliusq; scribit lib. 6. cap. 5. eum rerum antiquarum non incuriosum fuisse. Reprehenditur tamen ab eodem Gellio, ut errans in veteribus verbis interpretandis, quod eadem affinitas illi visa est horum verborū puri, & puti, quæ sit noui, & nouitij, quodq; putum longa prima syllaba pronunciandum esse visus est,

quasi à puro ductum inclinatumq; non à putando. Verùm hæc non faciunt, quin à Marcello in l. vt Alphenus. D. de verb. signific. & in l. qui concubinam. §. cum ita D. de leg. 3. nominetur tanquam autor locuples proprietatis verborum, & à Paulo Vari tantum nomine appposito in l. summa. §. item Varus D. de aqua & aquæ pluuiæ arc. Hunc intelligit Varum Vlpianus in l. Idem Pomponius. §. de arbore. D. de rei vindic. & Iauolenus in l. si quis D. qui testā. fac. possunt. Ceterum fuit sæpè consultus Alphenus de legibus quas censores dicunt in locandis vectigalibus vt l. in lege locati l. Cæsar vel censet de publican. & hæ sunt quas Censorias appellat ipse in l. 203. D. de verbo signif. Reliquit autem.

*Digestorum lib. quadraginta*] qui in indice Iustiniano recensentur. Libri trigesimi meminit Gellius loco supra citato. Hos libros Paulus Iurisc. in Epitomen redegisse videtur, ex inscriptione legis qui insulam, & l. in naue Sauphelli. D. locat. l. duo D. de præscript. verb. l. cum multi D. si pars hæred. pet. l. qui scapham l. qui fundum D. de euiet. alijsq; nonnullis inscriptionibus. Præterea idem Gellius scribit eum composuisse.

*Collectaneorū lib. quatuor*] Intelligi etiam potest ex l. actione §. ita scriptum D. pro Soc. collegisse quædam è Seruij scriptis, è cuius schola ipse emanauerat, & ex l. 77. D. de verbo signific.



## ANTISTIVS LABEO.



NTISTIVS labeo veterum Iurisconsultorum princeps vt apparet cum ex Pomponio in l. 2. D. de orig. iur. tum ex Papiniano lib. 5. quæst. qui cum aliquid Labeoni placuisse vult demonstrare, veteribus placuisse dicit tanquam



quam si tota Iurisconsultorum antiquitas in eius verba iuraret solum. Huc pertinet Petronij Arbitri versus

*Atque esto quicquid Servius & Labeo.*

Neratiam vxorem habuit, cui testamēto nominatim legauit vestem, mundum muliebrem omnem, ornamentaq; muliebria omnia, vt est apud Paulum in l. pediculis D. de auro argento mundo. filius autem Labeonis Antistij fuit Sulpitij auditoris qui bello Philippenſi pro libertate fortiter occubuit Appianus lib. 4. *Δαβειὼν δ' ὅτι σοφία γνώριμος, ὁ πατὴρ Λαβειῶτος τῇ κατ' ἐμπειρίαν νόμων ἐπὶ νῦν περιωύμεν τῷ πρῶτάτῃ τῶν οἰκείων τῆς δεξιᾶς λαβόμενος, καὶ περὶ τῆς αὐτοῦ, ὡς ἔθος ἔστι Ῥωμαίος ἐλευθερὸν ὅτι σφραγισμένῳ ξίφος ἔδουκε, καὶ τὴν σφραγὴν ὑπέχε.* Et qui coniurationis in Cæsarem factæ particeps fuit, autore Plutarcho in Bruto: nec est quod dubitet Bernardinus Rutilius, an is sit Labeo pater, qui Seruij auditor dicitur à Pomponio, cum eum patrem nostri Labeonis ex ipsius Pomponij verbis liquido constet. Antistius itaque filius paterna in republica vestigia sequutus, ius ciuile tractandum suscepit, & antiquæ libertatis amator fuit. Agitabat inquit Atteius Capito in epistola quadam quæ extat apud Gellium lib. xij cap. xij, hominem libertas quædam nimia & vecors, vsque eò vt Augusto iam principe & rempublicam obtinente ratum tamen pensumq; nihil haberet, nisi quod iustum sanctumq; esse in Romanis antiquitatibus legisset. Huius libertatis exemplum dat Gellius. *Ac deinde, inquit, narrat quid idem Labeo per Viatorem à Tribuni plebis vocatus responderit, cum à muliere, inquit, quadam Tribuni plebis aduersum eum aditi, Gellianum ad eum misissent, vt veniret & mulieri responderet, iussit eum qui missus erat redire, & Tribuni dicere ius eos non habere neque se, neque alium quenquam in causa vocandi, cum moribus maiorum Tribuni plebis prehensionem haberēt, vocationem non haberent.* Alia eius libertatis apparent vestigia, apud Suetonium in Augusto cap. liij. *Antistius Labeo, inquit, Senatus lectione cum Triumviratum legeret, siue vt quidam legunt, vñ virum legeret M.*

*Lepidum hostem olim eius, de Octauio loquitur, & tunc exultantem legit, interrogatusq; ab eo an essent alij digniores, suum quemq; iudicium habere respondit. Cumque ob hanc rem infensum Octauij sibi animum reddidisset, liberè dixit: nihil se commisisse, si hominem quem Octavius Pontificem esse pateretur in Senatū ipse asciuisset. Libertatem tamen illam detrimentum nunquam Labeoni attulisse idem Suetonius testatur. Quod quidem ( si coniectura affirmare aliquid licet ) verum non puto. Ei enim consulatum abstulit, quod ex Cornelio Tacito lib. 2. Annalium sic scribente constat. Et Capito Atteius de quo memorauī principem in ciuitate locum studijs adsequutus civilibus, sed auro Centurione Syllano, patre Prætorio Consulatum ei accelerauerat Augustus, ut Labeonem Antistium ijsdem artibus præcellentem dignatione eius Magistratus anteiret. Hanc tamen libertatem incorruptam, ut vocat idem Tacitus, quæ pro dignitate laudari debuerat, ( si aliquid puri incorruptique adulatio innata, corruptique temporum mores in animo reliquissent ) à principum assentatoribus damnatam legimus. Eam enim Atteius Capito qui hac re iuris diuini & humani scientiam bonasq; domi artes quibus exellebat dehonestauit, autore eodem Tacito, ueraciam appellat lib. xij citato Gellij: & Suetonius eum sequutus dicto cap. liij contumaciam: Horatius vero lib. 1. Sermonum Satyra iij Satyrica procacitate, insaniam nominat. Constare igitur debet, Consulatus honorem non adeptum Labeonem, ob incorruptam libertatem, quæ in eius animo uigebat. Quamuis Pomponius in l. 2. D. de orig. iur. oblatum esse ab Augusto ei Consulatum, quo suscectus fieret, scripserit, quod tamen ab alijs autoribus relatum non est. Sed hoc sententiam nostram non destruit. Ominosum quippe fuit in locum mortui vocari: & in Censura eam rem religioni fuisse tradit Liuius lib. 5. Pomponius etiam testatur Labeonem hunc Consulatum recusasse. Prætor itaque, Labeo no-*



ster tantum fuit. Vnde apud Plinium lib. 35. Natur. hist. cap. 4. legendum puto, *Paruis gloriabatur tabellis extinctus nuper in longa senectute Antistius Labeo Prætorius*, non vt in vulgaribus Codicibus *Arcius Labeo*. Ei tamen quod præturam intra stetit, commendatio ex iniuria oriebatur, & vt Gregorius Nazianzenus de Cæsario à Iuliano iniuriosè tractato scribit, magis ignominiâ quàm splendore clarior fuit. Capitoni vero quod Consulatum adeptus est, odium ex inuidia autore Tacito. Cæterum quamuis intra præturam steterit, Proconsulatum tamen prouinciæ Narbonensis functus est, vt est apud Plinium dicto loco. Itaque ætas hæc duo pacis decora tulit simul: Sed Capitonis obsequium dominantibus magis probatum, Tacito teste ad summa dignitatum fastigia eum euexit: Labeo libertatis illius incorruptæ amator, studiorum potius, quam honorum ambiendorum cura tenebatur. Totum enim ita diuiserat annum, vt Romæ sex menses cum studiosis esset, & sex mensibus secederet, conscribendisque libris operam daret, vt relatum est apud Pomponium dicta l. 2. Romæ enim, viri tantum magnæ autoritatis secessibus utebantur. Quamobrem rectè apud Vlpianum legitur in l. 2. §. si arbiter D. de recept. arb. Arbitri qui in eo loco qui sit circa urbem, adesse litigatores iusserit, valere iussum: si eius autoritatis sit arbiter vt in secessibus soleat agere. Et cum Capito in veteribus iuris præceptis constans remaneret: Labeo, vt inquit idem Pomponius, ingenij qualitate & fiducia doctrinæ fretus, vt qui, & præ cæteris operis, sapientiæ operam dederat, plurima innouare instituit: sic enim apud Pomponium legere magis æquum puto, quam quorundam lectionem sequi, qui sic scribunt: *qui & cæteris operis sapientiæ operam dederat*: illam autem penitus reiicio quæ ab alijs traditur, *qui & præ cæteris sapientiæ operam dederat*. Non enim dictio *Operis* delenda, qua Pomponius vtitur ad demonstrandum vniuer-

sum corpus iuris siue Ciuilis, siue Pontificij, siue publici, siue priuati, vt superioribus verbis dictæ legis de L. Aelio Tuberone Pomponius expressit, qui complures ab eo traditur vtriusque operis libros reliquisse j: publici, & priuati iuris, & Offilius, qui omnem partem operis fundarent, j: corporis Iuris Ciuilis, vt nunc vocamus. Distinguimus enim vulgo vniuersum ius in Corpus Ciuile, & Corpus Canonicum siue Pontificium. loquēdi genere non omnino barbaro sic *ζωροποία* legum dicitur Nouel. Leonis prima. Corpus enim sumitur pro opere scripto, apud Ciceronem Epist. 2. ad Q. Fratrem, & *σῶμα* dicta Nouella, & hoc modo Corpus Homeri scribitur ab Vlpiano in l. 52. §. 2. D. de legat. 3. Eadem ratione Cicero epist. lib. 2. ad Attic dixit, *Hoc totum corpus curabo vt habeas*. Significat itaque Pomponius præ cæteris operis partibus Labeonem sapientiæ operam dedisse j: Iuri Ciuili. Quod hoc in loco sapientiæ nomen propriè designat, sicut & apud veteres Romanos: sic Atilium appellatum sapientem testatur Tullius in Dialogo de Amicitia, quod prudens in Iure Ciuili: & Sempronium vocatum *σόφω* scribit idem Pomponius, quod maximæ in Iure Ciuili scientiæ fuerit, & Iustinianus tit. de Codic. in instit. Iurisperitos sapientes appellat. Quamuis hoc nomen quibusdam nimis arrogans visum sit, qui eos iuris studiosos modestiori denominatione vocarunt, Suetonius in Nerone cap. 32. *Deinde, inquit, vt ingratorum in principem testamenta ad fiscum pertinerent, ac ne impune esset studiosis iuris qui scripsissent vel dictuissent &c.* Et Paulus in l. 1. D. de offic. adfess. & in l. Diuus. D. de extraord. cognit. Pythagoram imitati qui superbum nomen *σόφω*, & sapientis reiiciens, *φιλόσοφος* & studiosus sapientiæ nominari tantum voluit: omnibus deinceps sapientiæ professoribus nomen id sibi vendicantibus. Labeonem autem ex disciplinis, Iuris Ciuilis scientiam principali studio exercuisse nos



docet Gellius lib. xiiij. cap. x. Cæterarum verò artium expertus non fuit. In Grammaticam enim sese atque Dialecticam litterasq; antiquiores & altiores penetrauit: Latinarum vocum origines rationesque percallens, quæ præcipuè scientia ad enodandos iuris laqueos utebatur Grammaticæ quidem præcepta normasque eum tenuisse satis apertè demonstrant quæ apud autores de eo leguntur, & præcipuè apud Festum qui Antistitij Labeonis auctoritatem affert ut probet penatis posse dici singulariter. A Proculo tamen Iurisc. notatus est, quod dixisset vsuariū ædium eas habitantem posse Inquilinum quoque recipere, quod non belle Inquilinus dicatur, qui cum eo habitat, sed qui solus in ædibus conductitijs, apud Vlpianum l. 2. & 4. D. de vsu & habitat. Cognitionem etiam iuris augurij eum consequutum fuisse testatur D. Augustinus lib. 4. de Ciuit. Dei. *Cum præferim Labeo*, inquit de victimis Deorum loquens, *quem huiusmodi rerum peritissimum prædicant, numina bona à numinibus malis, ista etiam cursus diuersitate distinguat, ut malos Deos propitiari cædibus, & tristibus supplicationibus asserat: bonos autem obsequijs letis atque incundis, qualia sunt ut ipse ait, ludi, conuiuia, lectisternia.* Qui locus ad scientiam eximiam iuris auguralis, quæ in Labeone residebat ostendendam locupletissimus est. Cæterum legitur Q. Labeo de xij. tab. quædam edidisse, apud Gellium lib. vij. cap. vv. & lib. xx. cap. i. Noct. Attic. Meminit & Persius Satyra i. Labeonis cuiusdā poëtæ: de Cornelio Labeone locus est apud Macrobiū. Noster verò Antistius quadraginta volumina reliquit, ex quibus plurima inter manus versabantur temporibus Pomponij, ut ipse testatur dicta lege 2. quæ omnia maximè à Trebatio Iurisc. hausit. Ab eo enim institutum esse, licet Offilium & Tuberonem etiā audierit, scribit idem Pomponius. Cuius Trebatij in Iure Ciuili singularis memoria, & summa scientia laudatur à Cicerone lib. vij. epist. ad Familiares. In indice

autem Iustiniano librorum Labeonis hi recensentur.

*Περὶ δανῶν lib. viij.] j:* probabilium siue vt Politianus vertit verisimiliū. Hos libros fuisse in Epitomen redactos à Paulo, constat ex inscriptionibus l. fin. D. si seruit. vend. l. si vehenda. D. ad leg. Rhod. de jactu l. fin. de pignor. aliarumque quas hic annotare non libet. Traduntur etiam Labeonis.

*Posteriorum lib. x.]* in indice Græco *βιβλιαδεκα*, de quibus Gellius lib. xiiij. cap. x. scribit eos post mortem Labeonis editos fuisse. Ideoque posteriores inscribi. Sed licet libri tantum decem in indice recenseantur, plures tamen scripsisse constat. Eorum enim librorum tres continuos 38. videlicet 39. & 40. plenos esse id genus rerum ad enarrandam, & illustrandam linguam conducentium Gellius tradit. Ex 37. citat locum quendam Vlpianus in l. si quis §. Labeo D. de Dolo. Alium ex 38. Paulus in l. sacrilegij ad leg. Iul. pecul. in quo Labeo peculatus definitionē dat. Hos vero Labeonis libros fuisse in Epitomen constrictos à Iauoleno, apparet ex inscriptione legis cum colono D. quib. mod. pig. vel hypoth. solu. l. si pater de vulgari l. qui concubinam l. qui quatuor D. de legat. iij. & in l. lx. D. de acquir. vel omitt. hæred. in qua sententiam Labeonis reprehendit. Contrariæ enim scholæ erat.

Præter tamen hos libros indicis Iustiniani meminit Gellius in dicto cap. librorum ad edictum Labeonis, in quibus lepide & argute multa reperta inueniuntur, sicuti hoc est quod in 4. ad Edictum libro scriptum legimus, *Soror, inquit, appellata est quod quasi seorsum nascitur separaturq; ab ea domo, in qua nata est, & in aliam familiam transgreditur.* Ex eisdem libris credo erant, & illa quæ idem Gellius lib. 4. cap. 2. ait Labeonem sensisse cum quæreretur, an is seruus cui dens deesset redhiberi posset. *Labeo, inquit, in causa redhibendi esse negauit. Nam & magna inquit pars dente aliquo carent, neque eo magis pleriq; homines*



*morbosi sunt, & absurdum admodum est dicere non sanos dici homines quoniam cum infantiibus non simul dentes gignuntur.* Labeonis librum 2. citat Vlpianus in l. 1. D. de seruo fugit. vbi fugitiui appellatione, ex fugitiua natum non contineri scribit. Non enim vt Accursius putat hæc verba Vlpiani, *Labeo lib. 2. ad Edictum scribit*, referenda sunt ad ea quæ sequuntur. Desumpta etiam ex libris ad Edictum existimo ea quæ ex Labeone Vlpianus affert. in l. 1. de D. Aedil. Edicto. Labeonis librorum Prætoris vrbanus idem Vlpianus mentionem facit in l. Labeo. D. de verb. signif. Eiusdem libri xxxj. Prætoris peregrini in l. si quis. §. hæc de dolo actio D. de dolo: librorum Epistolarum eiusdem, Pomponius in l. rerum mixtura §. Labeo D. de vsucap. Extat etiam Antistij Labeonis apud Festum de mortis causa stipulatione locus non contemnendus. *Mortis causa*, inquit, *stipulatio existimatur fieri vt ait Antistius Labeo quæ ita sit vt morte promissoris confirmetur aut vt quidam dixerunt cuius stipulationis non fuit causa.* Memorat idem Festus commentariorum Iuris Pontificij Labeonis in dictione, sistere, vbi 15. ibrum citat, & in dictione, spurcum, vbi x. profert. Ex quo illa esse arbitror quæ de virgine capienda Gellius lib. 1. cap. xij tradit Labeonem scripsisse. Iauolenus in l. cum ex filio D. de vulgari scribit auum quendam qui ex filio duos nepotes habebat alterum in potestate alterum non, vellétq; vtriq; substituere, cum filio quem non habebat in potestate non posset, testamentum ex consilio Labeonis Offilij Casselli Trebatij fecit. Moris enim erat olim quum quis conderet testamentum Iurisperitos vocare: vnde in l. codicillis 89. §. Lucius Titius. D. de legat. 2. sic scriptum est, *Lucius Titius hæc meum testamentum scripsi sine vlllo Iurisperito.* Citatur etiam Labeo ab Vlpiano id l. sed est quæsitum D. de liber. & posth. Nihil enim immutandum censeo contra viri doctissimi Iacobi Cujacij sententiam qui pro *Labeo & Cassius* scribunt, legendum

putat, *Iauolenus & Cassius scribunt.* Ratio enim illa quam affert quod Cassius & Iauolenus supra citentur *in spe* oppugnatur. Si enim nomen Iauoleni supra positum esset frustra repeteretur. Præterea Iurisconsulti solent, isque mos Vlpiano peculiarior, cum nomen alicuius autoris repetunt, quem paulo ante nominauere, dictionem, *idem* semper adijcere ut in l. x. D. de vsuf. & habit. in l. xv. in l. ædiles. D. de Aedil. Edicto in l. ix. D. pro socio, & in multis alijs quas recensere superuacaneum esset. Nec lectionem vulgarem condemnat id quod obijci potest: Labeonem scilicet & Cassium diuersæ sectæ autores esse, atque ita absurdum eadem sentire videri. Iurisconsultos enim Cassianos & Proculianos, quamuis contrariæ scholæ, in quibusdam conuenire passim in Pandectis legimus. Sic Cassius, & Pegasus *idem* responderunt in l. xij D. de vsufr. & quemad. quis ut: Sic Celsus & Sabinus in l. xix. D. si seruit. vend. Sic *ijdem* Labeo & Cassius in l. xij D. de vsu & habit. Sicuti è contra quamuis eiusdem scholæ sint, tamen inter se semper non consentiunt: sic in l. x. D. de negot. gest. Proculus & Labeo diuersæ sententiæ sunt, & Celsus Labeonis sententiam deridet. Cæterum his quæ ad libros Labeonis pertinebant expositis, prætereundum non reor locum illum singularem Iustiniani tit. de Codic. qui alibi nec in nostris, alienisue autoribus inuenitur de codicillorum origine & vsu, qui à Labeone omnem auctoritatem desumpsere. Quamuis enim Lucio Lentulo mortuo, qui primus codicillos introduxit: quibus ab Augusto petijt per fideicommissum, ut faceret aliquid, dicitur Augustus conuocasse sapientes viros, interq; eos Trebatium quoque, cuius tunc maxima auctoritas erat, & quæsiisse an posset recipi, nec absonans à iuris ratione codicillorum vsus esset: Et Trebatium suasisse Augusto, quod diceret vtilissimum & necessarium esse, hoc ciuibus esse propter magnas  
&



& longas peregrinationes quæ apud veteres fuissent: vbi si quis testamentum facere non posset tamen codicillos posset. Augusti tamen nec Trebatij autoritas tanti fuit apud Romanos, vt contra ius vetus morem introductum reciperent. Sed post hæc tempora cum Labeo noster qui à Trebatio institutus fuit codicillos fecisset: nemini jam dubiū fuit, quin codicilli iure optimo admitterentur: tantæ autoritatis apud Romanos & ponderis Labeonis sapientia fuit.



## NERATIVS PRISCVS.

**N**eratium Pegasi sectatorē fuisse scribit Pomponius in fine l. 2. D. de Orig. iur. & Traianum Imperatorem huius consilio vsum Papi-  
nianus ait in ea facti specie, in qua pater qui filium coactus emancipauerat, eo mortuo bonorum possessionem petebat l. fin. Si à parente quis fuer. manum. quem ita charum acceptumq; habuit, tantumq; de summo eius ingenio, & spe amplissimæ dignitatis iudicauit, vt in successione Imperij Hadriano antepone-  
re eū in animo habuisse, frequens fuerit opinio autore Spartiano in Hadriano. Prisco enim aliquando Traianum dixisse testatur hæc verba, *Commendo tibi prouincias si quid fatale contigerit.* Verū postquam Hadrianus Imperio potitus est, nullus eum inuidentiæ ventus siue potius maleuolentiæ, qui principum animos parum fortes conquassare plerumq; solet, non dicam cōmouit: sed ne quidem agitauit: tantum valet ingenuitatis & candoris in animo altissime defixas habere radices. Neratiū enim Priscum in consilio cum iudicaret semper habuit, autore eodem Spartiano: & sub Hadriano Consulem fuisse factum colligere possumus ex eo quod Collegam Annium Verum.

habuerit. Sic enim corrigenda sunt verba legis is qui seruum D. ad leg. Corn. de fidei. *Quod Neratio Prisco & Annio Vero Coss.* Qui siquidem Neratius Verus, aut Annius Priscus fuerint non memini adhuc me inuenisse: facileq; fuit hunc errorem nominum commutatione impingere. Hæc autem ad tertium Annij Veri Consulatum referri debent. Hunc enim tertium Consulem fuisse testatur Dion Nicæus. Cum primum Consulatum cum Syluano sub Vespasiano, & cum Augure sub Hadriano secundum gessisse scribat Cassiodorus in Chronicis. Sed in quem annum suggeri debeat huius Consulatus, non facilis cognitionis: sub Hadriano tamen referri debere satis apparet. Fratrem autem Neratium Marcellum habuit; cui, de Iure Ciuili consultus per Epistolam respondit, ut est apud Vlpianum in l. quæsitum §. deinde D. de fundo instr. quemque clarissimum vocat Plinius lib. ij epistol. Eum Haloander Consulem cum Iubentio Celso ij Consule, imperante Hadriano comparat: Marcellum & Celsum habent Fasti Græci: Celsum vero & Marcellinum Cassiodori Chronicon. Veruntamen Marcellum illum qui Consul profertur cum Iuuentio Celso ij, fuisse vnum ex suffectis eo anno Consulibus, probat vetus illa inscriptio quam prodidit Onuphrius lib. 2. Fastorum, de qua infra sumus dicturi. Ille fortasse est Marcellus, quem Hadrianus quamuis amicissimum ut ait Spartianus, compulit ad mortem sibi consciscendam, & ad quem Hadrianum Imperatorem rescripsisse Vlpianus lib. 21. ad Sabinum scribit. Extat præclara eius sententia in l. ij D. de iur. & facti ignor. *Ius finitum & esse posse & debere.* quem imitatus Iustinianus in Proëmio Digestorum scripsit hanc solam iuris scientiam finitam esse. Scripsit autem Neratius Priscus quamplurima iuris volumina quorum hæc in indice Iustiniano reperiuntur.

*Membranarum lib. ij. ]j: Responforum in Membranis scri-*



ptorum. Moris enim erat olim apud Iurisconsultos, ut chartis & membranis responsa sua apponerent, sicut Principes constitutiones suas Codicibus. Hoc autem puto obseruatū, quod Iurisperitis jam prouecta ætate visus debiliior esset. Tradit siquidem Plinius lib. 7. cap. 21. quibus visus infirmior erat, membranarum vsum familiarem fuisse: alijs vero ceræ. In libro 2. & 3. de Seruitutibus tractauit, ut colligitur ex l. 1. item sic D. de seruit. rust. præd.

*Responsorum lib. iij.] Citatur liber secundus ab Vlpiano in l. 1. Inde Neratius D. de vsufr. accr. Ex his responsis vnum extare arbitror in l. Neratius D. de regul. iur. Neratius, inquit Paulus, consultus an quod beneficium dare se quasi viuenti Cæsar rescripserat, iam defuncto dedisse se existimaretur. Respondit, non videri sibi Principem quod ei quem viuere existimabat concessisset, defuncto concessisse: quem tamen modum esse beneficij sui vellet ipsius æstimationem esse. Ex quibus verbis colligere possumus Beneficiorum originem, à Romanis Imperatoribus ortam. Sic apud Pomponium in l. 2. de orig. iur. Potestas de iure respondēdi à principibus peti pro beneficio cœpit, & apud Vlpianum in l. 4. D. de his qui not. infam. cum de ministerio designatoris loquitur, scriptum est, *Et sane locus iste hodie non pro modico beneficio datur.* Beneficia autem huiusmodi in peculiarem librum referebantur, qui liber Beneficiorum dicebatur Hygenus libro de limitibus, Lampridius in Alexandro Seuero. Recensentur etiam.*

*Regularum lib. xvij.] Præter eos libros Neratij quorum sunt in indice Iustiniano conscripta nomina edidit.*

*Epistolarum libros] Quorum quartus citatur in d. §. deniq;. Meminit etiam Vlpianus in l. sed addes §. 1. D. locati epistolæ Neratij ad Aristonem.*

Collegisse autem quædam ex Plautio inditio est lex ergo D. de seruit. rustic. præd.

*Librum de nuptijs* ] Composuisse refert Gellius lib. 4. cap. 4. Noct. Attic. Multis denique in locis incerto. librorum numero citatur à legum conditoribus.



## IABOLENVS PRISCVS.

**I**mporibus Hadriani Trajanique Imperatoris floruit Iabolenus Priscus ut ex Plinij epistolis colligerelicet. Tempora etiam Antonini Pij attigisse videtur ex Capitolino, qui eius consilio Pium scribit, cum qui d de iure sanciret usum fuisse. Pomponius in l. 2. D. orig. iur. ait eum Cellio Sabino successisse, quod ego in iuris disciplina explicanda intelligendum arbitror, ad quam cognoscendam, percipiendamque; Iulianus Iurisconsultus se huius præceptis institutisque; , ut diximus, fuisse instructum professus est in l. an manumittere D. de manum. vind. in qua Iabolenus cum consilium præberet, seruos suos manumisit. Qua ex lege Iabolenum Magistratū in Africa, & Syria gessisse constat. cum tantum ij qui Magistratum gererent, Consilium præbere possent. Vlpianus lib. iij de omnibus Tribunalibus in l. mandata D. de offic. eius cui mand. est iurisd. vocat, *Consilium exercere*. Accursius hæc verba interpretatus est autoritatem manumittendi præstare, quod legisset Iabolenum cum consiliū præberet manumisisse: nec quidem malè Vlpiani mentem explicat. Vlpianus enim ipse in l. vnica D. de offic. Cons. dicit Officium Consulis esse, præbere Consilium manumittere volentibus. Quod quidem *συνέδριον* vocatur à Theophilo cui præerat Romæ Prætor, & in prouincijs Proconsul vel Præses: siue ut Theophilus generali nomine loquitur



ἀρχων. Eratque Romæ consilium illud quinque Senatorum, & quinque Equitum Romanorum, in prouincijs viginti recuperatorum ciuium Romanorum, autore Vlpiano in fragmentis tit. 1. Ex his itaque colligere possumus Iabolenum Proconsulem Syriæ & Africæ fuisse. Præses enim esse non potuit cum in notitia Prouinciarum Imperij Romani Aphrica sub Proconsule ponatur. Cæterum cum Magistratu perfunctus erat in Consilijs ipse adhibebatur. Sic enim de eo Plinius scribit lib. 6. epist. *Interest tamen officijs adhibetur consilijs*, j: adfessor fuit. Adfessores enim Consiliarij appellantur à Paulo lib. 1. sentent. in l. 5 D. de offic. adfess. & in l. consiliarijs C. eod. & apud Heliodorum lib. x. Gymnosophistæ *συνέδρον, συμβέλοι* adfessores & consiliarij, simul nominantur. Et in l. 1. C. de adfessor. consiliorum participes, quæ verba memouent, vt legem 1. C. si rector prouinciæ, sic restituum, *quod ita late patere volumus, vt non solum circa administrantes, sed circa etiam administrantium filios nepotes ac propinquos & participes consiliorum domesticosq; locum habeat.* Quæ vulgo sic legitur *participes*, j: consiliarios. Vnde *παρέδρον* esse apud Latinos Iurisconsultum Procopius scribit lib. 1. de bello parthico. Quod Iurisconsultorum propriè munus fuit l. 1. D. de offic. adfess. Ideò Celsus filius patrem in Consilio Consulis fuisse scribit in l. pater meus D. de legat. 2. Consilijs autem Iabolenum adfedissee constat non solum Magistratum, sed etiam Principum: vt Antonini Pij in consilium admissum eum fuisse supra diximus. Iurisperitos enim in consilium principum assumptos, præter alios docet Papinianus in l. 3. D. de excusat. tut. Cæterum Iabolenus amicissimum habuit Pescennium Paulum splendidum Equitem romanum & eruditum vt tradit Plinius lib. 6. epistolarum. Ex cuius verbis dubiæ sanitatis hominem Iabolenum discere possumus. Cum enim Pescennius versus recitaret, & ita cœpisset, Prisce iubes! Ad hoc Iabo-

lenus Priscus qui Paulo Pescennio vt amicissimus aderat: Ego verò non iubeo. Hic, risus, ioci, eò maiores quo vir grauioris professionis desipuerat. De iure tamen ciuili publicè respondit, scripsitq; plures libros. Ex quibus in indice Iustiniano hi reperiuntur.

*Ex Cassio x. v.]* Politianus legit ex Cassio v. sed refellūt eum inscriptiones multarū legum quæ sexti, septimi, octauī, noni, decimi, vndecimi, duodecimi, decimitertij, decimi-quarti, decimi-quinti mentionē faciunt. Satis erit vnius legis inscriptionē ex vnoquoq; illorū indicare. Ex sexto lex adoptio D. de adoptiō. ex septimo l. cum feruo D. de contrah. empt. Ex octauo l. si quis. D. de negot. gest. Ex nono l. si is D. de interrogat. act. Ex decimo l. certo generi D. de seruit. rustic. præd. Ex xi. l. non ex omnibus D. de acquir. poss. Ex xiii. & xv. l. moribus l. soluendo D. de verb. signific. In his libris multa Cassij dogmata Iabolenum libenti animo collegisse crediderim, quod eius sectæ se adiunxerat.

*Ad Plautium. lib. v.]* Siue ex Plautio vt in permultis inscriptionibus legum legitur.

In nonnullis indicibus & recentioribus reponuntur.

*Epistolon βιβλια δεκατέσσαρα]* Ex quibus quamplurimæ leges desumptæ sunt.

Præter tamen hos libros indicis Iustiniani, scripsisse eum constat.

*Epiuomen in libros posteriorum Labeonis]* siue potius notas. Contrariæ enim sectæ à Labeone fuit. atque idè lib. 9. Labeonem reprehendit in l. 44. D. de iniur. & fam. lib.



## P. IUVENTIVS CELSVS.

**P**. Iuuentus Celsus hic Iurisconsultus appellatur, non Iubentius, vt male legitur in indice Iustiniano-Haloandri, sicut in Pandect. Florentinis exaratum est in l. 20. §. Præter. D. de petit hæred. Iuuentia autem familia Romæ etiam stante Rep. consularis fuit ex Tusculano antiquissimo municipio orta teste Cicerone pro Cn. Plancio, ex qua hic Iuuentius qui Hadriani in consilio fuit autore Spartiano si cum Cuspiniano Iuuentium Celsum non Iulium Celsum legamus. Fuere autem duo Celsi iuris scientia commendati pater, & filius. Patrem Pomponius in l. 2. de orig. iur. scribit Pegaso successisse, eumque in Consilio Ducennij Consulis fuisse, testatur Celsus filius in l. Celsus pater D. de legat. 2. In quo consilio cum eiusmodi factum proponeretur, Oraticius Catullus filia ex asse hærede instituta liberto ducenta legarat petieratque ab eo vt ea concubinæ ipsius daret. Cum libertus viuo testatore decessisset & quod ei relictum erat apud filiam remansisset quærebat, an id fideicommissum apud hæredem remanere deberet vel concubinæ cui relictum est redderetur: putauit cogi debere filiam fideicommissum concubinæ reddere, atque itum est in sententiam suam. Celsus autem filius de quo nunc loquimur bis Consul fuit. De primo eius Consulatu nihil asseuerare ausim: eumque suffectum augurarer: cum in Fastis primum Iuuentij Celsi Consulatam nullum legamus. Celsus siquidem ille, quem Cassiodorus Consulem ponit cum Crispino anno vrb. cond. 863. post Trajanum septimum & Africanum, alius est ab hoc Iuuentio Celso: quod ex Mapheorum tabulæ loco, quem Onu-

phrius scriptis suis inseruit iudicari potest. In qua ita exaratum est. *L. publico Celso II. Clodio Crispino Cos Id April.* Nusquam enim Celsus noster L. Publilius nominatur. Deinde Iuuentij Consulatum primum quærimus: hic autem Celsi secundus refertur. Qui ne quidem de secundo Iuuentij Consulatu intelligi potest: cum in eo non Crispinum, sed Q. Iulium Balbum collegam habuerit, vt ex antiqua inscriptione quæ in ænea tabula Venetijs apud Aquileiensem Patriarcham obseruatur; probare licet

*Imp. Caesar. Diui Traiani Parthici F. Diui Nerva. Nepos. Traianus Hadrianus Aug. Pont. Max. Trib. potest xij. Cos. III. PP. Ad xij. Cal. Mart.*

*P. Iuuentio Celso II. Q. Iulio Balbo Cos.*

*Ad viij. Cal. Jan.*

*Marcello & Gallo Cos.*

Atque ita non malè is Celsus, qui cum Marcellino apud Cassiodorum refertur pro Marcello, Iuuentius noster erit. Hæc autem inscriptio confirmatur Senatus-consulto Hadriani Imperatoris temporibus facto, & ab Ulpiano in l. item veniunt D. de petit. hæred. relato, quod à Petro Pythæo viro doctissimo lib. ij cap. xv. aduersariorum est emendatū.

*Pridie Id. Mart. quod L. Julius Balbus, & P. Iuuentius Celsus T. Aufidius Oenus Seuerianus Coss. verba fecerunt. De ijs quæ Imp. Caf. Traiani. Parthici F. Diui Nerva N. Hadrianus August. P. M. PP. V. Non. Mart. quæ proxima fuerunt libello complexus esset. quid fieri P. D. E. R. I. C.*

Malè autem hic (Oenus Seuerianus) quamuis ex Pandectis Florentinis



rentinis legit vir eruditus: sicut etiam malè scriptum reperitur in quibusdā Codicibus, *Onerius Seuerianus*. Nec enim in Fastis, nec alibi, *Oenus* vel *Onerius Seuerianus* Consul legitur. Sed reponendum *Arrius Seuerianus* secundum Haloandri editionem. Sic enim in Fastis Onuphrij consularibus legitur: qui cum Iuuentio Consul suffectus fuit, & secundum consulatum ordinarium cum Sentio Augurino gessit. Diocletianus autem & Maximinianus Impp. alius Senatusconsulti mentionem faciunt hoc Iuuentio Celso iterum Consule, sic enim legendū est non, item, quod & ab Antonio Augustino adnotatum est in libris emendat. quo legis Vectibulici potestas ad prouincias porrigebatur. Huic tamen collegam non Q. Iulium Balbum, sed Neratium Marcellum vnum ex suffectis dant Impp. Alios autem Magistratus Iuuentius Celsus consequutus est, præter Consulatum. Prætor enim fuit, vt scribit Plinius epist. lib. vi. & in prætura cum Licinio Nepote iurgio contendit, neque contumelijs temperauit, : quod in Senatu Licinius dixerat, petendum à Coss. vt referrent sub exemplo legis ambitus de lege Repetundarū, an placeret in futurum ad eam legem adijci, vt sicut accusatoribus inquirendi, testibusq; denunciandi potestas ex ea lege esset: ita reis quoque fieret. Ita autem hæc rixa contentioq; inflammata est, vt Celsus Nepoti ex libello responderit: Nepos vero Celso ex pugillaribus. Filium habuit Iuuentiū Celsum, qui sub Antonino Promagister fuit, vt ex veteri marmore apud Alberinos Romæ reperto quod refertur à Bernardino Rutilio, & à Briffonio ex Parrhasij Cateneique scriptis lib. iij Select. antiqu. cap. 7. quod & transcribere hoc in loco non pigebit emendatius quam ab illis tradatur.

*Cum eius ante hos dies coniugem & filium amiserim, &  
oppressus necessitate corpora eorum fictili Sarcophago*

*commendauerim donec quietis locus quem emeram  
adificaretur via Flaminia inter Miliar. II. & iij  
euntibus ab urbe parte laua monumenti Fla. Thy-  
meles filia M. Sini Origi. Rogo Domine permittas  
mihi in eodem loco in marmoreo Sarcophago quem  
mihi modò comparauit ea corpora colligere ut quando  
etiam ego esse desero pariter cum eis ponar.*

*Sepulchrum fieri placet.*

*Iuuentius Celsus Promagister subscripsi III. Non.  
Nouemb. Antio Pollione & Opimino Coss. Ordini-  
arijs Seuero & Sabiniano Coss.*

Ex quo colligere possumus, officium Promagistri in libellis  
imperatorii oblati subscribendis constituisse: cui muneri  
sæpissimè ab Impp Iurisconsulti præficerentur, ut Papinia-  
nus in l. Rescriptum D. de distract. pig. qui libellos agens  
appellatur, & Aurelius Arcadius magister libellorum in  
inscript. legis 1. D. de offic. præf. præf. Miror tamen virum  
clarissimum Barnabam Brissonium loco supracitato tradi-  
disse, Imperatores ipsos non semper his libellis subscripsisse,  
sed subscribendi curam alijs mandasse, cum nullum huius  
rei autorem habeat. Quinimo contrarium verum est, Impe-  
tores scilicet ipsos subscribere solitos libellis, & cum illis  
Promagistros: neque aliter subscriptiones principum legis  
habebant vigorem, & sic interpretanda est lex 1. D. de con-  
stit. princ. Qui quidem mos (quod à nemine adhuc animad-  
uersum legitur) desumptus sine dubio est à Cæsare Iulio qui  
subscriptos libellos manu sua, ab amplissimis viris quos vo-  
lebat, obsignari etiam iubebat. teste Cicerone lib. xvj. epist.  
ad Attic. in ea quæ ad Plancum est *Adiuimus*, inquit, *Cæsarem  
verba fecimus pro Buurijs liberalissimum decretum abstulimus, quod est  
obsignatum ab amplissimis viris.* Quod olim apud nos Gallos ob-



seruatum fuit, vt decreta regum & subscriptiones libello-  
rum manu etiam procerum quorundam obfignarentur, vt  
ex Annalibus constat. & hæc subscriptio libellis appofita  
annotatio appellatur in l. 1. C. de precib. imperat. offer.  
Multa vero quæ ad Iuris Ciuilis cognitionem pertinent à  
patre didicit, eiusque præceptis institutus est. Se enim à patre  
accepiffe fatetur ipfe, quod seruo communi legatum fit, fi  
alter dominorum omitteret alteri non accrescere in l. xx. D.  
de legat. ij. Eius extat dictum apud Iustinianum in l. fin. C.  
qui testam. fac. poss. Nullum esse qui penitus non exaudiat,  
fi quis supra cerebrum illius loquatur. De Celfo autem filio  
intelligit Paulus in l. si seruum §. sequitur D. de verb. oblig.  
cum ait, Celsum adolescentem scripsisse eum qui moram fe-  
cerit in soluendo sticho quem promiserat, posse emendare  
eam moram postea offerendo. In qua memoranda eius extat  
sententia, quam in hominum mentibus qui iuris disciplinæ  
nauant operam impressam esse cuperem. Cum de bono &  
æquo quæritur, in eo genere plerunque sub autoritate iuris  
scientiæ perniciosè errari. A Flauio Respecto Prætore con-  
sultus fuit de facto, cum hæc quæstio esset. Minor xxv. annis  
annum fortè xxiiij. agens iudicium tutelæ hæredi tutoris  
dictauerat, & maior factus pro hærede sententiam acceperat  
an in integrum restitui possit; & suasit Celsus Flauio non  
facile hunc in integrum restitui nisi probaretur calliditate  
aduersarij id actum, vt maiore eo facto liberaretur. A Plo-  
tiana etiam consultus fuit, vt apparet ex l. Plotiana D. de  
iure Codic. Familiaritate etiam coniunctus fuit cum Domi-  
tio Labeone vt constat ex duabus epistolis sibi inuicem res-  
criptis quæ extant in l. 28. D. qui testam. fac. poss. ex qua  
colliget satis lector Iacobum Cujacium hæc verba legis  
Mixture D. de usurpat. (*Labeo libris Epistolarum ait*) sic frustra  
emendare conatum (*labolenus libris Epistolarum ait*) quamuis hac

ratione moueatur, quod nulla apud autores Labeonis Antistij Epistolarum mentio fiat. Non enim verba legis Mixtura de Antistio Labeone interpretanda sunt. Domitium autem Labeonem Epistolas scripsisse de iure, more aliorum Iurisconsultorum apparet ex dicta lege 28. Cæterum fuit quidam Iuuentius Celsus Iurisconsultus, quem Cicero in Bruto ait nec indoctum fuisse, & magna Iuris Ciuilis intelligentia, ex quibus non perperam concludemus Iuris Ciuilis scientiam in Iuuentiorum familia quasi hæreditariam fuisse. Fuit etiam Celsus qui, cum quibusdam contra Domitianum coniurauerat, saluus nec opinato conseruatus est, quod luculenter Dio describit: quem patrem Celsum Iurisconsultum & ratio temporis, & aliæ conjecturæ cogunt augurari. Noster autem Celsus composuit complures libros, quorum indic e Iustiniano memorantur.

*Digestorum lib. xxxix* ] In quorum septimo ad Epistolam Cornelij Fœlicis quædam scripsit, vt apparet ex Vlpiano lib. 31. ad Edictum in l. si id D. pro Socio. Reliquit præter hos.

*Institutionum xx.*

*Epistolarum lib. xiiij.*

*Quæstionum lib. xix.* ] Citatur enim liber xix. in l. xix. D. de auro & arg. leg. quæ etiam meminit.

*Commentariorum lib. vj.*

## SEXTVS POMPONIVS.



Extus Pomponius inter splendidissimi Papi-  
niani discipulos & Alexandri Seueri Impera-  
toris familiares & focios à Lampridio nomi-  
natur, à quo legum peritissimus appellatur.  
Quamuis Cujacius de fide autoris dubitet.  
Ego quidem de fide Codicis potius dubitarem cum in eo



qui in Bibliotheca Regia seruator Pomponius non numeretur à Lampridio. Nihil tamen obstat quo minus eum rectè à Lampridio inter Alexā dri Seueri familiares nominari credamus. Certum enim est eum post Iulianum vixisse, qui ad Antoninum Pium vsque peruenit, quod ex l. 2. D. de orig. iur. rectè concluditur. vbi Pomponius Iulianum vltimum ex iuris autoribus memorat: hac autem in lege eorum tantum qui iam è vita excefferant mentionem facere voluit, viuentium nomine omisso, vt autores alij facere solent, verecunda quadam modestia impulsī. Hoc conijcitur etiam ex verbis ipsius Pomponij lib. vij. epistolarum in l. apud Iulianum D. de fideicom. libert. qui cum refert sententiā Iuliani, non ait; quā ab illo audiui, sed sic loquitur, *quam dixisse fertur Iulianus.* quæ satis denotant eam ab alijs accepisse, & eo mortuo illa verba scripsisse. Quamuis enim Pomponius Iuliani extrema tempora attigerit, non tamen inepte dicemus epistolā illam imperante Alexandro Seuero eum scripsisse. Pomponium siquidem ex temporū supputatione Torquato iij & Iuliano Iurisconsulto Cofs. aut anno sequenti natum constabit: quamuis septuagesimus octauus ætatis suæ annus sub 4. Imperij Alexandri annum inciderit. Ex quibus liquidò apparet verba Vlpiani in l. 64 §. si seruo D. pro socio corrupta esse. *Et ait Iulianus Sextum Pomponium referre Sabinum respondentem non communicari, & posse hanc sententiam defendi Iulianus ait.* Sicque restituenda.. *Et ait Sextus Pomponius Iulianum referre Sabinum respondentem non communicari &c.* Quos honores in republica gesserit scriptum non reperi. Eum quidem & ad senectutem extremam litterarum studia produxisse certum est, ex dicta lege apud Iulianum. vbi ipse scribit. *Ego discendi cupiditate quā solam viuendi rationem optimam in octauum septuagesimum annum ætatis duxi, memor sum eius sententiæ quā dixisse fertur Iulianus,* *καὶ τὸν ἑπὶ τὴν πόλιν ἐν τῇ σωφροσύνῃ προσημαδεῖν τὴν βασιλείαν.* Et phi-

losophiæ stoicæ præceptionibus imbutum fuisse declarant  
 verba legis rerum mixtura D. de vſurpat. & vſucap. quæ  
 Senecæ doctrinam sapiunt libri 2. Natural. quæſt. cap. 2. Is  
 est qui Magistratum & Iurisconsultorum ſucceſſionem, &  
 quaſi Iuris Ciuilis proſapiam eleganti & breui ſtylo dedu-  
 xit. Tantæque in Iure Ciuili autoritatis fuit vt ab multis  
 Iureconſultis, tanquam autor ſapientiffimus nominetur, &  
 præſertim ab Vlpiano plerifq; in locis, cuius tamen, vt bre-  
 uitati conſulamus legem 32. ſi quis à filio D. de legat. 1.  
 notabimus, quoniam purgatione non contemnenda illius  
 legis hæc verba egent, *quod ita verum eſſe tam Sextus quàm Pom-  
 ponius putat ſi repetitio legatorum ad eum modum concepta ſit* Quæ ſic  
 emendanda puto, *quod ita verum eſſe tantum Sextus Pomponius putat*  
*Ec.* vt Sextus Pomponius non diuerſi ſint Iurisconſulti.  
 Quis enim Sextum Iurisconſultum vnquam nouit: quippe  
 eum cuius fit mentio in l. 1. D. ad Senatuſc. Claud. rectè An-  
 tonius Auguſtinus hunc Sextum Pomponium eſſe coniicit;  
 & Græci non Sextum ſed Σέπτιον legunt. Facile autem ex  
 librariorum ignorantia hic error naſci potuit. dictio enim,  
 tantum, eodem modo quo, tam, ſcribitur niſi linea ſuper-  
 iecta. Quod & ſeries orationis, ſenſusque legis factum ſatis  
 oftendunt Nam cum Sabinus ſcripſiſſet (hæc enim ſunt ver-  
 ba Sabini.) Si quis à filio pupillo hærede inſtituto cum is in  
 tutelam ſuam veniſſet pecuniam legauerit, & à ſubſtituto  
 hærede legata repetierat impubere filio mortuo ſecundum  
 hæredem legatum non debere. Vlpianus ſcribit Sextum  
 Pomponium hoc verum tantum putare, ſi repetitio legato-  
 rû ad eum modû concepta ſit veluti. Quæ à filio meo legauit,  
 quæque eum dare iuſſi, ſi mihi hæres eſſet, id hæres meus  
 iſdem diebus dato, & non aliter. Pomponius enim ad Sabinum  
 libros edidit vt infra dicemus. Cæterum Sextus Pom-  
 ponius à Iunio Diophanto per epistolam conſultus eſt, quæ



extat in l. vlt. D. de minor. Labeonisque sectam minime probauit, vt ex lib. 35. ad Edict. colligitur. Reliquit autem eximia doctrinæ suæ monumenta non perpauca hæc in indice Iustiniano recensentur.

*Ad Q. Mutium lectionum lib. xxxix.* ] Et index Græcus habet βιβλία τεράκοντα ἑννεα. Politianus tamen legit vnde quadraginta. Ad hos libros referenda est l. quod autem D. de seruit. vrb. præd. cuius inscriptio est eiusmodi, *Pomponius lib. xxv. ad Quintum* & lex Q. Mutius D. de Act. empt. Ex his libris illud est quod refert Vlpianus in l. Iurisgentium §. adeo D. de pact. Pomponium sensisse, posse in partem recedi ab emptione quasi repetita partis emptione, & in l. sicut §. apud D. si seruit. vendic. ex xij libro, non licere agere vt quis possit fumum non grauem agere in suo. Ex his etiam libris desumptas puto l. i. & 2. D. de annuis legat. quamuis in vulgatis Codicibus Vlpiano tribuantur, cum in meo manuscripto exemplari Pomponij sint, stilumq; ipsius maximè redoleant. Labitus quidem ad Pomponium ex lib. 5. ad Sabinum primam refert, ad Vlpianum vero secundam.

*Ad Sabinum lib. xxxv.*

*Epistolarum lib. xx.*

*Variarum lectionum lib. xv.* ] Martianus tamen in l. 2. D. quibus in caus. pig. vel hypoth. meminit lib. 40. variarum lectionum Pomponij, quam ideo mendosam puto legendumque lib. quartodecimo, vt libri tertij decimi mentio fit in l. 5. quæ est eiusdem Martiani, & ex quo lex 7. desumpta est. In decimo enim tertio, & decimoquarto libro Pomponius de iure hypothecæ & pignoris tractauit. Quædã autem in his libris ad Edictum notata fuisse indicat inscriptio legis in prædijs D. ex quibus causis pign. vel hypoth. contrah. quæ est huiusmodi, Pomponius libro xij. ad Edictum ex varijs lectionibus, qui libri aliquando *Ad edictum* tantum vocantur, vt in l. xij. D. de pignor.

*Ad Plautium lib. vij.*

*Fideicommissorum lib. v.*

*Senatusconsultorum lib. v.*


*Regularum lib. singul.* ] In indice Græco scriptū est βιβλία. ε'. ad hunc librum Marcellū notas scripsisse, apparet ex inscriptione l. furiosus D. de acquir. hæred. vbi ita scriptum est *Marcellus libro singulari Regularum Pomponij.*

*Εγχειρις lib. ij* ] Scripsisse etiam alium librum singularem Enchiridij, arguitur ex inscriptione legis 2. D. de orig. iur. & l. 2. D. de iustit. & iure.

Præter tamen eos libros qui in indice Iustiniano Pomponio tribuuntur, scripsit.

*Librum singularem de tacitis fideicommissis.* ] Ex quo desumpta est l. pupillus D. de verb. signific.

*Libros ad Edictum* ] quorum sextus citatur ab Vlpiano in l. iurispergentium §. adeo D. de pact. septuagesimus nonus in l. 1. §. Pomponius D. de Carbon. Edicto, & fortasse libri lx. & lxxxiiij qui citantur ab Vlpiano in l. quod in hærede §. 1. D. de tributor. act. & in l. 1. D. si quid in fraud. patron. non annotato loco, ad hos referri possunt. Ea quidem quæ de Pomponio afferuntur ab Vlpiano in l. 1. D. ne quis eum qui in ius voc. ex libris quos ad Edictum scripsit, desumpta sunt. Meminit idem Vlpianus lib. viij Pomponij de stipulationibus in l. hoc Senatusc. §. fin D. de usufr. earum rerum quæ usu.



## ABVRNIVS VALENS.




Auoleno Prisco successisse Aburnium Valentem, Pomponius ait in dicta l. 2. D. de orig. iur. quem Antoninū Pium in cōsilio habuisse Capitolinus refert. Fasti meminerunt Caij Valentis qui Consul fuit anno vrb. conditæ




octingentesimo & quinquagesimo vt scribit Eutropius lib. 8 cum C. Antistio, sub quibus Domitianum Imperatorem occisum, tradit Dion in Domitiano. Cuspinianus Cassiodori in commentarijs nostrum esse putat, eiusque familiaritate vsum Antoninum Pium, hoc Capitolini citato loco, vt auguror, inductus. Eum tamen alium fuisse ab hoc nostro arbitror. Cajus enim Valens Imperium Antonini non attigit, cum eum nonaginta annos habentem in Consulatu mortuū esse scribat Dion in Domitiano, eodē anno quo Domitianus occisus est. Noster autem Valens quinquaginta post Domitianum annis consuluit Pio Imperatori. Quamobrem dicendum est, hunc potius esse ad quem scribit Plinius lib. 4. epist. qui Traiani temporibus vixit, eumque sic alloquitur. *Mihi autem familiare est, omnes cogitationes meas tecum communicare, iisdemq; te præceptis, vel exemplis monere, quibus ipse me moneo: quæ ratio huius Epistola fuit.* Quæ oratio hominis est senis, adolescentem in causis forensibus non multum versatum adhortantis. Nec credendum Bernardino Rutilio, qui Aburnium Valentem duos esse putat; minusque cum Valentem à Capitolino Saluium dici existimat. Non enim apud Capitolinum hæc dictio *Saluius* ad Valentem, sed ad Saluium Iulianum referenda est, quem ad Diui Pij tempora peruenisse, eiusque consilio assedisse, certissimum est ex his quæ supra diximus in Iuliano. Libri eius recensentur in indice.

*Fideicommissorum lib. septem* ] Ad quos referenda sunt, quæ apud Aburnium Valentem relata inuenisse scribit Paulus in l. 78. §. cum vir D. de legat. iij. Hunc etiam Actionum libros composuisse putat Labitus, ex inscriptione l. fin. D. vt in possess. legatorū eatur: quæ tamen in vulgaribus Codicibus tribuitur Iauoleno. Huius deniq; Valentis meminit Paulus in l. debitor §. seruo alieno D. de legat. 2. & in lege si hæres D. de fideicom. libert.



## VOLVSIVS MÆTIANVS.



Angelus Politianus epistolarum lib. 5. ad Iacobum Modestum, scribit Volusium Antonini Pij præceptorem fuisse. Capitolinus quidem autor est, cum quid Antoninus Pius de iure sanciret, habuisse hunc Mætianum in Consilio atque ab eo M. Antoninū Philosophum ius ciuile didicisse. Cuius, & L. Aelij Commodi Veri præclarū extat rescriptum apud Vlpianum in l. Diui D. de iure patron. cuius hæc sunt verba. *Sed & Volusius Mætianus amicus noster & Iuris Ciuilis præter Veterem & bene fundatam peritiā anxie diligens, religione rescripti nostri ductus est nepotem, neque verbis neque sententia legis aut Edicti Prætoris, ex persona vel nota patris sui excludi à bonis auti aut liberi. Ex quo rescripto qualis, quantusque vir fuerit Volusius existimari potest, licet nulla extarent doctrinæ eius monumenta. Extat aliud DD. fratrum ad Mætianum rescriptum in l. 27. D. de liber. causa, si Fradrinci Codicis lectionem sequamur. Quæ quidem si vera est, ut veram puto, eum Consulē fuisse, saltem suffectum, colligere possumus ex ipsius rescripti verbis. Cæterum Cassianæ sectæ fuit, quod ex scriptis ipsius constat: & Iulianum, qui Cassianus fuit, suum ipse appellat in l. xxx. D. ad leg. falcid. Ab Antonio autem Augustino Aelius Lampridius falsi crimine damnatur, quod Mætianum inter Alexandri Seueri Consiliarios recenscat, quem Antonini Pij & Marcit temporibus vixisse diximus. Verum, simile veri non est Lampridiū qui locupletissimos huius rei autores affert Acholium & Maximum, tam ignoranter hac in re lapsus fuisse. Existimo itaque dictionem *Mætianus* apud Lampridium corruptam esse legendumq; *Metius*, ut intelli-*




gatur de Metio Iurisconsulto illo qui autor est l. 5. D. de iure fisci. Marcum enim Merium sub Alexandro floruisse, & Consulem cum P. Turpilio Dextro fuisse, testatur vetus inscriptio relata ab Onuphrio lib. 2. Fastorum. Nonnullos autem de iure libros scripsit. Quorum in indice Iustiniano hi. referuntur.

*Fideicommissorum lib. xvj.*] Citatur ab Vlpiano liber tertius quaestionum de fideicommissis in l. si dominus D. de usufr. & à Iauoleno liber quaestionum in l. Pannonius D. de adquir. hæred. qui alius à libris fideicommissorum est. In eodem indice describuntur eiusdem Mætanî.

*Publicorum lib. xiiij.*] Præter hos scripsit etiam.

*Ad leg. Rhodiam lib. j.*] Quem librum vulgares indices non habent, eumque Politianus ipse prætermisit. Ex eo desumpta est l. αἰῶνος D. ad leg. Rhod. de iactu. Notandum tamen Mætanum non tantum de iactu, in suo libro tractare, sicut tractatur in hoc tit. Pandectarum. Iactus enim tantum est caput legis Rhodiæ. Mætanus autem hoc in libro suo, vniuersam legem Rhodiam interpretatur, ac proinde omnia naualia commercia explicat. Lex siquidem Rhodia autore Ildoro lib. v. cap. xvij. est naualium commerciorum, & Antoninus Imperator non tantum de iactu, sed de rebus nauticis legem Rhodiam præscriptâ tradit. Et Cicero testatur lib. 2. de inuent. legem apud Rhodios esse, vt si qua rostrata in portu naus deprehensa sit publicetur. Non mirum autem si de rebus nauticis tractare volēs Mætanus, ad Rhodiā legem scripserit. Nam ab Imperatore Antonino, domina maris appellatur. Εγὼ μὲν, inquit, τῆ κόσμου κύριος, ὁ δὲ νόμος τῆς θαλάσσης, j: Ego quidem mundi dominus: hæc vero lex maris. Et vt Constantinus Harmenopolus scribit lib. 2. epit. cap. xj. τὰ ναυτικά πάντα καὶ ὅσα κατὰ θαλάσσαν κατέλθαι ποδῶ πάντες νόμοι, j: Omnia Nautica & maritima negotia, Rhodia definiuntur lege.

Scripsit etiam Mætianus librum de Asse & partibus eius qui adhuc extat. Libri eius à Paulo Iurisc. maxime probati sunt.



## IVLIUS MAURITIANVS.




Alexandro Seuero Mauritianum fuisse in consilio, Lampridius ait. Eius etiam mentionem facit Vlpianus, tit. xvij de coelibe orto & solit. patre. Eius libri in indice Iustiniani scribuntur.

*Ad leges lib. sex.*

Labitus refert legem iij de Edendo ad secundum librum Mauritiani de Pœnis, qui tamen vulgo tribuitur Modestino.

*Notas in Iulianum*] scripsit, vt constat ex l. iurispergentium D. de pact. l. sed & si quid §. quid ergo D. de vsufr. easque in libros Digestorum Iuliani factas puto.




## TERENTIUS CLEMENS.



Assiodorus Clemētis mentionem facit, Consulemque ponit cum Tertullo Seuero Imperante, quibus Consulibus oratio Seueri in Senatu recitata est anno ab vrbe cond. 944. Idib. Iunijs, qua prohibiti sunt tutores & curatores prædia rustica, vel suburbana distrahere, autore Vlpiano in l. i. D. de reb. eorum qui sub tut. Citatur à Pomponio in l. Labeo D. de statulib. Pacuuius, siue Pactumeius Clemens Iurisconsultus referens quandam Constitutionem Antonini Imperatoris: qui quidem an noster sit, cogitandum relinquo. Terentius autem Iuliani sectator fuit, vt apparet ex lege 6. D. de vulg. & pupill. & ex l. 31. D. qui & à quib. manum.





## AFRICANVS.




Rauis & subtilis fuit in scribendo Africanus, nec fere lex vlla est ex eius libris deprompta in Pandectis, quæ non difficilis sit, & perobscura. Scribit autem Lampridius in Alexandro eum Papiniani discipulum fuisse, eiusque consilio Alexandrum Imperatorem vsum. Quapropter alium existimo ab Africano illo quem cum Crispino, Cos. primum & secundum cum Trajano vj Cassiodori Chronicon habet, sed eum Africanum esse quem subscriptio leg. 13. C. de pact. & Damasus in vita sancti Fabiani cum Maximino Imperatore Cos. produnt: hocque ex seriè temporum satis constat. Neque me in aliam sententiam adducunt Cujacij verba in Tractatu j. ad Africanum, qui Sextum Cæcilium Africanum cui consulenti Iulianus respondisse fertur in l. 3. D. de lib. agnosc. nostrum esse putat, quod in l. cum seruus D. de legat. j. ita scriptum sit, *Africanus libro xx. Epistolarum apud Iulianum querit.* Nam Africanus ille cui consulenti Iulianus respondit, is existimandus est quem Consulem supra cum Trajano diximus. Nec quidem video cur Africanus qui à Lampridio commemoratur, alius à nostro existimari debeat: vel cur, vt quidam scribunt, allucinatam Lampridium in commemorando eo inter Papiniani discipulos dicamus. Cum hac in re tantum autorem errasse verisimile non sit, qui sub Constantini Imperio vixerit, & Acholium Maximumque Marium huius rei autores locupletes habeat: Quinimo hæc legis cum seruus verba. *Africanus libro xx. Epistolarum apud Iulianum querit,* non eum putauerim habere sensum, vt Iulianum Africanus consuluerit. Abhorrent enim ab hac explicatione, ipsius

legis quæ sequuntur verba, *putatq; sumptum præstandum*. Quibus satis significatur, non esse cur de ea facti specie Africanus Iulianum per Epistolam consuluisse videatur, de qua ipse haud cunctanter sententiam exponit suam. Sed magis ut Africanus hoc in libro quæstionem à Iuliano agitatam retulerit, & in eius discussione iudicium adhibuerit suum. Quæstiones enim Iulianum tractasse nos docet lex 1. D. de tutel. & rat. distrah. & Paulus in l. 45. D. de act. empt. sententiam nostram confirmat, cum ait Africanum referre Iulianum agitasse quæstionem de præstatione serui, quam mouet idem Africanus in d. l. cum seruus, & in l. si seruus D. de pignorat. act. quæ ex Africani libro 8. Quæstionum desumpta est. Ex qua, & ex l. 19. D. ad Senatusc. Velleian. quæ ex Africani lib. 4. Quæstionum est, colligitur hos libros quæstionum, ad Iuliani scripta maxime spectasse. Atque ex his non hariolabimur si dixerimus, hæc verba dictæ legis cum seruus libro xx. *Epistolarum* mendosa esse, reponendumq; libro ix. *Quæstionum*. Nec enim alius ex *Epistolarum* libris locus in Pandectis inuenitur, cum tamen Africani librorum multa & frequens mentio fiat: nec in ipso indice Iustiniano alij, præter Quæstiones, libri recensentur. Præterea satis manifestum est, ex libris quæstionum Africani hæc verba l. cum seruus desumpta esse, si illis prima verba l. 48. D. de act. empti coniungamus: quæ ex libris quæstionum Africani, nec tyro quidem dubitabit esse. In his enim quæstionum libris, de seruo legato Africanum tractasse apparet ex l. xx. D. de manum. testam. Hæc dicere volui non ut aliquid veteris amici, atque in eadem vrbe nati & alij, laudi & existimationi, quæ semper à me nec obscuro nec vario sermone prædicabitur, quicquam detractum velim: sed ut quid de ea res sentiam, apud studiosorum animos testatum relinquerem. Cæterum Iulij Africani oratoris meminit Quintilianus lib.



10. quem in cura verborum parum modicum tradit, & D. Hyeronimus in Catal. autorum Ecclesiast. Iulianum Africanum inter eos autores nominat. Cuius quinque de temporibus volumina extitisse suis temporibus scribit, eumq; sub Imperatore M. Aurelio Antonino qui Macrino successerat, legationem pro instauratione vrbis Eumaus, quæ postea Nicopolis vocata est, suscepisse testatur. Recensentur autem Africani in indice Iustiniano.

*Questionū lib. ix.]* De quibus supra diximus. Illud tantum addam, tractasse libro quinto de lege falcidia, ex quo de sumpta est l. qui quadringenta D. ad leg. falcid. Eumque nonnulli in computatione §. qui ducenta, maxime errasse calumniati sunt. quem tamen fortissime tuetur Alciatus lib. 6. Paradox. cap. 6.



## VLPIVS MARCELLVS.



Antonino Pio Marcellum familiarem fuisse certū est. Ideoq; lex Antoninus D. de fideic. libert. non Martiano sed Marcello ascribenda est. quod satis innuunt verba illa *Antoninus Augustus noster*. Nam Martianum sub Alexandro Severo non sub Antonino Lampridius ponit. Marcelli filius fuit, qui sub Domitiano adhuc iuuenis apud Centumuiros eloquentiæ fama vigebat, & rei militaris non imperitus erat autore Statio Papinio Sylvarum lib. 4. his versibus ad eum scriptis :

*Cessat centeni moderatrix iudicis hasta.*

*Qua tibi sublimi jam nunc celeberrima fama,*

*Eminet, & iuuenes facundia præterit annos,*

Et postea adiicit,

--- Nec enim tibi sola potentis.

*Eloquij Virtus, sunt membra accommoda bellis, &c.*

Hunc hominem modestum, & frugi, Dion Niceus appellat in comodo, & Zonaras ἀδωρότατον, & ἀσπρα ἐγκρατῶς τὸ ζῶντα, & σπασιωτικῶς. Cuius abstinentiæ maximum exemplum tradit. Ne enim pane satiaretur non recentem, sed ante multos die coctum, & ut ipse loquitur πολυημερόντε καὶ παλαιότατον edebat. Dignitates autem amplissimas consequutus est. Legatus enim Cæsaris fuit, & Præfectus Prætorio Pannoniæ inferioris: virtutiq; & honori, hoc honore fungens, votum sacrauit ut apparet ex hoc vetusto Titulo. *Virtuti & Honori L. Vlpiani Marcellus leg. Aug. præf. pr. Panno. inf. VS.* Hocque credo fecisse quod Marcellus gentilis suus, ædes Virtuti, & Honori sacrauerat autore Valerio lib. i. cap. i. Præturam etiam exercuit in qua teste Suida vigilantiam suam maximè ostentare studuit. Ut enim totam noctem lucubrasse videretur: eaq; de causa nec alius quisquam familiarium suorum dormiret. duodenos codicillos, quales è tilia confici solebant, quolibet penè vespere conscribebat, & mandabat, ut alij alijs horis aliquibus afferrètur, ut quasi peruigil admirationi esset. Tantæ autem doctrinæ & autoritatis in iure fuit, ut Vlpianus sententiam suam huius autoritate roborasse Iustinianus referat in l. penult. C. de condit. indeb. Cassianorum partem sequutus est, quodcum ex doctrinæ suæ monumentis apparet: tum quod Julianum, qui Cassianus fuit, suum appellat in l. 85. D. de Condit. A Scauro per epistolam consultus fuit in l. x. D. de Seruit. urban. præd. Scriptorum autem Marcelli in indice Iustiniano hæc extant.

*Digestorum lib. xxxv.* Vel ut in alijs Codicibus xxxi. vel ut in indice Græco βιβλία τριάκοντα. In quibus omnibus verum erratū est, vel in inscriptione legis 2. D. de capt. & postlim. reuers. quæ ex libro xxxix. Digestorū decerpta est. Septimo autem




autem horum DD. libro, Marcellus multa videtur scripsisse de donationibus inter virum & vxorem factis, ex l. 5. §. ult. ex l. 7. & ex l. Sulpitius D. de donat. inter virum & vxor. Quam tamen vltimam falsò quidam ex libro 7. Martiani Digestorum putant.

*Ad leges lib. vj.*

*Responsorum lib. vnus.*

Multa etiam scripsit Marcellus quæ non sunt in indice Iustiniani comprehensa. Libros de Officio Consulis, quorum quintus citatur in l. 1. §. fin. D. ne de statu defunct. post quinquen. Quædam etiam ad librum singularem Pomponij notasse videtur ex inscriptione leg. furiosus D. de acquir. hæred. Notas etiam scripsisse in libros Digestorum Iuliani, eumque sæpissime reprehēdisse apparet ex l. 1. & ex inscript. l. xj. D. quod met. causa gest. Et ad eas notas pertinere puto, ea quæ traduntur ab Vlpiano lib. xvij. ad Edict. In l. xij. §. Iulianus D. de vsufr. vbi diuersam eorum sententiam recenset Vlpianus: Iuliano Condiotionem furtiuam soli proprietario cōpetere: Marcello vero fructuario, dicētib. Quamobrem alij Iurisconsulti, cum quid verissimū in iure ostendere volunt, Iulianum hoc dicere, & Marcellum consentire scribunt in l. si seruus §. sed cum is qui seruum D. ad leg. Aquil. l. 2. in fine D. de noxal. act.



## CERVIDIVS SCÆVOLA.



Vius consilia M. Antoninum Philosophum sæpe adiuuerunt. Habuit secum, inquit Capitolinus, præfectos quorum & autoritate & periculo semper iura dictauit, vsus est Scæuola præcipue iurisperito. Modestinus eum appellat iuris coryphæum in l. scire §. quod & maxime D. de

excusat. tut. Paulus in l. qui plures liberos §. fin. D. de vulg. & Theodosius in suo Codice Tit. de test. & codic. prudentissimum omnium iurisconsultorum, Triphoninus nostrum Scauolam in l. xij. D. de distract. pign. & Paulus in l. 57. D. de iure dot. Seueri Imperatoris præceptorem fuisse eum tradit Angelus Politianus Epistol. lib. 5. Hunc autem Q. Ceruidium Scauolam ex gente Q. Mutij veteris iurisconsulti fuisse Cuiacius putat in l. si aliena D. de vsurpat. & vsucap: hoc cognomine Scauola, ni fallor, hallucinatus. Non enim ex cognomine gens, sed ex nomine dignoscitur. Quum autem hic Ceruidij non Mutij nomen habeat, diuersæ genti sine dubio ascribendus est: nec magis Quinti Mutij gentilis esse potest. Quauis enim non ignorem multos diuersæ etiam gentis, gentiles esse vocatos: Hoc tamen fiebat quod simili nomine appellarentur. Sicut Cicero lib. 1. Tuscul. scribit se gentilem Seruij Tullij Regis quod vterque Tullij nomine vteretur. quod quidem in hoc Ceruidio dici non potest, qui Mutij nomen non habuit. Apud Festum gentilis dicitur is qui simili nomine appellatur. Cæterum hunc Ceruidium non Seruidium, cōtra Haloandri & Alciati opinionem Antonius Augustinus recte putat libro singulari ad Modestinum. In Græco enim exemplari *Κερβιδος* scribitur. Proculei anus autem fuit, vt patet ex l. quidam referunt D. de iure codic. Hic est Scauola qui tractatum de posthumis nepotibus instituendis, cuius pars extat in l. Gallus D. de lib. & posth. breuiter, & concise more suo conscripsit. Et quamquam secundum ea quæ proponerentur respondere & cauere soleret: rem tamē non tam ad verba, quam ad eam quæ ex verbis intelligi poterat æquitatē, deflectebat. Et præ cæteris iureconsultis intra terminos iuris Ciuilis se continuit, vt omnes questiones præter eas quæ iuris erant contempserit. Alciatus autem lib. 4. cap. 1. parergon putat eum irrideri



à Claudio. Cum enim quidam rogatus esset vt Titia hereditatem restitueret, acceptis ab ea centum nummis, eaque decessisset antequam daret centum: & quæsitum esset, an hæres eius offerendo centum, fidei commissum consequi posset. Scæuola respondet, hæredem conditioni parere non posse. Claudius autem qui notas in Scæuolam scripsit *Magno inquit ingenio respondit Scæuola de iure aperto, cum posset dubitari an in proposito conditio esset l. à testatore D. de condit. & demonstrat. Scæuolæ denique in indice Iustiniano hi libri numerantur.*

*Quæstionum lib. xx.* ] quæstionum variarum vocat Martianus in l. i. D. quæ res pign. vel hypoth. Ad has quæstiones pertinere videntur ea, de quibus Paulus in l. quædam de liber. & posth. ait Scæuolam in disputando differuisse. ad eum referenda sunt, quæ Vlpianus in l. 10. Scæuolam scripsisse tradit: quamuis Q. Mutium Scæuolam idem dixisse Cicero de finibus testetur.

*Responsorum lib. vj.*


*Regularum lib. iij.*

*Quæstionum publice tractatarum* ] liber scilicet singularis, vt in indice scriptum est Græco *βιβλιον ἐν*. Ex hoc autem libro accepisse Vlpianum conijci potest ea quæ ipse scripsit in l. mulier qui duobus D. ad Trebell. Scæuolam retulisse de quadam facti specie, de qua Marcus Imperator in auditorio iudicauerat.

*De quæstione familie lib. singularis* ] ad hunc librum pertinere existimo, quæ de Scæuola tradit Vlpianus in l. iij. §. eleganter D. ad Senatusc. Syllan.

*Digestorum libri quadraginta* ] Horum librorum Scæuolæ, in quibus quædam etiam ad Iulianum notauit, mentio fit in l. si pactum § 3. D. de pact. cuius legis inscriptio hæc est *Scæuola apud Iulianum lib. xxxij. Digestorum notat.* Et in l. si venditione D. de peric. & commodo rei vend. libro 7. Digest.

Iuliani sententiam notat: & ad hos libros referenda sunt hæc Martiani verba. *Et Scauola notat in l. filius familias 114. D. de legat. 1. Ad Marcellum etiam in his notas scripsisse constat ex l. xj. D. de donat. inter virum & vxor. Quædam etiam ad Sabinum notasse non male colligi potest ex Paulo in l. xvij. D. de negot. gest. Variauit aliquando Scauola in l. 23. D. de acquir. rerū dominio: quod Cuiacius lib. 4. Obseruat. cap. 1. animaduertit.*




## FLORENTINVS.



Lorentinum cum Vlpiano, Paulo, & cæteris Papiniani discipulis, qui à Lampridio nominantur, Alexander Seuerus in Consilio habuit. Nominantur autem tantum huius in in indice Iustiniano.

*Institutionum libri xij.*



## TITVS CAIVS.



Visse hunc iuris autorem Grammaticis familiarem, plerisque ignotum non est; & maxime Seruio, vt ex illius verbis ad hos Vergilij versus apparet.

*Non ego te vidi Damonis pessime caprum.*

*Excipere insidijs multum latrante lycisca.*

Homerica tamen lectioni eum deditum male colligit Iacobus Cuiacius ex his verbis Seruij Virgilij interpretis 3. Georg. *apud maiores omne mercimonium in permutatione constabat, quod & Caius homerico confirmat.* Non enim hæc de Tito Caio intelligenda esse, sed de Caio Cassio supra docuimus in Proculo. Vixisse autem hunc Caium Hadriani Imperatoris tem-



poribus, scriptis ipse suis testatus est in l. vtrum D. de reb. dub. quam haud dubie, & ex Pandectis Florentinis, & alijs impressis Codicibus Caij esse constat: suaque ætate reperta est mulier, quæ vno fætu quinque liberos enixa est *Et nostra* inquit *quidem ætate Serapia Alexandrina mulier ad D. Hadrianum perducta est cum quinque liberis, quos vno fætu enixa est.* Quibus ex verbis apparet, Caium hæc scripsisse Hadriano iam mortuo, & inter Diuos illos fictitios relato, & consecrato. Sed an is sit Aelius ille Hadrianus ex consobrina Traiani natus, xij Romanorum Imperator: an vero Antoninus Pius, Hadriani nomine à Caio hic intelligatur, quæri potest. Sæpe enim Hadrianus in iure pro Antonino Pio sumi uidetur vt in l. si de vi D. de iudic. quod Callistratus Hadrianum scripsisse ait *Si de vi & possessione quaeratur, prius cognoscendum de vi quam de proprietate rei.* Martianus ad Pij rescriptum refert in l. qui cætu D. ad leg. Iul. de vi publ. Papinianus quoque in l. deducta §. nummis D. ad Trebell. & in l. acceptis D. ad leg. falcid. scribit Hadrianum rescripsisse *Eum qui centum nummis acceptis hæreditatem restituere rogatus est, totam pecuniam iure falcidiæ percipere videri.* Id ipsum constituisse Pium Imperatorem Mærianus ait in l. in quartam D. ad leg. falcid. Huic simile est quod à Cuiacio colligitur in Titulo de Senatusc. Tertulliano ex l. inter fideiussores D. de fideiuss. si coniungatur lex si testamento eodem tit. Sed mihi ista quæstio non faciles explicatus habere videtur Nam & duo esse diuersorum Imperatorum rescripta illa quorum Callistratus & Martianus meminere affeuerari potest: licet vtrumq; τῶ κοινῶ τῶν δευτέρων scriptum legatur. Quod quidem Antonium Augustinum lib. 4. cap. xvj. adeo hære fecit, vt de ea re differere maluerit, quam iudicium proferre suum. Fieri que potuit in simili specie, eadem Pium Imperatorem constituisse, quæ antea Aelius Hadrianus constituerat. Et quanquam non sim nes-

cus, Antoninum Pium Hadriano mortuo prænomena Imperatoris Cæsaris Hadriani filij, Traiani Parthici nepotis, atque omnes Imperij titulos, & insignia suscepisse: nunquam tamen aliena nomina Imperatoribus tribuuntur, nisi ab eis qui sub eorum imperio vixere. Hoc ut mea fert opinio, vel ignorasse videtur Tribonianus, vel neglexisse in §. i. de Senatusc. Tertul. in instit. cum Senatusconsultum Tertullianum Hadriani temporibus factum esse asseruit. Tertullum autem & Sacerdotem sub Antonino pio Coss. fuisse inficiari nemo potest. Cæterum Antonius Vacca in proæm. D.D. §. in his, ait se quandoque suspicatum, hunc Caium vel Christianum fuisse, vel Christianis qui tunc erant iudicium adiunxisse suum. Eaque de causa *suum* à Iustiniano appellatum in §. quas ex omnibus in proæmio instit. & in §. lex Cornelia de publ. iudic. Caij quidem cuiusdam fit mentio à Nicephoro Calixto lib. 4. Eccles. hist. cap. xij. quem Christianum fuisse, & pro religione nonnulla scripta edidisse ab eo docemur. Alium tamen ab hoc nostro puto: eumque potius augurer esse quem sub Zepherino Romanæ urbis Episcopo, Antonino Seueri filio imperante, disputationem aduersus Proculum Montani sectatorem celeberrimam habuisse scribit D. Hyeronimus in Catal. script. Eccles. Neque autem existimandum est, Caium à Iustiniano siue Triboniano *nostrum* appellari, quod Christianus fuerit. ut Vacca arbitratur: sed quod præcipue illius scriptis fuerit delectatus in institutionum compositione. quod ex his Triboniani verbis satis liquet *Quas ex omnibus antiquorum institutionum & præcipue ex Caij nostri tam institutionum, quam Rerum quotidianarum alijsque multis commentarijs compositas &c.* quod etiam de Pomponio dici potest in l. cum seruus D. de stipulat. seruorum. Atque hoc certe non animaduerterunt homines quidem nimine mali, sed parum in his rebus versati, quarum arbitrati sunt se tenere



scientiam: cum Caium Iustiniani familiarem dixerūt, quod *nostrū* ipse appellarit, Nec reprehensione minus dignus Bernardinus Rutilius ab ingenijs sagacibus existimabitur, cum locum supra citatum Iustiniani deprauatum scribit, & vitio exemplarium nomen, Caij, in dictionem *nostrī* corruptum. Multos autem Caius de iure Ciuili libros scripsit. quorum hi in indice Iustiniano leguntur.

*Ad Edictum prouinciale lib. xxxij.*

*Ad leges lib. xv.*

*Ad Edictum Vrbicum qui haberi potuerunt lib. xij* ] Politianus corrupte legit *Ad edictum publicum libri xv.* Plures enim ad Edictum Caius libros scripsit, sed Iustiniani temporibus duodecim tantum extabant. quamuis in indice Græco exaratum sit τὰ μὲν ἐν εἰδένῃ βιβλία δὲ ἑκα. Edicti autem Urbici translationem non abs re distinxisse videtur Caius, ab Edictis Prouincialibus. Prouincialia siquidem Edicta erant, quæ à Proconsulibus in Prouincijs Consularibus, aut à Prætoribus in Prætorijs. Huius Edicti explicationem per Titulos fuisse distributam, ex multis legum inscriptionibus constat. Erat in eo Titulus *de Publicanis* l. veteres D. de act. empti l. hoc Edicto D. de public. & vectig. l. si liber xij. D. ad exhibendum. Cuius tamen inscriptio non est ad Edictum Vrbicum, sed hoc modo concepta est, *Caius libro vj. ad Edictum Prætoris Urbani.* quæ quidem demonstrat, his in libris Edicta Prætorum Vrbianorum explicari. Titulus etiam erat *de aqua pluuiæ arcenda* l. si venditor D. de aqua pluuiæ arc. Titulus *de damno infecto* l. in noxalibus D. de noxal. act. l. eorum D. de damno infecto: Titulus *de re iudicata* ex inscriptione quam Labitus probat l. infra dies D. de oper. noui enūciat. Titulus *qui neque sequantur, neque ducantur* l. bonorum D. de verb. signific. Titulus *de Testamentis* l. illa institutio D. de hæred. instituend. l. semper D. de Regul. iur. Hi autem libri aliquando

à Iureconsultis denominantur *Ad Edictum prætoris Urbani* ut apparet ex inscriptione leg. si liber xvij. D. ad exhib. & dictæ l. illa institutio.

*Aureorum siue rerum quotidianarum lib. vij.* Ex his libris plurima decerpfit Iustinianus, vel Tribonianus in componendis institutionum libris. Et in ijs continebantur actarum rerum plures species, quasi expressæ notæ hominum vitæ quotidianæ. Quod ex l. maleficijs de act. & obligat. conijcere licet. Dicuntur autem libri aureorum, vel rerum quotidianarum, non ut apud Plutarchum in vita Alexandri Dialia, sed ut Lucretius lib. iij. dixit Dicta aurea, & Alpheus Auitus libros excellentium, qui à Prisciano citantur: & apud Constantinum Harmenopulum lib. i. legimus posteriores Imperatores χρυσόβιβλος λόγους composuisse. Cæterum in indice Græco scriptum est tantum, *αυρεῶν βιβλία ἑπτὰ.*

*Institutionum lib. iij.* Extat apud Boetium lib. 3. in Top. Ciceronis lib. i. institutionum Caij locus sane luculentus. Et earum Epitome ab Aniano Alarici consiliario composita sub Caij ipsius nomine legitur.

*Dodecadelti lib. vij.* In indice Græco *δωδεκά δέλτα βιβλία δ' j:* duodecim tabularum libri sex. sic apud Theophilum lex xij. Tabularum *δωδεκάδελτος νόμος* dicitur.

#### *Libri singulares.*

Ponuntur hic quatuor libri singulares Caij, de casibus euncleatis, regularum, dotalium, de formula hypothecaria. Quanquam plures illum edidisse argumento est, quod ex lib. singulari Caij ad orationem Antonini excerpta est l. si quis D. de ritu nupt. ex libro singulari eiusdem de assignatione liberorum l. senatus consulto eod. tit. quodq; in proximo Digestorum inter quatuor Caij libros singulares, qui in sex illis libris qui à voce magistri edocebantur ante Iustiniani institutum, primus de veteri rei uxoriæ actione, Secundus de



de Tutelis, tertius & quartus de Testamētis & legatis commemorabantur. præterea inscriptio l. si quis D. ad Tertullianum est ex libro singulari Caij ad Senatusconsultum Orphicianum, & l. in suspenso ex libro singulari ad Tertullianum.


*De casibus* ] Eucleatis, vt supra dictum est. Quales autem essent illi casus, conijci fortasse potest ex l. Neratius D. de condi&. indeb.

*Regularum.*

*Dotalium.*

*De formula hypothecaria* ] vel hypothecariæ: sic liber hypothecariæ in præmio DD. §. vobis autem.

Scriptit etiam Caius notas ad libros Digestorū Iuliani, ex quibus deprōpta est. l. si pactus D. de pact. quorū mentio fit in l. si in venditione D. de peric. & commodo rei vend. & apud Marcellū in l. sed interim D. de donat. inter virū & vxorē. Citantur etiā Cōmentarij Caij à Iauoleno in l. si quis D. de condit. & demonstr. Sed libenter crediderim Iauolenū in dicta lege & in l. si alieni D. de solut. de Caio Cassio cuius mentio fit in l. 2. de orig. iur. intellexisse. Quod ex inscriptione conijcitur quæ ex libro 2. ex Cassio Iauoleni desumpta est, & ex lib xj. & maxime ex l. si hæreditas D. de statu liber. Quem enim alibi Caium tantum vocat, hac in lege C. Cassium nominat.



## VENULEIUS SATVRNINVS.



.Claudius Venuleius Saturninus vocatur ab Antonio Augustino, ita vt diuersorum Iurisconsultorū nomina vni soli tribuerit. Q. enim Saturninus, & Claudius Venuleius Saturninus diuersi sunt Iurisconsulti. In chronicis autem Cassiodori Saturninus

quidam cum Gallo anno ab vrbe condita 951. ponitur, Septimio Seuerio imperante. Sed an noster sit, non facile est asseuerare. Nostrum quidem Venuleium recte dicemus, quem Lāpridius inter illos iurisperitos ponit quorū cōsilio Alexāder Seuerus vsus est, quique ex schola emanarunt Æmilij Papiniani. Ideoque non perperam iudicabimus, ad eum, Alexandum Imp. scripsisse, ex inscriptione legis 1. C. quib. non obijc. longi temp. præscript. quæ sic se habet *Imp. Alexander A. Venuleio, & Impp. Seuerum & Antoninum ex l. x. C. ex quib. causis infam. irrog. Cæterum græcis litteris eum impense operam dedisse colligi potest ex l. xvj. D. de panis.*



## DOMITIIVS VLPIANVS,

**D**omitio Vlpiano origo fuit ex Phænice splendidissima Tyriorum colonia, vt ipse scribit in l. 1. D. de censibus. Sic enim non *Phœnicia*, vt vulgo, legendum recte putat Turnebus lib. ix. Aduersar. cap. xv. Vixit temporibus Seueri, & Antonini Bassiani. atque ad hoc tempus referenda sunt verba ipsius in l. 74. D. de legat. 2. *Licet Imperator noster cum patre scripserit.* Quæ enim ibi rescripsisse patrem dicit, in l. si titio lxxj. §. Iulianus Seuerum rescripsisse testatur. Et de iisdem Antonino & Seuerio intelligi debent eiusdem verba l. 1. §. deportatos D. de legat. iij. *Quia ei quoque Epistola D. Seueri & Imperatoris nostri ius deportandi datum est:* vtrumque nominat in l. minor D. de minor. viginti quinq; ann. Quæ quidem Vlpianum scripsisse Antonino Bassiano solo imperante ex eo clare liquet, quod Seuerio Diui nomen apposuerit, quod Imperatoribus non dabatur, nisi post illorum obitum cum inter Deos referebantur, diuina solemnitate quam Herodianus



describit libro iij. Sub Alexandro tamen Seuero Vlpianus magno in honore fuit, & ab eo summas dignitates consequutus est. Illum enim Alexander pro tutore habuit, primum repugnante matre: deinde gratias agente, quem sæpe à militum ira obiectu purpuræ summæ defendit, vt testatur Ælius Sparrianus in Alexandro Seuero. quamobrem parentum suum eum vocat. Alexander in l. 4. C. de locato. Non autem absq; causa ab Vlpiano milites purpuræ Imperatoriæ obiectu abstinuisse dictum est. Tanto enim honore à militibus habebatur purpura, vt ab ijs adoraretur l. 1. C. de priuileg. schol. & Procopius lib. 2. de bello Vandal. sic scribit *Gilimer & Bellisarius iussi ab his qui Imperatoriam purpuram sustinebant, Iustinianum supplices adorauerunt.* Quare adorandam nostram purpuram vocat Zeno in l. 4. C. de consul. lib. xij. ideo autem à militum ira Vlpianus obiectu purpuræ summæ ab Alexandro defensus traditur, quod attingere hanc purpuram milites non auderent: sed tantum qui eminentis potestatis erant l. 1. C. de apparit. præf. vrb. Alexandri etiam consiliarius fuit: atque id est, quod Cassiodorus in Chronicis scribit Vlpianum assessorem insignissimum ab Alexandro creatum esse Aniano & Maximino Consulibus, & Eutropius lib. iij. simpliciter Assessorem. Assessores siquidem Cōsiliarij appellātur in l. penult. D. de offic. assess. Nec est quod referamus ad adfessuram, quam sub Papiniano præf. præf. gessit, cum Papinianus ad Alexandri tempora non peruenerit. Quinimo Cassiodorus Adfessorem insignissimum Vlpianum creatum esse dicit, ad differentiam aliarum adfessurarum quas gesserat, vt Papiniani, vel prætoris in l. viij. D. de manumiss. vindicta, & in l. 9. D. quod met. causa gest. erit. insignissimi enim Adfessoris nomen meretur, qui Consilio Principis adsidet: quod omnium consiliorum est insigne. Neque huius cōsilijs in rerum administratione vti, Alexan-

dro parum laudis fuit: quem maximum Imperatorem quod Vlpiani admonitionibus in republica regenda detulerit, scribit Ælius Lampridius. Vlpiani prudentiæ, & in rebus politicis experientiæ nō paruum exemplum datur ab eodem Lampridio. Cum enim Alexander constituisset apud se omnibus officijs, genus vestium proprium dare, & omnibus dignitatibus, ut à vestitu dignosceretur, & omnibus servis, ut in populo possent agnosci, ne quis seditiosus esset, simul ne servi ingenuis misceretur. Hoc Vlpiano displicuit dicente plurimarum rixarum fore, si faciles homines essent ad iniuriam. Atque eius consilio satis esse statuit, ut Equites Romani à Senatoribus Clavi qualitate discernentur. Quod prudentissime statutum. Sic Seneca lib. 1. de clementia cap. 24. *Indicta est aliquando à Senatu sententia, ut servos à liberis cultus distingueret: deinde apparuit quantum periculum immineret, si servi nostri numerare nos capisset.* Quod desumptū ex Platone 6. de legibus. *ἐπειδὴ δύσκολον* inquit *ἔστι τὸ θρέμμα αἰθεροπος, καὶ πρὸς τὴν ἀνάγκαν διόρσειν τὸ δ' ἄλλοτε ἔργῳ διορίζεσθαι, καὶ ἐλεύθερον, καὶ δευρότερον ἐδαμῶς εὐχρηστον ἐθέλειν εἶναι, καὶ γίγνεσθαι:* quodque apud Athenienses usitatum erat, ut colligitur ex Xenophonte lib. *περὶ τῆς πρὸν ἀθωάων πολιτείας.* Sed ut ad Vlpianū redeamus, fuit etiam sacrorum scriniorum magister, autore Sexto Rufo & eodem Lampridio: Præfectus item Annonæ ut testatur Alexander in l. 4. C. de contrah. & cōmit. stipulat. Fuit denique Præfectus prætorio: qua in præfectura Alexander cuncta ei permisit quæ ad administrationem Imperij pertinebant, & multa quæ non recte à Sardanapalo facta erant, Vlpianus emendavit autore Dione Nicæo in Alexandro. Præfecturam autem ab Heliogobalo accepit, eique sublatam Alexāder reddidit, ut prodit Sextus Aurelius Victor lib. de Cæsaribus. Eius auditorij mentio fit ab Africano in l. Tirus D. de act. empti, & apud eum cum Præfectus prætorio esset quæsitum



est, *Si impetrasset creditor à Cesare vt pignus possideret idque euictum esset, an habeat pignoratitiam contrariam* l. 24. D. de pignorat. act. Flavianum autem & Chrestum interfecit; vt in præfectura eis succederet. Ipse tamen non multo post à prætorianis qui de nocte eum inuaserant interfectus est, quanquam accurrebat in Palatium, & ad ipsum Imperatorem marremque eius confugerat. Sed cum adhuc Vlpianus mortuus non esset, populus Romanus dissensione orta cum prætorianis, trium dierum spacio dimicauit magno ciuitatis periculo. Cum enim milites populo inferiores, infælicique prælio se vsos viderent, faces vndique ad incendendam urbem intulerunt: quare perterritus populus, pacem cum ijs iniit. Nescio autem cur à Calepino Vlpianus dicatur Galliarum præfecturam habuisse cum interfectus est: nec tamen mirum si in hoc errauerit, cum Hadriani temporibus floruisse, & illius scrinijs præfuisse dicat. Cæterum his rebus ita confectis, Epagathus cuius præsertim scelere Vlpianus occisus fuerat, in Ægyptū tanquam præfectus eius prouinciæ missus fuit: ne forte si de eo Romæ supplicium fuisset, seditio aliqua cōcitaretur: atq; ita in Cretam reductus condemnatus est, vt scriptum reliquit Dio qui eius vixit temporibus. Et hoc Alexandri iussu factum est, vt Vlpiani mortem vlcisceretur, quem magnopere gratum iucundumque habuit. Cuius amoris præter ea quæ recensuimus, apud autores extant nonnulla vestigia. Eum enim Alexander ipse amicum suum vocat in dicta l. 4. C. de contrah. stipul. quamuis ratione præfecturæ ab imp. sic nominatum putem. hæc enim erat formula Imp. ad præfectum vrbi scribentium: sic in l. 1. D. de appellat. Diui fratres Iunium Rusticum præfectum vrbi, amicum nostrum vocant. Sed vt ad Vlpianum reuertamur, eum etiam nominat Alexander parentem suum in l. 4. de locato. Refertur præterea à Lampridio, cum Alexander inter suos conuiuaretur, aut Vl-

pianum, aut doctos homines adhibuisse, vt haberet fabulas litteratas quibus se recreari dicebat, & pasci. Eum siquidem assiduas quæstiones nonnunquam in vijs, ambulationibus, balneis, librariorum tabernis proponere solitum fuisse tradit Athenæus lib. i. Deipnosoph. quare vocatur ab eodem *ὀνομαστικῆς* j: *Verborum observator.* ] Et quidem illud insigne, quod neminem Alexander solum intra palatium præter Præfectum Vlpianum vidit, eodem Lampridio autore. Vlpianus itaque inter proceres, & principes apud Alexandrum fuit: vnde Modestinus Vlpiani coæuus, eum *κεάπσον* appellat lib. 2. excusat. *κεάπσον Ουλπίανος ταῦτα λέγει* j: *princeps Vlpianus hæc dicit.* sicut Homerus scripsit *ἀγαδὸν Διομεδὴν* lib. 14. & lib. x. *ἀγαδὸν Μενέλαον.* Et in epistolis Hyppocratis, in ea Artaxerxis ad Hyftanem præfectum Helleſponti, & in ea Hyftanis ad Hyppocratem legimus *ἀεισῆς τῶν Περσάιων*, pro principibus Persarum. Sic etiam Imperatores ab ipsis Iurisconsultis appellabantur, vt à Papiniano Seuerus & Antoninus in l. Iurisperitos D. de excusat. tut. *Optimi & Maximi Principes* & in l. 8 D. de vacat. mun. & à Tryphonino in l. 39. D. de poen. eodem modo quo nos dicimus, *Tres-haut & tres-puissant Prince.* aliquando separatur *Optimi* nomen à *Maximo* vt apud Pomponium in l. 2. D. de orig. iur. dicitur *Hadrianus optimus Princeps* & Modestinus in l. ult. D. de accusat. sic scribit *Observandum optimi Principes nostri generaliter rescripserunt.* & Papinianus in l. 67. §. si omiffa D. de legat. 2. de Seuerō *quam sententiam optimus quoque Imperator. noster Seuerus sequutus est.* Aliquando etiam separatur *Maximi* nomen ab *Optimo* vt apud Papinianum in l. 17. D. de quæst. D. *Marcus ac postea Maximus princeps iudicantes.* Inde apud Latinos nomen *Optimas* tractum est, pro eo qui in republica primas obtinet: & apud veteres scriptores Gallicos dictionem illam *homme de bien* pro Nobilibus & proceribus regni vsurpatam legimus: vt ad dignitatem explicandam, non ad illum



animi habitum, hoc verbum hic accipiendum sit, Romanos imitati qui Nobiles, bonos appellabant, eosq; plebi opponebant, vt videre est apud Ciceronem pro Sextio *C. Gracchus frumentariam legem ferebat, res erat iucunda plebi, repugnabant boni* & alibi. Quod & sentijt vulgaris interpres, qui hæc verba *καλίστος Ουλπίανος*. *Nobilissimus Vlpianus* interpretatus est. Et ipse Antonius Augustinus in Modestini latina interpretatione *καλίστος* vertit *Optimus*, vim huiusce dictionis hoc in loco attente considerans. Non mirum autem est quod Modestinus Vlpianum hoc honorificentissimo titulo ornauerit. Tāto enim in precio ab eo Vlpianus habitus est, vt Proconsul Modestinus de vltima Dalmatia, eum consuluerit. l. si quis vxori §. si quis assumi D. de furt. Cæterum multa inueniemus in Vlpiano laude digna: quædam tantum vituperanda. Quis enim in eo non dānabit Flauiani & Chrestī necem, & inueteratum in Christianos odium. Lactantius enim lib. 5 de instit. cap. xj. scribit, septem rescripta principum collegisse eum in libris de Officio proconsulis, vt doceret quibus poenis affici oporteret, eos qui se cultores Dei profiterentur. Quod quidem admirationem non mediocrem nonnullis mouere potest, cum Alexandro Imperatori nemo amicior eo fuerit: Alexandrum verò non solum Christiani nominis non insectatorem fuisse: sed etiam Christum ipsum in larario suo, inter Deos habuisse, & coluisse legimus apud Lāpridium in eius vita: eiusq; matrē Mammæam doctrinæ, sapientiæque Origenis Christiani doctoris maxime studiosam fuisse apud Eusebium lib. vj. cap. xvj. Eccles. Histor. ideoque verisimile non videtur, Vlpianum tam infenso erga Christianos animo fuisse, quibus Alexandrum fauere sciebat, aut si fuerit tam aperte declarasse: cum aulici commutare vultum & sermonem, ad sensum & voluntatē principis soleant. Verum admirationis nulla causa supererit, si

hos libros de officio proconsulis, ante Imperium Alexandri, sub Heliogobalo ab Vlpiano scriptos sciuerimus ex l. obseruare D. de offic. procons. ex l. solet D. eod. ex l. 6. D. de legat. permultisque alijs: Quamuis Genebrardus in Chronologia contrarium sentire videatur. præterea non est quod credamus Alexandrum à Christianorum persecutione omnino abstinuisse, vt quidam censent: licet forte ea crudelitate, qua alij principes aduersus eos non sæuierit. Sic enim scriptum est in Martyrologio Romano. *Sancta Martina Virgo Romæ sub Alexandro Imperatore diuersis tormentorum generibus cruciata, tandem gladio martyrij palmā adeptā est & 6. Non. Martij Item Romæ plurimorum sanctorum Martyrum, qui sub Alexandro Imperatore, & Vlpiano Præfeto diu cruciati, ad extremum capitali sententia damnati sunt.* Nec enim hac in re constantem rationem Imperatores habuere. Sub eodem enim Principe & Christiani laudabantur, & lædebantur. Sic Hadrianum Lampridius in Alexādro scribit cogitasse Christo templum facere, eumq; inter Deos recipere, templaq; in omnibus ciuitatibus sine simulachris ob eam causam iussisse fieri. Eum tamen in loco passionis Christi, simulachrum Iouis consecrasset: Bethleemq; Adonis templo prophanasse testatur Paulinus Epist. 2. ad Seuerum. Cæterum tanta fuit Vlpiani in iure Ciuili experientia, vt ab Eutropio iuris conditor appellatus sit, & à Iustiniano in nouel. 97. prudentissimus, in l. fin. C. de instit. & substit. Differtissimus, & in l. vn. §. ne autem C. de cad. toll. summi ingenij vir. Fuit porro Vlpianus quidam miles temporibus Gordiani, vt apparet ex inscriptione l. vij. C. de vsufr. & habitat: fuit & Vlpianus Rhetor: sed alij à nostro. Vlpiani Basilicam Romæ nominari scribit Bernardinus Rutilius. Multa de iure scripsit, in indice Iustiniano eius libri numerantur.

*Ad Edictum lib. lxxxij.] Quorum fit mentio à Iustiniano in*



in l. maximum vicium C. de lib. præter. de Edicto prætorio intelligi debent, vt apparet ex l. 1. D. de constit. pecun. ex l. si duo & alijs: ideoque in l. 1. D. si quis ius dic. non obtemp. poenam ex hoc Edicto post annum non dari recte dicitur, quia prætoris est: sic in l. 24. D. de in ius voc. Inscriptionem autem l. 5. D. si pars hæred. pet. quæ sic se habet *Vlpianus lib. 5. ad Edictum* mendosam esse existimo, reponendumque lib. 15. Hoc enim in libro continebantur omnes actiones, quæ ad hæreditatis petitionem à prætore proponebantur, vt apparet ex legibus quæ sumptæ sunt ex dicto libro Vlpiani in tit. si pars hæred. pet. & tit. de poss. hæred. petit. Tribonianus enim in sua pandectarum compositione, ordinem Vlpiani sequutus est. Hos autem ad Edictum libros, ante libros ad Sabinum editos fuisse cognoscitur; ex l. cum hic status §. si quis sponsam D. de donat. inter virum & vxor. iuncta cum l. quæsitum D. de sponsal.

*Ad Sabinum lib. l.j*] De Massurio Sabino hoc intelligendum, quemadmodum docuimus supra cum de Sabino ageremus. In his libris quædam erant, quæ effugiebant legis Miscellæ obseruationem, vt scribit Iustinianus in l. 3. C. de ind. viduit. His autem libris totum fere ius complexus est. Eos enim ad Sabini libros iuris ciuilis scriptos puto.

*Ad leges lib. xx.j*] Ex quorum xiiij. desumptam credo l. 31. D. de legib. Eaque ex parte in qua lex Iulia & Poppæa enarrabantur, quæ multa capita continebant, Ad quas etiam Terentius Clemens libros scripsit viginti. Sic enim in veteri indice Græco legitur *Τερέντιος Κλήμεντος* ad *leges βιβλία ἑικοσι* Ex quorum quinto, & xvij. desumptæ sunt l. operis D. de oper. feru. & l. si mihi D. de legat. 2. Hos autem libros ad legem Iuliam & Papiam, imperante Commodus ab Vlpiano scriptos quidam putant ex l. 45. D. de ritu nupt. quæ ex lib. iij. ad leg. Iuliam & Papiam desumpta est: hæc verba *ut rescripto Im-*

peratoris nostri & Diui patris eius continetur sic interpretantes, moti l.x. D. de in ius voc. & l. iij. §. is plane D. de suis & legit. hæred. Verum hæc l. 45. ad Imp. Seuerum, & Antoninum eius filium referenda est. Quæ res nobis causam præbebit obiter notandi legem Verum D. de minor. xxv. ann. mendosam esse hoc loco *Ceterum ex delicto in seruitutem facto, domino aduersus eum post libertatem actio non competit, & hoc rescripto Diui Seueri continetur.* expungendamque dictionem. *Diui* tanquam adulterinam. Hoc enim rescriptum est Alexandri Seueri, quod refertur. in l. 1. C. de noxal. act. Alexandrum autem Seuerum ab Vlpiano Diuum appellari posse non putandum, cum Vlpiano Alexander superuixerit.

*Disputationum lib. x.]* Hos libros Politianus prætermisit, ad quos pertinere existimo duas illas quæstiones, quas se inuenisse apud Vlpianum Iustinianus ait in l. si quis duobus C. de impub. & alijs substit. & illa quoque de quibus idem Iustinianus in l. si plures C. de cõdit. insert. Harum disputationum fit mentio in inscript. legis in bonæ fidei D. de pecul. publicas fuisse disputationes ad perennem scientiam & memoriam agnoscitur ex l. Diuo Marco C. de quæst.

*Omnium tribunalium lib. x.]* in quibusdam Codicibus legitur *protribunalion βιβλια Στρε*. Ex libro x. nulla lex desumpta est: Tribunalia Magistratum erant. Quæ autem appellantur *Omnia Tribunalia* ab Vlpiano, *Vniuersa fora* dicuntur à Valentiniano & Martiano in nouel. quam scribunt Storacio præf. præf. nondum edita, & à Seneca *omnia fora* lib. iij. de benef. cap. vij. Non omittemus autem, verba quædam l. si per errorem D. de iurisd. omnium iud. quæ ex lib. 2. omnium Tribunalium desumpta est, vulgo corrupte legi: quibus quidem restitutis verus legis sensus elicietur. Huius itaque verba sic leguntur *Si per errorem alius pro alio Prætor fuerit aditus, nihil valebit quod actum est. nec enim ferendus est qui dicat eos consensisse in præsi-*



*dem.* Deprauatio satis apparet. Quomodo enim, si alius pro alio Prætor fuerit aditus, videlicet peregrinus pro Urbano, in Præsidem consentire potuerunt. Iacobus Cuiacius vir excelsi ingenij & iudicij, pro *in præsidem* legit *in præsentem*. j: in Prætorem quem adierunt: vt non præsidem, sed prætorem aditum fuisse velit, his primis legis verbis motus *Si per errorem alius pro alio prætor fuerit aditus*. Sed hanc Cuiacij coniecturam (vt verum dicam) non probo: videturque mihi membro sano remedium adhibuisse: vlcerato autem non item. Dictionem enim illam (*in præsidem*) retinendam summo opere affirmo, sed principium huius legis paululum corruptum non dubito. sicque sanandum *Si per errorem alius pro prætore fuerit aditus*, reiecta illa dictione (*alio*) quæ ab inepto quodam Glossatore notata est, & addita ex l. 2. D. de iudi. vbi Vlpianus eadem referens his verbis utitur, *aut si putauerunt alium esse prætorem pro alio*, &c. quæ quidem postea transcriptorum inscitia in textum redacta est. Eam autem expungendam satis ostendunt quæ sequuntur. *Nec enim ferendus est, qui dicat consensisse eos in præsidem*. quæ manifestò declarant Præsidem pro Prætore aditum esse. Et recte quidem hac in lege Vlpianus loquitur de Præsede pro Prætore adito: licet dicta l. 2. de iudic. de prætore pro alio prætore adito tantum intelligenda sit: quod hæc l. desumpta est ex libro 2. de omnibus tribunalibus, in quibus libris Vlpianus tractat de de iurisdictione omnium iudicum, tam Urbanorum quam Prouincialium. Lex vero 2. de iudicijs descripta est ex libro iij. ad Edictum Vlpiani, quo in libro de Prætoris iurisdictione & edicto tantum scribit.

*Paradoxus lib. x.*

*Regularium lib. vij.*

*Fideicommissorum lib. vij.]* Duobus primis libris, de fideicommissis singularium rerum tractauit l. 1. D. ad Senat. Trebell.

*Opinionum lib. vj.]* Ex quinto desumpta est lex 25. D. de adopt. cui contraria videtur constitutio Gordiani in l. 5. C. ne de statu defunct. in quarum legum conciliatione nihil re-  
ctum Glossa adducit. Ego Thalelæi explicationem veram  
puto. Patrem ideo apud Vlpianum mouere quæstionem non  
posse, quia pater passus est filiam testamento hæredes scribe-  
re, & sic emancipationem approbat, & aduersus factum  
suum venire non poterat.

*De Adulterijs lib. v.*

*De Appellationibus lib. iij.*

*De Officio Consulis lib. ij.*

*Institutionum lib. duo.]* Hos libros citat Seuerinus Boetius  
lib. 2. in Top. Ciceronis, ex quibus illa esse Ioannes Tillius  
putat, quæ nuper eius beneficio in vulgus ex corpore Vl-  
piani sunt emissa.

*Responforum lib. ij.]* Ad hos libros pertinebat responsum  
Vlpiani, secundum quod Sabinæ rescripsit Alexander Impe-  
rator in l. 4. C. de contrah. & committ. stipul.

*Ad Edictum Aedilium Curulium.]* Hos libros & sequentes,  
qui in indice Iustiniano reperiuntur, prætermisit Politianus.

*Regularium liber singularis.*

*De Censibus lib. vj.*

*De Officio Proconsulis lib. x.]* In his libris facile crediderim  
enucleasse Vlpianum, tres illas difficiles & perobscuras quæ-  
stiones, quas commemorat Iustinianus in l. sanximus §. fin.  
C. de Senatusc. Trebell. Libri sexti meminit lex 1. C. de com-  
muni seruo manum. In his autem libris, septem rescripta Prin-  
cipum quibus doceret qua poena afficerentur Dei veri cul-  
tores Vlpianum collegisse supra docuimus ex Lactantio lib.  
5. de instit. cap. xj. Hos autem libros expunctos ex albo cæte-  
rarum legum fuisse à Christianis Imperatoribus existimat  
Baronius Soranus in commentario Martirologij: quos ego



ab ipso Iustiniano, siue potius Triboniano, cum reliquis Iurisconsultorum libris suppressos arbitror. Ex libro tamen tertio hæc de Christianis referuntur in l. iij. D. de Decurion. *Eos qui Iudaicam superstitionem sequuntur, Diui Seuerus & Antoninus honores adipisci permiserant: sed & necessitatem eis imposuerunt, quæ superstitionem eorum non laderent.* vbi Alciatus corrupte exaratum putat DD. Seuerus & Antoninus reponitque lib. iij. Dispunct. cap. viij. DD. *Verus & Antoninus.* Hos enim existimat per rescriptum, Christianorum dogma confirmasse, & æquales alijs in honoribus adipiscendis constituisse, propter beneficium receptum à Christianis militibus in bello Marcomannico. Quod tamen falsum, cum ex Iulio Capitolino in Marci Antonini vita Verus obiisset, antequam M. Antoninus Marcomannos debellaret. atque ita appareat Marcum Antoninum solum, hoc edictum constituisse. Quod & confirmat Epistola quæ extat apud Iustinum in fine secundæ Apologiæ, quæ à M. Aurelio Antonino solo ad Senatum scripta est, de beneficio à Christianis recepto in hoc bello Sic Tertullianus in Apolog. cap. 5. *Si litteræ inquit Mari Aurelij grauissimi Imperatoris requirantur, quibus illam Germanicam sitim Christianorum forte militum imbre discussam testantur &c.* Recte itaque legitur in dicta. l. 3. DD. *Seuerus & Antoninus j: Septimius Seuerus & Antoninus Bassianus filius, qui simul imperarunt autore Spartiano in Seuero.* De his enim loquitur Tertullianus lib. ad Scapulam *Nam & Proculum Christianum qui Torpacion cognominabatur, Euhodææ procuratorẽ qui eum per aleum aliquando curauerat requisit, & in palatio suo habuit vsque ad mortem eius, quem & Antoninus optime nouerat lacte Christiano educatus. Sed & clarissimas feminas & clarissimos viros Seuerus sciens huius sectæ esse, non modo nõ lesit: verum & testimonio & populo furenti in os palam restitit.* Quod autem Tertullianus ait, *Antoninus lacte Christiano educatus,* sic intelligendum est: quia cum infans esset,

collusorem Christianū habuit, vt testatur Spartianus in eius vita *Septennis*, inquit, puer de Antonino loquens cum collusorem puerum ob Iudaicam religionem grauius verberatum audisset, neque patrem pueri, vel autores verberum diu respexit. Adnotabimus etiam obiter Vlpianum libro supra dicto scripsisse, Imperatores Christianis non solum honores adipiscendi libertatem dedisse, sed etiam necessitatem imposuisse. Respuebant enim Christiani Romanos honores, neque sibi licitum gerere putabant. Vnde Tertulianus Apolog. cap. 45. *Ecce Pythagoras apud Thurios, Zeroon apud Priennenses Tyrānidem affectant: Christianus vero nec Aedilitatem.* Hac de re etiam ample differit lib. de idolatria. Hinc proxime disputatio oborta est: an seruus dei, alicuius dignitatis, aut potestatis administrationem capiat, &c. Quod quidem agitatum apud Christianos puto, ob eam necessitatem honores adipiscendi, ab Imperatoribus ipsis impositam.

*De sponfalibus.*

*De officio praefecti urbi.*

*De officio praefecti Vigilum.*

*De officio Curatoris reipublicae.*

*De officio Praetoris Tutelaris.*

*De officio Quaestoris.*

Præter autem eos libros qui in indice Iustiniano reperiuntur, in Papiniani corpus eum scripsisse Theodosius testis est locuples in l. 1. C. de respons. prud. Cod. Theod. Ex quibus deprompsit Tribonianus versiculum *Vlpianus notat l. liberto D. de negot. gest. & quæ Vlpiano tribuuntur in l. curatores D. de administr. rerum ad ciuit. pertin. & in l. seruum de pignor.* Notas etiam ad Aristonem scripsisse colligitur ex l. *Aristo de iure Codicill.* Item ad Marcellum ex l. *tutor de administr. tut.* præterea compilasse non pauca ad Minitij libros indicat inscriptio legis vinaria *D. de verb. signific.*



## TERTVLLIANVS.



Tertullianus siue vt alij Terryllianus, maximus iuris interpret fuit: ideoque hunc Iustinianus vocat interpretem iuris antiqui in l. vlt. de curat. fur. eiusque citat librum singularem de Castrensi peculio. Cæterum errore

labi mihi videtur Riuallius, cum putat hũc esse, quo referente Senatusconsultum Tertullianum factum est. Nec vero Tertullianus ille dictus est, sed Tertullus: nec à Tertulliano substantiuo nomine, Tertullianum adiectiuum deduci potest. Adde quod Senatusconsultum Tertullianum factum est imperante Antonino Pio, Tertullo & Sacerdote Coss. Hic autem mentionem facit autore Vlpiano in l. cum quidam §. suum hæredem D. de acquir. hæred. Pomponij Iuriscōsulti, quem ad eiusdem Senatusconsulti explicationem pertinentia quædam decreuisse idem Vlpianus scribit in l. ij. §. sed & si quis D. ad Tertull. qui etiam meminit huius Tertulliani in l. siue ingenua §. tractari D. ad Senatusc. Tertull. Bernardus autem Rutilius, Ioānes Fricardus, cæteriquæ magni nominis viri, hunc Tertullianum esse existimant Q. Septimium Florentem Tertullianum Ecclesiasticum autorem, cuius adhuc multa extant opera. Quæ quidem opinio omnes fere iam litteratorum animos oppleuit: tantum valet apud eos eruditissimorum hominum autoritas. Quam tamen si veritas ipsa cōuellat, rogabo lectorem ne repugnet: sed eam animis libentibus remittat. Ratio enim eorum præcipua, quamque nulla vi labefactari posse credunt, coniectura tantum leui nititur ex verbis Eusebij lib. 2. cap. 2. Ecclesiast. Histor. de sumpta: quæ sic se habent. *Hæc Tertullianus vir & legum & in-*

*Institutionum Romanarum peritissimus, & inter nostros scriptores admodum clarus. Quis autem ex ijs concludet Tertullianum Christianum autorem, eum esse Iurisconsultum cuius fit mentio in pandectis: nemo me hercule Dialecticus. Sicuti nec dicere possumus (nisi verba nostra omnium irrisione ludicupiamus) Sextum Pompeium de quo Tullius in Bruto, eum esse Iurisconsultum quem citat Pomponius in l. & hoc Titus Cæsar D. de hæred. Instit. quod illum Sextum Pompeium, præstantissimum ingenium ad summam iuris Ciuilis sciētiam habere Cicero scripserit. Nec Iulianum qui Pertinacem occidit, cuius meminit Eusebius in Chronicis eum esse existimamus, quem tanquam iuris & perpetui edicti autorem Pandectæ nostræ habent: licet de eo Eusebius sic scripserit *Pertinax occiditur Iuliani iurisperiti scelere.* Porro rationibus quibusdam non omnino contemnendis moueor, vt credā Tertullianum Christianum diuersum esse ab hoc nostro Iurisconsulto. Et in primis quidem quod ab Vlpiano tantum citetur, eumque sententiæ suæ sæpissime assertorem habeat. Simileque veri non est, Vlpianū qui tanto odio Christianos prosequutus est, Christiani scriptoris auctoritate opinionem suam confirmare voluisse. Deinde D. Hyeronimus in Catal. aut. Ecclesiast. Tertulliani Christiani scripta commemorans, nullum de libris Quæstionum neque de Castrensi peculio sermonem habuit: quos tamen Iurisconsultum nostrum scripsisse certum est. Denique Christianum sub Septimio Seuero floruisse satis apparet ex Cassiodori Chronico, vbi 16. anno Imperij Seueri Pompeiano & Auito coff. sic scriptum est. *His coff. Tertullianus Affer Christianorum scriptor celeberrimus habetur,* & ex libro 1. contra Marcionem, qui quidem eum 15. anno Imperij Septimij librum illum scripsisse nos docet, & sub Claudio Apologeticum. Originem enim & progressum religionis Christianæ*




ad sua tempora describens omnes Imperatores à Tiberio, cuius tempore nomen Christianum in seculum introiuit, ad Verum vsque recenset. Quamobrem si Tertullianus noster, Christianus autor sit, eum sub Vero libros quaestionum, & de Castrensi peculio composuisse dicendum est; scilicet antequam Christo nomen daret. Quod & ipsimet verum asserunt. Tertullianum autem nostrum Pomponij Iurisconsulti mentionem facere supra diximus in l. cum quidam §. suum hæredem D. de acquir. hæred. qui inter Papiniani discipulos numeratur à Lampridio in Alexandri Seueri vita. Quo igitur pacto fieri potest, Tertullianum nostrum sub Vero Iuris Ciuilis scientiam professum fuisse, & Papiniani discipuli auctoritate sententiam suam confirmasse. Papinianus enim sub Caracalla 36. ætatis anno interfectus fuit: atque ita ex serie temporum constat, Papinianum extremis Veri temporibus 10. aut 12. annum tantum attigisse. Qua quidem ætate eum iuris scientiam publice professum, discipulosque habuisse nemo est qui dicere audeat. Existimarem quidem libentissime, Christianum cum nostro Iurisconsulto affinitate coniunctum fuisse, eiusque mentionem illum facere in lib. de præscript. aduersus hæret. cum ait, *Meus quidem propinquus ex eodem poeta, inter cætera stili oia Pinacem Cebetis explicuit.* Quamuis Renatus Laurentius, quis ille fuerit, inuenire se non potuisse asserat in Commentar. Propinquum enim illum, Tertulliani nomen habuisse ex eo conijcere possumus, quod alio nomine eum nō designauerit: satisque notum putauerit hac appellatione. Nec enim si aliud nomen habuisset, illud omisisset. Præterea autorem illum ex his verbis (*Inter cætera stili oia*) grauiore arte & scientia, iurisprudentiam scilicet, professum fuisse manifesto apparet. Deinde iuniorem Tertulliano Christiano, ex ipsis verbis colligimus: quod maxime ad Tertullianum Iurisconsultum referri potest: cuius in

indice hi libri reperiuntur.


*Quæstionem libr. tres.* ] Citatur Tertullianus lib. 4. quæstionum in dicto §. suum hæredem: nec male ut puto. In indice enim Græco legitur, *Quæstionum βιβλία ὀκτώ.*

*De castrensi peculio lib. unus.*



### PAPIRIVS IVSTVS.

**P**apirij Iusti memorantur tantum constitutorum libri xx. in indice Iustiniano, in quibus Antonini, & Veri Imperatorum fratrum constitutiones putauerim eum compilasse. Huius rei coniecturam capio ex l. Imperatores D. de seruit. rusticorum præd. l. Imperatores D. de seruitut. Urban. præd. l. Imperatores de rebus autoritate iudicum possid. l. Imperatores D. de contrah. empt. l. Imperatores D. de Curat. bon. dando l. Imperatores de appellat. l. Imperatores de pact. l. Imperatores D. de re iud. l. Imperatores de Decurion. l. Imperatores de administr. rerum ad ciuit. pertin. l. Imperatores de pollicit. & ex l. 3. D. ad leg. lul. de annona.



### IVLIVS PAVLVVS.

**P**atauinum fuisse Iulium Paulum Barrachinus scribit, testimonioque esse statuam supra ostium ædium Magistratus patauini positam. Credidi eum Tyrium fuisse: ideoque ab Vlpiano & Mammæa Alexandri vxore tantopere dilectum, ut semper socius Vlpiani fuerit: quem quidem cum Mammæa Tyrium fuisse supra dixi, aut ex Tyriorum colonia.



Hocque confirmatur, quod in syntaxi latinarum vocum, aliorum consilio vsus sit. *Nomen* inquit *penu* mihi traditum est omnibus generibus dici in l. nam quod D. de penu legata: Et proprietatem verborum latinorum ignorauerit in l. xvij, cum *seruitutes*, *corpora* appellat: verisimileque non est, latinum hominem & doctum, dictionum latinarum vim non calluisse. Iuuat coniecturam nostram, quod Græcas artes in explananda iuris ciuilis scientia attulerit in l. 9. D. de supellect. leg. & in l. xij. D. de statu hom. Hypocratis autoritate sententiam confirmarit suam, & dictiones latinas per verba Græca explicauerit in l. 7. §. hæc vox D. de edendo. Quæ res fortasse impulit Othomanum in verbo *Alienationis*, vt Paulum hominem Græcum existimauerit: cuius tamen rei nullum argumentum affert. Addi potest & illud quod Suidas scribit, Paulum Tyrium quendam oratorem Hadriani temporibus fuisse, qui cum legationem Romæ egisset sub Hadriano, Metropolim Tyrum effecit: eumque patrem nostri Pauli fuisse augurarer: & fortasse, vxore eius in ea legatione Patauij enixa, Patauini suum esse Paulum Iurisconsultum ideo contenderunt. Vnde recte apud Cuiacium lib. 21. cap. 26. Obseruat. nonnulla Pauli in l. 25. D. de probat. ex lib. 3. desumpta obseruantur, quæ Græcum hominem sapiunt: vt cum prudentem & attentum patremfamilias, vocat *Studiosum*, cum cautionem *Confessionem* vocat, vt Greci *ομολογία*. Male autem cum nō Pauli, sed Triboniani arguit, quod Græcum hominem sapiant. Nam & verbo *Confessionis*, pro cautione vsus est etiam Marcellus in l. 20. D. de Donation. Nec eo nomine Cuiacij sententia confirmatur, quod hæc verba legantur *Et vir simplicitate gaudens, aut desidia deditus*: quibus manifesto descriptam esse conditionem monachi tradit. Hæc enim verba ad monachorum referri statum non debent: sed ad Christianos, quibus maxime infensus Paulus fuit, quos *desidia deditos* appellat ille, iniurioso

mus *Qui nouas*, inquit, & *Vsu & ratione incognitas Religiones inducunt: ex quibus animi hominum moueantur: honestiores deportentur, humiliores capite puniatur.* Cæterum meminit Gellius Iulij Pauli poetæ lib. 5. cap. 5. noct. Attic. sed alius est ab hoc nostro Iurisconsulto, cuius libri, qui in indice Iustiniano reperiuntur, hi sunt.

*Ad Edictum lib. octoginta.*] Prætoris scilicet. libro 1. tractauit de iurisdictione, & officio Magistratuum: quod & notauit Cuiacius lib. 24. cap. 6. Obseruat.

*Quæstionū lib. xxxij.*] Iustinianus in l. cum in antiquioribus C. de iure deliber. scribit se in his quæstionum libris, regulam hanc ad ius deliberandi pertinentē inuenisse. *Filios familias paternam hereditatem transmutere* & alia quædam adiecta quæ in eiusmodi personis præcipua essent. Libro 1. existit quæstio illa de cautione agitata in auditorio Papiniani Præf. præf. inter eum, & Vlpianum, quem tamen cum reprehendit non nominat: sed utitur eo verbo *Quidam dicebat*, & libro 32. ad Edictum in l. 3. D. mand. Sabini & Cassij sententiam improbens, scribit *Quidam negauerunt* stilo Iurisconsultis non exotico: sic Iulianus in l. 21. D. de reb. cred. de Proculeianis ait *quidam existimauerunt*, & Scauola in l. 14. D. de iure codic. & Callistratus in l. 82. D. de condit. & demonstr. Quo loquendi genere vsus est Aristoteles in Platone reprehendendo, & Seneca in Aristotele, verbo *aliquis* lib. iij. de ira cap. iij. Sicut in Euangelio, quorum dicta vel facta damnantur, nomina supprimuntur: sed utitur scriptura sacra verbo *Quidam*, vel alio simili. Cæterum Paulus non solum in Vlpiani sententia damnanda hoc verbo utitur: sed etiam cum eam probat, & laudat, ut in l. 8. quemadm. v. suff. cau. his verbis *Quidam*, hoc de Vlpiano, & *Martianus heredi*, &c. Quod ab eo factū ideo credo, aut ut in coætaneo & socio citando, omnē vel maligni animi vel adulatorij notā vitaret: vel forte Græ-



corū more, vt & ipsum Græcū diximus, qui de his quos maxime colebāt verba faciētes, verbo *αὐτός* vel alio vrebātur: vt apud Theophrastū in Charact. καὶ τὸς ἀπαντῶν τε θησιῶν καλῶσαι ἑαυτὸς ἀν' αὐτὸς παρέλθῃ, & apud Aristophanem in nebul.

Στ' ἢ φέρε τίς γδ' ἔπος ὃ δὴν' τῆς κρεμνίδεας

ἀνὴρ Μα. αὐτός

& ibi Scholiastes. Inde illud Pythagoreorum αὐτός ἐφα'. Refertur autem quæstio proposita Paulo Iurisc. à Nymphidio in l. 81. D. de condit. & demonstr. quæ ex lib. 21. quæst. desumpta est. Iustinianus etiam refert sententiam quam Paulum in suis quæstionibus scripsisse tradit. *Infantem non posse ingratum à matre sua vocari, nisi hoc fecerit odio mariti sui, ex quo infans progenitus est*: quam tamen iniquam iudicauit.

*Responsorum lib. xxxiiij.* ] Horum librorum meminit Iustinianus in præfatione digestorum §. sed quia. Ex quibus in veterum scholis, vix decem & octo recitabātur. Extat vnum ex responsis Pauli in l. etsi C. de nupt. Ex his etiam libris legem 22. D. ad leg. falcid. desumptam existimo.

*Fideicommissorum lib. iij.* ] Meminit libri tertij Iustinianus in l. 1. C. de comm. seruo manumisso, in quo mentio facta erat cuiusdam Constitutionis Seueri & Antonini; qua cogeatur socius vendere partem socio serui communis, quatenus libertas seruo imponeretur: quanquam ex bonis socij morientis nihil consequeretur, precio constituto arbitrio Prætoris. Atque hoc tertio libro Paulum de fideicommissarijs libertatibus tractasse opinor & Senatuscōsultum Rubrianum interpretatum fuisse ex l. 33. D. de fideicom. libert. ideoque legem 5. eiusdem tituli mendosam esse puto *Senatus Hadriani temporibus censuit*, legendumque, *Senatus Traiani temporibus*. Hæc enim verba de Senatusc. Rubriano intelligenda sunt, quod Traiani temporibus Rubrio Gallo, & Cælio Hispone Coss. factum est l. 26. D. de fideic. libert qui quidem Coss. suffecti fuere: quorum etiam meminit Plinius.

*Brevis Edicti lib. xxiij.* ] Libro octauo quæ ad Tutelarum materiam pertinebant tractauit. Vocantur autem hi libri aliquando *Breuium*. Quamobrem conijcio breuia Edicta hic collegisse Paulum, j:que e re nata, & vt negotia nascebantur, Prætores proponebant: qualia erant Edicta euocatoria, quorum fit mentio ab Vlpiano in l. impuberibus §. ult. D. de suspect. tut. & l. nonnunquam D. de iudic. Imperatorum etiam breues cōstitutiones *Breuiu* vocabantur, Zonaras in Concil. Carthag. βρέβιον ἡ ἐπιτομή λέγεται, καὶ συντομία γράφει. vnde in Nou. cv. de Cōsulibus cap. 2. βρεβιάδες breuium proscriptores Imperatoriorum. Sic postea Summi Pontifices Breue appellarunt Apostolicum, Diploma ceu rescriptum in paruis negotijs concessum. Quod nomen eos ab hac veteri Edictorum breuium denominatione desumpsisse puto. Alio tamen modo sumitur Breuis in l. 1. de excusat. artif. lib. xij. Cod. filicet pro notitia & quasi indice, & pro rationibus priuatorum in Synopsi Basil. lib. 7. tit. 18. cap. 14. τὰ τῶ ἀντιστάς σὲ βρέβια. vt in l. ult. C. de conuen. fisci deb. pro chartula debitorum. Ne igitur existimes hos libros ad Edictum perpetuum à Iuliano compositum, referendos esse: licet Iustinianus in Orat. ad Senatum §. si vero, illud, breuem libellum appellet.

*Ad Plautium lib. decem & octo.* ] alias Questionum ad Plautium.

*Ad Sabinum lib sexdecim.* ]

*Ad leges lib. decem.* ] aliàs, ad leges Iuliam & Papiam.

*Regularum lib septem.*

*Sententiarum siue factorum lib. sex.*

*Sententiarum receptorum lib. quinque.*

*Ad Vitellium Sabinum lib. quatuor.*

*Ad Neratium lib. quatuor.*

*Fidei commissorum lib. tres.*

*Decretorum lib. tres.* ] Decreta huiusmodi & imperiales sententia



tentiæ in cognitionibus prolata, pro eadem re sunt accipienda. Quanquam enim Iustinianus in quibusdam legum inscriptionibus tantum meminerit *Decretorum*, vt in lege Æmilius D. de minor. in l. fin. C. quod cum eo. in l. quædam C. famil. ercisc. In alijs autem, *Imperialium sententiarum in cognitionibus prolatarū* tantū, vt in l. quærebatur de verb. signif. In alijs tamen inscriptionibus vtrumque coniunxit, vt in l. fin. D. ad Trebell. in l. fin. de hæred. instit. Ex quibus constat Paulum, in sex libros totam huiusmodi tractationem conclusisse. Sed in Indice Iustiniano trium dumtaxat librorum mentio facta est, quod his solis Iustinianus vsus sit. Præter autem hos sex libros, Paulus librum singularem de cognitionibus edidit: ex quo decerpta est l. municeps D. de verborum signif. & l. 101. D. de regul. iur. quem imperante Caracalla composuit. Leguntur etiam in indice:

*De adulterijs lib. iij.*

*Manualium lib. iij.*

*Institutionum lib. iij.*

*De officio Proconsulis lib. ij.*

*Ad legem Iuliam lib. ij.*

*Ad legem Aeliam Sentiam lib. iij.*

*De iure fisci lib. ij.*

*Ad Edictum Aedilium Curulium lib. ij.*

*Libr. singulares*

*Regularum iterum.*

*Regularum tertio.*

*De pænis militum.*

*De pænis omnium legum.*

*De Vsuris.*

*De gradibus & adfinibus.*

*De iure Codicillorum.*

*De excusationibus tutelarum.*

*Ad Senatusconsultū Tertullianū.*] Iustinianus in l. in lege xij. tabularum C. de legat. hæred. refert Iulium Paulum in libri huius principio docuisse, impiam fuisse differentiam post xij tabulas introductam in successione inter mares & foeminas, quantum ad adoptionis ius pertinebat. Ex his autem quæ supra diximus cum de Tertulliano scriberemus fatiscit liquet, non posse hoc Senatusconsultum, ad Consulatum Tertulli, & Clementis referri. Nam isti Cofs. facti sunt Septimio Seuero imperante, vt ex Fastis apparet.

*Ad S. C. Orphitianum.*] Quo liberi ad matrum intestatarum bona admittuntur, factum Orphito & Rufo Cofs.

*Ad regulam Catonianam.*]

*Ad Senatusconsultum Syllanianum & Claudianum.*

*Ad Senatusc. Velleianum.*

*Ad S. C. Libonianum.*

*De Officio Præfetti Vrbi.*

*De Officio Prætoris Tutelaris.*

*De Officio Assessorum.*] Hunc librum scripsit, cum Assessor Papiniani erat cum Vlpiano.

*De extraordinarijs criminibus.*

*Ad Hypothecariam formulam.*

*Ad Municipalem.*

*De publicijs iudicijs.*

*De inofficioso testamento.*

*De Centumviralibus iudicijs*] apud Labitum, & Antonium Augustinum legitur *De septemviralibus iudicijs*. Causas autem de quibus cognoscebant Centumuires, enumerat Tullius lib. i. de Orat. Quemadmodum autem ea quæ Prætores decernebant, Edicta dicebantur: sic quæ Centumuires, iudicia. Hæc autem Centumviralia iudicia, longo tempore post oppressam Repub. remansisse constat ex Quintiliani, Plinijque Secundi libris, & viguisse etiam D. Hieronymi



temporibus ex Apologetico suo ad Domitionem intelligi potest, & magnitudinem auctoritatemque Centumuiralis iudicij Iustinianus ipse prædicat in l. xij C. de petit. hæred. Præcipuæ autem causæ, de quibus temporibus Iurisconsultorum Centumuiro cognoscebant, hæ erant : de inofficioso, scilicet, testamento, & de petitione hæreditatis. Vnde Tribonianus titulo *De inofficioso testamento*, subiecit titulum *De petitione hæreditatis*, in Pandectarum compilatione, & Scæuola in l. 13. D. de inoffic. testam. Centumuirale iudicium, pro querela inofficiosi testamenti posuit : & Paulus, pro petitione hæreditatis in l. petitor D. de liberat. leg. Ideoque lectio Labiti, & Antonij Augustini, licet ex Pandectis Florentinis decerpta, à me probari non potest : sed liberè vulgarem Indicis scripturam sequor. In quot autem Consilia & Tribunalia diuiderentur Centumuiro, & de forma iudiciorum vide Cujacium lib. 10. cap. 20. obseruat.

*De iure singulari.*

*De secundis tabulis.*

*Ad Orationem D. Seueri.*

*Ad Orationem D. Marci & Commodi.*

*Ad legem Velleiam.*

*Ad legem Cinciam.* ] De donis & muneribus, de qua Cicero lib. 2. de Orat. Eam ideo latam Liuius Dec. 4. lib. 4 refert, quia vectigalis jam, & stipendiaria plebs esse Senatui cœperat. Corrupte itaque legitur in inscriptione l. 29. D. de leg. Paulus libro singul. ad l. Cinniam pro Cinciam. Quanquam non sim nescius à Velleio memoriæ proditum, L. Cinnam legem agitalle : hæc autem à Cincio Trib. pleb. lata est, cuius inter cæteros meminit Tacitus lib. xij Annal. quæ ab eodem vocatur *Senatusconsultum* eodem modo, quo lex Aelia Sentia, de qua in §. eadem lege, qui & à quib. causis apud Iustin. *Senatusconsultū* dicitur ab Vlpiano in lege 1. D. de Offic. Cos.

his verbis, Cum & ipse sit qui ex S. C. consilij causam examinat, j: ex Aelia Sentia: nihil enim hic immutandum censeo.

*Ad legem falcidiam.*

*De tacto fideicommisso.*

*De portionibus quæ liberis damnatorum conceduntur.*

*De iuris & facti ignorantia.*

*De adulterijs.*

*De instructo & instrumento* *μὲν βιβλὸν* ] Aliter *De instrumenti* significatione, ex inscriptione legis servus D. de legat. 3. & l. Rhedæ D. de suppell. legat. Differt autem instructum, ab instrumēto in l. quæsitum §. sed etsi fundus de fundo instr.

*De appellationibus.*

*De adsignatione libertorum.*

*De iure libellorum.*

*De testamentis.*

*De iure Patronatus.*

*De iure Pacronatus quod ex lege Iulia, & Papia venit.*

*De actionibus.*

*De intercessionibus fæminarum.* ] Quemadmodum Paulus de Centumviralibus iudicijs, & postea separatim de inofficioso testamento scripsit: Sic etiam de Senatusconsulto Velleiano Pauli librum supra recensuimus: Nunc de intercessionibus fæminarum libellū eius proferimus. Quiquidem, idem ferè cum libro de Senatusc. Velleiano est. Velleianum enim, S. C. de intercessionibus, appellatur in l. 9. & 10. C. ad Senatusc. Vellei, & à Martiano in l. qui exceptionem D. de condic. indeb.

*De operibus libertorum.*

*De varijs lectionibus.* ] Vim & significationem verborum iuris, hoc in loco explicat.

*De donationibus inter virum & uxorem.*

*De legibus.*

*De legitimis hereditatibus.*



*De libertatibus dandis.*

*De Senatusconsultis.*

Scripsit Paulus alios libros, qui in indice Iustiniano non continentur.

*Epitomen Alpheni Digestorum.* ] quam pluribus verbis prosequutus est. Ex eius quinque libris multæ leges descriptæ sunt, l. qui per certum commu. præd. l. si grandes de usufr. l. lumen l. cum debere de seruit. urban. præd. l. cum multi D. si pars hæred. pet. l. à quo de rei vindic. l. quicquid de act. empti. l. seruus cuiusdam de condi&. indeb. & aliæ quædam. Scripsit etiam.

*Notas ad Iulianum* ] quod intelligitur ex l. si Prætor D. de iud. ex l. Prætor de collat. bon. ex l. Marcellus D. de donat. causa mort. ex l. si pater de manum. vind.

*Notas in libros questionum Papiniani* ] ex l. 16. D. de public. in rem actione, ex l. 18. D. de seruitur. ex l. 1. D. de offic. eius cui mand. est iurisd. quæ ex lib. 1. questionum Papiniani desumpta est, vt ex inscriptione apparet, in cuius legis fine sic scriptum est, *Paulus notat, imo imperium, &c.* notat, scilicet in hunc librum primum. Hæc enim verba Papiniani non sunt, sed à Triboniano adiecta. Scripsit etiam.

*Notas ad libros responsorum Papiniani* ] ex inscriptione legis non priores D. quæ in fraud. cred.

*Librum singul. ad Senatusc. Iulianum* ] ex inscriptione legis fin. D. de ritu nupt.

*Epitomen librorum Labeonis* ] Ad quam Epitomen referendam puto. l. si cui ædes D. de legat. 3.

*De articulis liberalis causæ* ] ex inscriptione l. si in obscura D. de liberali causa.

*Librum singularem ad leg. Fusiam Caniniam* ] ex inscriptione leg. Potestatis D. de verb. signific. & illum, quem paulo ante dixi.

*Librum singularem de cognitionibus* ] Scripsit etiam.

*Librum de conceptione formularum* ] & *librum de dotis repetitione.*



# CLAVDIVS TRIPHONIVS.




Laudius Triphonius, siue Triphoninus, Papiniani discipulus fuit, & cum Paulo, Ulpiano, alijsq; Iurisperitis quorum fit mentio à Lampridio, Alexandro Seuerò Imperatori à Consilijs fuit, eique maximè familiaris, ac socius. Vnde inscriptionem legis 1. C. de in ius voc. mendosam colligo *Imperator Alexander A. Trophinio* scribendumque, *Triphonio*. Hoc subgerente in l. fin. de iure fisci Paulus se respondisse de quadam quæstione scribit. Et ipse Triphoninus, se in auditorio dixisse tradit, in quæstione quam tractat: solam illam dotalem esse partem fundi quæ in dote data est in l. 78. D. de iure dot. Quod quidem auditorium intelligendū est Papiniani, de quo fit mentio in l. lecta D. de reb. cred. nō Principis, cuius meminit l. minor D. de minor. xxv. ann. Colligi etiam potest sub Antonino eum Syriæ præfuisse ex l. 1. C. de iud. Cum enim Triphoninus Antoninum Imperatorem consulisset, an legatum factum à Cornelia Saluia, vniuersitati Iudæorum, qui in Antiochensium ciuitate cōstituti erant, quæ Syriæ caput erat autore Tacito lib. 18. valeret: rescribit ei Antoninus legatum illud peti non posse. Eum etiam ab Impp. Seuerò & Antonino cognitum fuisse testatur l. 5. C. de negot. gest. quos ipse optimos appellat in l. 1. 39. D. de pœn. Qua ex lege eum Ciceronianæ lectionis non incuriosum fuisse colligi potest. Proculeianæ autem fuit sectæ, quod apertè demonstrat l. 29. D. Rerum amot. Hic autem Triphoninus Claudij tantum nomine in



plerisque Pandectarū locis nominatur in l. Lucius §. Titius §. filiam, in l. hæredibus. §. fin. in l. matrem D. ad Trebel. in l. cum venderet D. de seru. export. in l. Lucius. §. Damæ D. de legat. 2. in l. cum quis decedens §. nuptura l. pater filium. §. quindecim l. vxorem. §. Scæuola D. de legat. 3. l. Claudius D. de fideic. libert. Quam, quod corrupte ea legeretur, primum emendare tentauit Alciatus lib. 2. dispunct. cap. xiiij Tum postea Antonius Augustinus lib. 1. cap. 4. Emendationum. Scripsit autem.

*Disputationum libros xxj.* ] Quibus in libris maximè de dotibus, aut quæ ad eas spectabāt tractabatur. Scripsit autē.

*Notas ad Scauolæ libros.* ] Quem suum appellat, vt indicāt inscriptiones legum supra nominatarum, & maximè ad libros Digestorum, vt colligitur ex l. qui negotiationem D. de administr. & peric. tut.



## CALLISTRATVS.




Allistratum Iurisperitum Lampridius quoque numerat inter illos præclaros viros, quos Alexandro Seuero à consilijs fuisse diximus, quamuis hac de re à quibusdam notatus fuerit, & malè: quid enim impedit quò minus Alexandro assidere potuerit, cum sub Septimio Seuero, & Antonino filio eum floruisse constet: quod his imperantibus libros cognitionum scripserit, vt apparet ex l. 3. D. de offic. procurat. Cæs. quæ ex libro 6. desumpta est. Idque Imperatores nostri Seuerus & Antoninus ad libellum Hermiæ rescripserunt. Hoc enim verbo vti Iurisconsultos, cum de Imperatore regnante loquuntur, supra diximus. Sic & Iulianus in l. 8. D. de offic. præf. Sæpe audiui Cæsarem nostrum dicentem, & Pli-

nus lib. 6. epist. *Euocatus in consilium à Cesare nostro*. Apparet etiam sub primis Imperatoribus non vixisse Callistratum, ex lib. 2. quem composuit ad Edictum Monit. l. 1. D. de interrogat. quo loci suæ ætate interrogatorias actiones iam in desuetudinem abiisse testatur: quas sub Iuliano & Papiniano in usu fuisse adhuc certum est. Solus autem Callistratus putauit deportatum, iugum seruitutis subire: hac in re à reliquorum Iurisconsultorum sententia discrepans. Quod quidem Cujacius lib. iij cap. x. obseruat. notat, Græcos inter *ἐναγιογράν* posuisse. Ceterum plures Callistratos apud autores inuenio: fuit Callistratus quidam Platonis auditor, de quo Gellius lib. iij cap. xij notat. Attic. scribit. Fuit & alius Callistratus, ad quem Martialis scripsit quædā Epigrammata, qui temporibus Trajani vixit, à quo forte Callistratus noster originem sumpsit. Scripsit autem.

*De cognitionibus lib. sex* ] dissimili argumento fuere hi libri, à libris decretorum Pauli. His enim continetur causæ quarum cognitio à Principibus, litteris vel rescriptis, Magistratibus specialiter est de mandata, vt ex legum capitibus quæ ex his desumpta sunt, colligi facilius potest.


*Edicti Monitorij lib. sex.* ] Alias ad Edictum monitorium autore Labito. In Græco indice *Edicton monitorion*. Erant ni fallor Edicta Monitoria similia his, de quibus in l. 2. §. eodem tempore D. de orig. iur. sic dicta quod his monebantur Ciues, quod ius de quaque re Magistratus dicturus esset: vnde Edicto admonere in l. Diui fratres de Religios. & sumpt. funerum: ad hoc alludit Seneca, cum *fulmina monitoria* dixit lib. 2. Natur. quæst.

*De iure fisci lib. quatuor.* ] In inscriptione l. 1. D. de bon. damnat. Florentiæ scriptum esse, *De iure fisci & populi*, tradit Antonius Augustinus lib. 1. cap. 4. Emendat. & apud Paulum lib. 5. sentent. inscriptio tit. xij sic est posita, *De iure fisci*  




& *populi*. Non tamen hæc coniunguntur, vt *fiscus* & *populus*, idem sint: licet *fiscus*, ab *Aeschyne* τὸ δημόσιον appelletur: res enim *fiscales*, propriæ & priuatæ principis sunt. l. 2. §. hoc interdictum. D. ne quid in loco publ. interd. quam ob rem libenter existimarem, quod *lus populi* hic appellatur: id esse, quod *lus Aerarij* alibi dicitur. Sic enim *Aerarium* & *fiscus* differunt, vt ex his duabus familijs, quæ ad ductus aquæ parabantur intelligimus. Quarum altera publica, id est, *populi*: altera *Cæsaris*, vocabatur. *Cōmoda publicæ familiæ*, inquit *Julius Frontinus*. lib. 2. de aquæ ductibus, ex *erario* dantur: *Cæsaris vero familia*, ex *fisco* accipit *commoda*, & ex *Plinio* in *Panegyrico* ad *Traianum*: *At fortasse non eadem seueritate, fiscum quæ aerarium cohibes? Imo tanto maiore, quanto plus tibi licere de tuo, quam de publico credis.* Vnde *Spartianus* in *Hadriano*, *fiscum* priuatum, & *ærium* publicum dicit. Male igitur *Harmenopulus*. lib. 1. *Epit.* Bona *populi Romani*, publica, & *fiscalia* propriè dici existimat, his verbis, τὰ ἑαυτοῦ καὶ τὰ ἀλλοτρίων τῶν Ρωμαίων πάντα δημόσια. Erat enim vir tantum pragmaticus, historiæ, & politioris doctrinæ ignarus. Hoc tamen *Populi* verbum, hoc in loco de Imperio explicandum est. *Populi* enim potestas, tunc temporis ad principem lege Regia omnis translata erat: Sic cum *Suetonius Tranquillus* in *Tiberio*. cap. 49. Vonomem Regem *Parthorum*, in fidem *Populi Romani*, *Antiochiā* receptum dicit: *Imperij Romani*, explicandum est. Et apud *Capitolinum* in *Maximinis* in hac acclamatione, *Hostes populi Romani Dij persequuntur* (id est) *Imperij Romani*. Ceterum *Lampridius* scribit, *Alexandrum Seuerum*, leges de iure *fisci*, & *populi*, moderatas, & infinitas sanxisse. Quapropter libenter existimarem, eo imperante *Callistratum* hos quatuor libros composuisse. Verisimile enim est *Callistratum*, de his, de quibus Imperator statuerat, scribere voluisse: quod & con-

firmat. l. 1. D. de iure fisci, in qua constitutionē Seueri refert  
*Imperator, inquit, noster Seuerus Augustus constituit, quæ verba de*  
 Alexandro intelligi debere, locus Lampridij satis indicat.



### ARRIVS MENANDER.



Vius Menandri meminit Macer. lib. 1. de vetera-  
 norum & militū successione, & in l. diuus de pæn-  
 vbi Mænandrum scripsisse refert (credo in libris  
 de re militari) militem qui artem ludicram fecerit  
 vel in seruitutem se venire passus sit, capite puniendum. De  
 hoc Menandro intellexit Vlpianus in l. verum. §. ex hoc fa-  
 cto D. de minor. Ex quo Consiliarium principis Alexandri  
 Seueri eum fuisse colligimus, & à tutelæ onere hac ratione  
 excusatum: licet Lampridius eius nullam mentionem fa-  
 ciat. Verba enim Vlpiani hoc satis clare demonstrant, *Suscepta*  
*inquit, tutelam non alij solent deponere, quam qui trans mare Reipub.*  
*causa absunt, vel hi, qui circa Principem sunt occupati, ut in Consilia-*  
*rij Arrij Menandri persona est indutum.* Alius autem est hic  
 Menander ab eo cuius fit mentio, in l. postliminij D. de capt.  
 & postlim. reuers. Idque constat ex M. Tullij orat. pro Cor-  
 nelio Balbo. *Nec enim sine causa, inquit, de Cn. Publio Menandro*  
*libertino homine, quem apud maiores legati nostri in Graciam proficis-*  
*centes interpretem secum habere voluerunt, ad populum latum est, ut is*  
*Publius si domum reuertisset, & inde Romam redisset, nec minus ciuis*  
*esset.* Quod ego non adnotassem, nisi Stephanus Forcatulus,  
 vir quidem doctus, contra sensisset. Sed hoc more institutoq;  
 meo dictum sit, qui animum ad scribendum appuli, non alios  
 reprehendendi ambitione: sed veri inuestigandi ratione.  
 Composuit autem

*De re militari. lib. quatuor ]*



## AELIVS MARTIANVS.



Martianum eum esse putat Angelus Politianus lib. 5. epistol. quem Princeps Iulianus iussit occidi. Sub Antonino quidem non parvæ autoritatis fuit, à quo consultum de patria potestate inuenimus in §. sed, & maior Tit. de adopt. apud Iustin. quem Magnum ipse appellat in l. 16. D. de publican. eiusque rescriptum affert. Hunc etiam Lampridius inter illos Iurisperitos numerat, quorū Alexandrum Severum consilio vsum supra retulimus. Martianus quidem, se in auditorio publico, Marcelli scripta probasse scribit in l. 1. §. fin. D. ne de statu defunct. quod de auditorio Alexandri principis intelligendum est. Quapropter legem 4. C. ne de statu defunct. quæ est Alexandri ad hunc Martianum rescriptam esse, non incongrue dicere possumus: legem etiā vn. de reis postul. lib. 10. cod. ad hunc Martianū ab Alexandro Imp. rescriptam esse apparet ex l. 7. D. de muner. & hono. quæ ex Martiano. lib. 2. publicorū desumpta est in qua Martianus eandem rem scriptis tradidit, quam ab Alexandro per rescriptum acceperat in d. l. vn. Vbi obiter ad notabimus ex illarum duarū legem collatione, reū innocentia suam purgasse non intelligi, nisi post sententiā. Ex dicta autem lege 4. C. ne de statu defunct. illud colligere licet: Martianum, fratrem habuisse qui seruum hæredem manumissum scripsit. Vlpianum autem sequutus est in l. à decurionibus D. de vacat. & excusat. munerum. Quemadmodum & illum Vlpianus reprehendentem Iulianum, quod Iulianus putaret, ex his conuentionibus, quæ in nomen proprium contractus non transeunt, in factum actionem à Præ-tore dandam: Martianus autem, ciuilem incerti, id est, præ-

scriptis verbis. Idem aliquando Papinianum & Paulum eximios Iurisconsultos opinionum dissensione discrepantes, adhibita distinctione conciliare tentavit, ut Iustinianus refert in l. cum in adoptiuis. C. de adoption. qui etiam meminit in l. adoptiuis eod. Tit. Martiani distinctionis, in ea questione: *An liceat filio adoptiuo qui prateritus à patre naturali fuerat, vi aduersus eius testamentum querela inofficiosi testamenti.* Alius autem est Martianus noster ab eo, cuius mentio fit à Callistrato in l. 13. D. de eo quod met. ca. libros autem Indicis Iustiniani, qui Martino tribuuntur, hosce habet lector.

*Institutionum lib. xvj.]* Ex his libris depromptum esse §. pecoribus. l. legatis de legat. 3. ostendit Iustinianus in §. 1. de lege aquil. Homerique versus duos ex lib. 13. Odys. desumptos, retulisse Martianum in his libris testatur. Virgilium etiam autorem habet. lib. 3. ex quo desumpta est. l. 6. D. de rerum diuis. Quapropter legem 7. sequentem eiusdem Martiani esse puto: quamvis in vulgaribus Codicibus, & apud Labitum tribuatur Vlpiano, ex lib. 25. ad edict. Verba enim Vlpiani, lib. 25. ad edictum, aliter quam hæc concepta sunt, quæ referuntur, in l. 6. D. de relig. & sumpt. fun. Nec enim verisimile est Martianum, Cænotaphium locum religiosum putasse, contra DD. fratrum constitutionem: quam virum Iurisperitissimū ignorasse credendum non est. Quamobrem hæc faciunt, ut hæc verba, *magis placet*, corrupta sine dubio existimem. Iurisconsulti enim his dictionibus vtuntur ad receptiorem sententiam denotandam, ut in Pandectis passim colligere licet. Hæc autem non fuit receptior: cum DD. fratrum constitutione contra sancitum sit. Interpretes Græci hoc sentiunt lib. enim 46. capit. 3. Basil. pro *magis placet*, dicit, *magis placuit*, scilicet antiquitus. Hæc tamen locū omnino non sanāt. Quid enim illud *magis*, sibi velit, non intelligo. Legendū itaque est *maioribus placet*. Non enim difficilis est, dictionis



*Maiores* in aliam corruptela. *Majoribus* autem placuisse Coenotaphium locum religiosum esse, probat Virgilij testimonio. Librum autem Virgilij non citat Martianus, sed ex 3. *Æneidos* desumpsisse eum jam admonuit Budæus in *Annot. in Pandectas*

*Libabat cineri Andromache, manesque vocabat,*

*Hectoreum ad tumulum, viridi quem cespitem inanem,*

*Et geminas causam lachrymis sacrauerat aras.*

Quod & non ignorauit Græcus interpres loco supra citato. Martianus autem hoc in loco, Seruij interpretationem sequutus est, qui tumulum inanem Virgilij, Cenotaphium esse dicit. Cæterum non vno tenore orationis hos libros institutionum scripsit, sed per capita eos diuisit: quod satis constat ex l. qui liberos D. de ritu nup. vbi in inscriptione eius legis, caput quinquagesimum tertium libri xvj affertur, quod erat de lege Iulia. Liber quartus ad res criminales spectabat. In his autem libris compendium totius iuris conclusum esse existimo. Nam à legis definitione orsus videtur ex l. 2. D. de legibus, quæ ex initio libri i. desumpta est, vbi Demosthenis & Chrysippi varias legis definitiones affert. Quo in loco obiter animaduertendum, hæc verba Demosthenis legem definientis *δὲ νόμος δὲ φρονίμων ἀνδρῶν* à Papiniano lib. i. definitionum interpretari *Virorum prudentum consultum*. Ex quibus liquido apparet, in epistolis Hyppocratis in illa Artaxerxis ad Pætum, mendum his verbis inharere *ὃ φέρω γνώμην ἐκ ὅτι ἔχω μετ' ἀνδρῶν γνώμην βελεύσασθαι* & sic legendum *μετ' ἀνδρῶν φρονίμων*.

*Regularum lib. quinque.*

*De appellationibus lib. duos.*

*De publicis iudicijs lib. duos.*] In inscriptione l. 7. D. de muner. legitur Martianus lib. 2. publicorū: à D. Chrysostomo tract. decæco à natiuit. vocatur τὰ κοινὰ δικαστήρια, in concilio Tole-

tano cap. iij & concilio Cartaginensi cap. 9. publica iudicia dicuntur, iurisdictiones Magistratus sæcularis, & opponuntur Ecclesiasticis cognitionibus Can. inolita. Can. placuit xi. quæst. 1.

*Lib. singulares.*

*De delatoribus* quem scripsit sub Alexandro l. 15. D. ad Sillani.

*Ad Senatum Turpillianam.*

*Ad hypothecariam formulam* ] fuisse librum singularem constat ex inscript. legis grege D. de pignor.

Edidit etiam Martianus præter eos libros qui in indice Iustiniano nominantur, Notas in Æmilij Papiani scriptas, autore Iustiniano in 1. constit. de veteri iure enucleando. Quæ tamen ante Iustiniani tempora nullam vim obtinebant, propter honorem nomenque Papiniani. Eas tamen in Pandectis conficiendis componendisque non omnino respuendas esse censuit. Libros etiam Digestorum, quorum septimum ipse meminit. Collegisse etiã videtur in vnum Constitutiones Seueri ex l. 1. C. de communi seruo manumisso. Eum denique scripsisse notas in Iulianum conijcio ex l. iurisperitium D. de pact.

## IVLIUS AQUILA.




Vfebius lib. 6. Ecclesiasticæ historiæ cap. 3. Aquilam quendam commemorat. qui tempore Seueri Imperatoris Præses Ægypti Alexandriæque fuit, quem cap. 5. Tyrannicum iudicẽ appellat. Inhumanis enim cruciatibus ferreisque tormentis Christianos omnes afficiebat, & inter immaniora crudelitatis signa nũ-



meratur illud, quod Potamienam honestissimā fœminarum  
& martyrum crudelibus supplicijs laceravit. Nescio tamen  
an ille noster Iurisconsultus fuerit. Quod quidem non ad-  
modum à veritate absonum est. Iulium enim Aquilam post  
Trajani tempora vixisse colligitur ex eius lib. i. responso-  
rum, in quo rescriptum Hadriani Imperatoris ad Britasium  
Pollionem Legatum Lugdunensem recensetur, in l. ult. D.  
de suspect. tut. quod etiam à Modestino refertur, in l. *εαν δὲ πῃ*  
de excusat. tut. vbi corrupte *Britasius Pollio*, in omnibus  
exemplaribus exaratum est, cum *Vitrasius* reponendum sit, vt  
illud rescriptū Hadriani ad Vitrasium Pollionem, qui Con-  
sul bis fuit sub DD. fratribus cum Pudente 27. anno post  
mortem Hadriani, & secundum sub Antonino Philosopho  
cum Apro, autore Capitolino in Marco. Nullam enim Bri-  
tasij mentionem fieri apud autores legi. Iulius itaq; Aquila  
post Vitrasij Pollionis tempora vixit. Quamobrem illum  
non multum errare putarem, qui eum Consulem fuisse anno  
vrbs conditæ 953. siue vt Onuphrius vult 951. existimaue-  
rit. In Fastis enim Gallus & Saturninus hoc anno Coss. nu-  
merantur. Iulium autem Aquilam, Gallum vocari apparet  
fatis ex indice Græco, vbi sic scriptum est *Γαλλος Ακυλα*, ideo-  
que non malè Antonius Augustinus lib. i. cap. 4. emendat.  
reprehendit Angelum Politianū quod Epistola vltima lib.  
xi. pro Aquila Gallo, Aquilium Gallum eum appellatum  
scripserit. Cæterum Tacitus lib. xij Annal. Iulij Aquilæ  
equis Romani meminit, quem alium esse ab hoc nostro  
Iurisconsulto, series temporis demonstrat. Sed fortè non  
incongruè hunc, ab illo Equite originem duxisse quis dixe-  
rit. Composuit autem Aquila tantum.

*Responsum lib. vnum.*



## HERENNIVS MODESTINVS.



Erennium Modestinum Gordianus Imperator in l. ad exhibendum C. ad exhib. appellat, non contemnendæ autoritatis Iurisconsultum, quem Cos. quidam cum Probo numerant, ut autor est Labitus sub Alexandro Seuero Imperatore anno urbis conditæ 980. Sed cum Modestum non Modestinum Consulem illum nominari in Fastis videam, & in antiquo illo Epigrammate cuius apud Onuphrium mentio est, à sententia illa facile dissentio. Eum quidem certum est Alexandri Consiliarium fuisse autore Lampridio. Quamobrem de Alexandro Seuero interpretanda sunt Modestini verba in l. *εαν δὲ* §. *ἀφαιρῶν* D. de excusat. tut. *καὶ τὸ τοῦ ὁποσολῆς Σεβήρου βασιλέως δέικνεται*, ne quis de L. Septimio Seuero eum loqui putet, quod superiora eiusdem legis verba ad Septimium referantur, *καὶ τὸ ἕτερος γενόμενός ται ὅπερ τῶν Σειωτάτων Σεβήρου καὶ Antoninus*. Libros enim excusationum sub Seuero Alexandro constat eum scripsisse, mortuis iam Seuero & Antonino filio: quod *Σειωτάτων* verbum, manifestum reddit. Septimius tamen & Antoninus Modestino cuidam rescribunt, Chilone & Libone Cos. Qui quidem, si noster est, fratrem habuit, qui simul cum eo patri successit. l. 1. C. si certum pet. Ut autem nostrum Iurisconsultum esse existimem, eò maximè moueor: quod eum iuris ignarum non fuisse declarant Imperatores. Modestinum etiam Maximini iunioris præceptorem fuisse colligi potest ex Capitolino in Maximinis, Gordianique tempora attigisse ex d. l. ad exhibendum. Hæc enim verba *merito tibi non contemnenda autoritatis Iurisconsulto Modestino responsum est*, sic interpretanda



tanda sit, vt sententiam & responsum Modestini Sabinianus miles apposuerit ijs in precibus, quas obtulit Gordiano. Moris enim erat olim, vt qui preces Imperatori offerrent, sententias Iurisconsultorum qui iam è vita excefferant, vel quos consuluerant apponerent, vt colligitur ex l. 14. C. de præd. & alijs reb. min. vbi Diocletianus & Maximianus sic rescribunt Phrominio *Vtere viri prudentissimi Papiniani responso, cæterorumq; quorum precibus fecisti mentionem, sententijs:* & in l. 4. C. de contrah. & commit. stipulat. *secundum*, inquit Alexander Sabinæ, *responsum Domitij Vlpiani præfecti annonæ Iurisconsulti amici mei, ea quæ stipulata est cum moreretur, &c.* Quamuis autem Consulatus Modestini nulla certa extet memoria, Proconsulem tamen Dalmatiæ eum fuisse certum est, & ex Dalmatia Vlpianum consuluisse, vt ipse Vlpianus scribit in l. si quis vxori §. si quis asinum D. de furt. qua in lege Vlpianus, cum *studiosum suum* appellat. Non solum autem Modestinus iuris scientiam exercuit: sed Pœscos etiam amator fuit. Hocque Periochæ Virgiliano operi adiectæ testantur. Cæterum Cassianum eum non fuisse, probat l. 35. D. de fideicom. libert. Iustinianus autem in indice, libros Herennij Modestini hos posuit.

*Responsorum lib. vndeiginti.*

*Pauli & Dextri lib. duodecim.*

*Regularum lib. decem.*

*Differentiarum lib. nouem*] scilicet quæ ad ius ciuile pertinet.

*Excusationum lib. sex.*] Quos Græce se scripisse Modestinus testatur in l. j. de excusat. tut. quæ ex libro j. desumpta est. Qua in re ait se vtilissimum opus confecisse. Hos Ignatio Dextro dicauit.

*De pœnis lib. quatuor*] Ex lib 1. desumpta est l. si siue D. de in ius vocando. Cuius verba (*vel supradictam pœnam id est*) adiecta, & interposita esse à Triboniano auguror. Cum enim in l. superiori, quæ est Vlpiani, sic scriptum esset, *in eum qui*

Q

*aduersus ea fecerit, quinquaginta aureorum iudicium datur. Et Tribonianus caput Modestini consequenter inferendo, in quo pœnæ quinquaginta aureorum mentio fit: vt eandam hanc cum superiore ostenderet, sic posuit: vel supradictam pœnam, id est quinquaginta aureos dat.*

*Lib. singulares.*

*De prescriptionibus.*

*De inofficioso testamento]* Scripsit hoc in libro, tempora inofficiosi querelæ à morte testatoris currere, cui tamen sententiæ Iustinianus Vlpiani dogma prætulit: qui ab adita hæreditate, currere tradit.

*De manumissionibus.*

*De legatis & fideicommissis.*

*De testamentis.*

*Περὶ εὐρηματικῶν]* ibi consilia, cautionesque, contra iuris subtilitatem proponit.

*De enucleatis casibus.*

*De differentia dotis.*

*De ritu nuptiarum.*

Fit etiam mentio librorum vj. xj. xij. & xv. ex Cassio Modestini, in inscriptionibus legis censere l. litus l. moribus l. soluendo D. de verb. signif. libri xxxv. eiusdem ad Q. Mutium, in inscriptione l. homo liber D. de acquiretum domin.

## TARANTINVS PATERNVS.




Angelus Politianus epistol. libro 5. *Tarruntius Paternus* legit. Cujacius vero in l. venatoribus C. de excusat. mun. sic in indice Iustiniano legendum ait, *Tius Aruntinus Paternus*. Ego



*Tarruntenum* malo. Est enim hic, ni fallor Tarruntenus Paternus, qui Præfectus Prætorio, sub Cōmodo Antonino fuit. Cuius consilio Spartianus, & Lampridius scribunt, negotium datum Claudio Pompeiano propinquo, interficiendi Commodi. Qui ingressus ad Cōmodum in hæc verba prorumpens, *Hinc tibi pugionem Senatus mittit*, detexit facinus: quo detecto Pompeianus ipse, multique alij interfecti sunt. Paternum vero & huius cædis autorem, & quantum videbatur paratæ necis Commodi conscium, & interuentorem, ne coniuratio latius puniretur, per lati clavi honorem à Præfecturæ administratione submouit Commodus. Verum post paucos dies eum insinulauit coniurationis, cum diceret ob hoc promissam Iuliani filio filiam Paterni, vt in Iulianum transferretur Imperium. Quare & Paternum, & Iulianum, & Vitruuium secundo Paterni familiarissimum, qui epistolas Imperatorias curarat, interfecit. Hæc Lampridius. Vegetius autem lib. 1. cap. viij Paternum appellat diligentissimū rei militaris, & redegisse eum refert in libros, quæ Augusti, Traiani, Hadrianique Constitutionibus cauta erant. Quapropter quæ de disciplina Augusti scripta leguntur in l. 12. D. de re milit. Paterni, non Macri sunt. Licet lex ex Macro desumpta sit. Cæterum Pontius Diaconus, qui passionem D. Cypriani litteris mandauit, Paterni Proconsulis Cartaginensis meminit, qui D. Cyprianum ob Christianæ religionis professionem exilio mulctauit. Verum vt eum nostrum Paternum esse existimem, hæc prohibent. Primò, quia sub Gallieno & Valeriano vixit: deinde quia Passius Paternus nuncupatur, vt patet ex D. Augustino Homilia de sancto Cypriano martyre. Eundem potius esse puto cum illo, quem Cos. anno vrbs conditæ 1019. secundum, Fasti ponunt, & Cassiodori Chronicon. Reliquit autem Tarruntenus.

*De re militari lib. quatuor.*

Q 2



## ÆMILIVS MACER.



Eminuit Paterni Iurisconsulti Macer in l. officium D. de re milit. Vlpiani in l. sciendum D. qui satisd. cog. & Pauli in l. i. D. de veter. & mil. succes. Quamobrem eum sub Alexandri Imperio floruisse existimo. Nam cum in l. 61. D. de acquir. hæred. quæ ex lib. i. de off. deprompta est D. Seueri constitutionem affert, de Septimio Seuerò intelligendum est illud. Sed hoc liquido constat ex l. i. D. si pend. appellat. his verbis *Imperator noster Alexander Pletorio militi ita rescripsit*. Nescio autem an is sit, qui Ornithogoniam scripsit, cuius meminit Marcellus in verbo *Picumus*. Non autem *Theogoniam* ut perperam scriptum est apud Petrum Crinitum lib. iij de Poëtis latinis: quam tribuit Æmilio Macro Veronensi, qui vixit his temporibus quibus Messalla Coruinus, & Asinius Pollio, eloquentia floruerunt. Scripsit autem.

*De re militari lib. duos.*


*De publicis iudicijs lib. duos.*

*De appellationibus lib. duos.*

Εικοσὼν βιβλία δύο) Sic scriptum esse Florentiæ Antonius Augustinus affirmat in d. cap. 4. In Haloandrina editione scriptum est εικοσὼν *sive ad legem vicesimam hæreditatam libri duo*. Ex quorum secundo est lex nulli D. de transact. *Nulli procuratorum Principis, inconsulto Principe transigere licet*, de Vicesima hæreditatum scilicet, atque hac de re solum, legem hanc verba facere ex inscriptione constat. Quamuis hoc ex generali axiomate desumptum sit, quod refertur ab Vlpiano lib. xvj. ad Edict. in l. i. D. de offic. procurat. Cæsar. vel



rat. quo cautū est procuratorem Cæsaris nihil agere posse, nec venditionis, vel transactionis, nec donationis causa, nisi consentiente Cæsare. Primus autem qui de lege vicesima scripsit, fuit Aulus Cassellius autore Pomponio l. 2. D. de orig. iur. cum primum lege Iulia augendi ærarij causa extraneis hæredibus irrogata est, teste Dione lib. 55. Quod vt cito crescere, & augeri posset, multa contra veteris iuris regulas Impp. introduxerunt: ad id probandum vno tantum testimonio contenti erimus. Iure veteri mutus, & surdus testari non poterant: statuerunt tamen Principes, si à Principe impetrauerint, testari posse in l. 7. D. qui testam. fac. possunt, quæ desumpta est ex Emilio Macro lib. 2. ad legem vicesimam hæred. Hoc autem eis indultum satis apparet, vt hæredum numerus maior esset, atque ita vectigal vicesimæ atgeretur. Quamobrem emendata est hæc lex à Nerua, à Trajano, & à M. Philosopho: tum demum penitus sublata à Gratiano, secundum Alciati sententiam, & Antoninij Goueani in l. 68. D. ad leg. falcid. quam tamen Iacobus Cujacius improbat, crimineq; falsi Alciatum hac in re accusat. Hoc tamen legis Iuliæ de vicesima caput, ante Iustinianum sublatum esse certum est: quod & Iustinianus ipse videtur declarare in l. 3. C. de Edicto D. Hadr. toll. Præter autem libros qui in indice Iustiniano leguntur, scripsit libros Annalium, quorum 16. citat Priscianus lib. x. cap. 1.



AVRELIVS ARCADVS CHARISIVS.



OST Herenni Modestini tempora vixisse videtur ex l. munerum §. mixta munera D. de muner. & honor. in qua sic ipse scribit, *Mixta*


*munera sunt digniora ei ingratiora, ut Herennius Modestinus & notando & disputando, bene & optima ratione decreuit. Labeo cum Titulo Magistri libellorum insigniuit ex l. vn. D. de offic. præf. præt. in quibusdam tamen Codicibus nulla eius rei mentio fit. Eum quidem Christianū fuisse scribit Cujacius lib. vij Obseruat. cap. 2. Ad eum rescribunt Carus & Numerianus ex inscript. legis 4. C. de calumniator. & Præses Syriæ sub Diocletiano fuit, quod colligere licet ex inscript. l. 9. C. de quæst. vbi tamen vulgati Codices malè *Charissimum* pro *Charisio* habent. Tradit autem Iustinianus in indice.*

*Lib. singulares.*

*De testibus.*

*De officio præfecti Prætorio* ] Ex hoc libro desumpta est l. vn. D. de offic. præf. præt. vbi animaduertendum, cum *Charisius* ait: *Ad vicem magistri Equitum, præfectos Prætorio antiquitus esse institutos, à quibusdam scriptoribus traditum est*, de Pomponio eum intellexisse, qui l. 2. D. de orig. iur. de Magistro Equitum loquens sic scribit. *Quod officium ferè tale erat, quale hodie Præfectorum Prætorio.* Multa autem de officio Præfecti Prætorio multi dixerunt: quare ab his supersedebo: locum tantum insignem in Aurelij Victoris historia Augusta esse indicabo, qui ostendit Præfectum Prætorio qualem in iure habemus, à Tiberio fuisse institutum. Scripsit etiam,

*De muneribus & civilibus.*



LICINIUS RVFINVS.




Vnium Rufinum patrem habuit, quem Proconsulem Macedoniae fuisse colligimus ex Callistrato in l. iij D. de testib. Nostrium Licinium Rufinum



Alexandri Seueri temporibus claruisse, ex hoc manifesto apparet: quod Paulum Iurisconsultum per Epistolam cōsuluerit, quæ extrat in l. Licinius Rufinus D. quib. ad libert. proclam. licet. Rufini meminit Vlpianus in l. Imperatores D. de offic. præf. vig. qui præfectus vigilum fuit. Consulatum etiam exercuit cum Laterano, sub Septimio Seuero, & Antonino filio anno vrb. conditæ 950. autore Damaso in vita sancti Victoris Papæ. Quibus Consulibus, Albinus Cæsar prælio victus est, & occisus. Nonnullæq; constitutiones in Codicem relatæ sunt à Iustiniano l. ult. C. de alend. liber. l. vn. & si contra matr. volunt. tut. da l. i. C. soluto matrim. quem. aliæque quàm plurimæ quæ Codicem percurrenti cuique obuia esse poterunt. Hoc quidem notauimus, plures eorum consulatu, Seueri & Antonini constitutiones factas, quam sub alijs Cofs. Quod ideo euenisse puto, quia sub Cos. Iurisperito, Principes in iure reddendo frequentius se exercebant. Porro à Seuero & Antonino Rufinus, dispensator appellatur, in l. i. C. si aduers. fisc. rest. idest, thesaurorum principalium administrationem gerens. Vbi Probus in minore ætate constitutus, se ab eo circumuentum querebatur: fortasse is est, qui Cuspius Rufinus vocatur à Modestino in l. 2. D. qui petant. tut. ad quem D. Seueri Epistola refertur. Composuit autem.

*Regularum lib. duodecim* ] vt in indice Florentino scriptum est, lex tamen 34 D. de re iudic. desumpta est ex libro 13.

*Collationem legum Mosaicarum* ] quo libro legum Dei cum legibus Romanis collationem fecit: quem librum debemus Petro Pythoeo viro doctissimo: atque ita ex eo apparet, Licinium Rufinum Christianum fuisse.



## P. FURIUS ANTINVS.



VNC nominat Politianus Anthium, vel Publium Furium Anthiani patrem. Riuallius lib 5. Historiarū iuris P. Furium Anthianum patrem. Fuit autem Furius Antias Poëta insignis, cuius meminit Macrobius, & cuius Nonius Marcellus, alijque Grammatici, autoritate frequenter vtuntur. Sed cum ante Virgilium vixerit, alium esse ab hoc nostro Iurisconsulto, series temporum cogitare nos cogit, quem sub Papiniano clarum fuisse certum est. Hoc quidem non dubium, vtrumque Antiatem nuncupari debere, vel Antianum; idq; sine aspirationis nota, quod ex Antio vrbe quæ Volscorum caput fuit oriundi essent, cuius meminit Horatius lib. 1. Carminum. Huius autem opera in indice Iustiniano habemus.

*Partis Edicti lib. quinque* ] in inscriptione l. 29. D. de liber. causa scriptum est lib. 1. ad Edictum: quæ tamen in codicibus Fradrini, Arriano tribuitur: lib. vero 48. Basil. tit. 8. Africano.

## M A X I M V S.



ST hic Cornelius Maximus, cuius auditorem Trebatium Pomponius fuisse scribit in l. 2. D. de orig. iur. Trebatiū enim se ab eo sapere didicisse profitebatur, vt tradit Cicero lib. 7. Epist. famil. ad Trebatium Nam Cornelio, inquit, nihil audeo dicere, cuius in periculo stultus es, quando te ab eo sapere didicisse profiteris. Huius idem meminit in  
alia



alia eiusdem libri Epistola. *Hoc quemadmodū vos scribere soletis in vestris libris, idem Q. Cornelio videbatur.* Huius Maximi fit mentio in l. 4. D. de inoffic. testam. Quamvis Iacobus Cujacius inscriptionem huius legis mutandam putet lib. ij cap. xxij obseruat. reponatque ex Pandectis Florentinis. *Cajus lib. singulari ad legem Gliciam.* Quod tamen (si viri autoritas improbare finit) probare non possum. Concedamus enim legem Gliciam latam fuisse: Nihilominus tamen non video, cur lege Glicia introductam inofficiosi testamenti actionem afferat. Nullum siquidem huius rei autorem habet. Putat itaque Cujacius hunc Iurisconsultū qui *μονόβιβλον* ad legem Falcidiam scripsit, Rutilium Maximum vocari, ex quo nobis superesse l. si hæres D. de legat. lib. j, eumque ex nouis Iurisconsultis, arbitratur. Verum inscriptiones duarum legum si hæres quæ sub tit. de legat. lib. i. continentur, nec in vulgatis nec in Haloandrinæ editionis codicibus, Maximo tribuuntur: sed vna Caio, altera Iuliano. Nusquam etiam Rutilium, Maximum in Pandectarum voluminibus, vel alibi uocari legi. Antonius etiam Goueanus nactus videtur Codicem, in quo inscriptio l. 68. D. ad legem falc. erat Maximi ad leg. falcid. Quam tamen ipse tanquam mendosam restituit, tribuitque Æmilio Macro. Cornelius igitur est hic Maximus qui in indice Iustiniano recensetur. Sic enim eum vocat Pomponius d. l. 2. D. de orig. iur. qui de eadem re cōsultus qua Seruius Sulpicius, responsum Seruiano contrarium dedit, vt testatur Alphenus in l. xvj D. de instr. vel instr. legato. Composuit itaque.

*Ad legem falcidiam lib. vnum* ] verisimile enim est statim atque lex falcidia lata est, celebriores Iurisconsultos eius explicationem suscepisse. Hanc autem à Falcidio Tribuno pleb. sub Augusto adhuc Triumuiro latam esse, certum & vulgatum est. Cuius legis plura fuere capita, vt colligere licet ex l. i. D. ad leg. falcid.

## HERMOGENIANVS.




Ermogenianus quasi à Mercurio genitus: ita Alciatus equos Hermogianos in l. 1. de grege Dominico. Hunc Hermogenianum quibusdam placet, illū esse Hermogenem. quem Lampridius in Consilio adfuisse Alexandro Seuero scribit: qua in sententia est Budæus lib. 5. de Affe, & Cujacius lib. 2. cap. 27. obseruat. Existimarem etiam Hermogenē nostrum esse eum, qui iudex de diuidenda hæreditate fuit inter Carmeliam Piam, eiusque cohæredem: à quo tamen Cornelia appellauit, quod ipse non tantum res, sed etiā liberos diuississet, ut scribit Paulus in l. Carmelia ult. D. de iure patron. Hermogenes vero quidam fuit temporibus Seueri, qui actionem habuit contra Asclepiadem, ut apparet ex l. quamuis C. si cert. pet. quod Asclepiades eius pecuniam suo nomine crediderat: stipulando tamen ius obligationis sibi quæsiuerat. Quique opinionem Stoicorum sequutus, materiam semper fuisse sustinebat: aduersus quem Tertullianus librum scripsit, eumque hæreticum turbulentum appellat. Quem tamen Hermogenem, alium à nostro reor, licet nostrū Christianum fuisse asseuerare ausim ex ipsius verbis in l. vitricus D. de donat. int. virum & vxor. *Diuortij*, inquit, *causa donationes inter virum & uxorem concessæ sunt, sæpe enim euenit ut propter sacerdotiū, vel propter sterilitatem.* Veteres enim Christianos qui vxorem habentes ad sacerdotiū vocabantur, ab vxoribus diuortisse certissimum est. Vnde vxores Episcoporum viuentium, viudas appellare moris erat. Composuit autem.

*Ερμουῶν* iuris lib. vij ] in indice Græco *Ερμουῶν βιβλία* &c. Quibus in libris ordinem Edicti perpetui se profitetur sequutum Hermogenianus in l. 2. D. de statu hom. & his pro-



ximos, atque coniunctos applicasse titulos. Horum autem sententiam non refellā, qui hos libros, Saluij Iuliani Epitomas tradiderunt. Hæc enim iam damnata est à Iac. Cujacio

Fideicommissorum etiam libros scripsisse constat, ex inscriptione l. nam quid D. ad Trebell. nisi Cujacium quis sequi malit, qui mendosam esse illam inscriptionem existimat lib. 2. cap. 57. obseruat.



## ÆLIUS GALLVS.



N indice Florentino huius Iurisconsulti nomen deest. Haloander tamen in eorum ordinem ex quorum libris Pandectæ prodierunt, collocauit. quod in ipso Codice Florentino legis 57 D. de verb. signific. inscriptio sit eiusmodi *Ælius Gallus libro j de*

*Verborum quæ ad ius pertinent significatione.* Cæterum Ælium Gallum ex Romanorum gente Ælia fuisse existimo: quis tamen fuerit non audeo iudicare. Fuit Ælius quidam Gallus ex equestri ordine, vt testatur Plinius lib. 6. cap. 28. Natur. histor. qui primus in Arabiam arma Romana intulit, oppidâque Egram, Annestum, Escam, Magusum, pleraque alia diruit. In Arabiâ autem ab Augusto missus fuit, eo consilio scilicet vt huius Prouinciæ populos, vel sibi volentes conciliâret, vel subigeret inuitos. Veruntamen à Sylæo Nabatæorum legato, qui se ducem itineris promiserat deceptus est: & per deuia flexuosaq; loca, per stagna & per saxa ductus, magna exercitus clade & incommodo, vt ample describit Strabo lib. 16. Geographicorū. Nihilominus tamen multas vrbes subegit, multosq; hostiū exercitus profligauit: & nisi Sylæus eum prodidisset, vniuersam Arabiâ foelicē Romano subegisset Imperio, vt idem testatur lib. 17. Præfectus autem

Ægypti fuit, & cū Strabone stricto amicitie vinculo deui-  
ctus, eodem autore lib. 2. Galli eiusdem meminit Virgilius  
Egloga ult. Pollionis filij, autore Claudio Donato: Quem  
tamen non Ælium Gallum, sed Cornelium Gallum autores  
tradidere, & præcipuè Ammianus Marcellinus: de quo  
tamen ille etiā dubitare videtur. *Is est, inquit, si rectè existimo,  
Gallus pœta quem flens quodammodo in postrema Bucolicon parte Vir-  
gilius decantat.* Huic Cornelio Gallo primum Ægyptus Pro-  
vincia commissa, vt scribit Eusebius in Chronicis, & Strabo  
lib. 17. Geograph. Ex quo Strabonis loco libenter collige-  
rem, Ælium Gallū tertium Ægypti præfectum fuisse. Primum  
enim præfectum numerat Cornelium Gallum: subiicit  
deinde Præfectum Petronium: Postremo Ælium Gallum  
collocat. Composuit autem.

*De verborum quæ ad ius pertinent significatione lib. xij* ] Ad hos  
vero libros referenda arbitror, quæ Caius scribit in l videam-  
us D. de vsur. Ælium Gallum sensisse: quodque Ulpianus  
ait in l frugem §. Iulianus D. de verb. signific. Gallum fru-  
mentū definiuisse, quod arista in se contineat. Ad illos quoq;  
libros putauerim pertinere quæ apud Gellium lib. xvj cap. 5.  
Noct. Attic. scripta sunt ex Gallo lib. 2. de verb. signific. quæ  
ad ius Ciuile pertinent. Quo in loco, & apud Macrobiū  
lib. 6. cap. 8. Saturnal, vbi quid sit *vestibulum* quæritur, pro  
Cecilio Gallo, Aelio Gallo legendum est. Meminit etiam Ælij  
Galli Festus in verbo *postliminium*, eiusque librum primum  
significationum quæ ad ius pertinent citat, & in verbo *tri-  
bunitia* librū xij signific. verb. Eiusq; verba idem Festus hæc  
refert, *Sacrum est, quodcumq; modo & instituto ciuitatis consecratum  
sit, siue aedes, siue ara, siue signum, siue locus, siue pecunia, siue quid aliud  
quod Dijs dedicatum & consecratum sit.*

*Finis Jurisconsultorum qui in indice  
Justiniano reperiuntur.*





## LIBER SECVNDVS.


**S**VNT in ijsdem Pandectarum libris, ex aliorum Iurisc onfultorū præclaris scriptis, multa conclusa & compræhensa quasi oracula illorū sapientiæ eximię, & quasi incomparandæ eruditionis. Quorum nomina si hic adijcerem, quidq; de his compererim explicarem, gratam me rem iuris studiosis iudicaui facturum: Debere præterea hoc me tantis ingenijs putavi.

### IVNIVS GRACCHANVS.

**I**Vnius Gracchanus Caij Gracchi temporibus fuit, à cuius amicitia Gracchanum appellatū Plinius ait lib. 32. cap. 2. vbi transcrip-  
ta sunt quædam eius verba. *Quod ad Eque-  
strem, inquit, ordinem attinet, antea troffulos, nunc  
equites vocant. Ideò quia non intelligant, Troffulos  
nomen quid valeat, multos pudet eo nomine appellari* Quæ ex libris de  
potestatibus quos composuit desumpta sunt, quorum septi-  
mus citatur ab Vlpiano in l. vn. D. de offic. quæstor. illudq;  
plebiscitū quod extat apud Festum in verbo, *publica pondera,*  
quod ex Iunio desumpsisse se testatur, ex Iunio Gracchano

de potestatibus desumptum existimo: ipsaque Plebisciti verba satis demonstrant, *Publica pondera*, inquit Festus quibus *Populus Rom.* solet ex ea causa in, hic quædam verba expuncta sunt, sed reponendum puto libris de potestatibus dicta sic an, quod duo *Siluij P. & M. Tribuni Pl.* rogarint his verbis, ex ponderibus publicis quibus hac tempestate *populus oetier* solet, ut ei coæquetur sedolo *M. Quadrantal. vinei. Octoginto pondo fiet congius vinei decem, &c.* Quod quidem miror, Iosephum Scaligerum virum eruditissimum, qui hoc monumentum antiquitatis corruptum restituit, & castigavit, non adnotasse. Hunc autem Gracchanum, historicum appellari in indice Pliniano Geleni reperio. Eius etiam meminit Varro lib. 4. de lingua lat. Eumq; Iunij nomine intelligendum existimo apud Festum, & apud Macrobiū. Composuit autem, ut diximus.

*De potestatibus lib. vij.]*



## C A T O.




**H**UNC Catonem, Catonis Portiæ familiæ Principis filiū natu maiorem esse existimo, quem Prætorem designatum, viuo patre mortuum scribit Plutarchus in Catone Maiore: non Uticensē, ut ex Bolonino putat Dionysius Gothophredus in l. 4. D. de verb. obligat. Hacque in re sequutum M. Catonis patris sui exemplum, satis constat ex Pomponio in l. 2. D. de orig. iur. cuius etiam libros extitisse suis temporibus scribit, his verbis: *Deinde M. Cato Princeps Portiæ familiæ, cuius & libri extant. sed plurimi filij eius, ex quibus ceteri oriuntur.* Non enim Budæi mentem probor, qui hoc in loco sic legit, *sed plurimi libri eius.* Cum hoc modo



authoris sententia omnino conturbetur. Ex his tamen Pomponij verbis colligere possumus, M. Catonem post mortem filij, opus quod fortasse filius imperfectum reliquerat, compleuisse. Vxorem autem Cato noster habuit Pauli filiam, autore Plutarcho. Narraturque ab eo, cum de patre quereretur, quod Salonij clientis filia nubere vellet, M. Portium patrem ei dixisse: se non eius odio hoc facere, sed quod plures filios ciuesque ipsi similes, patriæ relinquere cuperet. Cæterum Portius Cato funus in Prætura defuncti filij tenuissimo, vt valuit (nam pauper erat) sumptu fecit, teste Floro Epit. Decad. lib. 48. Regulæ autem Catonianæ, hunc autorem fuisse crediderim, cuius Titulus extat in Pandectarum voluminibus contextus. Quæ quidem Catoniana sententia dicitur à Martino in l. 86. D. de condit. & demonstrat. Composuit autem.

*De iuris disciplina libros 3* quos egregios fuisse testatur Gellius lib. xiiij cap. xviiij Noctium Atticarum.

*Commentariorum iuris lib. xv.* Citatur à Paulo liber xv. Catonis in l. iij §. Caro D. de verb. oblig. quem fuisse arbitror vnum ex libris Commentariorum Iuris Ciuilis, qui Catoni tribuuntur à Festo in verbo *Mundus*.



## T V B E R O.



Ælius Tubero Stoicus, fuit temporibus Luculli vt refert Plutarchus in Lucullo, ex gente Ælia de qua Valerius libro iij cap. iij L. Paulum auum, P. Africanum auuculum habuit autore Valerio eodem loco, & lib. 7. cap. 5. quem Cicero in libro de Iure Ciuili in artem redigendo apud Gellium lib. 1. cap. xxij, scientia iuris maioribus suis

non defuisse dicit, doctrina etiam superfuisse: & in Bruto, nullo enim in oratorum numero fuisse testatur, sed vita seuerum, & congruentem cum ea disciplina quàm colebat, paulò etiam duriori. Qui quidem in Triumviratu iudicauit, contra P. Africani auunculi sui testimonium, vacationem Augures quo minus iudicijs operam darent, non habere. Sed vt vita, sic oratione durus, incultus, horridus: quæ res effecit, vt honoribus maiorum suorum respondere non potuerit. Quamobrem miror Pomponium in l. 2. de orig. iur. scripsisse Tiberonem Consulem fuisse. *Ab his, inquit, profecti sunt Publius Rutilius Rufus, qui Romæ Consul, & Asiæ Proconsul fuit Paulus Virginius, & Q. Tubero ille Stoicus Panætij auditor, qui & ipse Consul fuit.* Quomodo enim Consul fuerit non video, si maiorum honoribus, qui Consules tantum fuere, respondere non potuit. Addam adhuc quod nec in Fastis, nec apud auctores Historiæ Romanæ, Consulatus ullus Q. Ælij Tiberonis legatur. Pomponium autem hæc, contra veritatē historiæ non scripsisse iudicabunt satis, qui librariorum in transcribendis, vel exarandis libris ignauiam notauerint. Quod hoc in loco accidisse certissimum est. Pomponium itaque ab omni erroris suspitione liberabimus, si verba illius librariorum ignorantia transposita, loco suo restituamus. Hoc modo, *Ab his profecti sunt P. Rutilius Rufus qui Romæ Consul, & Asiæ Proconsul fuit, P. alius Virginius.* (Sic enim legendum esse non Paulus, in Rutilio demonstrabo) *qui & ipse Consul P. enim Virgil. ex Fastis Cuspidiani Consulē fuisse constat.* Cæterum Tubero fortis ciuis, & constans fuit: quod indicat Gracchi in eum oratio, & in Gracchum Tiberonis. Cuius tamen constantia seuera nimis, populo Romano odiosa fuit. Cum enim Q. Maximus epulum Africani patruī sui nomīne, Populo Rom. daret: rogatus est à Maximo Q. Tubero, vt Tricliniū sterneret, cum esset eiusdem Africani soceri filius:



& ille homo eruditissimus, ac Stoicus, strauit pelliculis hœdinis lectulos punicanos, & exposuit vasa Samia, quasi esset Diogenes Cynicus mortuus, & non diuini hominis Africani mors honestaretur. Huius igitur in morte Africani celebranda, grauitè tulit Populus Romanus peruersam sapientiam. itaq; homo integerrimus, ciuis optimus, quum esset L. Pauli nepos, Publijq; Africani soceri filius his hœdinis pelliculis prætura deiectus est, teste Cicerone in orat. pro Muræna. Coæuus autem P. Rutilij cuius vitam j: describemus, fuit Tubero: ambos enim adolèscèntes induxit loquentes cum Africano Tullius in libris de Republ. vt ipse testatur epist. 4. lib. 4. ad Atticum. Tuberonis verò auctoritas magni ponderis apud Celsum fuit, sed non quidem tanti, vt non prætulerit Tuberonis sententiæ opinionem Seruij, cùm de suppellectile quæreretur in l. 7. D. de Suppell. legata. Hunc, autorem peculij definitionis quidam existimant: Sed hac de re nihil certi affirmare possum, cum Tubero tantum, sine prænomine vocetur ab Vlpiano, & Celso. Hic quidem est cui Tullius Hecatonem Rhodium Panætij auditorem, libros de Officio scripsisse tradit. Denique de eo quædam non contemnenda notat Baptista Egnatius Racemationum libro cap. 9. Cæterum nonnullos de iure reliquit libros; scilicet

*De iure venditionis.* Refert enim Iauolenus huius Tuberonis sententiam in lege fundi D. de contrah. empt. existimantis. *Si cum in lege fundi vendendi, Lapidicina quæ ubiq; essent exceptæ fuerint, licet post multum temporis lapidicina in eo fundo repertæ sint, eam tamen venditoris esse.* Vlpianus aliam refert in l. si venditor. §. præterea D. de action. empti. Ex quibus colligo, Tuberonem de iure venditionis aliquid scripsisse. Alios eum promulgasse non inuenio libros. Nam Q. ille Tubero, quem iuris publici & priuati complures libros reliquisse

scribit Pomponius in l. 2. D. de orig. iur. alius est ab hoc nostro Tuberone Panætij auditore, & Stoico. Illum quidem doctissimum fuisse tradit Pomponius, & sermone antiquo libros affectasse scribere: ideoq; libros eius parum gratos habitos. Causis etiam agendis operam dedisse, à quibus ad ius ciuile eum transiisse scribit, maximè postquam Q. Ligarium accusauit, nec obtinuit apud Cajum Cæsarem, Cicerone Ligarium defendente, cuius extat oratio. Hoc autem nomine Ligarium accusasse tradit idem Pomponius, quod Q. Ligarius cum Africæ oram teneret, infirmum Tuberonem adplicare nō permisit, nec aquam haurire. Quibus verbis non mihi videtur apertè Pomponius, patrem Tuberonem, à filio distinguere. Vterq; enim erat in his nauibus, quas ait passum non esse Ligarium, Vticam appellere: Pater L. Tubero in Africam veniebat, quam sorte obtinere debebat, Tuberonem secum ducens: cum C. Cæsar Pompeij insequēdi, qui Italia excesserat, vt se cum transmarinis auxilijs coniungeret, consilium omisisset, atque in Hispaniam proficisci constituisset. Nec vero eam fuisse crediderim causam, Tuberoni apud Cæsarem Ligarium accusandi, quam Pomponius affert: neque Tuberonem à Ligario adplicare impeditum. Namq; ipse Cæsar, Tuberonem Vticam nauibus portu, & oppido, non à Ligario, sed à Varo prohibitum fuisse scribit lib. 1. de bello ciuili, vt ne filium quidem potuerit in terram exponere ægotantem. Et Quintilianus lib. xj cap. 1. qui Tuberonis orationem legerat, summam accusationis hanc fuisse ait, quod Ligarius postquam bellū ciuile exarsit, non à partibus recessisset, sed perseuerasset: neque pro Cn. Pompeio, inter quem (inquit) & Cæsarem, dignitatis fuerat contentio, cum saluam vterque vellet: sed pro Iuba, atq; Afris inimicissimis populo Romano, steterisset.



## SEXTVS ÆLIVS.



SEXTVS Ælia (inquit Festus) appellatur, quæ ex multis familijs conficitur. Sexti autem prænomen ab ordine nascendi inductum est, datumq; Ælio: quem maximum Oratorem, maximumq; Iureconsultū fuisse testatur Tullius in Bruto: *Numeroq; eodem*, inquit, fuit *Sextus Ælius*, iuris quidem ciuilis omnium peritissimus, sed etiam ad dicendum paratus: & propter eximiam Iuris Ciuilis scientiam cordatum hominem ab Ennio appellatū fuisse scribit idem libro I. de Oratore.

*Egregie cordatus homo, catus Ælius Sextus.*

& hoc est, quod Pomponius scribit in l. 2. D. de orig. iuris Ennium Sextum Ælium laudasse. Fuit autem Sextus Ælius P. F. & P. N. Sic enim Tabulæ Capitolinæ habent, & gener P. Pauli, vt est apud Plinium libro 33. cap. ij. Consul fuit cum T. Quintio Flaminio anno à vrbe condita DLV. vt tradit Cassiodorus, eiusque Consulatus meminit Plutarchus in Flaminio. Fratrem habuit P. Ælium Pætum, qui Consul fuit anno ab vrbe condita DLviiij cum Cn. Cornelio Lentulo, vt est apud Eutropium, & Cassiodorum. Ideoque non malè à Pomponio scriptum est, *Et duo Ælij etiam Consules fuerunt*. Ex his tamen Publium, maiorem natu fuisse existimo; primum quod prior in Fastis ponatur: Deinde quod Censorem eum, priusquam S. Ælius Consul fuerit, Tabulæ Capitolinæ probent cum Scipione Africano, à quibus lustrum conditum est. Sextus etiam Censor fuit cum Cn. Lentulo Cethego, auctore Liui Decad. 4. lib. 5. Tanta autem integritate, & continentia semper vixit, vt Æliorū familiæ hære-


ditariam paupertatem conseruari: ita vt eum nihil aliud habuisse argenti ad supremū vitæ diem, quàm duo pocula, quæ L. Paulus socer ei ob virtutem, deuicto Rege Perseo donauerat, testetur Plinius lib. 33. cap. xj. & cū legati Ætolorum, in Consulatu prandentem in fictilibus eum adijssent, missa ab his vasa argentea, non accepisse. Multos autem de Iure Ciuili libros scripsit,

*Aelianum Ius.*] sic enim appellabatur liber ille, quem populo dedit: quo actiones alias, quam quæ à Cn. Flauio, vel à Papirio propositæ erant, composuit, teste Pomponio l. 2. §. postea cum D. de orig. iur.

*Tripartita.*] Sic inscriptus fuit liber ille. quoniam lege xij tabularum præposita, iungitur interpretatio: deinde subtexitur legis actio autore Pomponio d. l. 2. D. de orig. iur. Ideoque *interpretem antiquum xij tabul.* Tullius lib. 2. de legib. eum vocat; & Iustinianus in l. 1. C. de communi seruo manu. *iuris antiqui conditorem*, licet quid *lessum* in xij tabulis significaret, non satis se intellexisse professum. Hic autem liber, veluti cunabula iuris continebat. d. l. 2. de origine iur. Ælij Sexti verba sæpè pro verbis xij tab. accipiuntur.

*Commentaria*] quorum meminit Cicero lib. 1. de orat. Et in P. Mutij, inquit, fratris sui libris & S. Ælij commentarijs, scriptum protulisse, & Paulus in l. postquam 43. D. de petitione hæred. licet Iacobus Labitus in indice, pro Ælius legat Lælius. Eius autoritate vtitur etiam Celsus lib. viij Digestorum.





## PVBLIVS MVTIVS.

**P**. Mutius P. Mutij Scæuolæ filius fuit, paterque Q. Mutij Scæuolæ, cuius vitam suprâ descripsimus, vt ex Pomponio, & ex Fastis apparet. Fratrem habuit L. Crassum autore Cicerone lib. 1. de Orat. qui Mutianus dictus est, apud Pomponium l. 2. D. de orig. iur. Consul autem fuit cum L. Calphurnio anno ab vrbe condita 621. vt testatur Cassiodorus in Chronicis: cuius Consulatu seditio perniciosissima Tiberij Gracchi orta est: legimusque apud Plutarchum in Gracchorum vita, Tyberium Gracchum cùm legem Agrariam promulgare vellet, Crassum Pontificem Maximum, Mutiumq; Iurisconsultum Consulem principes in Republ. ciues in consilium adhibuisse. Quamobrem eum Consulem esse existimo, quem Plutarchus Nasicæ ab eo petenti vt Tyrannū Gracchum tolleret, respondisse scribit. *Nullam se vim illaturum, neque ciuem Romanum indicta causa necaturum.* Cæterum Pomponius d. l. 2. D. de orig. iur. Pontificem Maximum fuisse P. Mutium tradit. Cùm autem Pontifices Maximi res omnes singulorū annorum litteris mandarent, hæc consuetudo in eius Pontificatu abrogata est vt apud Ciceronem lib. 2. de Orat. videre liquet, qui libro 1. testatur Crassum fratrem solitum ei persæpe dicere illum in iure ciuili satis illi arti facere non posse, nisi dicendi copiam assumpsisset. Obijt autem Mutius morbo pediculari, si his credimus qui Plutarchum in Sylla de hoc nostro Iurisconsulto loqui putant. Quod quidem non omnino à veritate alienum. Eum enim vocat Plutarchus *τοπος περικλιν* in vita

Gracchorum. Nec quidem parui nominis Iurisconsultus P. Mutius fuit: testatur siquidem Pomponius d. l. 2. eum cum Bruto & Manilio ius Ciuile fundasse, qui Principes ciuitatis ea tempestate fuere, inter quos agitatā fuisse questionem illam (an partus ad vsufructuarium pertineat) infra in Bruto dicemus. Reliquit autem

*Libros xiiij.] siue vt loquitur Pomponius, libellos: qui tamē, decem tantū libros eum reliquisse tradit. Sed Paulus Iurisconsultus in l. Mutius D. pro Socio ex libro xiiij. Mutij hæc transcripsit. Non posse societatem coiri, vt aliam damni, aliam lucri partem socius ferat. Qua etiam ex lege Seruium Sulpitium notas in hos Mutij libros scripsisse colligimus. Pomponius etiam refert eum in hac sententia fuisse, quem semel populus iussisset dedi ex ciuitate, expulisse videri: sicut faceret cum aqua & igni interdiceret.*



## B R U T U S.



VIS hic Brutus fuerit difficilis cognitionis est: aliū enim esse à Bruto, cuius vitam Plutarchus eleganter & copiose descripsit, series temporum satis apertè indicat; Aliumq; etiam ab eius patre puto: quamuis illum Ciceronis verba Iurisconsultum fuisse asserere videantur: *L. autem, inquit, Lucillum etiam acutum, patremq; tuum, Brute, iuris quoque & publici & priuati sanè peritum, &c.* Hacque ratione maximè moueor, quòd patrem Brutī Cæsaris interfectoris, filio dissimillimū fuisse testatur Plutarchus, j: nec magni animi, nec magni ingenij. Quamobrem verba illa Ciceronis non ita interpretanda sunt; vt eum de patre Brutī Catonis generi intellexisse existime-



mus : quamuis eo verbo (*Patrem tuum*) Brutum alloquens, vsus sit. Ampla enim est Patris significatio, nec solum proximiorum genitorum : sed etiam auum, abauum, proauum, atauum, sub patris nomine contineri docet Valla, omnisque Grammaticorum schola fuit. Itaque Brutus noster vnus ex maioribus Bruti, paterque M. Bruti, quem molestum accusatorem & vehementem vocat Tullius in Bruto. Quo ex loco colligere possumus, qua laude floruerit pater, & quas nomini Brutorum maculas inusserit filius. Sic enim loquitur Tullius. *Isdem temporibus, inquit, M. Brutus in quo magnum fuit Brute dedecus generi vestro, qui cum tanto nomine esset, patremque optimū virum habuisset, & iurisperitissimum, accusationem fecitauerit ut Athenis Lycurgus. Is Magistratus non petiuit, sed fuit accusator vehemens & molestus, ut facile cerneretis naturale quoddam stirpis bonum degenerauisse vitio deprauatæ voluntatis.* Bruto autem Iuriconsulto ut genus illustre, ita & opulentæ possessiones fuere. Fundos enim tres habuit, Priuernatem videlicet, Albanum, & Tyburtem, & præter hos Balneas etiam : Quæ quidem omnia bona, gurgitem illum & helluonem Marcum filium deuorasse, vendidisseque tradit Cicero. Et pugnam Crassi oratoris quæ in causa Cn. Planci interuenit in M. Brutum, quem dignum contumelia iudicabat, describit. Cum enim Brutus lectores duos excitasset, & alteri de colonia Narbonensi Crassi orationem legendam dedisset : Alteri de lege Seruilia, & cum contraria inter sese de Republ. capita contulisset, Crassus facetissime tres patris Bruti de Iure Ciuili libellos, tribus legendos dedit ex libro primo. *Forte euenit ut in Priuernatem issemus.* Brute testificatur, inquit, pater se tibi Priuernatem fundum reliquisse. Deinde ex libro secundo *In Albano eram ego & M. filius.* Sapiēs, inquit, videlicet homo cum primis nostræ ciuitatis, norat hunc gurgitem, metuebat ne cum is nihil haberet, nihil esse ei relictum putaretur.


Tum ex libro tertio in quo finem dicendi fecit. *In Tyburii forte affedimus ego & M. filius.* Vbi sunt ij fundi Brute, quos tibi pater publicis cōmentarijs cōsignatos reliquit? Quod nisi puberem te, inquit, iam haberet, quartum librum composuisset, & se etiā in Balneis loquutum cum filio scriptum reliquisset. Atque ita hoc lepōre ijsque facetijs refutatus est à Crasso M. Brutus nimis vehemens, & quasi tragœdus orator. Cæterum Brutus Iurisconsultus præturam exercuit, & intra eam se continuit, nunquam Consulatum adeptus. Ideoque Prætorius rectè nominatur à Pomponio d. l. 2. D. de orig. iur. Reliquit autem

*De iure Ciuili lib. tres* ] quod constat ex suprā citato loco Ciceronis. Quamobrem miror Pomponiū in d. l. 2. septem libros Bruto tribuisse. Verissimile enim non est, Pomponiū Ciceronis verba non legisse. Verū hos duos auctores sic cōciliabimus; Brutum quidem libros tres tantum reliquisse: Plures tamen Bruto tributos, quod colligi potest ex Tullij verbis loco supra citato, *Tot enim, inquit, ut audini Scauolam dicere, sunt veri Bruti libri.* Ex quibus & Ciceronis ætate plures quàm tres, vulgò tributos colligere possumus. Qui error ad posteriora sæcula delapsus causam fortasse præbuit Pomponio vulgarem opinionem sequuto scribēdi, Brutum septem libros reliquisse. Tot enim tunc temporis Bruti nomine proferri credendum est. Sed si hæc vera sint Pomponium ignorantiae crimine, tacite insectari videmur: quasi quid hac de re eruditi viri senserint, ignorauerit ipse. Quod quidem facile ut non admittatur, suadet auctoris perfecta eruditio. Deinde quis tam ineptus, ut existimet Pomponium vulgarem errorem, Ciceronis & Scauolæ sententijs rejectis sequi maluisse: qui tam frequenter in d. l. 2. Ciceronis auctoritate utitur? Quamobrem dicendum puto Pomponij verba illa deprauata esse. *Ex his P. Mutius etiam decem libellos reliquit,*



quit, Brutus septem, Manilius tres, & extant volumina scripta Manilij monumenta. Illi duo Consulares fuerunt: Brutus Prætorius. & restituenda dictionis vnius transpositione hoc modo Septem Manilius, Brutus tres. Manilium enim hic ante Brutū à Pomponio positum esse indicant hæc verba Illi duo consulares fuerunt quæ ad Mutium & Manilium referuntur, atque ita ad primò scriptos. Dictionem siquidem Illi ad vltimum nominatum referri non posse sciunt & ipsi Grammatices tyrunculi. Quod quidem eueniret, si Manilius post Brutū scriptus esset, contra latinæ Syntaxeos regulas. Præterea Manilium plures quam tres libros composuisse satis constat ex ipso Pomponio, cum ait *Et extant volumina scripta Manilij* Dictio enim illa, *voluminum*, librorum copiam denotat. Scripsisse & Manilium libros actionum infra in Manilio dicemus. Cæterum doctrinæ Brutianæ quædam adhuc extant in pandectis nostris vestigia Paulus enim in l. possideri. D. de acquer. possess. & Vlpianus in l. si seruus §. si mulier D. ad leg. Aquil. Bruti has sententias. afferunt prima quidem est. *Eum qui fundum longa possessione capit, & thesaurum capisse: quamuis nesciat in fundo esse.* Quam tamen non probat hac ratione: quia is qui nescit non possidet. Alia vero hæc est *si mulier pugno, vel equæ ictu percussa eiecerit, qui hoc fecit Aquilia teneri quasi rupto.* Idem Vlpianus in l. 68. D. de usufr. veterem fuisse quæstionem ait, *an partus scilicet ancillæ ad fructuarium pertineret.* Quam quidem quæstionem agitatā fuisse inter principes ciuitatis P. Mutium Scæuolam, Manilium, & Brutum: illis ad fructuarium pertinere asserentibus: Bruto vero dissentiente scribit Tullius lib. 1. de finib. bonorum & mal. quod & colligitur ex Vlpiano in d. l. 68. Sed Bruti sententia obtinuit, fructuarium in eo locū non habere. hac ratione, quod in fructu hominis homo esse non potest: quare autem homo in fructu esse non pos-

fit, non tradit Vlpianus: sed rationem Bruti desumere possumus ex Caio in l. 28. §. partus. D. de vsur. Cum omnes fructus rerum natura hominum gratia comparauerit. hanc enim rationem desumpsisse Caium ex veteribus, scilicet ex Bruto, ostendunt satis verba, *Absurdum enim videbatur.*



## MARCVS MANILIUS.



Equitati consentaneum est vt Brutum Manilius sequatur, cum à Paulo, Pomponio, & ab ipso Tullio libro 1. de finibus bonorum & malorum coniungantur M. itaque Manilius legum cōsuetudinisque eius qua priuati in Ciuitate utebantur, & ad cauendum, & ad agendum, & ad respondendum peritus fuit. Ideoque veri Iurisperiti nomine à Cicerone libro 1. de Oratore decoratur, & libro tertio idem Cicero eum trauerso solitum ambulare foro scribit: quod erat insigne, Iurisperitos qui id facerent, ciuibus omnibus consilij sui copiam facere. Ad quos olim & ita ambulantes, & folio sedentes domi sic adibatur, vt non solum de Iure Ciuili ad eos: verum etiam de filia collocanda, de fundo emendo, de agro colendo, de omni denique aut officio, aut negotio referretur. Consularem autem Manilium fuisse rectè scribit Pomponius d. l. 2. de orig. Iur. Consul enim fuit cum L. Martio Censorino, autore Cassiodoro in Chronicis, & Censorino cap. xiiij. qui corrupte apud Florum in Epitome Liuij xlix. M. Manlius dicitur. Horum Consulatu ante triennium quàm Carthago deleberetur, M. Cato perpetuus diruendæ eius



autor mortem obiit, vt scriptum est apud Velleium Pater-  
 culum. Obsideri enim oppugnarique cæpit Carthago L.  
 Martio & M. Manilio Consulibus, autore Floro lib. xlix.  
 Epitom. Decad. Liuij. In qua oppugnatione, cum negle-  
 ctos ab vna parte muros duo Tribuni temere cum cohorti-  
 bus irrupissent; & ab oppidanis grauiter cæderentur à Sci-  
 pione Africano expliciti sunt, per quem & castellum Ro-  
 manorum quod nocte oppugnabant, paucis Equitibus iu-  
 uantibus liberatum est. Ob quod egregium factū Scipio-  
 nem obsidionali corona à Manilio donatum ex Plinio col-  
 ligo libro xxij. cap. 60. cum ait. *Aemilianum quoque Scipionē*  
*Varro autor est donatum obsidionali in Africa Manilio Consule tribus*  
*cohortibus seruatis, totidemque ad eas seruandas eductis.* Africa enim  
 Prouincia Coss. M. Manilio & L. Martio decreta est, illis-  
 que Imperium ad bellum gerendum datum: M. Manilio  
 quidem vt pedites duceret, L. vero Martio vt equitatu  
 præesset, sicut scribit Appianus in Lybico. Veruntamen  
 exercitui solus Manilius postea imperauit, cum L. Martius  
 Consul Romam ad Comitia iisset, & solus exercitum ad-  
 uersus Asdrubalem duxit. Sic enim explicanda puto hæc  
 verba Flori in Epito. xlix. *Præterea cum ab irrita oppugnatione*  
*Carthaginis Cos. (alter enim Romam ad Comitia ierat) exercitum du-*  
*cere aduersus Asdrubalem vellet.* Pisonem autem successorem in  
 Prouincia habuit, vt scribit Appianus. Plura de his quæ in  
 Consulatu & in Africa gesserit apud autores reperiuntur.  
 Hoc quidem Consule legem de Repetundis latam esse à L.  
 Pifone frugi Trib. pleb. apud Ciceronē in Bruto legimus.  
 Cæterum Bartholomæus Marlianus Patritius Mediolanē-  
 sis hunc M. Manilium filium putat eius Manilij, quem Li-  
 uius lib. 45. Legatum ad bellum Illyricum missum esse cō-  
 memorat cum P. Aelio Ligo, C. Cicereio, aliisque qui ab  
 eo recensentur. Qua autē ex familia ortus fuerit Manilius

difficile est iudicare. Hoc quidem affirmo, illum ex antiqua & illustri Manliorum familia originem non duxisse: quod tamen nonnulli existimauere. Manliæ enim patritiæ gentis decreto nemo ex ea Marcus appellatur, quod M. Manlius Capitolij defensor ob Tyrannidem affectatam dānatus sit, ut legitur apud Festum in verbo *Manliæ*. sicut de Lucij prænomine in Claudiana gente scribit Suetonius in Tyberio. Hunc autem Manilium Marci prænomē habuisse ex his quæ diximus, satis apparet. Quisquis tamen fuerit, vir magni iudicij, eximiæque doctrinæ, nec scientiæ politicæ rudis & ignarus traditur. Eum enim in libris de Republica differentem & disputantem, se introduxisse scribit Cicero lib. 4. Epistolarum ad Atticum. Iuris peritissimum quidem eum constat fuisse ex Pomponio d. l. 2. de orig. iur. qui eum cum P. Mutio & Bruto Ius Ciuile fundasse scribit. Huius doctrinæ apud Paulum in l. possideri §. Neratius D. de acqu. possess. extant hæc reliquiæ *Eum qui fundum longa possessione cepit etiam thesaurum cepisse, quāuis nesciat in fundo esse.* Quam tamen sententiam à Paulo improbatam supra diximus in Bruto. Reliquit autem.

*De Iure Ciuili lib. vii.* ] autore Pomponio: sic enim legendum esse docuimus, qui inscripti sunt *Manlij monumenta*: quamuis hæc verba suspecta aliquo modo mihi sint, tanquam notata à Glossatore quodam, & postea in textum Pomponij relata.

*Manilianas lege.* ] Composuit enim leges quasdam de venalibus vendendis, quæ Manilianæ leges dictæ sunt, ut constat ex Cicerone libro 1. de Oratore *Nec quisquam, inquit, eorum cui sciam su sibi addiscendum aliquid, non Teucrum Pacuuij malit, quam Manilianas venalium vendendorum leges addiscere,* Varro lib. 2. de Re rustica cap. 7. actiones vocat *lisdem*, inquit, *rebus dominum in emptionibus mutam? ut in Manlij actionibus sunt prescripta.*





## P. RUTILIUS RVFVS.



. Rutilius Rufus ex nobili Rutiliorum familia ortus, auunculus Cottæ fuit. Eū enim auunculum suum Cotta appellat apud Ciceronem lib. 2. de Natura Deorum. Et patrem M. Rutilium habuit, autore eodem Tullio in Bruto. Eiusque adolescentiam ad opinionem & innocentiam, & Iuris scientiam P. Mutij commendauit domus, vt idem testatur libro 2. Officiorum. Eo adolescentulo in sylua sua facta cædes est, notique homines interfecti: cuius rei insimulabatur familia, hacque de re atroci magnaue quærendi potestatem Senatus dedit P. Scipioni, & D. Bruto Consulibus. Veruntamen Galba tanta grauitate, tantaque vi causam illam dixit, Rutilij rogatu, vt omnibus approbantibus familia liberata sit, vt se ex eo audiisse Smyrnæ scribit Cicero in Bruto. Doctus autem vir fuit, & græcis litteris eruditus, Panætij auditor, perfectus in Stoicis, quorum peracutum, & artis plenum orationis genus, sed tamen exile, nec satis populari assensuoni accommodatum, imitatus est. Ideoque summi Oratoris non habuit laudem. Sunt enim eius orationes ieiunæ: eum tamen laudandum putat Cicero in Bruto: quoniam per illum, ne hæc quidem in Ciuitate genera, hac oratoria laude caruerunt. Magnum autem munus de Iure respondendi in ciuitate sustinebat. Cuius responsoꝝ apud autores Iuris, quædam adhuc vestigia ab iis laudata, & probata extant. Vlpianus enim libro xvij. ad Sabinum in l. habitatio D. de vsu & habitat. scribit Celsum lib. 19. Digestorum

eius responsum probare, qui cum quæreretur vtrum vnus anni habitatio legata sit, an vsque ad vitam: donec viuat, habitationem competere respondit; & in l. qui penum §. ligna D. de penu leg. ligna & carbones, quæ non vendendi causa parata sunt, penoris nomine contineri dixit; multisque aliis in locis. Non solum autem Iuris Ciuilis intelligentia præstitit, sed rei militaris scientia. Tribunus enim militum fuit sub Scipione, autore Appiano in Romana historia: armorumque tractandorum meditatio ab eo militibus est tradita, & nullius ante se Imperatoris exemplum sequutus, ex ludo C. Aurelij Scauri doctoribus gladiatorum accersitis; vitandi atque inferendi ictus, subtiliorem rationem legibus ingenerauit, virtutemque arti, & artem rursus virtuti miscuit: vt illa impetu huius fortior: hæc, illius scientia cautior fieret, vt scribit Valerius Maximus lib. 2. cap. 1. & ita seuerè rem bellicam administravit, vt necessitudinis præruptis vinculis, vindictam ultionemque læsæ disciplinæ militaris, cum ignominia etiam domus suæ exigere non dubitauerit. Eo enim bello quod in Sicilia cū fugitiuis gessit, Q. Fabium generum suum, quia negligentia Tauromitanam arcem amiserat, prouincia iussit decedere, vt ex eodem libro cap. 2. colligere licet. Et Frontinus libro 2. scribit, eum in legione filium militem fecisse, cum secundum leges in contubernio suo adhuc habere posset. Tribunosque militum quos Consul faciebat, ab eo *Rufulos* appellatos esse, scribunt Festus & Paulus li. de verb. signific. in verbo *Rufuli*: quod de eorum iure legem eulcrit, qua eis cauebatur multis modis. Posteaque mutata littera, *Rutuli* siue *Rutili* dicti sunt. Dignitates autem quas in Republica Rutilius obtinuit, hæ sunt: Quæstura scilicet. Eum enim Q. Mutij Prætoris quæstorem fuisse, scribit Asconius Pædianus in 2. actione. Præturam etiam gessit: &



cum prætor esset, cum primum edixisse scribit Vlpianus in l. 1. D. de bon. libert. se amplius non daturum patrono quam operarum & societatis actionem: videlicet si hoc pepigisset, vt nisi ei obsequium præstaret libertus, in societatem admitteretur patronus, cum antea soliti essent patroni, à libertis durissimas exigere. Legatus etiam C. Marij proconsulis fuit, vt ex Flori Epitome lxx. patet. Consulatum præterea gessit cum Cn. Mallio, vt est apud Valerium Maximum lib. 2. cap. 1. & ex antiquo lapide Puteolis reperto, quem Onuphrius affert, probatur. Ex quo deprehenditur erratum in Iulij Obsequentis libro, atque Cassiodori in prodendis Consulibus anni DCXLIX. quorum alter, P. Rutilium quidem scribit: sed C. Manilium corrupte subiungit. Alter vero P. Atilium & Cornelium Manilium mendose Consules ponit. Post Consulatum, Asiam Proconsul provinciam obtinuit, teste Pomponio d. l. 2. D. de orig. Iur. Quapropter miror Carolum Sigonium in suis commentariis, se quam Rutilius provinciã habuerit fateri ignorare. Cæterum, quamuis Rutilius summos honorum gradus in Republica assequutus sit: multas tamen repulsas tulit, sicuti Tribunatus plebis, vt apparet ex his verbis Ciceronis in Orat. pro Plancio. *Sed quid ego Aedilitias repulsas colligo? quæ sæpe eiusmodi habitæ sunt, vt his qui præteriti essent, benigne à populo factum videretur.* Tribunus militum L. Philippus summa nobilitate, & eloquentia; Quæstor Q. Cælius clarissimus ac fortissimus adolescens, Tribuni plebis: Rutilius Rufus, C. Cimbria, C. Cassius-Cn. Orestes facti non sunt: quos tamen omnes Consules factos scimus esse. Consulatus etiam repulsam tulit à M. Aemilio Scauro supratu, & quod durius videtur, in ipsa repulsa ab eodem M. Aemilio ambitus postulatus, quasi turpi largitione suffragia populi, ad adipiscendum Consulatum corrumpere tentasset. Vt autem instrueret Aemilius accusationem, domum Ru-

eius responsum probare, qui cum quæreretur vtrum vnus anni habitatio legata sit, an vsque ad vitam: donec viuat, habitationem competere respondit; & in l. qui penum §. ligna D. de penu leg. ligna & carbones, quæ non vendendi causa parata sunt, penoris nomine contineri dixit; multisque aliis in locis. Non solum autem Iuris Ciuilis intelligentia præstitit, sed rei militaris scientia. Tribunus enim militum fuit sub Scipione, autore Appiano in Romana historia: armorumque tractandorum meditatio ab eo militibus est tradita, & nullius ante se Imperatoris exemplum sequutus, ex ludo C. Aurelij Scauri doctoribus gladiatorum accersitis; vitandi atque inferendi ictus, subtiliorem rationem legibus ingenerauit, virtutemque arti, & artem rursus virtuti miscuit: vt illa impetu huius fortior: hæc, illius scientia cautior fieret, vt scribit Valerius Maximus lib. 2. cap. 1. & ita seuerè rem bellicam administravit, vt necessitudinis præruptis vinculis, vindictam ultionemque læsæ disciplinæ militaris, cum ignominia etiam domus suæ exigere non dubitauerit. Eo enim bello quod in Sicilia cū fugitiuis gessit, Q. Fabium generum suum, quia negligentia Tauromitanam arcem amiserat, prouincia iussit decedere, vt ex eodem libro cap. 2. colligere licet. E. Frontinus libro 2. scribit, eum in legione filium militem fecisse, cum secundum leges in contubernio suo adhuc habere posset. Tribunosque militum quos Consul faciebat, ab eo *Rufulos* appellatos esse, scribunt Festus & Paulus li. de verb. signific. in verbo *Rufuli*: quod de eorum iure legem tulerit, qua eis cauebatur multis modis. Posteaque mutata littera, *Rutuli* siue *Rutili* dicti sunt. Dignitates autem quas in Republica Rutilius obtinuit, hæc sunt: Quæstura scilicet. Eum enim Q. Mutij Prætoris quæstorem fuisse, scribit Asconius Pædianus in 2. actione. Præturam etiam gessit: &



cum prætor esset, eum primum edixisse scribit Vlpianus in l. 1. D. de bon. libert. se amplius non daturum patrono quam operarum & societatis actionem: videlicet si hoc pepigisset, ut nisi ei obsequium præstaret libertus, in societatem admitteretur patronus, cum antea soliti essent patroni, à libertis durissimas exigere. Legatus etiam C. Marij proconsulis fuit, ut ex Flori Epitome lxx. patet. Consulatum præterea gessit cum Cn. Mallio, ut est apud Valerium Maximum lib. 2. cap. 1. & ex antiquo lapide Puteolis reperto, quem Onuphrius affert, probatur. Ex quo deprehenditur erratum in Iulij Obsequentis libro, atque Cassiodori in prodendis Consulibus anni DCXLIIX. quorum alter, P. Rutilium quidem scribit: sed C. Manilium corrupte subiungit. Alter vero P. Atilium & Cornelium Manilium mendoſe Consules ponit. Post Consulatum, Asiam Proconsul provinciam obtinuit, teste Pomponio d. l. 2. D. de orig. Iur. Quapropter miror Carolum Sigonium in suis commentariis, se quam Rutilius provinciam habuerit fateri ignorare. Cæterum, quamvis Rutilius summos honorum gradus in Republica assequutus sit: multas tamen repulsas tulit, sicuti Tribunatus plebis, ut apparet ex his verbis Ciceronis in Orat. pro Plancio. *Sed quid ego Aedilitias repulsas colligo? quæ sæpe eiusmodi habitæ sunt, ut his qui præteriti essent, benigne à populo factum videretur. Tribunus militum L. Philippus summa nobilitate, & eloquentia; Quæstor Q. Cælius clarissimus ac fortissimus adolescens, Tribuni plebis: Rutilius Rufus, C. Cimbria, C. Cassius. Cn. Orestes facti non sunt: quos tamen omnes Consules factos scimus esse. Consulatus etiam repulsam tulit à M. Aemilio Scauro supratuſ, & quod durius videtur, in ipsa repulsa ab eodem M. Aemilio ambitus postulatus, quasi turpi largitione suffragia populi, ad adipiscendum Consulatum corrumpere tentasset. Ut autem instrueret Aemilius accusationem, domum Ru-*

tilij venit, eius tabulas, Commentarios scilicet rerū quotidianarum reperit, iudicibusque quoddam caput ostendit, in quo scriptæ inueniebantur hæ litteræ, A. F. P. R. easque sic interpretabatur; quod id de quo accusabatur *Actum esset fide P. Rutilij*. atque ex eo colligebat, huius largitionis autorem fuisse Rutilium: Rutilius autem has explicabat *Ante factum, post relatum*. Caius vero Cāninius Eques Romanus qui Rutilio Rufo aderat patronus, exclamat! neutrum illis litteris declarari. Quid ergo, inquit Aemilius Scaurus, respondet Cannius, *Aemilius fecit, plectitur Rutilius*. i. Aemilius largitionibus corripit suffragia: Rutilius vero eius criminis, cuius Scaurus fons est, accusatur. Hæc traduntur à Cicerone lib. 2. de Oratore. Rutilius quidem falsò hoc crimine à Scauro infectatus est. Velleius enim Paterculus, eum non seculi sui, sed omnis ævi optimum appellat. Tandem summa illa innocentia, & integritas, maliciosis accusatorum calumniis oppressa, & obruta est. Sic enim Florus Epitome lxx. de eo loquitur. *P. Rutilius vir summæ innocentie, qui Legatus C. Marij Proconsulis, à publicanorum iniuriis Asiam defenderat, inuisus Equestri ordini, penes quem iudicia erant, Repetundarum damnatus, in exilium missus est*. Hunc autem legibus pulsum, Smyrnæos non solum tanquam exulem recepisse: sed etiam ciuem sibi addidisse, scribit Tacitus lib. 4. Annalium: tantum valet apud exterarum gentes, amor virtutis, quæ in aduersa fortuna, in Rutilio maxime effulsit. Namque ut Valerius Maximus scribit libro 6. cap. 4. cum magis ordinum dissensione, quam nulla culpa sua, reus factus esset; nec obsoletam vestem induit, nec insignia Senatoris deposuit, nec supplices ad genua iudicum manus tetendit, nec dixit quicquam splendore præteritorum annorū humilius: effecitque hoc alias, ut periculum huic, non impedimentum grauitatis eius esset,



set, sed experimentum. Atque etiam cum ei reditum in patriam Syllana victoria præstaret, in exilio, ne quid contra leges faceret, remansit: Atq; id quod tunc respondit, constantiæ, grauitatisque suæ maximum testimonium præbet. *Malo, inquit, vt patria exilij mei erubescat, quam reditu mæreat,* vt scribit Seneca libro 6. de Beneficijs. Ita enim patriam dilexit, vt in illa Saturnini seditione pro salute communi, eum arma cœpisse tradat Cicero in Orat. pro C. Rabirio perduellionis reo. Non solum autē facta Rutilij: sed etiam dicta laude digna censentur. Quorum hoc præclarissimum refert Valerius dicto libro 6. Cum amici cuiusdam iniustæ rogationi resisteret, atque is per summam indignationem dixisset: Quid ergo inquit, mihi opus est amicitia tua? Si quod rogo non facis, respondit, imò quid mihi tua: si propter te aliquid inhonestè factururus sim? Fuit porrò Rutilius ruffi coloris. Rutilius enim apud Festū, rufum, significat: atque ideo, vt ab alijs Rutilijs discerneretur, à colore suo rufo, Ruffi nomen indictum ei existimo. Librorum autem ab eo editorum, hæc restant vestigia.

*Historia rerum Romanarum* ] auctore Athenæo libro 6. *Διπλοστροφιστῶν* cap. vlt. & Suida, in verbo *Rutilius*: Rerum suo tempore gestarum.

*De vita sua libri* ] incerti: numerus enim non legitur: composuit etiam orationes permultas, inter alias,

*De modo ædificiorum* ] quæ postea ab Augusto Senatui recitata est, & ab eo, populo Edicto proposita.

# C. AQUILIUS GALLUS.



. Aquilius Gallus patrem habuit M. Aquilium Gallum, quem Consulem cum C. Mario fuisse tradit Cassiodorus in Chronicis, bellumque servile in Sicilia concitatum confecisse Florus scribit epit. lxix. Auditor Mutij fuit, teste Pomponio in d. l. 2. & præceptor Seruij Sulpitij eodem autore, qui iuris discendi causa Seruium Balbo Lucilio, & Gallo Aquilio operam dedisse scribit. Instructum autem maximè à Gallo Aquilio fuisse. Ex quo tamen, aut cum rei veritatem ignorasse, aut verba eius corrupta, necessariò iudicamus ex Cicerone in Dial. de claris Oratoribus, qui non iuris ciuilis discendi, sed dicendi. j. artis oratoriæ gratia, Seruium Gallo Aquilio, & Balbo Lucilio operam dedisse tradit. *Cumque dicendi causa, inquit de Seruio loquens duobus peritissimis operè dedisset, L. Lucilio Balbo, C. Aquilio Gallo. Galli hominis acuti, & exercitari promptam & paratam in agendo, & in respondendo celeritatem, subtilitate diligentiaq. superauit, Balbi docti, & eruditi hominis in vtraq. re, considerata tarditatem vicit explendis consuecendisq. rebus: sic & habet, quod vterque eorum habuit, & expleuit, quod vtriq. defuit.* Verum hæc ignorasse Pomponium quis credet? Rectius itaque sentiemus, si superiora verba Pomponij, Typographorum inscitia transposita, suo loco reddantur, & his verbis coniungantur. *Seruius autem n. ut ita legendum sit, Seruius autem qui cum in causis orandis primum locum, aut certe post M. Tullium obtineret, instructus à Balbo Lucilio: instructus autem maximè à Gallo Aquilio fuit Cercinæ. Itaque libri complures eius extant Cercinæ confecti: traditur ad consulendum Q. Mutium de re amici sui peruenisse, &c.*




Cæterum, Gallus Aquilius tantæ fuit apud Romanos autoritatis, ut Cic. in Orat. pro Aulo Cæcinnâ, in illius laudem hæc verba populo Romano dicere non dubitauerit. *Non vereor de tali viro ne plus dicā, quàm vos aut sentiat, aut cōmemorari velit apud vos.* Ea etiam prudentia & doctrina in eo fuit, ut ex Iure Ciuili non scientia quædam, verum etiam bonitas nata videretur. Maxime denique integritatis Galli, & in iudicando religionis exemplum memorandum affert Valerius Maximus lib. 8. cap. 2. Caius, inquit, *Visellius Varro* graui morbo correptus, trecenta millia nummum ab Octacilia Laterensi, cum qua commercii libidinis habuerat, expensa ferri sibi passus est, eo consilio, *ut si discessisset (mallem decessisset) ab hæredibus eam summam peteret; quam, legati genus esse vult, libidinosam liberalitatem debiti nomine colorando.* Euasit deinde ex illa tempestate, aduersus vota Octaciliae, quæ offensa, quod spem prædæ suæ morte non maturasset, ex amica obsequenti, subito districtam fœneratricem agere cæpit, nummos petendos: quos ut fronte inuerecunda, ita inani stipulatione captauerat. De qua re C. Aquilius, vir magnæ auctoritatis, & scientia iuris excellens, iudex adductus, adhibitis in Consilium principibus Ciuitatis, prudentia & religione sua mulierem repulit. Quod si eadem formula & Varro damnari, & aduersaria absolui potuisset, eius quoque non dubito, quin turpem & inconcessum errorem libenter castigaturus fuerit, nunc priuata a Elionis calumniæ ipse compescuit, adulterij crimen publicæ quæstioni iudicandum reliquit. Iudex etiam fuit in causa P. Quintij, quem Cicero contra Q. Hortensium accusatorem defendebat. Ex cuius oratione maximam cum Aquilio, & Scapulis omnibus, fuisse necessitudinē colligimus. P. enim Quintium Scapulū cum apud Aquilium Gallum cœnaret morte repentina obijisse autore est Plinius Natur. Histor. lib. 7. cap. 53. Caij itaque Aquilij in cauendo, non in decipiendo prudentiam perspexisse populum Romanum faciliè demonstrant formulæ illæ, quas de dolo malo composuit, quas

Tullius lib. 3. Officiorum vocat, *Euerriculum maliciarum omnium*. Multa autem alia in iure ciuili nequaquam suis temporibus explorata cognita, & percepta illustrauit, induxit, & explicauit. Cū enim antea dubitaretur, an in venditione, ruta & cæsa continerentur: asseruit frustra in lege venditionis, de rutis & cæsis contineri, quia si non specialiter venierint, ad exhibendum de his agi possit, vt ex Mela refert Vlpianus lib. 32. ad Edictum in l. fundi. §. Si ruta D. de act. empti. Et cum nondum esset definitum, an de seruitute quæ oneris ferendi causa imposita erat actio competere, vt & onera ferat, & ædificia reficiat ad eum modū qui seruituti impositus est. Vlpianus in l. etsi forte §. etiam de seruitute. D. si seruit. vendicetur. ait Gallū existimasse, non posse ita seruitutem imponi, vt quis facere aliquid cogere. Formulam etiam protulit, qua vt Scæuola scribit in l. Gallus D. de liber. & posth. hæredes institui possent posthumi, qui aliorum Iurisconsultorum opinione alieni dicebantur, quorum loquendi morem retinuisse videtur Paulus in l. pen. D. de legat j. quos tamen non omnino alienos ipse existimauit. Cuius formulæ meminit Africanus in l. si mater §. 1. D. de vulgari. Stipulationes etiam instituit ad liberandum accommodatas, quæ Aquilianæ vocitæ sunt, quarumque solemnia verba expressit Florentinus in l. & vno D. de acceptilat. & Iustinianus in §. Genere Tit: quibus mod. toll. obligat. in institut. per quas, obligationes ex tantum quæ ex verbis consistunt tolli possunt. Multa alia de iure cauit, responditque, quæ luce tanti autoris egebant, quorum flosculi quidā agnoscuntur in l. talis scriptura D. de legat. 1. in l. pediculis §. 1. D. de auro & argento leg. Cæterum præturam exercuit Aquilius, in qua collegam habuit M. Tulliū Ciceronem, vt ipse autor est in Top. atq; in hac Prætura quo tempore




apud Ciceronem de pecunijs reperundis querebatur, apud C. Aquilium, causam de ambitu dictam legimus in orat. pro Cluentio: quæ res etiam nos admonet, eos amicitia & familiaritate inuicem coniunctos fuisse, & familiarē suum Cicero eum vocat lib. 3. de Natura Deorū. Habuit autem domum pulcherrimam, consensu omnium qui ætate ea vixerunt, vt scribit P. Victor in libello de vrbis Romæ regionibus, & loc. ita vt ex ea clariorem, quàm ex Iuris Ciuilis scientia Aquilium euasisse Plinius lib. 17. cap. 1. dicere non dubitauerit. Præterea quidam existimant C. Aquilium Gallum, eum esse quo Tribuno plebis rogante Aquiliam legem latam Vlpianus scribit in l. 1. D. ad leg. Aquil. Sed quàm absonum hoc sit, manifestò apparet. Primū quod Iurisconsultus noster, Tribunus plebis nunquam fuerit: Deinde quod hanc legem ante Gallum Aquilium latā esse constet ex eo, quod Q. Mutius Scæuola eius mentionem faciat in L. Quintus Mutius, & Brutus in l. xxvij. §. si mulier D. ad leg. Aquil. quos quidem Gallo Aquilio antiquiores fuisse certissimum est, ex his quæ supra scripsimus. Equitem quidem Aquilium nostrum fuisse colligitur ex Plinio d. cap. 1. lib. 17. Gallum etiam filium summa virtute præditum habuit Aquilius, qui patre adhuc superstite vita functus est, vt testatur Tullius libro 4. Epistol. ad Seruium scribens.



## CAIVS IVENTIVS.

**I**S est fortasse Iuuentius, cuius meminit Vlpianus in l. plenum D. de vsu & habitat. quem Pomponius in l. 2. D. de orig. Iur. scribit inter Q. Mutij auditores præcipuæ fuisse autoritatis. Nescio an filius sit

M. illius Iuuentij, qui cum Tiberio Graccho ij. Consul apud Obsequentem in libello de prodigiis, & apud Casiodorum in Chronicis commemoratur Eum quidem esse puto, quem T. Iuuentium vocat Cicero in Bruto: qui nimis quidem in dicendo, & pene frigidus, sed & callidus & in capiendo aduersario versutus: præterea nec indoctus, & magna cum Iuris Ciuilis intelligentia ab eo describitur. Huius auditor fuit Seruius Sulpitius.



## SERVIUS S V L P I T I V S.

**S**eruius Sulpitius Rufus Q. filius fuit, & Lemoniæ tribus. Lemonia enim vocatur à Cicerone Philipp. X. vulgatumque est antiquos per sepe à tribubus denominari. Neminem autem plus studij quam illum, & addendum, & ad omnes bonarum rerum disciplinas adhibuisse scribit Cicero in Bruto. In iisdem enim exercitationibus incurre ætate ambo fuerunt, & postea Rhodum vnâ profecti sunt. Seruius quidem quo melior esset, & doctior: Qui tamen vt rediit, in secunda arte primus esse maluit, quam in prima secundus: Atque haud scio an par principibus esse potuisset: sed fortasse maluit (id quod est adeptus) longe omnium non eiusdem moris ætatis, sed eorum etiam qui fuissent in Iure Ciuili esse princeps. Quod certe nomen à multis ei tribuitur, & maxime à Quintiliano, qui eum antistitem Iuris appellat lib. 11. cap. 1. institut. orator. Quamobrem eius autoritas, multa in iure noua introduxit. Pau'us enim in L. Mutius D. pro Socio. autorem facit Seruium in notis Mutij huius regulæ *Non posse na societ*



tatem contrahi, *ut* aliam damni, aliam lucri partem socius ferat. Eumque in libro quem composuit de dotibus scripsisse tradit Gellius lib. 4. cap. 3. tum primum cautiones rei uxoriae necessarias esse visas, cum Sp. Carbilus cui Ruga cognomentum fuit, vir nobilis diuortium cum uxore fecit, quia liberi ex ea corporis vitio non gignerentur. Fuit etiam olim inter Q. Mutium & Seruiū Sulpitium disceptatio non parua. Si duo inter se pacti sunt, ut ad vnum lucri duę partes pertineant, damni tertia: existimante Mutio, contra naturam esse huiusmodi pactionē: cuius sententiam præualuisse refert Iustinianus in §. de illa Tit. de Societ. Non ita tamen cum eo disceptabat de Iure, ut sibi primas partes deberi existimaret: neque in eam opinionem adduxerunt illum commendationes Ciceronis illustres, qui eum Iurisconsultorum principē vocat, Quintoque Scæuolę etiam anteponit, quod Iuris Ciuilis quidem magnum vsum & apud Scæuolam & apud multos fuisse fateatur, artem vero tantum in hoc vno affirmet. Nunquam tamen ad Q. Mutium consulendi causa accedere recusauit. Traditur enim à Pomponio in d. l. 2. de orig. iur. ad consulendum Q. Mutium de re amici sui Seruium aliquādo peruenisse, cumque eum de Iure respondentem parum intellexisset & iterum Quintum interrogasset & à Quinto responsum esset, nec tamen percepisset, obiurgatum à Q. Mutio. Namque eum dixisse turpe esse patricio & nobili viro causas oranti, ius in quo versaretur ignorare. Eaque velut contumelia Seruius tractus, operam dedit Iuri Ciuili: atque ita dedit, ut non solum vrbana orandi militiā, sed etiam respondendi, scribendi, cauendi plenam sollicitudinis ac stomachi sequutus sit, ius Ciuile didicerit, & ita in eo laborauerit, ut vixerit ad aliorum arbitrium, non ad suum, autore Cicerone in Orat. pro Muræna. Neque tamen hanc perfectam Iuris Ciuilis cognitionem adeptus

fuisset, nisi attulisset artem eam, quæ Dialectica appellatur, omnium artium maximam, quasi lucem ad ea, quæ cōfuse ab aliis, aut respondebantur, aut agebantur. Cæterum Seruius Sulpitius non tantū omni præcellenti doctrina, sed etiam honoribus amplissimis claruit. Quæsturam enim vnâ cum L. Muræna obtinuit. Prætor etiam renunciatus est: sed prætura eius tristis, & atrox: ex altera parte lachryarum & squallores, ex altera plena catenarum, atque indicum, scriba in ea dānatus, ordo totus alienus, Syllana gratificatio reprehensive, multi viri fortes, & prope pars ciuitatis offensa est, lites denique seuerè æstimatæ. Post præturam autem exemplum Ciceronis sequutus, in Prouinciâ ire noluit. Postremo Consulatum cum L. Muræna L. Murenæ filio petiit, in qua petitione cum ab eo victus esset, Murenæ Consulatum designatum, ambitus postulauit. Qui tamen à Cicerone Consule defensus hac pulcherrima oratione quæ extat, huius criminis omnibus sententiis absolutus est. In qua defensione Quintilianus lib. ij. cap. j. Instit. orator. scribit duas Ciceroni obstitisse personas, Marci Catonis, Seruiique Sulpitij. Sed Sulpitio decenter cum ipse omnes concessisset virtutes, scientiam petendi Consulatus ademisse. Consulem tamen postea fuisse cum M. Marcello, M. Catone repulsam ferente, scribunt Florus in Epitome Liuiana CVIII. Dio, Plutarchus, Cassiodorus, multique alij: huiusque cōsulatu bellum Ciuile inter Cæsarem & Pompeium ortum est. Ideoque Valerium Maximum lib. i. cap. 7. mendosum esse puto: *Præcipue enim inquit admirationis etiam illa prodigia, quæ C. Volumnio & Seruio Sulpitio Coss. in Vrbe nostra, inter initia motusque bellorum acciderunt reponendumque est M. Marcello & Seruio Sulpitio Coss.* Quāuis autem nascente hoc bello Ciuili Cæsaribus partibus fauerit, eiusque dignitatem in Senatu contra Collegam

Marcellum



defenderit, autore Suetonio Tranquillo in vita Cæsaris cap. xxix. & contentiones magnas inter Cofs. de successore C. Cæsari mittendo fuisse scripserit Florus dicta Epitome cvij. Eius tamen consilia ad concordiam spectasse certum est, Senatūque accuratissimè meminisse collectis omnibus bellis ciuilibus, vt & illa timerent quæ meminissent & scirent, quum superiores nullo tali exemplo antea in Repub. cognito tam crudeles fuissent, quicunque postea Rempubicam oppressisset armis, multo intollerabiliorem futurum testatur Cicero lib. 4. epist. ad familiares. Anno ante Consulatum interrex fuit: quo interrege, Consulem sine Collega Cn. Pompeium ex Senatus sententia creatum, Plutarchus scribit in Pompeij vita. Interfectò denique Cæsare, ad M. Antonium bello imminente ex Senatusconsulto missus legatus est cum L. Philippo & L. Pisone. Quàm legationem licet graui valetudine premeretur, non recusasse Tullius refert Philipp. ix. neque illum vim hyemis, non niuem, non longitudinem itineris, non asperitatē viarum, nec morbum ingrauescentem retardasse. Cum tamen iam ad congressum, colloquiumque peruenisset, in ipsa meditatione obeundi sui muneris mortuus est. Publius quidem Seruilius sepulchrū illi publicè decernendum, honorem verò statuae tribuēdum non censebat legatis nisi occisis: cui M. Tullius respondit, censuitque Seruio Sulpitio statuam pedestrem æneā in Rostris ex Senatus sententia locandam, circumque eam, locum gladiatoribus ludisque, liberos posterosque eius, quaque versus pedes quinque habere, causamque in basi inscribendam, quod hic propter Rempubicā mortem obijisset. Quod fecit populus Romanus: statuam enim Seruij Sulpitij pro Rostris posuisse eum scribit Pomponius dicta lege 2. Hi sunt itaque honoris gradus qui Sulpitium & viuum, & mortuum honestauere. Qua in re mirabilis eius virtus & indu-

stria apparet, qui cum Equitis Romani esset filius, summa tamen amplitudine à populo Romano dignus iudicatus est. Quamvis enim nobilis vocetur à Quintiliano dicto lib. 4. cap. 1. & à Pomponio dicta l. 2. eius tamen nobilitas hominibus litteratis & historicis erat notior: Populo verò, & suffragantibus obscurior. Pater enim fuit Equestri loco, auus nulla illustri laude celebratus. Miror itaque Pomponium Patritium eum vocasse, cum tantum Equestris ordinis fuerit. Patritij autem erant tantum vel Senatores, vel Senatorij, & Equites inter plebeios munerabatur Tit 2. institut. Sed ut hic nodus dissoluatur, dicendum puto, Seruiliam gentem Patritiam ab initio fuisse: plebeiam autem progressu temporis factam. Ideoque Cicero pro Muræna Servio Sulpitio dixit, ex annaliū vetustate eruendam esse memoriam nobilitatis suæ, eamque hominibus historicis notio-rem, populo verò obscuriorem. Sulpitium denique in antiquum gentis suæ honorem rediisse. Hoc enim antiquitus Romæ fiebat. Sicuti de gente Octavia Suetonius Tranquillus in Augusto cap. 2. scribit, *Ea gens, inquit, à Tarquinio Prisco rege inter minores gentes allecta in Senatū, mox à Servio Tullio in Patritias transducta, procedente tempore ad plebem se transtulit, ac magna vi per Divum Iulium in patritiatū redijt*; in persona scilicet patris Augusti, cui Patritiatū, veterem familiæ suæ dignitatem restituere fecit Iulius Cæsar, ut ex eodem auctoris capite colligimus. Per multos etiam patritios in Plebeias transisse familias, vel voluntate, vel adoptione testatur auctores; quod Patritijs exire vocat Cicero in orat. pro domo sua. Nunquam autem Patritios, equites peditēsque fuisse, cum Gruchio in libro de Comitijs Romanorum existimabo: quamvis hoc exemplo Seruij Sulpitij probare velit, locumq; Liuij ex lib. 3. Decad. 1. afferat de peditibus Patritio ut ipsi videtur *Magistrum Equitum*, inquit Liuius, *dicit L. Tarquinium Patritie gentis, sed qui cum stipen-*



*dia pedibus propter paupertatem fecisset. Non animaduertit vir eruditus verba Liuij, sententiam suam impugnare. Tarquinius enim Liuius Patritiæ gentis esse dicit, sed non Patritium: rationem autem tacite videtur dare, quia stipendia pedibus propter paupertatem fecerat, atque ita in plebem transferat. Aliud enim est Patritium esse, aliud ex patritia gente. P. Clodius ex Claudia Patritia gente in Tribunatu erat: sed quis Patritium eum tunc fuisse, audebit asserere? Non solum autem stipendia pedibus facere plebeium erat, sed etiam Patritijs, & nobilioribus viris, militiæ munere fungi inter pedites, ignominie nota quedam erat, & pro poena dabatur, vt apparet ex Valerio Maximo lib. 2. cap. 2. Nam C. inquit, Cotta P. Aurelium Pecuniolam, sanguine sibi iunctum, quem obsidioni Liparitane ad auspicia repetenda Messanam transiurus præfecerat, Virgis casum militiæ munere inter pedites fungi coegit, quod eius ager incensus, & penè castra erant capta. Seruius itaque Sulpitius Patritiam dignitatem in familia sua quasi intermortuam, virtute sua renouauit, vxoremq; habuit Posthumiã, quam C. Iulium Cæsarem corrupisse scribit Suetonius in eius vita cap. 5. filiumque ex ea Sulpitium, cuius sæpè meminit Cicero in epist. & Festus in verbo *Municipes*: quem quidem Magistratus gessisse ex eo conijcio, quod scribit idem Festus in verbo *sifus* legem Riualitiã latam esse rogante populum Seruio Sulpitio Seruij filio Rufo. Cæterum multi ab eo tanquam ex officina Iurisprudentiæ profecerunt. Nominat enim Pomponius in l. 2. D. de orig. iur. Alphenum, Ofilium, Titium Cæsum, Aufidium Tucam, Aufidium Namusam, Flauium Priscum, C. Ateium Pacuuium, Labeonem Antistium Labeonis Antistij patrem, Cinnam, Publicium Gellium. Seruij quoque auditorum meminit Iauolenus in l. cum scriptum de dote præleg. & in l. quæsitum de fundo instr. Eum autem centum prope & octoginta libros reliquisse testatur*

pomponius dicta l. 2. eosque compleuit scriptis & lucubrationibus auditorum Q. Mutij Scæuolæ. Scripsit tamen.

*In Scæuolæ notas*] autore Paulo in lege Mutius D. pro socio: quas, repressa Scæuolæ capita vocat Gellius lib. 4. cap. 1. scripsit etiam.

*De dotibus librum singularem*] autore eodem Gellio libro 4. cap. 4. & Neratio lib. 2. Membranarum in l. viij D. causa data causa, &c.


*De testamentis libros duos*] secundus enim citatur à Gellio lib. 6. cap. xij. nisi eo in loco legere malis, *de detestandis sacris*, quemadmodum legendum putat Iosephus Scaliger in Annot. in Festum.

Extat præterea præclarum Seruij responsum apud Paulum in l. Nam & Seruius D. de negot. gest. relatum ab Alpheno eius auditore lib. xxxvij Digest. de tribus Lusitanis, quorum vnus ea conditione missus, ut pecuniam pro tribus afferret, & nisi rediisset, ut duo pro eo quoque pecuniam darent, isque reuerti noluiisset, & ob hanc causam illi pro tertio quoque pecuniam soluissent; æquum esse, Pretorem in eum reddere iudicium. Quare opinor vel Seruium libros responsum scripsisse, vel responsa Seruij ab Alpheno collecta esse. quod etiam facile coniici potest ex §. item scriptum legis actione D. pro socio. sicut & ab Aufidio in l. cum duobus §. fin. D. pro socio, & ab Atteio. Fit etiam mentio frequens responsum Seruij à Iuris autoribus, ut ab Pomponio in l. 57. D. de legat. iij. & ab Vlpiano in l. 58. D. eod. dictio enim illa *rescriptum est*, de responso Seruij interpretanda est ex l. 4. D. de auro & arg. leg. ut recte notauit Cuiacius lib. 12. obseruat. cap. 8.

*Ad edictum lib. duos*] quos ad Brutum scripsit, eosque perquam breuissimos fuisse testatur Pomponius dicta l. 2. D. de orig. Iur § ex his. Sic & Iulianum, librum ad Edictum breui libello complexum esse scribit Iustinianus in Orat. 1. ad Se-



natum. Ad hos autem referenda sunt illa quæ ex Seruio lib. 1. ad Brutum recenset Vlpianus lib. 28. ad Edict. in l. 5. D. de Instit. act. Complures etiam alios libros Seruius scripsit quos Cercinnæ confectos testatur idem Pomponius loco supracitato, quæ quidem est insula Siciliæ proxima: sed hos ad ius Ciuile non spectasse, certum ex his quæ diximus in Gallo Aquilio. Iuri enim Ciuili Seruius non dedit operam, nisi postquam ex Athenis, Rhodo & Cercinna Romam reuersus est. Zasius scribit librum à Seruio compositum *de claris Iurisconsulis*. Festus testatur eum consuluisse M. Varronem quæ significatio verbi *fauisse* in iure Censorio esset. Interpretationem ad xij tabulas edidit: quod ex l. 237. D. de verb. signif. colligitur, si cum eius inscriptione conferatur: cōstat etiā illud ex variis locis Festi, apud quem legimus Seruium Sulpitium hæc verba xij tab. *pedemstruit*, interpretatum esse, *fugit*, sic & illam legem *Sanatibus idem quod fortibus esto iuris* & illam *Si vindiciam falsam tulit*.



## C. AVLVVS OFILIVS.



Vdiui quosdam existimantes in l. 2. D. de orig. Iur. in auditorū Seruij enumeratione *Alphenus, Varus, Caius, Aulus Ofilius*, dictionem *Caius* delendam esse, quod nescirent quis esset hic Iurisconsultus: tum etiā hac ratione moti, quia si Caius inter illos admitteretur, vndecim reperirentur, non decem vt vult Pomponius. Ridiculam tamen eorum opinionem semper putavi, donec prodiit in lucem Iacobi Cuiacij commentarius in dictam legem secundam, in quo idem ab eo probatū legi. Illius enim

viri autoritas, quæ plurimum apud me in Iurisconsultorum interpretatione valet, vt attentius hæc considerare fecit. Nihil tamen inueni, quod me ad reiiciendam hanc dictio- nem impelleret. Quinimo retinendam necessario iudicaui, expuncta tamen virgula illa, quæ post Caium ponitur: ita vt Caius non sit hoc in loco Iurisconsultus, sed prænomen Auli Ofilij atque hoc modo legatur. *Caius Aulus Ofilius*. Sicque in Pandectis Gregorij Haloandri scriptum est. Licet enim *Au- lus* prænomen sapissime sit: aliquando tamen pro nomine fa- miliaæ usurpatur, eodem modo quo Paulus; & vt legitur in Epitome lib. 10. Valerij Maximi per C. Titum Probum fa- cta, multa quæ olim prænomina fuerunt, cognomina postea facta sunt: sicut in ipso Tito Probo obseruatur. Nam Titi nomen, quod alij pro prænomine habent, ipsi cognomen est. Seruij autem discipulus fuit Ofilius, & Cæsari familiaris, eū- que in equestri ordine perseuerasse scribit Pomponius d. l. 2. D. de orig. inter discipulos Seruij plurimum autoritatis ha- buit: eodemque tempore quo Trebatius & Casellius vixit: sed Ofilius utroque doctior fuit. Reliquit autem libros de Iure Ciuili plurimos qui omnem partem operis fundarent.

*De legibus vicesima.*] De quibus eum primum conscripsisse testatur Pomponius d. l. 2. De vicesima autem hæreditatum, has leges interpretandas supra in Emilio Macro diximus, quæ ad legata etiam refferri debent vt ex Dione patet lib. 55.  
ἡ εἰκοστὴ τῶν τε κληρῶν καὶ τῶν δωρέων ἀπὸ τῶν οἱ τελευταῖος πρὸς, &c.

*De Iurisdictione.*

*Ad Edictum prætoris.*] Ad quod primum eum diligenter scripsisse tradit Pomponius. nam ante eum Seruius duos per- quambreuissimos libros ediderat. Apparet etiam Ofilium ad Edictum prætoris scripsisse ex Vlpiano in l. 1. D. ne quis eum qui in ius vocat. est.

*Libros actionum*] Ad quos referri debent quæ ex l. in causæ




§. Ofilius D. de minor. 25. annis in l. item si §. si obstiterit D. ad leg. Aquil. & in l. 1. §. quod si D. de exercit. arct. citatur 15. & 16. in l. qui penum D. de penu leg.


*Ad Atticum*] familiarem scilicet illum Ciceronis, ad quem extant tot epistolę scriptę. Ad Atticum autem scripsisse colligitur ex l. quod nos D. de verb. signific. Ex qua intelligi potest verborum proprietati anxie eum studuisse. Ex quo genere sunt illa, quę de tugurij appellatione referuntur. in l. tugurij eod. tit.

*Iuris partiti lib. 5.*] Ex libro quinto desumpta est quę ex Ofilio Vlpianus tradit in l. lignum §. si lignum D. de legat. 3. de carbonum appellatione, cuius tamen nomen omissum est in l. carbonum D. de verb. signif. sed ab eodem Ofilio desumpta est. nam hę ambę leges, sunt Vlpiani ex libro vicesimo quinto ad Sabinum.

Sunt ex aliis eius scriptis in Pandectarum libris, dispersa quędam velut semina suę eruditionis, qua lucem attulit iis rebus, quę obscure & confuse ab aliis dicebantur in l. 2. §. si naus ad Rhodiam legem de iactu in l. 1. §. sed et si D. de aqua pluuiā arcenda l. Iulianus D. de manumiss. testam. l. 1. §. apiscimur D. de acquir. vel omitt. hered. in multis denique aliis Pandectarum capitibus, quę enumerare nimis longum esset. Ceterum Marcus Tullius lib. 7. Epistolarum ait, Ofilium existimasse tabulas testamenti non esse eas, quas instituisset is qui factionem testamenti non habuerit.



## AVFIDIUS NAMUSA.


 Vfidius Namusa inter decem Seruij discipulos numeratur à Pomponio in d. l. 2. D. De orig. iur. ex quibuseum octo solum edidisse libros cōstat : quorū omnes qui fuerunt libri, digesti sunt ab Aufidio Namusa in centum quadraginta libros. Ideoque verba Vlpiani lib. 20. ad Sabinum in l. quæsitum D. de instrum. leg. *Et ita Seruium respondisse auditores eius referunt* explicanda sunt, in his libris scilicet qui ab Aufidio Namusa digesti sunt. Verisimile enim est, Iurisconsultos vocasse librum illum, in quo libri auditorum Seruij compilati erant *Auditores Seruij* : Sicut nos librum qui ex multis Grammaticis Latinis compositus est, *Auctores linguæ Latine* appellamus: Atq; ita interpretanda lex 6. D. de dote præleg. Namusa autem noster is est, cuius meminit Paulus in l. in summa §. apud Namusam D. de aqua pluuiæ arc. atque is Aufidius quem citat Vlpianus in l. cum duobus §. fin. D. pro socio, cuique à Iauoleno tribuuntur libri regularum in l. apud Aufidium D. de opt. leg. namque Aufidium Tuccam nihil quicquam de Iure conscripsisse facile asseuerauerim. Alius autem Aufidius fuit Antonini Imperatoris temporibus, ad quem Antoninus Prisco & Apollinari Coss. scripsit, ut apparet ex l. 2. C. de necessar. seru. Cæterum filiam Aufidiam habuit, quam in adoptionem dedit, cuiusque causam Seruius Sulpitius orauit & defendit, cum patre adoptiuo mortuo, ipsa ut filia, se hæredem eius diceret : hocque ei negaretur, ut conicio ex Festo in verbo *emancipatus*.


CAIVS



## CAIVS ATEIVS PACVIVS.



**L**Abeo in l. auus §. pater D. de iure dot. ait Ateium scripsisse, Seruium respondisse. Si pater centum nomine dotis dari promisit, item cum commodissimum erit, cum primum sine turpitudine & infamia dici possit deberi. Ex qua lege satis constat, Ateium illum fuisse nostrum Seruij auditorem: quanquam non sim nescius, quosdam *Anteium* legere. Qua in lege, si Cuiacio credimus ad tit. 6. Vlpiani, verbum *doti promisit* Pacuuij Ateij non est, sed Triboniani: cum Atteius scripsisset *doti dixit*. Inusitata enim loquendi formula, hic & aliis locis Pandectarum, Tribonianus hoc verbum ita supposuit, vt in l. 31. §. 1. & l. 44. §. 1. D. soluto matrim. l. 31. in fine D. de nouat. cæterisque legū capitibus quæ Pandectas legenti cuique occurrent. Sed vt verum fatear, credibile non est, Tribonianum tot locis manum suam adhibuisse, & in vnus verbi expunctione tot in autoribus laborasse. Colligitur autem Pacuuium partem illam Edicti de commodato interpretatum esse, ex Vlpiano in l. 1. D. commod. qui hoc solummodo in huius Edicti interpretatione notandum censet, quod cum is qui Edictum conceperat *commodati* fecisset mentionem Pacuuius *lendi* fecit.



## CINNA.



Innam à Seruio profecisse supra diximus ex Pomponio in dicta l. 2. D. de orig. iur. Quis autem fuerit, nō parui negotij est scire. Cassiodorus in Chronicis Cinnam Cōsulem cum L. Valerio commemorat anno ab vrbe condita 758. temporibus Octauiani Augusti Cæsaris. quem quidem Cinnam nostrum fuisse, si aliquid coniicere licet, dicere possumus. Seruij enim discipulos ea ætate vixisse certum est: huius Consulatu Augustus Cæsar pater patrię salutat<sup>us</sup> est, vt testatur Ouidius in Fastis. Cuspinianus hunc Cn. Cinnam eundem esse putat cum L. Cinna, de quo loquitur Seneca lib. 1. de Clementia, solumque in prænomine erratum. Hic autem Cn. Cinna magnus, sic enim à Dione appellatur, filius fuit Cinne cuius meminit Appianus, quo prætore Cæsar interfectus est, quique apud populum Tyrannicidas laudauit, censuitque eos è Capitolio, tanquam patrię liberatores, libertatisque vindices, maximis cum honoribus euocandos. Seneca enim tradit Cinnam, de quo scribimus, contra Augustum coniurasse. Quapropter verisimile est, eum hoc à patre odium contra Cæsaris partes, & familiam, quasi iure hæreditario accepisse. Cæterum Volaterrano non adhæreo, qui hunc, Cinnam non esse putat, sed legendum *Paternum* dicit; nec Zasio, qui *Porcinnā*, allucinati his verbis *Pater Cinna*, non animaduertentes, hanc vocem (*Pater*) separatam esse, à nomine *Cinna*, coniunctamque cum Antistio: scilicet vt *Labeo Antistius Labeonis Antistij pater* iunctim legatur, & *Cinna* separatim postea ponatur,



tanquam alter Seruij discipulus. Nā vt hic Antistius ab aliis discernatur, hoc nomine patris notatur: sicut & designationis causa C. Antistius Vetus vocatur à Iulio Frontino lib. 2. de aquæduct. Alium autem à nostro Iurisconsulto existimo Cinnam poetam, qui Smyrnā scripsit, cuius meminit Quintilianus lib. 4. Institut. orator. & Catullus his versibus.

*Smyrna mei Cinnae nonam post denique messem*

*Scripta fuit, nonamque edita post hyemem.*

Et Priscianus libro 6. cuius versum profert


*At scelus incesto Cinyrae crescebat in aluo.*

Hac autem ratione maxime moueor, vt alium existimem, quod noster Augusti ætate vixerit: Poetam vero, ante Augustum vixisse colligo, quod L. Crassitius Pasides, siue Pāsa commentarium in eius Smyrnam ediderit, quem temporibus Augusti vixisse apparet, & adhuc adolescentis. Iulij enim Antonij Triumviri filij præceptor fuit, vt scribit Suetonius in libello de illustribus Grammaticis. Hanc autem differentiam notandam duxi: ne quis errore nominis deceptus, Iurisconsultum pro poeta acciperet, exemplo plebis Romanæ, quæ in funere C. Cæsaris errore nominis decepta, C. Heluium Cinnam, quem poetam diximus, interfecit, quasi esset Cinna Prætor quem patrem Iurisconsulti nostri docuimus, vt autor est Suetonius in Iulio. Scripsit autē de Iure Ciuili, & eius scripta memorat Iauolenus in l. quibus diebus §. 1. D. de condit. & demonstrat. & Vlpianus in l. denique D. de ritu nupt. qui ait *Denique Cinna scribit etiam qui absens accepit uxorem, denique rediens à cena iuxta Tyberim perisset, ab uxore lugendum responsum est.* Quod responsum referendum est ad Seruium Sulpitiū. Eius enim respōsa ab auditoribus suis tanquam Oracula, vt à Pythagoræis Pythagoræ verba pro lege & autoritate, proponebantur.

*L. Bennius primus**Mag. pagi**Bennia primigenia**Magistra fecer.**Germanico Cesare ij.**Coss.**L. Seio Tuberone**Dies sacrificij xiiij. Cal. Mai.*

Et ita restituenda *L. Aelio Tuberone*. Non mirum autem, si hoc Tuberoni populo ius reddenti contigerit, malique omnis augurium fuerit. Suetonius enim in Vitellio cap. 9. narrat, cum Viennę pro Tribunali iura redderet Vitellius, galinaceū supra humerū, ac deinde in capite eius astitisse: quod ei infœlix exitus & mortis suę augurium fuit. Quamuis apud Christianos columbę volatus, fœlix faustumque signum fuerit. Tradit enim Nicephorus Calixtus Ecclesiast. histor. lib. 5. cap. 26. Fabiano qui Romę in Ecclesia cum aliis ad creandum Pontificem conuenerat, columbam ad caput aduolasse, subitoque ab omnibus Episcopum nominatum, & in trono collocatum fuisse. Sed vt ad Tuberonem reuertar, nescio an is fuerit qui libros historiarum scripsit, quorum 14. affert Nonius Marcellus in verbo *luxuriabat*: Eum tamen *L. Tuberone* potius existimarem. Huius autem Tuberonis meminit Vlpianus in l. 2. D. de usu & habitat. & in l. stipulationes D. de verb. obligat. ex Celso lib. 38. Digest. refert Tuberonem existimasse, vbi quid fieri stipulemur, si non fuerit factum, pecuniam dari oportere: ideoque in hoc genere diuidi stipulationem.





## C. TREBATIVS TESTA.



Aius Trebatius Q. Cornelij Maximi auditor fuit teste Pomponio. sic enim in d. l. 2. de orig. iur. cum Goueano homine acris iudicij & ingenij legere malo, quam vt vulgo *qui idem Cornelij*. Fuit etiam M. Tullij Ciceronis maxime familiaris, vt ostendunt plures eius ad Trebatiũ scriptę epistolę, & liber Topicorum: tantaque innocentię & iustitię existimatione floruit, vt probiorem hominem, meliorem virum eo neminem fuisse prædicet Tullius Epist. 5. l. 7. in amicitiam Cæsaris, Ciceronis commendatione peruenit. quã vero accurata fuerit ea commendatio, qui scire voluerint, intelligent ex d. 5. epistola, & ita Cæsari coniunctus semper fuit, vt eum in expeditionibus sequutus sit, vt in Gallica: quamuis in Britanniam cum Cæsare profectus non sit, qui Tribunatus commoda dempto labore militiæ ei offerebat, vt eius colloquutione vti posset. Qua ex re colligere possumus Trebatij tenues fortunas fuisse: quod constat etiam ex Ciceronis verbis. *Balbus*, inquit Trebatium alloquens, *mihi confirmauit te diuitem futurum, id vtrum Romano more loquutus sit, bene nummatum te futurum, an quomodo Stoici dicunt, omnes esse diuites qui cælo & terra frui possunt* & in alia epistola hoc festiuo ioco *Treuiros vites censeo, audio capitales esse, mallet auro, argento, ære essent*. Treuiros enim Galliæ Belgicæ populi, vt scribit Cæsar de bello Gallico, quos capitales appellat, quod hostium frequentem numerum neci tradiderant, alludens ad Treuiros Romanorum Magistratus, qui capitalibus iudiciis præerant. Ait igitur vitandos esse treuiros illos, cum ca-

pitales sint, Trebatio imbelli militaremque animum non gerenti: malleque se hos Treuiros Belgicos, auro argento & ære esse, alludens semper ad Magistratus Romanos. Erant enim alij Magistratus Treuiri pecuniæ cudendę, qui ita inscribebantur III VIRI A. A. F. F. i. auro, argento flando feriendo, vt recte notat Petrus Bembus, quos Triumuiros Monetales vocat Pomponius l. 2. D. de orig. iur. post Cannensem cladem anno tertio belli Punici, rogatione Minutij Tribuni plebis creatos, teste Liuius lib. 6. Ait itaque Tullius Trebatium alloquens, hos Treuiros non capitales, sed monetales esse, qui illi nummos cudere iuberent, vt amplissimę pecuniæ fieret dominus. Fuit autem in Iure Ciuili singularis eius memoria, summaque scientia ita vt Scæuolę nomen meruerit. Sic enim Tullius eum vocat ad Atticum & Epistolarum ad familiares lib. 7. multosque doctrinę suę sectatores habuit, siue vt loquitur idem Tullius lib. 7. Epist. 5. *Familiam duxit*. Sic enim recte Victorius legit. Quamobrẽ si quis ex eo natam Proculeianam sectam dixerit, non errabit. Labeo siquidem ab eo institutus est autore Pomponio dicta l. 2. de origine iuris, & multa in suis posteriorum libris à Trebatio accepisse videtur ex l. Labeo l. fundi partem D. de contrahen. empt. Veruntamen ab eo interdum dissentiebat, in l. 1. §. si dolum D. de peric. & commodo rei vend. in l. si vitem D. quod vi aut clam, in l. liber homo D. de acquir. rerum domin. quandoque addebat, vt in l. Iulianus §. hoc præterea D. de peric. & commodo rei vend. in l. fin. de cloacis. Quare cum veteres aliquid dicere in Pandectis legimus, hoc de Trebatio, & Labeone, frequentissime intelligendũ est. Trebati inter veteres Iurisconsultos à nouissimis numeratur. Vnde Ammianus Marcellinus lib. 38. de aduocatis loquens sic scribit *Hi vt alius iura callere videantur, Trebatium loquuntur*, Cæterũ Iustinianus in §. 1. de iure codicil. in institut. refert



refert cum Augustus de codicillorum viribus dubitaret, qui antea in vsu non fuerant, conuocasset sapientes viros, inter quos Trebatium, cuius tunc maxima autoritas erat, an & alienus à iuris ratione vsus esset, recipique hoc possit: Trebatium suasisse Augusto, quod vtilissimum ac necessarium ciuibus esset, propter magnas & longas peregrinationes quæ apud veteres fuissent, vbi si quis testamentum facere nō posset, codicillos posset. Præterea huius diligentia, memoria interdicti à Prætore dati ab obliuione vindicata est, ne vis fieret dominis quo minus sua tollerent, auferrent: si modo damni infecti repromitterent: cum Tyberis abundasset, & multas multorum res in aliena ædificia retulisset l. hoc amplius §. de his D. de damno infecto. Exercuit etiam Trebatium quæstio illa, quam vulgarem Vlpianus vocat in l. vulgaris D. de furt. *An is qui ex aceruo frumenti modium sustulerit, totius rei furtum faciat: an vero eius tantum quod abstulit.* existimante Trebatio, totius rei furtum committi. Nam inquit, & qui aurem alicuius tetigit, totum videri eum tetigisse. Attamen Vlpianus putabat, in tantum eos furti teneri, quantum abstulerunt: cuius tamen sententiæ Vlpianus rationem non tradit. Sed puto hac in re distinctione vtendum: vel res cuius pars surripitur, illius naturæ est vt eius surreptione partis, tota res vicietur, tunc certe Trebatij opinio Ofilium sequentis vera est: quia tota res inutilis est domino. Vnde qui lancem rasit, totius fur est, & furti tenetur ad id quod domini interest, apud Paulum in l. 22 §. qui lancem D. de furt: Vel res cuius pars suscipitur illius conditionis est, vt parte surrepta, reliqua integra maneat & sana, & tunc opinio Vlpiani præualet, vt in aceruo frumenti, si quis ex eo modium sustulerit eum enim in tantum furti teneri actione, solummodo quantum abstulerit verum est, quo ex Vlpiani loco apparet Trebatium in his quæstionibus furtorum dissoluendis se exer-

cuisse, quod etiam ex Cicerone epist. lib. 7. colligere licet, qui scribit à Trebatio inter scyphos hanc controuersiam agitatam esse. *Possset ne hæres quod furtum antea factum esset, recte furti agere.* Tantam autem Trebati in respondendo vanam ostentationem, inanemque gloriolam habebat, ut sæpissime quæ plerique ante eum dixerant, neminem præter eum sensisse audacter profiteretur, ut ex his verbis Ciceronis lib. 7. epist. ad familiares apparet. *Tamen id caput, inquit ad Trebatium scribens, Vbi hæc controuersia est notavi, & descriptum tibi misi, ut scires id quod tu neminem sensisse dicebas, Sex. Aelium M. Manilium M. Brutum sensisse.* Quod multorum huiusce ætatis vicium est (viti-um enim malo quam malitiam nominare) qui suo nomini ex aliorum laudibus, libare laudem volunt. Cæterum Labeo, Ofilius, Cascellius, Trebati, quandoque eadem de re cõsili-um præbuerunt in l. cum filio D. de vulg. & in l. si mandauero §. si curator D. mand. quandoque Trebati, Ofilius, & Labeo sine Cascellio in l. quid tamen D. de recept. arbit. quãdoque Ofilius, & Trebati in l. si quis §. si quis D. communi diuid. Fuit autem alius ab hoc nostro Trebatio, is cuius meminit Vlpianus in l. 5. D. de petit. hered. cui D. Hadrianum rescripsisse tradit: hocque constat tum ex serie temporum, cum ex eorum cognomine, quod illi Sergianus erat: nostro vero Testa. Multa vero de Iure Ciuili scripsit opera. Pomponius enim in dicta l. 2. D. de orig. iur. scribit cõplures Trebatij sua ætate libros extitisse, sed minus quam aliorum frequentatos esse. Certum quidem est eum scripsisse

*De Religionibus lib. duos* ] qui citantur à Macrobio lib. 3. cap. 6. Saturn. & quorum secundum Gellius lib. 6. cap. 12 affert. Ad eos pertinere arbitror, quæ de Trebatio Vlpianus tradit in l. & si quis §. si quis D. de Relig. & sumpt. fun.



## AVLVSCASCELLIVS.



Vlum Cascellium numerat Pomponius in l. 2. D. de orig. iur. inter præclaros viros, qui Iuris Ciuilis populi Romani scientiam professi sunt: quam à Volcatio accepit autore Plinio lib. 8. Natur. histor. ca. 40. Quamobrem locum illum Pomponij in d. l. 2. D. de orig. iur. *Fuit Aulus Cascellius Quintus Murius Volosij auditor*, quē corruptum quamplurimi varie restituerunt: sed semper inepte, non emendandum puto, vt fecit Antonius Augustinus *fuit Aulus Cascellius Q. Murius Volosij auditor*. Quāuis hanc emendationem à Iacobo Cuiacio approbatam esse, & sequutam repererim in notis ad dictam legem secundam. Sed hanc genuinam & puram, pace tantorum virorum dixerim, huius loci lectionem existimo, *fuit Aulus Cascellius Q. Murius, & Volcatij auditor*. vt duos præceptores in iure habuerit: primum Q. Mutium Scæuolam, deinde eo mortuo Volcatium audiuerit, vt ex loco supracitato Plinij apparet. Nam Pomponium de duobus loquutum fuisse, denotant satis subsequencia eius verba *Denique in illius honorem, &c.* i: non proxime nominati præceptoris, sed alterius. Fuisse præterea Cascellium actorē causarum probabilem, atque in precio habitum scribit Horatius lib. de arte Poetica, minime tamen cum Messala comparandum. Facetum quidem, elegantem, & festiui sermonis fuisse testatur Macrobius lib. 2. cap. 6. Saturnal. eum tamen seueri & infracti animi fuisse hic locus Valerij Maximi ex lib. 6. cap. 2. desumptus, satis ostendit. *Cascellius inquit vir iuris Ciuilis scientia clarus, quam periculose contumax. Nullius enim aut gratia*

aut autoritate compelli potuit, ut de aliqua earum rerum quas Triumviri dederant formulam componeret. Hoc animi iudicio, victoriæ eorum beneficium extra omnium ordinem legum ponens. Quo loci obiter adnotabo *Cascellius* recte legi, non *Cesellius* ut vulgo: licet apud Aulum Gellium lib. 9. cap. 14. recte *Cesellius* legendum putē. quia is est alius ab hoc nostro *Cascellio*, eumque credo esse *Cesellium Vindicem*, cuius mentio fit ab eodem Gellio lib. 2. cap. 16. qui commentaria lectionum antiquarum composuit. Quod autem ad *Cascellium* attinet, is cum multa de temporibus Cæsaris loqueretur, & amici ne id faceret monerēt: duas res quæ hominibus amarissime videntur, magnam sibi licentiam præbere respondit, senectutem, & orbitatem, Valerio Maximo autore loco supra citato. Ex quibus in senectute eum orbem fuisse, tanquam alterum Appium Claudium colligimus. quæ quidem nimia libertas temporibus illis non congrua, eum intra Quæsturam retinuit. Cæterum alium ab hoc nostro, Iurisconsultum prædilatorem *Cascellium* esse putato, ad quem & ad Furium, Scævola Augurem cum de iure prædilatatorio consuleretur, consultores suos reiecit scribit Cicero in orat. pro Cornelio Balbo, & ut à Valerio Maximo refertur lib. 8. cap. 13. his verbis. *Q. Scævola clarissimus legum vates, & certissimus, quotiescumque de iure prædilatatorio* (Sic enim non ut in Codicibus Basileæ impressis iure prætorio legendum esse Ciceronis locus satis ostendit) *consulebatur ad Furium, & Cascellium, qui huic scientiæ dediti erant, consultores reiiciebat: quo quidem facto moderationem suam magis commendabat, quam autoritatem minuebat.* Fieri enim non potest quin, cum in Pandectis tantus de *Cascellio* sermo sit, quædam in his apparerent vestigia, quæ *Cascellium* huic prædilatatoriæ scientiæ operam dedisse ostenderent. Ratio etiam seriesque temporis me movet, ut nostrum ab illo prædilatatorio alium esse putem, quem coætaneum *Q. Scævolæ* Auguris fuisse certum est, & Cicerone



adhuc adolescente obiisse, ex eius Dialogo de amicitia: Cascellium autem nostrum tempora Augusti Cæsaris attigisse. Simileque veri non est Cascellium prædiatorem tandiu vixisse, cum à morte Scæuolæ Auguris, ad victoriam vsque Triūuiratus, sexaginta fere anni numerentur, quod Cicero clare demonstrat in Orat. pro Balbo. Id enim quod supra retulimus, tanquam antiquitatis exemplum affert. Dicendum itaque est Cascellium prædiatorem, patrem Auli Cascellij fuisse. Auli etiam fit mentio in l. 14. D. de hæred. instit. quem Aulum Cascellium esse putat vir doctissimus Cuiacius in Not. quas in hanc legem edidit. Verum vt ab eo dissentiam, veritas ipsa cogit. Hic enim locus, *Vt Labeo libro 4. posteriorum scribit. Nec Aristo, vel Aulus, vt pote probabile notant*, sine dubio mendosus est. nunquam enim alibi Cascellius in Pandectis, Aulus tantum nominatur. Deinde Cascellium Labeone antiquiorem fuisse, senemque Augusti tempora tantum attigisse legimus. Quamobrem ad Labeonem eum scripta edidisse dici non potest: neque eius rei apud autores vlla extant vestigia. Præterea tēporibus Vlpiani nulla alia extabant Cascellij scripta, nisi vnus liber benedictorum. Existimo itaque hac in lege pro *Aulus, Paulus* legendum, sicque exaratū est in Codicibus Fradrini. Quam lectionē ratio ipsa confirmat. Paulus enim notas ad libros *παρθένων* Labeonis scripsit, vt supra in Paulo docuimus. Hæc autem verba ( *Nec Aristo vel Paulus vt pote probabile notant* ) de notis ad libros Pithanon, i: probabilium intelligenda sunt: quoniam cum ad libros probabilium notas ederent Iurisconsulti, notabant ea quæ probabilia non erant. Ex quibus recte etiam auguramur superiora verba *Labeo libro 4. posteriorum* deprauata esse, reponendumque *libro 4. Pithanon*. Cascellij etiam cuiusdam meminit Martialis lib. 7. Epigram. Auli autem Cascellij prudentiæ & in Iure Ciuili scientiæ extant in Pandectis monu-

menta, & Iauoleni testimonio eum de iure consultum sæpissime fuisse manifestum est, & Quintilianus libro 6. cap. 6. instit. orator. Consultori cuidam Cascellio dicenti, nauem diuidere volo: perdes, respondisse eum scribit: & Iauolenus in l. hæres D. de legat. in duabus statuis marmoreis cuidam nominatim legatis, itemque omni marmore: nullam statuam marmoream, præter duas, Cascellium putasse deberi testatur. Et quanquam Ofilius, & Trebatius contra sentirent: Labeo tamen Cascellij sententiam tutatus est; contrariam sæpe Ofilius à Cascellio tenuit & discrepantem. Non enim conueniebant in significatione verbi *Expense*. Hic enim aiebat precium fundi deberi: Ofilius negabat precium significari, vt apparet ex l. quibus diebus D. de condit. & demonstrat. Cæterum ne nimis in Cascellio immorari videar, festiuum & iocosum eius responsum tantum afferam. Cum enim lapidatus à populo Vatinius gladiatorium munus ederet, obtinuit vt Ædiles ediceret, ne quis in arenam nisi pomum mitteret. Tunc Cascellius consultus à quodam, an nux pinea pomum esset: respondit ei, si in Vatinium missurus es, pomum est, vt scripsit Macrobius lib. 2. cap. 6. Saturnal. pomi enim verbo contra communem sensum, omnem fructum tã duri, quam mollioris corticis significari, videtur existimasse: sicut Apostoli in Canone 4. verbum Græcum *ὄπωρα* sumpserunt. Cascellius autem plura scripta edidit, quæ tamen perire, præter

*Benedictorum lib. vnum* ] qui extabat adhuc temporibus Pomponij, vt ipse testatur in dicta l. 2. D. de orig. iur. ad quem librum pertinent, quæ ex Cascellio referuntur in l. in vsu D. de rerum & verb. signific. & in §. sed & si, l. i. quod vi aut clam.



## CAIVS FLACCVS.



Aium Flaccum Paulus in l. Massurius D. de verborum signif. librum de iure Papyriano scripsisse tradit. sic enim legitur in vulgatis codicibus: quanquam Iacobus Labitus Grauium Flaccum legendum putet. Grauij Flacci meminit Festus in verbo *rice* multisque aliis in locis, & Macrobius l. Saturn. cap. 18. citatur etiam ab Arnobio lib. 3. eumque Grauium Flaccum Licinianum vocari reperio. Grauij cuiusdam mentio fit apud Plutarchum in Sylla, quem per satellites strangulari Sylla iussit, quem ærarij publici curam, ex hoc loco habuisse suspicari possumus, & Cicero in Bruto Q. Grauij præconis meminit, cum quo L. Tincā facetissimū hominem, dicacitate certasse scribit. Eius doctrinæ nulla alia extant monumenta.

## FVLCINIVS.



Aulus Iurisconsultus in eius quæstionis tractatione, *an ex argento surrepto, pocula facta condici possint*, Fulcinium sequutus est in l. an ex argento D. de condict. furtiua. Ex qua, & ex l. Fulcinus D. quib. ex causis in possess. eatur & l. si mulier D. de Relig. & sumpt. fun. (quarum duarum legum Vlpianus autor est) intelligitur, Fulcinium nonnulla quæ ad Edicti explicationem pertinent, scripsisse. Eum etiam de

impensis in rem dotalem factis tractasse apparet ex l. 1. D. de impens. in rem dot. fact. si conferatur cum lege impensæ 79. D. de verb. signific.



## CARTILIUS.



Artilij nomen agnoscitur apud Proculum in l. Cornelius D. de hered. instit. atque ita Florentiæ legi, Antonius Augustinus l. 3. emendat cap. 6. affirmat : non ut in quibusdam impressis libris mēdose *Carfilius*. Hoc Proculi adductus testimonio idē existimat minime reiiciendum Cartilij nomen in l. si ut certo §. si me rogaueris D. commod. quod multos Typographos fecisse videmus : quamvis Florentiæ ita circumscriptum esse dicatur , ut ea solent quæ respuuntur. Qua in re vehementer ego Augustini laudo iudicium , credoque nimium argutam scriptoris Florentini fuisse sedulitatem. Cum hæc duo capita tantum sint, quæ ex multis ut credibile est monumentis eius memoriam proderere nobis possint. Quare non immerito Cuiacius lib. 1. cap. 9. observat. scribit, Antonium Augustinum Cartilium ab obliuione vindicasse. Nescio autem an Cartilius noster, sit Cartilius ille Seuerus , cuius meminit Plinius lib. 1. epist. quicque amicus Aristonis Iurisperiti fuisse videtur : sed si noster est, temporibus Traiani eum vixisse constat, & Iustinianus Traiani ad eum rescriptum refert in §. plane de milit. testam. in institut. quod desumptum est ex Florentino. Marci etiam Imperatoris proauus maternus fuit, auctore Capitolino in Marco. Præterea præfecturam urbis assequutus est, & bis Consul fuit, ut idē testatur. In vetusta inscriptione T. Aurelius Fulvius collega ei tribuitur.



## P V T E O L A N V S.




Vteolanus libros *Assessoriorum* scripsit, quorum primus citatur ab Vlpiano in l. nam & nocere D. de pact. vbi male *Assessorum* quidam putant legi. Equidem liber *Assessorum* recte non dici videtur, sed de officio *Assessorū*. Recte autem *Assessoriorum* i. qui de *Assessoribus* tractat, siue vt Godophredus vult in l. xij. D. de pact. qui de Rebus in *assessorio* iudicatis tractat. Sabinus etiam librum composuit qui *Assessorius* vocatur, vt Vlpianus eodem loquendi modo, librum *ἀσσοριον*. Verum non incongruum est, Puteolanum libros *Adessorum* scripsisse: Sic enim Suetonium libros *Prætorum* scripsisse, legimus apud Priscianum lib. 8.

## V I V I A N V S.



Iuliani meminit Paulus in l. sedet si D. nautæ caup. stabul. Ex qua intelligi potest, scripsisse illum quædam quæ ad explanandam, interpretandamque eam partem *Edicti Prætorij* pertinebant, in qua nisi *Nautæ, Caupones, Stabularij* quod cuiusq; saluum fore receperint, restituerint, iudicium se daturū *Prætor* pollicetur. Nonnihil etiam de primo capite legis *Aquilæ*, in quo scriptum erat. *Ceterarum rerum*

præter hominem, & pecudem occisos: si quis alteri damnum facit quid ve-  
 ssarit, frangerit, ruperit iniuria &c. l. 27. D. ad leg. Aquil. Vide-  
 tur præterea ad Edictum Ædiliū Curuliū quædam scrip-  
 sisse, ex l. 1. §. apud Viuium, & ex l. quis sit D. de Ædil.  
 Edicto. Et ad eam partem Edicti Prætoris, qua de damno  
 infecto agebatur in l. fluminum §. item & apud D. de dan-  
 no inf. & de interdicto vnde vj. ex l. 1. §. non autem D. de vj &  
 vj arm. Interdictum denique de itinere, actuque priuato  
 explicasse apparet ex l. 1. §. Viuius D. de itin. act. priu.  
 Vlpianus autem eum auctorem facit huius axiomatis, *habi-*  
*tationem commodari posse* sed in l. si gratuitam D. de præscr. eius  
 sententiam moderauit: quemadmodum & Paulus in l. in  
 commodato §. duabus D. Commod. Ex qua colligimus,  
 Pomponium quædam in Viuii scripta notasse. Colligere  
 etiam libenter ex l. qui mittuntur 35. D. ex quib. causis  
 maior. Viuium ætate Proculi vixisse, vel potius post Pro-  
 culum floruisse, & ex Scævola in l. 14. D. de iure codic. apud  
 quem, expositam esse Sabini Cassij, & Proculi controuersiam  
 refert.



## QVINTVS SATVRNINVS.




Aturninus libros ad Edictum composuit  
 quorum decimus citatur ab Vlpiano in l.  
 cum aurum §. idem Pomponius D. de auro  
 & arg. leg. eius etiam meminit Vlpianus in  
 l. si duo §. Marcellus D. de iureiur. in qua  
 illum Marcello consensisse refert. Ea autem  
 quæ ex Quinto Saturnino desumpsit hac in lege Vlpianus,  
 ex libris ad edictum desumpta esse reor. Cæterum cuiusdam



Saturnini mentio fit ab eodem Vlpiano in l. iij. D. mandat. quem nostrum fuisse qui dicet, non aberrauerit. Ex quibus apparet eum Q. Claudij Saturnini nomen habuisse & Prætorem fuisse: quo Prætore Marius Paulus quidā fideiusserat pro Daphnide mercedem pactus ob suam fideiussionem, & sub nomine alterius ex euentu litis cauerat, sibi certam quantitatem dari. Quapropter ab eo maiores fructus inferre iussus est, & aduocationibus ei interdictum, quemadmodum sæpè interdicebantur apud Romanos, vt apud Plinium lib. 5. epist. 13. Veruntamen Marius ille videbatur velle à Daphnide mandati iudicio consequi quod erat condemnatus, quasi is iudicatum solui fideiussisset, vt non redemptor litis extitisset: atque hac de re DD. fratres adiit, sed rectissime ab ijs rescriptum est, nullam actionem eum propter suam calliditatem habere, quia mercede pacta accesserat ad talem redemptionem. Quamobrem hac lege à nobis sic enarrata Vlpiani verba illa deprauata esse, rectè colligimus. *Videbatur autem mihi iudicatum solui fideiussisse, & quasi redemptor litis extitisset, velle à Daphnide mandati iudicio consequi, quod erat condemnatus, sed rectissime Diui fratres rescripserunt, &c.* Quæ quidem Hotomanus lib. 5. cap. 9. obseruat. restituere tentauit, sed non foeliciter. Scrupulus enim ille menti meæ inhæret dictionem *mihi* adulterinam esse. Vlpianus siquidem eadem ætate non vixit, quā L. Saturninus, sed longè post DD. fratres, sub Seüero & Antonio cœpit Iuri Ciuili operam dare: post sub Heliogobalo, & postremo sub Alexandro Seüero maximè floruit. Quomodo igitur in auditorio DD. fratrum Vlpianus assidere potuerit non video, quinimo certissimum est non assedisse. Expungenda itaque est hæc dictio *mihi* reponendumque nomen *Marius* quod ignorantia eorum qui in transcribendis libris incumbabant, vel cum litteræ vetustate exesæ fuissent, ignaro quodam notario, vel Typographo facile fuit

hanc dictionem *mihi* ad constructionem latinarum vocum accommodatam, sed ad mentem Vlpiani ineptam, reponere. Locus ergo Vlpiani ille sic legendus est, *Videbatur autem Marius quasi iudicatum solui fideiussisset, non quasi redemptor litis extitisset, Velle à Daphnide mandati iudicio consequi, quod erat condemnatus. Sed rectissime Diui fratres, &c.* Atque ita sensus huius legis apertissimus est. Cum enim Marius à Q. Claudio Saturnino Præ-tore maiores fructus, j duplos fructus, vt interpretatur Cuiacius lib. 5. Obseruat. cap. xxj. inferre iussus erat, quod iniquum videretur Saturnino, eum qui aduocationibus incubebat, redemptorem litis extitisse. Videbatur autem Mario, si tanquam redemptor litis condemnatus esset à Præ-tore, quod iudicatum solui fideiussisset apud Imperatores à Daphnide mandati iudicio consequi posse, quod erat condemnatus: sed Diui fratres nullam actionem eum propter suam calliditatem habere rescripterunt. Saturnini pleræq; sententiæ ab Vlpiano notantur. Quod quidem causam præbuit Baldo dicendi in l. 1. C. de sacros. Eccl. notatum esse, Saturninos eos in scholis appellari, qui absurdas & parum probatas sententias proferrent. Vixit autem Claudius Saturninus, & sub D. Pio, cuius ad Saturninum rescriptum affert Martiantianus in l. 1. D. quæ res pign. vel hypoth. Meminit præ-terea Iabolenus lib. 2. epistol. Seij Saturnini Archiruberni, qui testamento fiduciarium reliquit hæredem Valerium Maximum, sed alius is est ab hoc nostro Iurisconsulto.




### MINITIUS NATALIS.



Initius, siue Minutius Natalis, is est ad quem Iulianus libros sex, quorum in indice fit mentio, scripsit quod intelligendum est vt supra docuimus in Iuliano, vt Iulianus notas ediderit ad



Minutij scripta: non autem secundum Alciati sententiam, vt Iulianus libros illos sex dicauerit Minitio Natali, quod præter ea quæ diximus manifestum reddetur, si quis inscriptionem legis Minutius D. de rei vindicat. cum illa lege cõparare velit, vbi Iulianus lib. vj. ad Minutium: *Minutius interrogatus, si quis nauim suam aliena materia refecisset, an nihilominus, siue, num dominus eiusdem nauis maneret? Respondit manere. Sed si in ædifi. anda eadem fecisset, non posse Iulianus notat. Nam proprietatis totius nauis, carinæ causam sequitur.* Ex secundo horum librorum decerpta est l. 8. D. ad leg. Rhod. de jactu. Quamobrem hæc ferè cogunt, vt credam, Minutium de re nautica scripsisse. Vixisse autem eum Trajani temporibus, apparet, ex l. Diuus Trajanus D. de ferijs, in qua rescriptum Trajani ad eum refertur. Ex qua etiam colligo, Minitium Natalem Proconsulem fuisse. Hæc siquidem lex desumpta est ex Vlpiano lib. 7. de officio Proconsulis. Eius denique verba si quis attente legerit, Trajanum Imperatorem, Proconsulem alloqui satis intelliget. Cæterùm Minitius iuris scientia maximè floruit, Sabini sectam sequutus ex l. tenetur D. de act. empti, & omni alia excellenti doctrina præstitit. Quapropter Plinius lib. vij. epist. ab eo, quid de libro suo iudicaret, petere non recusauit: quinimò emendandum ei libentissimè tradidit. Porro Minitij cuiusdam Asiæ Proconsulis meminit Nicephorus Calixtus Eccles. historiæ lib. iij. cap. xxvij, qui sub Adriano vixit, & ad quem rescriptum pro Christianis misit, quod extat apud D. Iustinum Martyrem, & apud Eusebium. Verum alium ab hoc nostro esse existimo. Ille enim Fundanus nominatur: noster autem Natalis. Fuit etiam alius à nostro Minutius Foelix, quem Romæ insignem causidicum fuisse scribit D. Hyeronimus, & duos Dialogos edidisse refert. quorum alter Octavius inscribitur, alter de fato, cuius meminit Lactantius in suis libris.



## B L E S V S.




Abinus in l. is qui fundum D. de usufr. leg. Blesi mentionem facit, Trebatij quoddam responsum referentis. Iunij Blesi meminit Tacitus lib. iij. Annalium, qui Africa Prouinciæ præerat.



## P A C O N I V S.



Aconium citat idem Paulus in l. Paconius D. si à parente quis manum. eiusque pium simul & castum responsum refert. Si quis enim à parente manumissus, turpes personas, veluti meretricem, hæredes fecisset, totorū bonorū contra tab. possessionem parenti dari: & si turpis hæres non esset institutus, constitutæ partis, id est tertiæ partis possessionem dari, respondit. Cornelius Tacitus Paconij cuiusdam meminit, quem Italia depulsum fuisse cum Heluidio scribit xvij Annalium, & alius M. Paconij libro 4. qui Legatus C. Syllani fuit.



## C A I V S C A S S I V S L O N G I N V S.



Assia longina gens plebeia fuit, sed tamen antiqua & honorata, vt ex Fastis apparet, à qua originem traxit suam C. Cassius Longinus, quem ex filia Tuberonis, quæ fuit neptis Seruij Sulpitij, natum esse tradit Pomponius in



dictal. 2. D. de orig. iur. Hic autem maiorum honoribus, qui amplissimi quidem & illustres fuere, respondit. Consulem enim cum fuisse cum Quartino, temporibus Tyberij idem Pomponius scribit. Cuius tamen rei, an cum Quartino Consul fuerit Caius Cassius Longinus, magna est inter authores dissensio. Cuspianus enim hunc locum mendosum putat, & cum Q. Haterino, non cum Quartino legendum asserit. Quem tamen errare manifestò ex eo colligi potest, quod ut ipse fatetur, Q. Haterius 12. anno Imperij Tyberij, C. Calvisio & Cn. Getulico Coss. mortuus sit: Cassium autem Longinum nono aut decimo anno post obitum eius, Consulem tantum fuisse, Fasti testentur. Nescio tamen, quid extraordinariò de extraordinarijs Coss. cogitauerit vir eruditus. Iustus verò Lypsus L. Cassium, qui cum M. Vinucio Quartino Consul fuit, anno urbis Dccclxxxiiij, alium esse putat ab hoc Caio Cassio Longino Iurisconsulto: erudite quidem hoc demonstrat, contra Onuphrij, Antonijque Augustini sententiam. Cùm tamen Pomponium Iurisconsultum dicentem C. Cassium Longinum Consulem fuisse cum Quartino temporibus Tyberij, errasse sustinet: cogit me, & inuitum, ut errorem eius apertum declarem. Quid enim cùm animo meo hoc reprehensionis genus: cogit me inquã, laus & fama Pomponij, quam omnes iuris studiosi praeuram, & intactam conseruare debent, & aduersus obrectatorum calumnias pertinaciter defendere. Nec enim verba Pomponij de M. Vinutio & L. Cassio Coss. interpretanda sunt: nec Pomponij mens ynquam hæc fuit: quæ opinio virum eximia eruditione præditum, pace eius dixerim, fefellit. Sed Pomponius de ijs loquutus est, qui in Fastis Cassiodori appellantur Vinicius & Longinus, qui Consules post passionem Saluatoris nostri Iesu Christi fuere. Qui quidem Consulatus de alio Longino, quàm de Cassio Longino no-

stro intelligi nō potest, cum his temporibus, authores alium non memorēt. Fuit quidem Longinus, cuius meminit Pomponius dicta lege 2. sed ad eum, Consulatus ille referri non potest, cum is ex Equestri ordine sub Vespasiano floruerit, & tantum ad Præturam vsq; peruenerit, autore eodem Pomponio. Caius autem Cassius noster plurimum autoritatis in ciuitate habuit, donec C. Cæsar ciuitate eum expulit, apud eundem Pomponium: quod propter nimiam eius autoritatem fecisse credendum est, & confirmat Lætus de Magistrat. Romanis cap. xxvj. expulsus Cassius in Sardiniam deportatus est, dicta lege 2. de orig. iur. Quæ omnia luculenter describit Tacitus lib. xvi. Annal. quamuis Philippus Beroaldus in Suetonium Tranquillum in Nerone, eum de quo Tacitus loquitur, alium ab eo de quo mentionem facit Pomponius, existimet. *Mortem, inquit, Tacitus Poppeæ ut palam iristem, ita recordantibus letam, ob impudiciam eius sciniamque, noua insuper inuidia Nero compleuit, prohibendo C. Cassium officio exequiarum, quod primum indicium mali, neque in longum dilatum est. Sed Syllanus additur, nullo crimine nisi quod Cassius opibus vetustis, & gravitate morum, Syllanus claritudine generis, & modesta iuuenta præcellabant. Igitur missa ad Senatum oratione, remouendo utrosque à Republ. differuit: Obiecit autq; Cassio, quod inter imagines maiorum, etiam C. Cassij effigiem coluisset ita inscriptam (DVCI PARTIVM) quippe semina belli Ciuilis & defectionem à domo Cæsarum quasiuam. Ac ut memoria tantam infensi nominis ad discordias uteretur, assumpsisse L. Syllanum iuuenem genere nobilem, animo promptum, quem nouis rebus ostentaret. Ipsum dehinc Syllanum increpuit iisdem quibus patrum eius Torquatum, tanquam disponderet jam Imperij curas, præficeretq; rationibus & libellis & Epistolis libertos: & inania simul, & falsa. Nam Syllanus intencior metu, & exitio patri, ad præcauendum exterritus erat: Inducit post hac vocabulo indicum, qui in Lepidam Cassij uxorem, Syllani amitam, incestum cum fratris filio, & diros sacrorum ritus consfingerent. Trahebā-*

*tur,*



tur ut conscij, Volcatius Tullinus, ac Marcellus Cornelius Senatores, & Calphurnius Fabatus Eques Romanus, qui appellato Principe instantem damnationem frustrati, mox Neronem circa summa scelera distentum, quasi minores euasere. Tunc Senatusconsulto Cassio & Syllano exilia decernuntur, de Lepida Caesar statueret: deportatusq; in insulam Sardiniam Cassius, & Senatus ius expectabatur. Huic autem loco vulnus inflixerunt librarij, cui mederi non posse fatetur Iustus Lyphius: quem tamē sanare tentabo, licet in eo hæreat cicatrix. Legi itaque hæc vltima verba, & Senatus ius expectabatur, corrupte in vulgaribus Codicibus existimo, reponendumq; Nec Senatus ius spectabatur, j: probabatur. Spectari enim pro probari vsurpatum sæpè legimus. Vnde Spectatio pro probatione pecuniæ à Cicer. Act. v. in Verrem sumitur. Ex omni pecunia quàm oratoribus soluere debuisti, certis nominibus deductiones fieri solebāt, primum pro spectatione & collybo, deinde pro nescio quo cerario. Quæ lectio, orationis sensui congruit: vulgata vero, aliena prorsus à mente auctoris, qui scribit Senatusconsulto Cassium, & Syllanum exilio damnatos esse: Neronem autem in Insulam Sardiniam deportasse Cassium, Syllanum vero per Centurionem interfici iussisse: atque ita apparet Senatus ius, vel iudicium à Nerone non probatum. Exilium enim & deportatio in insulam, diuersa sunt. Exilij nomen generale est, auctore Marriano in l. 5. D. de interd. quippe & pro relegatione aliquādo sumitur, quæ multo mitior est deportatione. Nec in Syllani causa iudicium Senatus à Nerone probatum, cum eum exilio à Senatu damnatum, interfici iusserit. Coniecturam etiam nostram iuuat, quod Vlpianus scribit in l. 6. D. de interd. & releg. Principem solum in insulam deportare posse: si verò quis Magistratus aliquem in insulam deportandū putat, hoc ipsum Principi scribere debet, missa plena opinione, ut Princeps æstimet, an sequenda sit eius sententia. sic hoc in loco Senatus censuit, Cassium & Syllanum exilio

damnandos: missam eius Neroni plenam opinionem credendum est, vt sæpissimè scripta mittitur: testis est præter alios, locus ille Cornelij Taciti lib. xij quum de seruis apud Senatum agebatur. Quia tamen indita pœna satis dura Neroni non videbatur, non spectauit ius Senatus, vt supra demonstraui. Hoc remediũ huic loco tam dilaniato imponendum putauit: quod quidem si totum penitus non sanat, non tamen exulcerat. Cassius itaque in Sardiniam contra ius Senatus deportatus est à Nerone, sed reuocatus post eius mortem à Vespasiano, vt testatur Pomponius d. l. 2. Antequam autem deportaretur, Syriæ præfuit, Narso succedens, cumque ibi præesset à Claudio Cæsare Meherdatem iuuenem, qui rex Parthiæ ab eo datus erat, ad Euphratis ripam deducere iubetur. Stolum etiam sacerdotalem Pontificis Iudæorũ, quæ antea à Tiberio Iudæis reddita erat, Romanis custodiendam dedit. Ea tempestate Cassius cæteros præeminēbat peritia legum. Nam militares artes per otium tunc ignotæ erant; & industrios, pax in æquo tenebat. Attamen quantum sine bello dabatur, reuocare priscum morem, exercere legiones, cura, prouisu agere, perinde ac si hostis ingrueret: Ita dignum maioribus suis, & familia Cassia ratus per illas quoque gentes celebrata, vt scribit Tacitus lib. vij Annal. Cæterum luminibus orbatum Cassium fuisse, legimus apud Suetonium Tranquillum in Nerone, quæ quidem orbitas seueritatis magnæ inditium luculentum est: sic Casellium diximus, sic Appium omnes norunt, sic Catulum Messallinum luminibus orbatum testatur Plinius lib. 4. epist. Tanta enim Cassij in iure dicendo seueritas erat, vt Tribunal eius, reorum scopulus appellaretur: quàm deinde ipse cognouit ad sedandos motus maximè nocuam. Cùm enim Puteolani seditionem concitassent, Cassiusque adhibendo remedio delectus esset, quia seueritatem eius non tolerabant,




precante ipso, ad Scribonios fratres cura transfertur, vt auctor est Tacitus lib. xiiij Annal. qui eodem libro tradit, cum Neroni propter victoriam ab Artaxatis reportatam, arcus, continui Consulatus, statuæ decretæ, & vt inter festos dies referretur, quo patrata victoria, quo nunciata, quo relatum de ea esset: C. Cassium de cæteris honoribus assensum: si pro benignitate fortunæ Dijs grates agerentur, ne totū quidem annum supplicantibus sufficere disseruisse: eoque oportere diuidi sacros, & negotiosos dies, queis diuina colerentur, & humana non impedirent. Fuit autem Cassius Longinus Sabinianæ sectæ: Sabino enim successit, autore Pomponio in l. 2. D. de orig. iur. Sabinumque Cassij magistrū vocat Paulus lib. xiiij ad Edictum in l. 20. de recept. arb. vbi ingenui, & probi animi memorandum, multisque nostri seculi auctoribus imitandum exemplum traditur. Cū enim Sabinus scripsisset, arbitrum mutare posse sententiam, hocque contra Iuris Ciuilis regulas responsum esse videretur: tantum abest vt Cassius eum reprehenderit, vt sententiam magistri sui totis animi viribus excusasse eum testetur Paulus: scilicet de ea sententia Sabinum non sensisse, quæ arbitrium finiat; sed de præparatione causæ: neque imitatus est Aristotelem de quo conqueritur Plato apud Ælium lib. 4. Var. histor. cum ad instar muli fecisse, qui cum saturatus est lacte materno, calcibus petit matrem. Cassius præterea noster, Cassianæ scholæ auctor, & parens fuit, eiusque domus temporibus Traiani, à Quadrato claro oratore possessa fuit ex testamento Quadratillæ auix suæ, auctore Plinio lib 7. epist. Cuius verba hic apponere æquum esse duxi, quoniam id laudi, honorique Cassij non parum conducit. *Lator, inquit, etiam quod domus aliquando C. Cassij huius qui Cassianæ scholæ princeps & parens fuit, seruiet domino non minori. Implebit enim illam Quadratus, & decebit, rursusq; ei pristinam dignitatem, celebritatem, gloriam reddet, cum tantus*

orator inde procedet, quantus ille Iurisconsultus. Cassius denique multos scriptis mandavit libros.

*Apud Vrseium* ] qui citantur ab Vlpiano in l. x. quid tamen D. quib. mod. usufr.

*Iuris Ciuilis libr. x.* ] Tot enim fuisse existimo. Nam ex Cassio lib. 8. Iuris Ciuilis hæc desumpsit Vlpianus, *fructuarium per arbitrum cogi rescire, quemadmodum subserere cogitur arbores, & aucupiorum & venationum redium, ad fructuarium pertinere, & carnem fætus demortui ad fructuarium pertinere.* Vlpianus etiam Cassium lib. x. Iur. Ciuilis dixisse scribit. *Si gregis, vel armenti sit usufructus legatus, nec usufructuarius ex natis gregem suppleat, teneri eum proprietario.* Ex quibus apparet, Cassium his in libris de usufructu scripsisse.




## PLAUTIUS.

**D**E Plautij vita nihil constare Forster scripsit. fit tamen mentio Plautij Syluani in Fastis, qui Consul fuit tertio anno Imperij Antonini Pij, cum Iulio Seuero, & ab vrbe condita 893. secundum Gregorium Haloandrum. Plautij etiam, Syluanorū nomen fuisse ostendit Onuphrius. Adeum Iulianus scripsit libros quinque, Iulius Paulus libros xvij. Ex quorum primo, est l. Plautius D. de procur. ex viij l. Plautius D. de condit. & demonstrat. ex ix. l. qui hæredi eod. tit. & l. Plautius D. de auro & arg. leg. Ex xij, l. Plautius D. ad leg. falcid. Ex eius scriptis quoque est §. fin. l. si proprietarius D. de damno infecto. Tribuitur etiam ei §. Plautius legis si ab eo D. eod. tit. apud Plautiū autem omnes iuris autores consensisse Vlpianus ait in l. i. §. inter-



dum D. de vsufr. accresc. *Vsfructum scilicet constitutum, & postea amissum, nihilominus ius accrescendi admittere.* Omnes autem iuris autores, interpretabimur vtriusque sectæ, tam Proculianos, quàm Cassianos.




## VINDI V S.

**V**lpianus lib. xj ad Edict. in l. xj D. de minor. Vindij cuiusdā meminit: sed tamen alius est, ab hoc nostro Iurisconsulto. Ille enim temporibus Alexandri Seueri vixit: hic temporibus Diui Pij floruit. Capitolinus enim Antoninū Pium Imperatorem eius consilio vsum scribit. Vnde apud Ælium Spartianum, hunc locum corruptum puto. *Vindium Quadratum, & Catilium Seuerum & Turbonem grauiter insequutus est.* Nullus enim Vindius Quadratus apud autores reperitur, minusque Numidius: quemadmodum corrigendum esse putauit Cuspinianus in Fastis. Restituenda igitur putarem hæc verba sic. *Vindium*, cum virgula quæ nomen separatum significet, *Quadratum, & Catilium Seuerum.* Hæc enim lectio litteræ corruptæ prorsus conueniēs est. Quæ tamen si nimis atdua videtur, sic posse etiam legi existimo. *A. Iulium Quadratum.* Est enim lapis in radice Cælij montis inuentus, in quo ita scriptum est, *T. Iulio Candido II. A. Iulio Quadrato II. Cos.* Vindius Varus dicitur ab Callistrato l. 3. D. de test. qui sub D. Hadriano Ciliciæ fuit legatus, ad quem ipse Hadrianus epistolam misit. Vindij autem testimonio Mærianus, Paulus, Vlpianusque vsi sunt in l. 2. § si absens D. si ex nox. causa ag. l. Iurisgentium §. si ante D. de pact. l. si quis D. de iud. ex qua intelligitur.

*De Prætoris Edicto* nonnulla edidisse, &

*De detractiōe falcidiæ*) ex l. pœnales §. fin. D. ad leg. falcid. in qua Mærianus illum vocat *suum*: ex qua Vindium Cassianæ sectæ fuisse, non pigebit dicere.




## VALERIUS SEVERUS.

**V**alerij Iurisconsulti mentionem facit Cicero lib. iij. epist. ad familiares, quem cōmendat Appio Pulchro: sed aliusest à nostro Valerio Seuerō, quem sub Antonino Pio vixisse existimo. Extat enim Antonini Pij rescriptum ad Seuerum in l. 1. C. de procurat. Quapropter legendum arbitror apud Iulium Capitolinum hoc in loco. *Vindio, Vero, Saluio, Valente. Seuerō non Vero*, tum quod Verus nemo vnquam Iurisconsultus fuerit: cum quod Capitolinus illum cum Saluio Iuliano coniungat. Iulianus autem Valerij Seueri responsum affert lib. 3. Digest. in l. ex facto D. de negot. Sicuti sæpissimè Iurisconsultos responsis vel sententijs cōtaneorum Iurisperitorum vti, in Pandectis legimus. Hic autem error vt loco *Seueri* apud Capitolinum *Veri* nomen scriptum fuerit facilè librariū ignorantia irrepserit: sicut & in multis Pandectarum capitibus loco Seueri & Antonini Impp. Veri & Antonini corrupte legitur. Sic quem anno ab vrbe condita 879. Fasti Græci Consulem Seuerum habent, in Cassiodori Chronicis *Verum* corrupte legimus. Nec obstat quod Callistratus Valerij cuiusdam Veri mentionem faciat, ad quem de excutienda fide testium Hadrianum Imp. rescriptum mandasse scribit in l. testium 3. D. de testib. Hæc enim ad Iurisconsultum nostrum referenda nullo modo sunt, quod mendosum illud nomen hac in lege esse certum sit. In




quibusdam siquidem codicibus *Valerius Varus* legitur, & in Haloandri, *Valerianus Verus*, quæ lectio receptior est, licet non penitus integra. Nihil enim de Valeriano Vero apud auctores reperitur. Augurarer itaque *Valerianum Verum* viciosè, pro *Valerio Veranio* legi, hac nominum transpositione facta. quod sæpissime Typographorum incuriosa facit inscitia. Valerij enim Veranij meminere auctores, & præcipuè antiqua quædam inscriptio, quæ sub Imperio Hadriani Hiberno Cos. honesta militia missum fuisse eum testatur. Arrij etiam Seueri fit mentio ab Vlpiano in l. xj D. de minor. quem Præturam exercuisse hoc ex loco constat: sed alium ab hoc nostro, series temporum affirmare nos cogit: cum illum sub Alexandro Seuero floruisse appareat ex verbis Vlpiani *Arrius Seuerus quia dubitabat ad Imperatorem Seuerum retulit*, j: ad Alexandrum Seuerum, qui xiiij curatores urbis fecit, autore Lampridio in eius vita. Attamen hoc nomen *Arrij* hac in lege mendosum est: nonnulli emendât *Demetrius*, alij, *Decius*. Sed Prætores illos fuisse nunquam legi, nec apud historiæ Latinæ scriptores eorum mentio temporibus illis congruens vlla fit. Existimarem legendum *Annius Seuerus*: Nec enim difficillimè pro *Annius* exaratum est *Arrius*. Annium autem Seuerum Alexandri Seueri temporibus vixisse constat, & Gordiani senioris socerum fuisse apud Iulium Capitolinum in Gordianis. Fit etiam mentio Rutilij Seueri in l. i. D. de ventre insp. qui sub DD. fratribus vixit, & Seueri meminit Vlpianus in l. 4. D. de in ius voc, vbi quidam *Seruium* repônendum putant, moti fortasse eo, quod Vlpianus supra, Labeonis autoritate usus sit. Cæterum Valerium Seuerum de iure respondisse Iulianus ait in d. l. ex facto D. de negot. gest. Eius scripta probauit Vlpianus in l. filiusfamilias §. filiusfamilias D. de procurat. & in l. i. §. quæsitum est D. de aqua quotid. & æstiuâ. Nec omitendum corrupte in Codicibus Odophredi, Seueri mentionem fieri in l. qui concubinam §. i. D. de legat. iij: quod satis inno-

tescet ex auctore illius capituli. Quî enim fieri potest, ut Labeo Seueri mentionē faciat, cum Seuero multo antiquior sit. Apparet etiam ex aliorum Iurisconsultorum nominibus quorum sententiæ referuntur, hoc verissimum esse, & pro Seuero *Seruium* legendum.



## P E D I V S.

 Vnc Sextum Pedium vocat Paulus in l. non distinguemus §. penult. D. de recept. arb. & in l. si seruum D. ad leg. Aquil. & Vlpianus in l. de pupillo §. & belle D. de oper. noui enunciat. Quem constat ante tempora Vlpiani vixisse, ex l. verum §. si seruo D. pro socio, & inter Saluium Iulianum, & Sabinum ex Vlpiano in l. lxij D. eod. apud quem Iulianus scribit Sextum Pedium referre responsum Sabini, sic enim legendum est (*Et ait Iulianus Sextum Pedium referre Sabinum respondisse*) non ut in vulgatis Codicibus corrupte. *Et ait Iulianus lib. 6. vel ut in alijs, Sextum Pomponium referre Sabinum respondisse.* Iulianus enim Pomponio erat antiquior, atque ita Pomponij auctoritate uti non poterat. Pedium quidem sub Imperatoribus vixisse, apparet ex Vlpiano lib. 52. ad Edictum, in l. 5. D. de oper. noui enunciat: eum tamen alium puto ab hoc Pedio, quem Persius oratorem in Satyra describere videtur.

*Fures ait Pedio Pedius quid carmina. rasis.*

*Vibrat in Anis heris doctas posuisse figuras.*


*Laudatur.*

alium etiam illo Pedio Blæso qui sub Nerone repetundarum damnatus est. Hunc autem scripsisse constat.

*Ad Edictum lib. 1.] Ex multis Iurisconsultorum locis ex l. item si §.*



si §. item quæritur D. de negot. gest. l. 1. D. de dolo l. item si §. Pedius D. de alien. iudic. mut. causa fact. l. Pedius l. Pomponius §. recepisse D. de recep. arbitr. Ad quos referenda videtur, quæ ex Pedij lib. xv. referuntur ab Vlpiano in l. quàm Tuberonis §. tam autem D. de pecul. & in l. 1. §. licet D. de tribut. 2. citatur à Paulo liber xxv. Pedij ad Edictum, in l. sed cum patrono §. fin. D. de bonorum posses. asseuerantis notas, litteras non esse; quod impulit Paulum ad credendum, notis, tabulas scriptas non contineri. Et ad hos libros ad Edictum referenda sunt, quæ de eo dicuntur ab Vlpiano in l. iij D. ne quis eum qui in ius voc.




## LÆLIVS.



Vixisse Hadriani temporibus hunc Lælium constat ex Pauli scriptis in l. antiqui D. si pars hæred pet. eumque vidisse in Palatio liberam mulierẽ, quæ ab Alexandria perducta erat, vt Hadriano ostenderetur cum quinque liberis, ex quibus quatuor eodem tempore enixa dicebatur, quintum post quadragesimum diem in l. postquam D. de petit. hæred. Hanc Serapiam vocari constat, tum ex Capitolino in Antonini vita, cum ex Cajo in l. 7. D. de reb. dub. Ex his notandum eadem ætate qua Iulianus Lælium vixisse: Et Paulum maluisse, Lælij in hac historia enarranda vt auctoritate, quam Saluij Iuliani: licet eandem suis scriptis inseruerit ad Vrseium Ferozem, vt colligere est ex l. 36. D. de solut. hac utique maximè ratione, vt existimo, quod Lælius eam Alexandrinam foeminam se vidisse, cum ostenderetur Hadriano, testetur: Saluius autem qui tunc temporis Romæ non erat, hoc sibi in Ægypto affirmatum tantum

asserat, atque ita in ijs quæ extra communem naturæ regulam contingunt, magis oculis, quàm auribus credendum esse nos admonet. Ex ijs autem quæ dicta sunt à nobis, quis non conjiciet, Lælium Hadriano Imperatori perquam familiarem fuisse. Idem Paulus sententiam suam Lælij auctoritate comprobavit, si credimus Labito, sed tamen Aelij lectionem retinendam puto. Aulus Gellius meminit cuiusdam Foelcis, qui de Comitijs tractavit, & Modestinus Lælij Bassi.



### ATILICINIUS.

**P**Aulus, Vlpianus, & Pomponius Atilicini meminerunt in l. iij D. si quis caut. in l. si vnus D. de pact. l. motus D. de procurat. l. postquam D. de petit. hæred. l. & Atilicinius D. de seruit. rustic. præd. l. quod si D. de relig. & sumpt. fun. l. postquam D. de pignorat. act. Maximæ auctoritatis doctrina eius fuit apud Iustinianum. In institutionibus enim de hæred. instit. §. i. ait se Constitutionem edidisse, qua *seruos proprios instituere licet sine libertate*: quod & æquius (inquit) erat, & Atilicinio placuerat. Magnam autem illi cum Proculo Iurisconsulto necessitudinem intercessisse, tantiq; fecisse Proculi iudicium constat ex l. Atilicinius D. de pact. dotal. vt illum per epistolam aliquando consuluerit; & sæpè citantur conuenientes eorum sententiæ in l. ergo D. de seruit. rustic. præd. in l. quid tamen §. si quis D. de recep. arbit. in l. si seruus D. de pecul. Cæterum de iure eum respondisse, cum Nerua filio probat. l. qui se debere D. de condiç. causi data causa non sequuta. de eo enim explicandus est locus ille. Quare in l. si quis §. si quid D. communi diuid. suo loco scriptum non esse




nomen *Atilicini* augurarer: nec cum Sabino coniungendum, sed cum Nerua, & *Sabinum* pro *Nerua* supra reponendum. Neque enim Sabinus, & Atilicinius eiusdem scholæ fuere: sed Nerua, & Atilicinius: atque ita eos eadem sensisse verisimilius est, & de eadem resimul respondisse. Atilicini tamen sententiam improbatam fuisse Vlpianus scribit in l. item liberatur D. quib. mod. pign. vel hypoth. solvatur, existimantis, *si satis detur alicui certæ pecuniæ, recedere eum à pignoribus debere.*



## OCTAVENVS.



Vius Imperatoris ætate Octauenus vixerit, facilis non est negotij explicare. Pomponius quidem, cum Aristone qui temporibus Trajani vixit, eum coniungit, & vtriusque sententiam affert. Non enim hic Accursium sequendum puto, qui Pomponium hanc epistolam ad Octauenum & Aristonem scripsisse existimat: Eorum siquidem sententiam tantum profert de hac quæstione, quàm ipse proposuerat. Quod ex verbis ipsius legis facilius probabitur, quæ est xx. D. de fideic. libert. Paulus autem, & Vlpianus Octaueni mentionem faciunt in his capitibus, quæ ex eorum ad Edictum libris excepta esse inscriptiones ostendunt in l. si familia §. Octauenus D. de iurisdic. omnium iud. l. quod si in diem l. item videndum D. de petit. hæred. l. qui inter quemadm. seruit. amitt. l. necessario D. de peric. & commodo rei vend. l. si rem D. de rei vindicat. l. electio §. finali D. de noxal. act. l. non distinguemus §. si seruus D. de recept arbit. l. item videndum D. de petit. hæred. l. si seruus §. oliuam D. ad leg. Aquil. Vnde conijci potest, ad Edictum quædam illum scripsisse, & Pomponium eius scriptis maximè delectatum.



## SEXTVS CÆCILIVS.



Cæcili os multos fuisse doctos, scriptorésque, omnibus notum esse puto. Hic autem Sextus Cæcilius vt testatur Gellius lib. 2. cap. 1. in disciplina iuris atque legibus Pop. Romani noscendis, interpretandísque, scientia, vñu, auctoritatéq; illustris fuit. Vnde colligimus, malè Cæcilio quodam Gallo in dictionarijs & Thesauris Latinis, hæc Gellij verba tribui, cum *Aelium Gallum*, non *Cacilium Gallum*, legendum esse apud Macrobiū, & apud Gellium lib. 16. cap. 5. supra in Gallo dixerimus: neq; Bernardinus Rutilius audiendus est, quí eam cuius mentio fit in Pandectis à iuris auctoribus, P. Cæciliū quendam Seruij auditorem fabulatur. Cæterū cum Sextus Cæcilius in area Palatina salutationem Cæsaris operiretur, ad eum Philosophus Phauorinus accessit, colloquutusque est ei, multis alijs præsentibus: atque in illis sermonibus orta est inter eos quæstio legum xij. tabularum, quæ decemuirales appellantur. Vbi cum Phauorinus obscuritatem earum legum damnaret, hoc præclarum verbum pronunciauit. *Obscuritates legum non assignari debere culpa sribentium, sed inscitia non assequentium.* Ex quibus colligimus leges xij. tabul. eum apprimè calluisse, & earum præcepta maximè probasse. Vnde non immerito à Iustiniano in l. 1. C. de communi seruo manum. Cæcilius iuris antiqui conditor appellatur. Quamuis in nonnullis codicibus, legatur eò loci *Sextus Aelius*. Cæcilij tamen lectio verior est, & probatur ab Haloandro, & à Cuiacio lib. 7. cap. 25. obseruat. Scripta autem Cæcilij Papinianus, Vlpianusq; probauerunt in l. Titio centum D. de condit. & demonstr. in l. prospexit D. qui & à quibus manum. in l. si postulauerit D. ad leg. Iul. de




adulter. Ex qua conijci potest, quædam edidisse illum ad legis Iuliæ de Adulterijs explicationem, ad quam coniecturam amplectendam magis impelletur, si quis huic legi, legem si vxor D. eod. tit. coniunxerit. Ex qua etiã intelligitur, fuisse Cæcilium studiosum Homericæ lectionis. Hunc enim versum Homeri affert ex 1x. Iliados desumptum.

ἡ μένος φιλέεισ' ἀλόχης μερόπων ἀνδράπων

Ατρεΐδαι


Præterea Cuiacius in l. frater à fratre D. de condict. indeb. Proculeianum eum fuisse putat.



## VRSEIUS FEROX.



Vit quidam Ferox temporibus Hadriani, vir lectus, & sanctus, quem Cos. fuisse ex epistola Plinij ad Arrianum lib. 2. epitt. colligere possumus, qui etiam Curator aluei, & riparum fuit, alius tamen ab hoc nostro: & ad id cogitandum moueor, quod *Tu. Iulius Ferox* appelletur, ut ex veteri quadam inscriptione apparet: Noster autem Vrseius Ferox, ad quem Iulianus libros quatuor scripsit, quorum fit in indice Iustiniano mentio. In quibus notasse quædam Iulianum ex Vrseij libris, constat ex l. si quis §. Vrseius ait D. cõmuni diuid. Quod & Cassius fecisse videtur, ex l. quid tamen §. si massæ D. quib. mod. vsufr. amitt. his verbis *Caius apud Vrseium scribit. Quæ* haud dubiè intelligenda esse de C. Cassio, indicat l. 1. §. quod si patronus D. quarum rerum actio non det. In qua ita scriptum est, *Et Cassius existimasse Vrseium refert.* Vrseij quoque mentio fit in lege si seruus D. ad leg. Aquil. ex qua Proculeianum eum fuisse augurarer, & in l. supra iter §. apud Ferocem D. de aqua pluuiæ arc.



## PAPIRVS FRONTO.



Rontonis cognomen à fronte impositum esse scribit Cicero de natura Deorum. Multi autem Frontones fuere. Fuit Octavius Fronto, quem Prætura functum scribit Tacitus lib. ij, fuit & alius Fronto, quem Martialis lib. i. Epigram. vocat

*Clarum militiæ togæq; decus.*

Frontonis etiam insignis cuiusdam Oratoris meminit Eusebius in Chron. qui M. Antoninum Verum latinis literis erudiuit: quem eum esse puto, de quo loquitur Iulius Capitolinus in M. Antonino Philosopho, quem multo in honore Antoninum habuisse, & à Senatu statuam ei petiisse scribit. Cæterum hunc Papirium Frontonem, nepotem esse Oratoris illius existimo, qui M. Aufidij Frontonis pater fuit, quem Consulem cum P. Cornelio Anulino, imperante Septimio Severo commemorat Cassiodorus in Chronicis. Nihil enim est, quod huic sententiæ repugnet. Quin & inscriptio ab Onuphrio relata Frontonem illum simpliciter nominat, nullo adiecto prænomine, vel agnomine.

*M. Aufidio Frontoni*

*Pronepoti*

*M. Cornel. Frontonis. Oratoris Cos.*

*Magistri. Imperatorum. Antonini. & Luci.*

*Nepoti. Aufidi. Victorini*

*Præfecti. Urbis. Il. Cos.*

*Fronto. Cos.*

*Filio. Dulcissimo.*

Iurisconsultus autem noster ad illius Frontonis tempora referri potest. Neque enim quod legitur in l. fin. D. de acquir. hæred.



*Aristo in Decretis Frontinianis ita refert*, intelligi debet, vt Aristonem Decreta Frontiniana compilasse dicamus: licet Labitus eius sententiæ assertor fuerit. Aristonem enim Frontone recentiore fuisse sequeretur: quod tamen incongruum, cum eum sub Traiano vixisse certum sit. Sed hæc verba sic explicabimus vt Frontonem libros Decretorum composuisse censeamus, & in ijs ex Aristonis libris, & opinionibus nonnulla retulisse. Atque eo modo Aristonem in Decretis Frontinianis ita referre, rectè dicemus. Cæterum Sidonius Apollinaris lib. 4. epist. xxj. Frontonis cuiusdam meminit, qui tamen alius est ab hoc nostro Iuriconsulto. Meminit etiam Gellius M. Frontonis, qui sermonem cum Phauorino Philosopho Academico, de generibus colorum habuit. quæ agitatio latissimè describitur lib. 2. cap. xxvj. Fuit & Licinius Fronto, cui per fideicommissum Philinus hæreditatem dedit, si filius sine liberis vita decederet l. i. C. de pact. quæ est Seueri & Antonini: ad quem rescribunt iidem Imperatores in l. eum qui Cod. si cert. pet. sed alius etiã est, ab hoc nostro Iurisc. forte & is cui rescribit Vlpianus in l. 45. D. de solut. Vnde in l. 52. D. de manumiss. testam. hæc verba, *Impp. Seuerus & Antoninus Missenio Frontoni* corrupte leguntur. reponendumq; *Licinio Frontoni* quondam putauimus. Sed malo nunc ex Suida in verbo *φρόντων* legere *Emisseno* qui sic scribit. *φρόντων ἐμισσηνός ῥήτωρ. γεγονώς ἐπὶ Σεβήρου τῆ βασιλείας ἐν Ρώμῃ. j: Fronto Emisenus orator sub Seuero Imperatore Romæ fuit.* Facile enim pro *Emiseno*, *Miseno* librariorum, vel Typographorū ignorantia exarari potuit. Scripsit autem Fronto noster. *Decreta*) *vt supra diximus.*

*Responsorum lib. iij*) Tertius citatur in l. liberorū D. de verb. significat. ad quos referri debent, quæ in fine l. nauis D. ad leg. Rhod. de jactu posita sunt à Callistrato. Eleganter etiam illum dixisse Martianus refert in l. 3. D. pecul. Peculium esse simile homini quod crescit, decrescit, & moritur. Citatur quoq; ab eodem in l. filiusfamilias §. vt quis D. de legat. i.




## M E L A.



F Auium Melam eum appellat Vlpianus in l. 1. §. quod ait D. de cloacis. Eumque solus Modestinus reprehendit in l. Mela D. de aliment. & cibar. legat. Eius tamen sententiam sequuti sunt Paulus, & Vlpianus sapissimè in suis ad Edictū libris, vt videre est, ex l. 2. §. sed vtrum D. de iudic. l. si seruus §. si quis seruum l. per hoc D. ad leg. Aquil. l. summa D. de pec. & alijs, quæ Pandectas peruoluenti cuique occurrere possunt. Quocirca satis esse argumenti videtur Melam conscripsisse.

*Ad Edictum lib.]* Numerum non affirmo: eius tamen liber decimus citatur in l. si soluturus D. de solution. ab Africano lib. 8. quæst. Qua ex re conijcere possumus, Africanum post Melam vixisse.




## M E C I V S.



M Ecij Iurisconsulti mentio fit à Paulo in l. fin. D. de iure fisci, quæ documento esse potest illum fuisse cum Papiniano, Iulio Paulo, Claudioque Triphonio Iurisperitis, eiusdem Imperatoris assessorem, vnàque cum illis sententiam dixisse suam, cum ipse Imperator cognoscēs decerneret, eumq; Consulem fuisse cum Turpilio Dextro existimo, vt ex veteri Epigrammate apparet, quod est Tybure, vbi *M. Macius Rufus* appellatur. Alium tamen ab eo Mecio, cuius meminit Horatius de arte poetica, quem Ægypto præficere Domitianum in animo




animo habuisse scribit Suetonius in Domitiani vita, & qui tam formosus sibi videbatur: Vnde illud Domitiani dictum, *Vellem tam formosus esse quàm Mecius sibi videtur*, ad quem Statius Papi-  
 nius lib. iij Sylvarum carmen scripsit, eumq; Mecium Celerem vocat. Fuit etiam alius Mecius, qui sub Hadriano curator aluei, & riparum Tyberis, & cloacarum vrbis fuit, vt ex veteri inscri-  
 ptione Neopolitana constat *M. Macio Præf. Annonæ Urbis sacræ cum iure gladij*. Mecij Probi meminit Vlpianus lib. x. de offic. Procont. in l. 7. D. de interd. & releg. ex qua eum Præsidentem Prouinciæ Hispaniæ fuisse, & Vlpiani coætaneum apparet.



## CAMPANVS.



Coceius Campanus Iurisconsultus iste nomi-  
 natur, ex Cocceiorū familia Romæ satis cognita  
 ortus: temporibus Seueri & Antonini vixit; ad  
 quem illi rescriptum mandauere, quod extat  
 apud Martianum lib. 4. instit. in l. si quis D. ad  
 Senatusc. Treb. & apud Iustinianum in institut.  
 tit. quib. mod. testam. infirm.



## A R I S T O.



Temporibus Trajani Imperatoris vixit Aristo, &  
 maximè floruit. Cuius etiam consilio Trajanū vsum  
 esse colligimus ex l. fin. D si quis à parente fuer. ma-  
 numis. in deneganda bonorum possessione patri,  
 quod malè contra pietatem filium affecisset. Magna inter eum  
 & Plinium iunior ē intercessit amicitia, & familiaritatis necessi-  
 Dd

tudo, ut ex libro 8. epist. Plinij dijudicari potest, à quo, si doctrinæ, virtutis, & morum Aristonis cognitionem adipisci nonnullam optamus, eam omnino hauriendam puto. Nihil est, inquit de Aristone loquens Plinius, illo gravius, sanctius, doctius, ut mihi non unus homo, sed literæ ipsæ, omnesque bonæ artes, in uno homine summam periculum adire videantur. Quam peritus ille, & privati iuris & publici! quarum rerum, quantum exemplorum, quantum antiquitatis tenet! Nihil est quod discere velis, quod ille docere non possit. Mihi certè quoties aliquid abditum quero, thesaurus est. Iam quanta sermonibus eius fides, quanta autoritas! quàm pressa & decora cunctatio! Quid est quod non statim sciat, & tamen plerumq; hæsitat, dubitat diversitate rationum, quas acri magnoq; iudicio ab origine, causisque primis repetit, discernit, expendit. Ad hoc quàm parcus in victu, quàm modicus in cultu. Soleo ipsum cubiculum illius, ipsumq; lectum, ut imaginem quandam prisce frugalitatis aspicere. Ornat hæc magnitudo animi quæ nihil ad ostentationem, omnia ad conscientiam refert, recteq; facti, non ex populi sermone mercedem, sed ex facto petit. in summa non facile quis, quemquam ex istis qui sapientiæ studium habitu corporis præferunt; huic viro comparavit. Non quidem Gymnasia sectatur, aut porticus, nec disputationibus longis, aliorum ocium suumq; delectat: sed in toga negotijsque versatur, multos aduocatione, plures consilio iuvat. Nemini tamen istorum castitate, pietate, iustitia, fortitudine etiam primo loco cesserit. Hæc Plinius. Cæterum longæ & pertinacis valetudinis Titus Aristo fuit, ea tamen patientia valetudinem toleravit, ut dolori resisteret, ut sitim differret, & incredibilem febrium ardorem immotus, opertusque transmitteret, eodem Plinio auctore. Cum ipsa tamen infirmitate & graui valetudine, ad senectutem peruenit. quod colligitur ex Pomponio lib. 2. var. lect. in l. arbiter D. de recept. arb. qui refert Aristonem scribere, se audisse Cassium dicentem, in eo arbitro qui non venisset, non esse commissam poenam. quæ quidem de C. Cassio Longino intelligenda sunt, quem sub Tyberio cum M. Vinucio Quartino



Consulem fuisse, supra diximus. Sexaginta verò anni numerantur inter Tyberij, & Trajani principatus. Cassium autem non tantum audiuit, sed ad eius libros annotasse etiam quædam videtur ex l. usufr. legato, & ex l. 17. D. de usufr. & apud Sabinum in l. non solum D. de usufr. accresc. Neratij etiam familiaris fuit Aristo. Vnde eius meminit Neratius in l. ab emptione D. de pact. Quod & epistolæ inuicem missæ testantur. Nam ad Aristonem Neratij epistolæ mentio fit in l. sed addes §. 1. D. locat. & Aristonis ad Neratium in l. Aristo D. de manum. testam. vbi corrupte *Apiano* pro *Prisco* legitur. Eadem etiam ætate vixit qua Celsus Iurisconsultus, & ab eo consultus fuit, vt testatur Vlpianus lib. 4. ad Edict. qui responsum eius magnopere laudat. Iulianum item extrema sua ætate familiarem habuit: à quo per epistolam consultū fuisse supra diximus in Iuliano in l. 2. D. de legat. præst. contra tab. cuius quidem hæc verba *Saluius Aristo Iuliano Sal.* deprauata esse manifestum est. Quis enim nescit Saluium, Iulianum dici, non Aristonem, qui Titus vocabatur. Legendum itaque est *Aristoni Saluius Iulianus Salutem*. Aristonem enim Iulianum consuluisse verisimile non est, cum ex his quæ superius de doctrina eius singulari ex Plinio attulimus: tum maximè quod Aristo prouectæ iam senectutis esset, cum Iulianus iuris scientiam attigerit. Hoc denique ex ipsius legis sententia colligi omnino potest. Vnde & in l. 9. D. de iure codic. Iulianum ad scripta Aristonis quædam notasse legimus. Non enim (vt vulgo exaratum est) scribi debet *Vlpianus notat* Nam Vlpianum in Aristonem notas edidisse nusquam reperimus: & licet edidisset, nihilo tamen magis hic, *Vlpianus* legendum est: cum hæc lex sit Marcelli lib. 9. Digestorum qui sub Antonino Pio floruit, atque ita, nec Vlpiani notas, nec librū aliquem citare potuit. Nam ferè seculo integro iunior Vlpianus Marcello fuit: iuvat & nostram lectionem, quod Marcellus Iuliani scriptis maximè vsus sit. Ideoque Iulianum, *suum*,


appellat in l. 85. D. de condit. Cæterum Aristo multa de iure scripsit: quorum quæ reperimus vestigia, reliquiâsq; dabimus. Et primum

*De furtis lib.*) Gellius enim lib. ij cap. 18 dixit legisse se librum quendam Aristonis Iuriconsulti, in quo ille dicit. Apud veteres Ægyptios (quod genus hominum constat, & in artibus reperiendis solertes extitisse, & in cognitione rerum indaganda sagaces) furta omnia esse licita, & impunita. quare moueor ad credendum, hunc librum Aristonis de furtis fuisse, & eo maximè quod, cum Aristonem multa volumina edidisse sciret Gellius, tamen quia de furtis quæstio erat, satis indicasse librum de furtis putauit, si tantum, librum Aristonis Iuriconsulti dixerit. Deinde

*Responsorum lib.*) quod apparet ex l. iurispergentium §. sed & si D. de pact. l. sicuti §. Aristo D. si feruit. vind. l. 3. quæ res pign. oblig. possiat. l. Aristo D. de ritu nupt. l. patrimonij D. de usufr. legato l. 3. §. item Pomponius D. ad Trebell. l. si cum D. qui & à quibus.

*Ad C. Cassium*) vt supra diximus.

*Ad Sabinum*) vt colligi potest ex l. 3. D. de penu legata, & ex l. non solum D. de usufr. adcrefc. Citatur denique Aristo ab Vlpiano in l. per seruum D. de usu & habit. in l. certi conditio §. si nummos D. si cert. pet. & à Pomponio in l. pen. D. de de rer. diuis.




## SERVILIUS.



Vius Seruiliij nomen depromit Labeus ex l. cum patronus D. de iure patron. cui ego assentior; licet in vulgaribus codicibus (*Seruius*) legatur. Quî enim fieri potuit, vt Seruius, quem longo tempore ante Proculum fuisse Pomponius refert d. l. 2. D. de orig. iur. & vt



ex his quæ in Seruio diximus, satis apparet, Proculi mentionem faciat. Ex quibus etiam constat, hunc Seruiliū alium esse ab illo P. Seruilio augure, cuius auctoritatem sequutus est *Arteius Capito*: & cuius mentio fit apud *Festum* in verbo *Stellani*. Credo autem Seruiliū nostrum hunc esse, cuius meminit *Tacitus* lib. xiiij. *Annal.* qui summis honoribus, multaque eloquentia viguit; diuque foro, mox tradendis rebus Romanis celebris fuit. Eum sub Nerone obijisse certissimum est.



## ARRIANVS.



**A**lexander Gabardus Turfesanus in quadam epistola, ab eo ad Thomam Plonatiā Patri- tium Constantinopolitanum Iuriscōsultum scripta, putat hunc Arrianum fuisse Nicomedieſem Arrianum qui res ab Alexandro magno gestas octo libris Græco sermone est prosequutus. Ego quidem aliquando eos diuerſos putauī, & historicū potius existimabam, eum quem historiam Græcam scripsisse testatur Capitolinus in Gordianis. Eaque ratione mouebar, quod sub Alexandro Se- uero vixisset, atque ita vt assentationis artificio gratiam princi- pis aucuparetur, historiā Alexandri Magni scripsisse opinabar; præcipue quod Seuerus Alexandri nomen haberet: quod idem dies natalis Seueri esset, qui Magni fuerit Alexandri interitus: quod eum magnopere coleret, & inter diuos in larario maiore consecrasset authore Lampridio in Seueri Alexandri vita. Verū ab hac me dimouit sententia, quod Nicomedieſem Arrianum cognomento nouum, ceu iuniorem Xenophontem, non sub Seueri Alexandro, sed sub Hadriano & M. Antonino

Imperatoribus vixisse, apud Suidam postea legerim; à quibus multis honoribus, litterarū ergo auctus, atque honestatus fuit, autore Raphaele Volaterrano lib. xiiij Commēt. Vrbā. Consulare enim dignitatem adeptū fuisse eum testis est Heliconius apud Suidam, & Antonini Pij præceptorem eum facit Genebrardus lib. 3. Chronol. Romæ eum fuisse sub Hadriano Marco & Antonino Suida tradit. Hunc Arrianum Seueri cognomen habuisse puto, eumque esse quem Præfectū ærarij fuisse scribit Valens in l. 42. l. D. de iure fisci, & Flauij prænomen habuisse, ad quem Hadrianus rescripsit autore Calistrato in l. 2. §. 1. D. de iure fisci. Scripsit autem.

*Epicteti Philosophi vitam.*

*De interdictis lib.]* quorum secundus citatur in l. pro hærede D. de petit. heredit.

Rescriptorum mentionem facerem, nisi Arriani vocabulum in l. nec nouem D. de condi&. indeb. vnde illorum memoria eruenda esset, mendose positum cum his existimarem, qui pro Arriano *Arrium* legendum iam pridem admonuerunt.

Gellius etiam librorum Arriani de disertationibus Epicteti meminit lib. xvij Noct. Attic. cap. xix. Vnde à Suida φιλόσοφος *Επικτήτειος*, appellatur.

Arrianum autem nostrum Paulus in l. Arrianus D. de act. & obligat. huius sententiæ autorem facit, *multum interesse an aliquis obligetur, an vero aliquis liberetur*, vbi de obligando quæritur propensiores esse debere nos, si habeamus occasionem ad negandum: vbi de liberando ex diuerso, vt faciliores simus ad liberationem. Et ex eo intelligi potest quàm miti & sedato ingenio vir ille fuerit. Arriani quoque mentio fit in l. filium D. de grad. affinit. in l. ex facto D. de hæred. instit. in l. 1. §. qui autem D. quorum legatorum. cum aliqua suæ commemoratione laudis.



## VARIVS LVCVLLVS.




Risto apud Pomponium in l. liber homo D. de acquir. rerum domin. hunc Varium ab obliuione vindicauit, quem refert aliquando dubitasse, *si liber homo qui bona fide seruiens hereditatem adierit, an acquiratur mihi per eum.* Scrupulum illi iniiciebat quod aliquatenus opera eius esset in hereditate, quia per ipsum adiretur. Sed tamen versum esse scribit, & non acquiriri existimasse. Ex Lucullorum nobili apud Romanos, & antiqua gente originem duxisse, nec multo iuniorem Labeone eum fuisse puto.

## VITELLIVS.




Itellij nomen extare apud Vlpianum in l. si me in vacuam D. de acquir. possess. Labitus putat, tametsi alij ibi *Celsum* legunt. Magni nominis autor fuit, & tantæ in iure autoritatis, vt Sabinus ad eius libros, quædam scripserit, vt Pandectarû volumina peruoluenti cuique occurreret. Sabinus enim in libris ad Vitellium, plerumque ab alijs Iureconsultis citatur in l. 45. D. delegat. 1. l. 8. D. instrum. leg. l. 12. D. eodem, & alibi passim. In hac tamen l. 12. mendum esse puto, cum in §. quanto igitur, sic exaratum est, *quanto igitur hoc legatum vberius sit videndum est,* & Sabinus definit, & Cassius apud Vitellium notat reponendumque & Cassius definit, & Sabinus apud Vitellium notat. Cassius enim nullas apud Vitellium notas fecit. Hæc autem verba Sabinus in.

*libris ad Vitellium*, antiquitatem autoris satis designant. Cellio enim Sabino, Consulatum ex destinatione Neronis mansisse in Cal. Iulias, neque eius honori Vitellium quidem intercessisse Tacitus refert lib. xviii, & sub Vespasiano plurimum potuisse Sabinum scribit Pomponius in l. 2. D. de orig. iur. Quapropter nostrum Vitellium, hunc Vitellium esse existimo, qui procurator Augusti fuit, autore Suetonio in Vitellio.



## D R V S V S.

**E**Xtat Drusi Iurisconsulti nomen apud Celsum in l. si venditor D. de act. empti, eius sententiam non minus probantem quàm Sexti Aelii.




## F V F I D I V S.



Memoriam huius Fufidij se eruisse Cujacius gloriatur in libris Observationum, dubitatq; an sit Fufidius ille, quem M. Tullius in Bruto, in aliquo patronorum numero fuisse scribit, ad quem M. Scaurus tres libros de vita sua scripsit, ut testatur Plinius lib. 33. cap. 1. Eius autoritate Paulus utitur in l. Fufidius D. de bon. autor. iud. possid. & Africanus in l. 5. D. de auro & arg. legato. Arpinas fuit, & Arpini fundum amoenissimum habuit, qui Fufidianus dictus est, quem de eo Cicero Hs cccc. emit ut ipse testatur epist. ad Quintum fratrem lib. iij.

Coelius






## C O E L I V S.

**M** Vltos Coelios fuisse constar, qui iuri dedere operam. Fuit Coelius Sabinus, fuit Coelius Antipater, & M. Coelius Rufus orator, quem ab Atracino accusatum elegantissima oratione, quæ adhuc extat, Cicero defendit, & cuius ad iram procliuitatis, memorandum exemplum tradit Seneca lib. 4. de ira. Coenabat cum eo in cubiculo lectæ patientiæ cliēs, sed cum difficilè esset, illi in crapulam coniecto, rixam eius cum quo edebat effugere, optimum iudicauit Cliens, quicquid dixisset sequi, & secundas agere: Non tulit Cælius assentientē, sed exclamauit: dic aliquid contra, vt duo simus. Quis verò noster Cælius ex his fuerit, dubitari potest. Antonius Augustinus in indice existimat, Coelium hunc Sabinum esse: eò fortasse motus, quod Gellius lib. 4. cap. 2. Noct, Attic. librum Coelij Sabini de Edicto Ædiliū Curuliū citet. Cui tamen, vt libere fatear, nullo modo assentior. Coelius enim Sabinus sub Imperatore Vespasiano vixit, eiusque temporibus plurimum potuit autore Pomponio in l. 2. D. de orig. iur. quod primus eius consulatus dies, initium faustum Vespasiani principatui dederit, quare alius à Sabino illo, quem Hadriani temporibus vixisse refert Suidas: qui tamen, ni fallor, is est quem Sennium Sabinū vocat Vlpianus in l. 1. D. de quæstion. cuique Hadrianum & Antoninum rescripsisse testatur. Coelium dictis quibusdam pupugisse Vitellium Imperatorem scribit Plinius lib. xxxv. cap. xij. licet ei Consulatum ex destinatione Neronis mansisse in Cal. Iulias, neque eius honori Vitellium quidem victorem intercessisse supra ex Tacito retulerimus. Labeo autem huius Coelij sententiā probat in l. xvij D. eod. qui Trebatij discipulus


fuit. Fieri itaque non potest ut Coelium Sabinum Labeo autorem habeat, cum à morte Labeonis ad Coelium Sabinum usque, ferè centum anni effluxerint. Præterea cum Sabinum Iurisconsulti citant, Sabini nomen Coelio semper iungunt, ut apparet ex Caio lib. I. ad Edictum Aedil. Curul. in l. xx. D. eod. & ex Papiniano in l. lxxj §. falsam D. de condit. & demonstrat. quod in hoc Coelio non faciunt, sed solo nomine Coelij designant. Quamobrem existimaui aliquando Iurisconsultum nostrum Coelium Antipatrum esse: hisque rationibus mouebar. Primum quidem, quod plerique autores cum de Coelio Antipatro loquuntur, eodem modo quo Ulpianus, eum solo nomine Coelij appellant ut clare patet ex Nonio Marcello in verbo *finem*, in verbo *Paucies* alijque locis: quod & confirmat Hadrianus Iunius medicus in Elencho autorum Nonij, cum ait, Coelium solummodo scribendum esse, non Coelium Antipatrum, cum illud Romani sit iuris: hoc vero exotici. Locus deinde Ulpiani huic nostræ sententiæ mirum in modum congruit. Coelius enim ibi à Labeone citatur: Coelium autem Antipatrum Labeone antiquiorem esse verissimum est, & perinde non incongruum, si Antipatrum opinionis suæ assertorem habuerit. Coelius itaque Antipater scriptor fuit. Iulius, iuris valdè peritus, multorum etiam ut L. Crassi magister, autore Cicerone in Bruto. Libros Annalium qui sæpissimè in testimonium adducuntur apud Nonnium composuit, quos quidem eos esse puto, quos de bello Punico ad Lælium scripsisse apud Cicero- nem legimus. Historiam autem eo stylo tractauit, ut eam erexerit, quæ iacebat humilis, addideritque illi maiorem sonum vocis: perfectam tamen omnibusque numeris absolutam eam non reddiderit. Neque enim rem poliiuit, ut ædificia bonus Architectus, sed tamen dolauit, ut trabes rudis extructor: Vitium non hominis, sed temporis fuit. Nemo enim Romanus studebat eloquentiæ, nisi ut in causis, & in foro eluceret. Verum licet



Antipater, homo neque planè doctus, neque maximè aptus ad dicendum fuerit autore Cicerone. Eum tamen plus eloquentiæ, quam scientiæ iuris operam dedisse testatur Pomponius d. l. 2. D. de orig. iuris. Verùm vt hunc Antipatrum à nostro Cœlio diuersum faciam, cogit me locus Vlpiani in l. ædiles S. sed enim D. de Ædil. Edicto. *Idem*, inquit de Cœlio loquens, *refert Ofiliũ existimasse*. Quibus verbis manifesto apparet, nostrũ Cœliũ Ofilio coetaneũ, quod Antipatro conuenire non potest, qui Ofilio antiquior fuit. Quamobrem non errabimus, si hunc M. Cœlium crediderimus: quod & confirmât tempora, quibus ille vixit Cicerone iam ætatis prouectæ, atque ita Ofilio æqualis. Præterea eum Ædilem Curulem factum esse scribit Cicero in Bruto, atque ita verisimile est, eum de his quæ ad Ædilitium Edictum pertinebant, accuratè scripsisse. Eius etiam scripta in Pandectis non referuntur, nisi in titulo de Ædilit. Edicto. M. itaque Cœlius præter Ædilitatem, Tribunatum plebis adeptus est, in quo nemo contra ciuium perditorum popularem turbulentamq; dementia, à Senatu & à bonorum causa stetit constantius, eod. Cicerone in Bruto. Postea tamen à sese discessit, & quos tentauerat euertere, imitatus est. Equitis Romani filius fuit, ex Puteolano municipio, quem Puteolani absentem in amplissimum ordinem cooptarunt. Specie & forma in adolescentia fuit adeo liberali, vt libidinis infamiam non effugerit, quam tamen diluere tentat Cicero in oratione quàm pro eo scripsisse supra diximus.



## ATTEIVS CAPITO.



Apitonum cognomina à capite dicta Cicero auctor est lib. 1. de Natura Deorum. Primus Atteiorum quod magno capite esset, Capitonis nomen ipsi tributũ, ad posteros transmisit, peculiari Romanorum more apud

quos cognomina ab euentu vni ex quadam familia tradita, ad posteros eius familiæ propagabātur. Sic Silones, sic Scauolas, sic Labeones, Syllas, aliósque immunos dictos fuisse apud auctores legimus. Quem quidem morem veteres Galli non retinere. Non enim posteros Hugonis Capeti Capetos dictos reperimus, licet eadem ratione à Gallis Capetus, qua Atteius à Romanis Capito nuncupatus sit. Sic Caroli Martelli successores Martelli cognomen non vsurpauere. Quod quidem magnæ autoritatis scriptores impositū ei fuisse putant, quia sicuti malleus qui *Martel* Gallice dicitur ferrum conscindit & mollit: ita ipse multas gentes deuicit, earumque vires confregit. Ego verò sic nuncupatum existimo, quod caput ad similitudinem mallei, quem vt diximus, Galli *Martel* vocant, habuerit. Sic Tudirano cognomen inditum, quod caput ad mallei formam haberet. Tudites enim mallei sunt, auctore Festo, à tundendo dicti. Cæterum Capitonem nostrum, filium fuisse existimo L. Atteij Capitonis, qui Senatusconsulto subscripsit, quod à Cicerone refertur lib. viij epist. 8. vbi tamen vulgo corrupte legi *L. Atteius* *L. F. Ancapito* certissimum est. Bernardus quidem Rutilius reponit *L. Atteius, L. F. Atteij N. Capito*: vitiose tamen. Erat enim & Atteij filius, nec olim ciues Romani demonstrari solebant à cognomine aui vel patris, sed tantum à prænomine. Manutius autem sic legendum putat *L. Atteus, L. F. Aniensis Capito*. vt hæc dictio *Aniensis* nomen sit tribus Capitonis. Crederem etiam legi hoc modo posse *L. Atteius, L. F. A. N. Capito*, vt his duabus litteris puncto distinctis, significetur *Auli nepos*. Quicquid sit, hic L. Atteius Capito, C. Capitonis Iurisconsulti pater fuit, vir Prætorius, & in Republica magnæ satis autoritatis. Tribunatum plebis exercuit auctore Plutarcho in C. Cæsare, Cæsarique familiaritate maximè iunctus, apud Ciceronem lib. xij epistol. in ea, quam scribit C. Planco. Auus autem nostri Capitonis Centurio Syllanus fuit, auctore Tacito lib. iij Annal. Noster



verò Capito studijs ciuilibus principem in ciuitate locum adsequutus est. Hæc enim ætas duo pacis decora, & ornamenta tulit, Capitonem & Labeonem: sed Labeonem incorrupta libertate, & ob id fama celebratiorem: Capitonis autem obsequium dominantibus magis probatum. Erat enim voluntatis & potestatis principum, cum hypochrissi assentator. Cuius rei extant satis ampla apud scriptores testimonia. Ex quibus pauca afferemus. Scriptum est apud autorem de illustribus Grammaticis, quum M. Pomponius grammaticus ex oratione Tiberium reprehendisset, affirmasse Atteium Capitonem illud esse latinum: & si non esset, futurum. Vnde rectè responsum est à Pomponio. *Mentitur, inquit Capito. Tu enim Cæsar ciuitatem dare potes hominibus, verbis non potes*, sic enim legendum esse puto, non vt vulgo legitur, *verba non potes*. Scribit etiam Tacitus L. Ennium Equitem Romanum Majestatis postulatum, quod effigiem Principis promiscuum ad vsum argenti vertisset. Recipi Tiberius Cæsar inter reos se vetare simulabat, palam aspernante Atteio Capitone, quasi per libertatem. Non enim debere eripi patribus vim statuendi, neq; tantum maleficium impune habendum: sanè lentus in suo dolore esset, Republicę iniurias ne largiretur. Intellexit hæc Tiberius vt erant, magis quàm vt dicebantur, perstititque intercedere. Qua quidem in re Capito multum famæ & existimationis amisit. *Capito, inquit Tacitus d. lib. iij, insignior infamia fuit, quod humani diuiniq; iuris sciens egregium publicum, vel vt mallet, hac re ius publicum & bonas domi artes dehonestauisset.* His itaque adulationibus, quibus tempora illa admodum sordida & infecta fuere Consulatui ei Augustus accelerauit, vt Labeonem Antistium iisdem artibus præcellentē dignatione eius Magistratus anteiret, eodem Tacito autore. Collega autem in Consulatu additur ei C. Vibius C. F. Posthumus ab Onuphrio lib. 2. Fast. ex quadam antiqua inscriptione, cuius exemplum hic apposui.

*Jmp. Cesare D. F. Augusto P.*

*Pont. Max. Trib. potest xxviii*

*... Cos. xiiij PP. Jmp. xv.*

*... Spetus Mag. DD.*

*... Omnia scripta sunt quæ in hoc*

*... C. Atteio Capitone C. Vibio C. F.*

*Cos.*

*Postumo*

Atque eos Consules sub eum annum subgerit, quo M. Lepidus L. filius, L. Aruntius Cōsules facti sunt, quasi hoc ipso anno suffectos, ut non mirum sit, si à Cassiodoro, cæterisque; qui Fastos Consulares ad illa usque tempora continuarunt, produxeruntque; de Capitone Atteio, Caioque Vibio mentio nulla facta sit. Quod illi rationem tantum habuerint eorum Consulum, qui initio anni magistratum inierunt. Et quidem suffectum fuisse Capitonem satis indicat Tacitus, quum ei acceleratū ab Augusto Consulatum scribit. Id etiam diserte significatur ex Pomponio l. 2, D. de origine iur. In Consulatu autem suo fertur decreuisse, *inuitam libertam patronum uxorem ducere non posse*, autore Ulpiano lib. iij ad leg. Iul. & Papiam in l. quod & Atteius D. de ritu nupt. Quod tamen ita obseruandum est, nisi patronus ideo eam manumiserit, ut uxorem eam ducat. Addendum ex Iuliano, ni etiam filius familias ancillam iussu patris manumiserit matrimonij causa, ut refertur à Rufino l. 5 l. D. eod. Hocque ex sententia eius Senatusconsulti, quod factum est Capitone Consule, de quo interpretanda est l. 2 l. D. qui & à quib. manumiss. Capitonem autem Iurisconsultum Consulem fuisse cum Germanico, anno ab Urbe condita 764. apud Cuspinianum scriptū legimus. Sed allucinator, vir alioqui antiquitatis Romanæ, eruditissimus, Collega enim ille Germanici Cæsaris, C. Fonteius Capito nuucupatur: noster verò C. Atteius. Qui quidem non



eiusdem nominis nec eiusdem familiæ fuere. Cæterùm Atteium libertum habuit Philologum, quem inter Grammaticos Rhetorem, & inter Rhetores Grammaticum appellasse eum, tradit Suetonius Tranquillus de illustr. Grammat. Hæc de moribus, & honoribus Capitonis referuntur. De doctrina autem non minora. Principem enim locum in ciuitate, studia ei ciuilia dederunt. In quorum tractatione diuersam perpetuo ab Antistio Labeone, vt & in Reipublicæ gubernatione sententiam tenuit. Ideoq; non malè Pomponius in l. 2. D. de orig. iur. eos primùm in Iure Ciuili, quasi diuersas sectas fecisse tradit. Atteius siquidem Capito in his quæ ei tradita fuerunt, perseuerauit: Labeo ingenij qualitate, & fiducia doctrinæ fretus, plurima innouare instituit. Atteioque Capitoni Massurius Sabinus successit Labeoni verò Nerua, qui adhuc eas dissentiones auxerunt. Quamuis tamen Capito diuersum à Labeone semper sentierit: Eius tamen doctrinam imminuere, nec adimere, scriptis suis tentauit. quinimò eam semper plenissimo ore, & cum laudis elogio prædicauit. Testis est Gellius l. xij cap. xij, qui in quadam epistola Atteij Capitonis scriptum se inuenisse fatetur, Labeonem Antistium, legum atque morum Pop. Rom. iurisq; ciuilis doctum apprime fuisse. Proponant sibi huiusce æui scriptores, hoc veteris litterarum candoris exemplum; & quod quisque meruerit, liberè & ingenuè profiteantur. Hanc autem tam insignem iuris cognitionem accepit totam ab Ofilio Iuriconsulto, de cuius doctrina quædam supra diximus. Cæterùm Capito & honoribus, & scientia florens, tandem sub Tiberio Cæsare senex extremum clausit diem. Multos tamen libros scriptos reliquit.

*Commentaria ad xij Tab.*

*Coniectaneorum lib. 260.* ) Affertur quidem à Gellio lib. xiiij cap. vij not. Att. locus ex lib. 259 Atteij.

*De Pontificio iure lib. x.* ) meminit idem Gellius libri quinti

lib. 4. cap. 6. & Festus in dictione *mundus*. Ex quo illa sunt quæ à Macrobio lib. vij Saturn. cap. xij de gestatione anuli, deque Deorū formis non insculpendis referuntur. Scripsit præterea.

*Collectaneorum lib.*) Numerum non indico, eorum tamen octauus citatur à Gellio lib. iij cap. xlij, qui inscriptus erat, *de publicis iudiciis*.

*De officio Senatorio lib. sing.*) teste eodem Gellio lib. ij cap. xxij. Reliquit etiam

*De iure sacrificiorum lib. x*) Sicuti apud Macrobiū legimus lib. iij Saturn.

Plinius de Artoptica loquens lib. xvij cap. xj Capitonem, tanquam locupletem autorem habet. Eius sententiā & contrariæ sectæ autores probarunt, vt Proculus ipse lib. 2. epist. Parietem communem incrustare licere in l. 13. D. de seruitut. præd. urban. vbi notandum verba illa. *Ceterum si demolitus sit vicinus, & ex stipulatu actione damni infecti agatur, non pluri quam vulgaria tectoria æstimari debent, quod obseruari & in incrustatione oportet, non esse ex Capitonis sententia, sed addita à Proculo: ne quis Capitonis verbis ductus, errare hac in re possit. Is aliquando in iure, Atteij nomine tantum vocatur, vt in l. qui quatuor §. vlt. D. de legat. iij.*





## N E R V A.



Occiorem familia, Romæ varias habuit stirpes. Fuit Neruarū, ex qua stirpe, hi Iurifconsulti, pater & filius, orti sunt. Habuit & Cassianam, cuius mentio fit à Papiniano in l. 16. D. de his quæ vt indignis aufer. vbi Cocceius Cassianus vir clarissimus nominatur, qui Ruffinam ingenuam amore pleno dilexerat. Sic enim potius quam, *honore pleno*, legendum puto cum ijs, qui iam illud notauere. Duo itaque Coccej Neruæ Iurisc. leguntur, pater & filius: vtriusq; meminit Pomponius in l. 2. D. de orig. iur. Pater Labeonis doctrinā sequutus, dissensiones inter Labeonem & Capitonem coeptas, cum Massurio Sabino Capitonis sequace auxit. Is patre Cocceio Nerua natus, propter præstantem iuris ciuilis cognitionem, Tiberio Cæsaris familiarissimus fuit, autore eodem Pomponio: ita vt Cæsarem in Campaniam secedentem, solus ex Senatoribus sequi meruerit, Consulque ab eo factus est, vt testatur Tacitus lib. 4. Annal. Is tantæ probitatis vir fuit, vt vitam abstinentia cibi finire maluerit, quam crudelitatem & sæuitiam, qua Tyberius in bonos ciues grassabatur, diutius perpeti. Quod tamen ita graue Tiberio, vt eum à proposito auertere omnimodo tentauerit, sed frustra. Quamobrem vt eius manibus quasi parentaret, accusatores celeberrimos, & notos, necari iussit, & viginti quinque sestertiorum millia in publicum contulit, vt ex ijs gratuitum mutuum per triennium obæratu præstaretur. Pauca


reperiuntur eius in Pandectis sententiæ. Nam ea quæ de Nerua leguntur, ad filium transferenda sunt, ut plurimum. Qui quidem patris patres in iure sequutus, doctrinæ præstantia maxime floruit: ita ut anno ætatis suæ decimo septimo, aut ætate paulo maiore, feratur publicè de iure responsisse, autore Vlpiano in l. 1. D. de postul. Temporibus Proculi vixit: quare sæpissimè à Iureconsultis cum Proculo coniungitur, quasi eiusdem ætatis, & scholæ. Ex quo notandum, cum in l. iij D. de usufr. earum rerum, refertur Neruam negasse, usufructum nominum posse legari, etiam post Senatusc. quo omnium rerum usufructus legari poterat, eiusque sententiæ à Cassio & Proculo reprobata, j: ab utraque schola: hoc de Nerua patre interpretandum. Filij tamen aliquando sententiæ confirmatur, ut ab Vlpiano in l. iij § si seruus D. de pecul. aliquando improbatur, ut à Celso filio in l. si rem 29. D. de Euiet. Scripsit autem Nerua filius, quædam.

*De usufructu*) ut apparet ex l. 13. D. de usufr. & quemad. Scripsit etiam.

*De usucapionibus.*)


Ab eo Neruam Imperatorem originem traxisse certissimum est. C. Licinij Neruæ cuiusdam mentio fit apud Ciceronem in Bruto, quem ciuem improbum, & non indifertum Trib. Pleb. scribit. Sed nostros ab eo fluxisse negandum est, cum non Lici-nios, sed Cocceios dictos constet. Fortasse tamen non aberrabimus, si nostrorum originem ad Neruam illum referamus, quem familiarem Planco fuisse, docet eius epistola ad Ciceronem, lib. x. epistol. Ciceronis ad familiares.





## SEXTVS POMPEIVS.

**P**omponius in l. 2. D. de orig. iur. Sexti Pompeij Iuriscōsulti meminit: quem à Manilio, Bruto, & P. Mutio, cum Tuberone, Rutilio Rufo, & Virginio profectum scribit. Patrem habuit Sextum Pompeium, fratrem Cneium, Pompeij magni patrem. Cumq; frater inter oratores aliquem numerū obtineret, ipse præstantissimum ingeniū contulit ad summā iuris ciuilis, & ad perfectam Geometriā, & rerum Stoicarum scientiam, autore Tullio in Bruto, quem idem Tullius eruditum hominem in Philosophia appellat lib. 1. de Orat. Meminit etiam Sexti Pompeij Iurisconsulti Pomponius in l. 41. D. de hæred. inst. alius tamen à primo. qui neque Parthenij, neque Titi, vel Tiberij (vtrumuis legas) mentionem facere potuit: seriè temporum repugnante. Sciendum tamen, si ad Tiberium huius legis exemplum referatur, hunc Sextum Pompeium, eum constituendū esse, quem anno vltimo principatus Tiberij, Consulem Fasti faciunt. Sin autem *Titus* hac in lege legatur, sicuti legendum *Alciatus* putat lib. ij cap. ij dispunct. non ad Titi Vespasiani filij tempora, Sextus hic reiiciendus est: sed ad Antonini Pij principatum, qui Titus quoque appellatus est. Quamuis in quibusdam Codicibus, pro Sexto Pompeio, Sextum Pomponium exaratum non ignorem, & corrupte. Hoc enim caput desumptum est ex Pomponij lib. xij ex varijs lectionibus: atque ita absurdum est existimare, Pomponiū de se ipso ita scripsisse, *Ut refert Sextus Pomponius.*




## TVSCIANS.



Vscianum cum Aburnio Valente, Iauoleno Prisco in Sabinianorum scholâ successisse scribit Pomponius d. l. 2. d. orig. iur. Quis autem hic Tuscianus fuerit, non facilis disquisitionis. Tuscianum quidem eloquentissimum oratorem fuisse tradit Suidas. Quidam tamen locum Pomponij mendosum arbitrâtur; quod licet à me probetur, nō assentior, ijs qui pro *Tuscianus*, legendū *Titus Matianus* putant. Nam Volusius Moetianus, quem de iure differentem M. Antoninus Philosophus audiuit, non Titus appellatur: sed Lucius, apud Capitolinum in Marci Antonini vita. Propterea Moetiani ætas ad hunc nostrum Iurisconsultum referri non potest. Non incongruè itaque dixerimus, si apud Pomponium loco supra citato pro *Tuscianus*, *Tuscus Fuscianus* reponamus. Hoc enim mendum, exemplaribus vetustate exesis, librariorū incitia, & nominum similitudine, apud Pomponium facile irrepsit. Coniecturā autem nostram iuuat, quod is sub Hadriano vixerit, & sub D. Pio legatus Numidiæ fuerit: ad quem D. Pij constitutio refertur, tanquam ad virum peritum iuris à Triphonio in l. 7. D. de legat. præst.





# INDEX RERVM MEMORABI-

*lium, quæ in hoc opere reperiuntur.*



Burnium Valentem Antoninus Pius in Consilio habuit p.64  
Accursius notatus p.6  
Accursij error de Octaueno p.203  
Adfessores Consiliarij appellatur p.53  
Africanus, grauis & subtilis in scribendo d.69  
Africanus qui apud Lampridium, non alius à Iurisc. Pand. p.69  
Alphenus reprehenditur à Gellio p.39  
Alphenus Cremonæ sutrinam primum exercuit p.38  
Alexander præter Vlpianum, neminem solum intra Palatium vidit p.86  
Alexander Seuerus xiiij curatores vrbs fecit p.199  
Alexander Imp. Christum in latario suo coluit p.87  
Alciatus tuetur Africanum p.77  
Alciatus reprehensus p.9  
Aelius Gallus ex equestri ordine p.137  
Aelius Gallus primus in Arabiam, arma Romana intulit p.137  
Aelij Spartiani locus corruptus p.197  
Aelius Tubero Stoicus p.135  
Aemilij nomen, Corneliorum gentis fuit p.37  
Aemilius Macer sub Alexandri imperio floruit p.124  
Aemilius, Papinianus vocatur p.10  
Antistius antiquæ libertatis amator p.41  
Antistius Labeo, veterum Iuriconsultorum princeps p.40  
Antistius Labeo, prætor tantum fuit p.43  
Antoninus Imp. lactè Christiano educatus p.93  
Antonius Augustinus Cartilium ab obliuione vindicauit p.181

Aphrica sub Proconsule p.53  
Aquilus Prætor p.156  
Aquilus clarior ex domu quam ex iuris scientia p.157  
Aquilus iudex in causa P. Quintij p.155  
Aquilus Gallus, præceptor Seruij Sulpitij p.154  
Aquilus Gallus auditor Mutij p.154  
Aristonis cōsilio Trajanus vsus est p.209  
Aristo longæ, & pertinacis valetudinis fuit p.200  
Aristo Iulianum extrema sua ætate familiarem habuit p.211  
Arcadi<sup>9</sup> Carisius magister libellor. p.126  
Arrius Menander Consiliarius Alexandri Seueri p.114  
Arrianus Antonini Pij præceptor p.214  
Assessores, Consiliarij appellatur p.83  
Assessor insignissimus quid p.83  
Atteius familiaris Ciceronis p.267  
Athenienses de Salamina contendentes, testem Homeri locum adduxerunt p.36  
Ateius Pacuuius, Seruij auditor p.169  
Atilicinius de iure respondit cum Nerua filio p.202  
Angeli Potitiani error p.74  
Aulus Cascellius p.129  
Aufidius Namusa inter decem Seruij discipulos p.168  
Auditores Seruij quid p.168  
Augustini iudicium p.181  
Aufidius Tucça p.168

## B

B Alduini sententia, de cautione legi Miscellæ adiecta, explosa p.22  
Bernardus Malcius è coriaria ad legum scientiam accessit p.39  
Beneficiorum origo p.51

# T A B V L A.

Berytos vrbs, in qua celebre legis sciē- tię gymnasium		Capitoni studia ciuilia principatum in vrbe dedere	p. 223
Berytos legum nutrix	p. 4	Capito Ofilij auditor	p. 223
Be. nardinus Rutilius reprehensus	p. 79	Capito senex sub Tyberio moritur	p. 223
Bernardinus Rutulius reprehensus	p. 65	Cascellius tempora Augusti Cæsaris at- tigit	p. 279
Breuiā quid	p. 104	Cascellius actor causarū probabilis	p. 277
Briffonius reprehensus	p. 58	Capitolini locus elucidatus	p. 63
Breuiā Ediēta quid	p. 204	Casius scēpissimē sub nomine Caij solo citatur	p. 36
Bruto tres fundi fuere	p. 143	Cæcilij multi docti scriptores	p. 204
Brutus intra Præturā se continuit	p. 144	Cartilius Marci Imperatoris proauus maternus	p. 181
C		C. Casius à C. Cæsare ciuitate expulsus	p. 192
<b>C</b> aius cur, <i>suius</i> à Iustiniano appel- latus	p. 78	Centumuii	p. 106
Caius Montani sectator	p. 70	Ceruidius, non Seruidius	p. 74
Casīa gens plebeia, sed honorata	p. 190	Ceruidius Scæuola Iuris Coryphæus	p. 73
Cautio Mutiana remediū vocatur	p. 21	Celsus filius bis Consul fuit	p. 55
Caius Grammaticis familiaris	p. 76	Celsus Prætor	p. 57
Caroli Martelli successores	p. 220	Christiani non putabant licitum gerere honores	p. 94
Capitonum cognomina à capite dicta	p. 219	Cinna à Seruio processit	p. 170
Casius in Sardiniam deportatur	p. 192	Cinnæ Consulatu Cæsar Augustus pater patriæ salutatus	p. 170
Cautio velut Mutiana	p. 23	Cinna contra Augustū coniurauit	p. 170
Callistratus sub Septimio Seuero & An- tonino filio	p. 197	Cinna poëta alius à Iurisconsulto	p. 171
Cautionis Mutianæ utilitas	p. 21	Cinna prætor pater Iurisconsulti	p. 171
Cœcilius, iuris antiqui conditor	p. 204	Coenataphium quid	p. 116
Cœcilius studiosus Homerici lectionis	p. 205	Contrariæ scholæ autores in quibusdam conueniunt	p. 48
Caius prænomen Auli Ofilij	p. 166	Cognomenta ab euentu tradita, ad po- steros propagantur	p. 200
Casius luminibus orbatus	p. 193	Consilium exercere quid sit	p. 52
Casij tribunal, reorum scopulus	p. 194	Columbæ volatus faustum signū	p. 174
Casius fuit Sabinianæ sectæ	p. 156	Cornelio Gallo primum Aegyptus pro- uincia commissā	p. 142
Casius Sabinum excusat	p. 195	Crassus Responsorum morem condem- nat	p. 16
Casius Casianæ scholæ autor	p. 195	Cur Iurisconsulti membranis responsa sua apponebant	p. 81
Casij domus à Quadrato claro oratore possessa	p. 195	Cur Saluius Iulianus in indice primus numeretur	p. 1
Cælius ad iram procliuius	p. 217		
Cælij sententia à Labeone probata	p. 217		
Cœlius Antipater Iurisperitus	p. 218		
Cælius Antipater libros Annalium scri- psit	p. 219		
Capitoni Augustus Consulatum accele- rauit	p. 221		
Cuspiā error	p. 222		



# T A B V L A.

Cuiacij sententia non probata	p.129
Cuspiniani error	p.191
Cuiacius notatus	p.21
Cur nemo Manliæ gentis M.	p.148
Cuiacij emendatio reprobata	p.59
Cum quid Iulianus dicit, & Marcellus consentit, verissimum]	p.73
Cur Pomponius Seruium patritium vo- cauerit	p.162
Cuiacij sententia damnata	p.47
Cuiacius improbatus	p.99

## D

<b>D</b> Ecetæ regum apud Gallos manu procerum obsignabantur	p.59
De quibus causis Centumuii cognos- cebant	p.107
Detrahi legatum, pro minus esse in le- gato	p.25
Decreta Frontiniana quid	p.207
Differentia inter ἀσυνόμας & ἀπορρο- ύσας, desumpta est ex Platone	p.17
D. Augustus primus instituit, vt ex auto- ritate eius responderent	p.30
Diminuere legatum non dicitur, sed mi- nuere	p.24
Diui nomen nō dabatur Imperatoribus, nisi post mortem	p.82
Disceptatio inter Seruium, & Mutium	p.159
D. Ciprianus exilio multatus sub Paterno Proconsule Cartaginensi	p.123
Differentia inter tractatū & quæstionem.	
Digestorum nuncupatio Iurisconsultis familiaris	p.9
Duo pacis decora, Antistius, & Capito	p.43

## E.

<b>E</b> Dictum perpetuū anno 15. Imperij Hadriani à Iuliano ordinatum	
Edictum perpetuum vocatur, ius perpe- tuum	p.6
Equites inter plebeios numerantur	p.162
Error eorum qui Q. Mutium Scæuolam	

P. M. eundem cum Mutio Augure credunt	p.16
Euerriculum maliciarum omniū	p.159
Exilium, & deportatio in insulā, diffe- runt	p.193
Ex Trebatio secta Proculeiana nata	p.179

## F.

<b>F</b> Auius Mela à Modestino reprehen- sus	p.208
Fiscus priuatus, ærariū publicum	p.113
Florentinus in consilio Alexandri	p.76
Formula qua posthumi hæredes institui possunt	p.156
Fronto Emissenus	p.207
Frontonis cognomē à fronte impositum	
Fronto insignis orator	p.206
Fufidij memoriam eruit Cuiacius	p.216

## G.

<b>G</b> Alinaceus Vitellio, infelix augu- rium	p.175
Gracchanus Historicus	p.134
Græuius Flaccus	p.181

## H.

<b>H</b> Adrianus in iure sæpè pro Anto- nino Pio sumitur	p.77
Harmenopulus notatus	p.113
Homeri opera, à iuris autoribus magno in precio habita	p.36
Hotomani error de Publicio	p.172
Hypocratis locus restitutus	p.117

## I.

<b>I</b> Abolenus, Traiani, Hadrianiq; tem- poribus	p.52
Iacobi Cuiacij error	p.76.
Iabolenus contrariæ sectæ à Labeone fuit	p.54
Iauolenus præceptor Iuliani	p.8
Iactus, caput tantum leg. Rhodiæ	p.67
Imperatores subscribere solebāt libellis, & cum ijs Promagistri	p.58
In omni quæstione, Tractatus præmit- titur	p.14

# T A B V L A.

In libris quæstionum Iurisconsulti non vtuntur verbo, constat	p.15	Licinius Proculus vir prauus, & callidus, vrbanae militiae impiger	p.33
Index Iurisconsultorum	p.1	L. 32 D. de leg. 1. mendo purgata	p.62
Index philosophorum	p.eadem	L. si per errorem D. de iurisd. omnium iud. restituta	p.97
In indicibus, numerus librorum scripto- rum continebatur	p. ibid.	Licinius Rufinus Seueri Alexandri tem- poribus claruit	p.127
Indices fiebant è membranulis	p.ead.	L cum seruus D. de leg. 1. explicata, & emendata	p.70
Iusti Lypsij error	p.197	Liber Beneficiorum	p.51
Iuris ciuilis scientia, patromonium Scæ- uolarum	p.19	Liber Assessorum	p.185
Iurisperiti, sapientes appellati	p.44	L. 1. C. si rector Prouinc. restituta	p.53
Iurisperiti, iuris studiosorum nomen, mi- nus arrogans sumunt	p.44	Libri responsorum Papiniani in scholis legendi proponebantur	p.16
Ius populi, idem quod ius ærarij	p.113	L. 64. § si seruo D. pro socio restituta, & explicata	p.173
Iulius Africanus orator	p.70	L. Tubero Prætor Vrbanus	p.193
Iunius, Gracchi ab amicitia Gracchanus appellatus	p.133	Locus Taciti restitutus	p.173
Iulius Aquila	p.119	Locus Varronis emendatus	p.173
Iunius Blæsus Africæ præfuit	p.190	Lucius Lentulus primus codicillos intro- duxit	p.48
Iuuentius L. Mutij auditor	p.157		
Iulianus quæstiones tractauit	p.70		

## L.

<b>L</b> Ampridij error de Vlpiani libris ad Sabinum	p.26
Lælius Hadriani temporibus vixit	p.201
Lampridius defensus	p.111
Lampridij locus de Mætiano, mendo pur- gatus	p.66
Lex Miscella <i>παλαιὸς νόμος</i> nuncupatur	p.22
Lex scribit de auro arg. leg. explicata, & Cuiacij emendatio non probata	p.23
Lex Rhodia, domina maris	p.67
Legum <i>Σωματοπόια</i>	p.44
Legis Iuliæ de vicesima caput ante Iusti- nianum sublatum	p.125
Lex 1. de resp. prud. Cod. Theod. resti- tuta	p.12
Lex xj D. de minor. mendosa	p.199
Lex Cincia	p.107
Lex si vfusfructus D. de iure dot. explicata	p.21
Libertas nimia Cascellium intra Quæstu- ram retinuit	p.178

## M.

<b>M</b> Auritianus in Alexandri consilio	p.68
Massurius Sabinus annorum fere 50. in equestrem ordinem relatus	p.27
Massurij rubrica	p.28
Massurius à Paulo reprehensus	p.28
Massurius Tyberij tēporibus floruit	p.28
Marcellus Antonino Pio familiaris	p.71
Marcellus homo modestus, & frugi	p.72
Marcellus vigilantia suæ ostentator	p.72
Marcellus Calsianæ sectæ	
Mecius Iurisc. eadem ætate, qua Papinia- nus vixit	p.208
Manilius, verus Iurisconsultus	p.146
Manilij consulatu, M. Cato mortem obiit	p.146
Mætianus Consul suffectus	p.66
Mætianus Calsianæ sectæ	p.66
Massurius Capitonis sectam sequutus est	p.31
Manilianæ leges	p.147
M. Cælius Tribunus plebis	p.219



# T A B V L A.

M. Pomponius Grammaticus ex oratione  
Tiberium reprehendit p.221  
Mammæa Alexandri mater Origenis stu-  
diofa p.87  
Martianus sub Antonino non parvæ au-  
toritatis p.115  
Massurius Sabinus Labeoni successit p.223  
Minitius, siue Minutius p.188  
Minutius de re nautica scripsit p.189  
Minutius Sabini sectam sequutus p.189  
Minutius felix Romæ insignis caufidi-  
cus p.189  
Moris erat quum quis testamentum con-  
deret, Iurisperitos vocare p.47  
Modestinus poeseos amator p.121  
Modestini locus restitutus p.119  
Mos subscribendi libellis desumptus à  
Iulio Cæsare p.58  
Modestinus sub Alexandro Severo p.120  
Modestinus Maximini iunioris præcep-  
tor p.120  
Multi Mutij Iurisperitissimi p.18  
Q. Mutius Scævola, ex Mutia familia p.17  
Mutius Scævola à Crasso Iurisperitorum  
eloquentissimus, & eloquentium Iuris-  
peritissimus appellatur p.18  
Multi ex Seruio, tanquam ex officina Iu-  
risprudentiæ profecerunt p.163  
Multa quæ olim prænomena fuerunt, co-  
gnomina postea facta sunt p.166  
Mutius ius civile in artem redegit p.23  
Mutius primus Cautionum formam in-  
trodixit p.21  
Mutius Augur, legum vates dicitur à Va-  
lerio p.19  
Mulier quinq; lib. vno fœtu enixa p.77  
Mutius Scævola ludū scuprorū amavit. 18  
Mutius Scævola optime pila lusit

## N.

Nerua filius 17. anno ætatis suæ, de  
iure responsitavit p.226  
Nerua filius Proculi temporibus vixit p.226  
Nervæ Iurisconsulti Cocceij dicti, non  
Licinij p.226  
Nerua pater Tyberio familiarissim⁹ p.225

Nemo Scævolarum Censor fuit p.19  
Neotericus Iurisconsultus in libris de Re-  
publ. Papiniani responsum damnans,  
reprehensus p.13  
Neratius Pegasi sectator p.49  
Neratius Traiano charus p.49  
Neratius sub Hadriano Consul p.49  
Nicephorus explicatus p.4  
Norati, qui Pandectarū opifices, integros  
non habuisse libros Iurisconsultorum  
putant p.13  
Nobiles, boni appellati p.87

## O.

O filius Trebatio, & Cassellio doctior  
p.166  
Ofilius verborum proprietati anxie stu-  
duit p.167  
Officium Consulis p.52  
Ominosum in locum mortui Consulis  
vocari p.42  
Omnia maritima negotia, Rhodiæ defi-  
niuntur lege p.67  
Optimi & Maximi Principes p.86  
Optimas quid p.86  
Operis verbū apud Romæ explicatū p.44

## P.

Paternus rei militaris diligentissimus  
p.123  
Papirius Fronto nepos Oratoris p.206  
Paulus non Patavinus sed Tyrius p.98  
Paulus homo Græcus p.99  
Paulus Christianis infensus p.99  
Paulus assessor Papiniani fuit p.101  
Patritij tantum Senatores, vel Senatorij  
ordinis p.162  
Paconius legatus C. Sylvani p.190  
P. Mutius obiit morbo pediculari 141  
Papiniani quicquid scriptorū erat Imp̃p.  
retinuerunt p.12  
Papinianus, Papiniano Hostilio patre, &  
matre Eugenia Gracili natus p.18  
Papinianus Cerbidij Scævolæ discipulus  
p.10  
Papinianus disertissimi nomē meruit p.10  
Papinianus à Pomponio Trogo respon-  
Gh

# T A B V L A.

sum Bassiano factum desumpsit	p.13	Præf. vrbi amici vocantur ab imperato-	
Papinian <sup>o</sup> securi percussus, nō gladio	p.14	ribus	p.85
Papirius Iustus Antonini & Veri consti-		Principes ciuitatis P. Mutius, Manilius,	
tutiones compilauit	p.98	Brutus	p.145
Papin responsa Paulianis difficiliora	p.16	Publicius prætor	p.172
Papinianus Bassiani iussu necatus	p.13	Publicianum Edictum	p.172
Papinian <sup>o</sup> multos discipulos habuit	p.12	Puteolan. libros assessoriorū scripsit	p.185
Pactumeius Clemens Iurisc.	p.68	Publica iudicia quid	p.117
Patritij permulti in plebeias transierunt		Purpura adorabatur	p.83
familias	p.162	Pythagoreorum <i>αὐτοῖς ἐπα</i>	p.103
Patritijs inter pedites militare, ignominia		Q.	
nota	p.163	Q Vi offerebat preces Imperatori, ap-	
<i>περὶ δαῖτων</i> libri quid	p.46	ponere solebat sententias Iurisc. qui	
Periculū, si seruos à liberis cultus distin-		pro eo sentiebant	p.30
gueret	p.84	Quid aurei libri	p.80
Pedius Orator	p.200	Qui Saturnini in scholis appellētur	p.188
Picus Martius	p.173	Quid sit corpus Ciuile, & corpus Cano-	
Plautius, Syluanorum nomen	p.196	nicum	p.44
Pomponij verba suo loco reddita	p.154	Qui preces Imperatori offerebant, sen-	
Pont. Max. fuit Mutius	p.19	tentias Iurisc. apponebant	p.121
Pomponius Labeonis sectam minime		Quid sit è patritijs exire	p.162
probauit		Questionum tractandarum modus gra-	
Pomponij verba transposita	p.136	tus Iurisconsultis.	p.14
Pomponij cum Cicerone conciliatio, de		Q. Grauius præco	p.118
Bruti libris	p.144	Quis Brutus fuerit Iurisconsultus	p.142
Posteriores Hugonis Capeti, non dicti sunt		Q. Mutius Scauola à Mario interf. p.20	
Capeti	p.220	R.	
Pomponius 78 anno scripsit	p.61	R Regulæ Catonianæ quis autor	p.135
Pomponius Philosophus Stoicus	p.61	Romæ, viri tantum magnæ autori-	
Posterioriores Iurisconsulti nullo sectarum		tatis, secessibus utebantur	p.43
studio tenebantur	p.37	Rutilius vir doctus	p.149
Proculi sententia in omnibus ferè sen-		Rutilij orationes ieiunæ	p.149
tentijs præualuit	p.37	Rutil. rei militaris scientia præstitit	p.150
Proculus sub Othone præfectus præto-		Rutili à quo appellati	p.150
rio	p.33	Rutilius à Scauro in Consulatus petiti-	
Proculi tempore, iuris scientia in duas		ne superatus	p.153
diuisa familias	p.34	Rutilius Rufi coloris	p.153
Proculeiani, diuersæ scholæ autores vo-		Saluius Iulianus <i>ῥομῆνῆς φαιος</i>	p.3
cati	p.34	Saluius Iulianus vixit temporibus Pij	p.7
Prædiator Cascellius	p.178	Saluius Iulianus infuber Mediolan.	p.7
Præfectus prætorio, qualis in iure à Tibe-		Saluius Iulian <sup>o</sup> , proauus Iuliani Aug.	p.8
rio institutus	p.120	Saturn. libros ad Edictū cōposuit	p.186
Princeps lentus in suo dolore, Reip. in-		Saluius Iulianus perpetuum composuit	
iurias largiri non debet	p.221	Edictum	p.4
Promagistri officium	p.58	Saluius Iulianus Aristonem per Episto-	



# T A B V L A.

Iam consuluit super parte Edicti	p.5	Ter. Clemens Consul cum Tertull.	p.68
Scipio à Manilio obsidionali corona donatus	p.147	Tertyllianum S.C. sub D. Pio factū	p.7
Scæuola à Claudio derisus	p.74	Tertij anni auditores, Papinianistæ vocabantur	p.11
Scæuola variauit aliquando	p.76	Trebatii ostentatio in respondendo	p.78
Sextus Aelius cordatus appellatur	p.139	Tertullian⁹ maximus iuris interpres	p.95
Serapia mulier quatuor liberos eodē tempore enixa	p.201	Tertullianus Iurisc. non autor Christianus	p.95
Sext. Aurelius Victor restitutus	p.8	Tertullianus Christianus sub Septimio Se- uero floruit	p.96
Seruius Sulpitius notas in Mutij libros scripsit	p.142	Tertullianus Christianus, cum Iurisc. affinitate coniunctus	p.97
Sextus Pomponius inter Papiniani discipulos	p.61	Trebatius in Britanniam cum Cæsare profectus	p.175
Senatusconsulti à Cicerone relati verba restituta	p.220	Treuii Galliæ Belgicæ populi	p.175
Seruius Sulpitius Lemoniæ tribus	p.158	Treuii Capitales	p.175
Senatusc. Rubrianum	p.103	Trebatij in Iure Ciuili singularis memoria	p.176
Sextus Pompeius Iurisc. patruus Cn. Pompeij	p.227	Triphoninus Papiniani discipulus	p.110
Sextus Pompeius eruditus in Philosophia	p.227	Tribunalia Magistratuum erant	p.90
Sextus Cæcilius in area Palatina salutatio- nem Cæsaris operitur	p.204	Triboniani error	p.78
Seruilius, alius à P. Seruilio augure	p.213	Tuberonis autoritas magni ponderis apud Celsum	p.137
Seruillus Iurisc. sub Nerone obiit	p.213	Tubero causis agendis operâ dedit	p.138
Seruius ad Q. Mutium accedere non recusauit	p.159	Turpe patritio & nobili viro causas orâti, ius ignorare	p.159
Seruius Consul cum Marcello	p.162	Tuscanus orator eloquentissimus	p.228
Seruij consilia ad concordia spectant	p.161	Tuscus Fuscianus, Legatus Numidiæ, sub D. Pio	p.228
Seruius Consulatus repulsam tulit	p.106	Tudites, mallei sunt	p.222
Seruius in legatione obiit	p.161	V.	
Sextus Pedius Iurisc. ante Vlp. vixit	p.200	<b>V</b> alerii Veranij meminere auctores	
Senectutis non inertis honestum munus, consulentibus respondere	p.29	p.199	
Soror appellata, quod seorsū nascitur	p.46	Valerius Seuerus sub Ant. Pio vixit	p.198
Stipendia pedibus facere, plebeium	p.163	Vasitries quid sit	p.30
Statua Seruij Sulpitij, p. rostris posita	p.167	Varius Lucullus, non multo iunior La- beone	p.215
Stola sacerdotalis Pontif. Iudæorū	p.194	Verbo, <i>quidam</i> , vtuntur Iurisc. cum alios notant	p.102
Subscriptio libellis apposita, annotatio vocatur	p.59	Verbal. 3. D: mand. restituta	p.187
Sutrinâ ingenui hoës olim discebāt	p.39	Venuleius græcis litteris operâ dedit	p.82
Suetonij de Antistio Labeone iudicium non probatur	p.42	Velleianum S. C. de intercessionibus ap- pellatur	p.108
T.		Venuleius Saturninus sub Alexandro Se- uero	p.82
<b>T</b> Am formosus, quam Mecius sibi vi- detur	p.209	Vindius Varus Ciciliæ legatus	p.177

# T A B V L A.

Viuianus ætate Proculi vixit	p.186	Vlpianus ex Phænice Tyrriorum Colonia	
Vitellius, magni nominis autor	p.215	p.82	
Vitellius procurator Augusti	p.216	Vlpianus Christianis infensus	p.88
Vindii consilio Anton. Pius vsus est	p.197	Volcatus præceptor Cascellii	p.179
Vlpiani prudentia	p.84	Volusius Mærianus Antonini Pii præ-	
Vlpianus sacrorum scriniorum magister		ceptor	p.66
p.84		Vrseius Ferox, Proculicianus	p.205
Vlpianus præf. prætorio	p.84	Vtilitas cautionis Mutianæ	p.22
Vipianus à militibus interfectus	p.85	Vxor Catonis Iurific. filia Pauli	p.135

## E R R A T A.

pag 7 pro Antonio Pio repondendum Antonio Pio. Item lin. 17 pro M. Antonio rep. M. Antonino. p.14 l. 18 pro Mituo repon. Mutio. p.12 pro & lex l. Iulia repon. & lex Iulia. p.26 pro Heliogabalus repon. Heliogabalus. item. l.24 pro paterne repon. pater ne. item l.26 pro cuius indice, repon. cuius in indice, & sublequenter pro mentio in Sabinus repon. mentio. Sabinus. &c. pag. 28 pro scribitur apud Grecos, repon. scribatur, &c. p.29 l. vlt. pro ipsis scribant, repon. ipsis scribebant, p.30 l. 5 pro beneficio. repon. beneficio. item l.18 pro indagentem repon. indagantem, p.32 pro Gellius librum primum Memorabilium lib. v. repon. Gellius librum primum Memorabilium citat lib. v. pag. 36 pro quod ea earum legum, repon. quod earum legum, p.37 l. vlt. pro fassisse repon. fassisse, p.39 pro Alphens vaser repon. Alphenus vaser, p.45 pro lib. vij cap. vv repon. lib. vij cap. xv. p.47 pro in lege j de D. Aedil. repon. in l. j D. de Aedil. item l.18. pro Memorat idem repon. memor est idem, p.52 pro in l. 2 D orig. iur. leg. en l. 2 D. de orig. iur. p.54 pro cum seruo repon. cum seruo. p.60 pro in ndice rep. in indice, p.66 pro auiti aut liberti rep. auiti liberti, p.67 pro *ἡράκλειος* repon. *ἡράκλειος* p.78 pro antiquorum rep. antiquarum. p.89 pro lex Iulia & Poppæa rep. leg. Iulia & Poppæa, p.100 pro impleruisse repon. impleuisse, p. 101 l. 30 coeum repon. coeum, p.104 pro silicet rep. scilicet, p.106 pro remansisse rep. remansisse, p. 108 pro patronatus repon. patronatus, p.112 pro dissimili argumento suere rep. non dissimili argumento suere, p.115 pro duarum legem repon. duarum legum, p.121 pro interpretanda sit repō. interpretanda sunt, p.125 pro Antoninij Gouerni repon. Antonij, &c. item ead. pag pro Arcadius rep. Arcadius, p.127 pro Manifesto rep. manifesto, p.136, pro P. enim Virgil rep. P. enim Virginium, p.137 pro vitam j : rep. vitam j, p.39 pro à vrbe rep. ab vrbe, p.143 pro schola suis itaque rep. schola. Fuit itaque, &c. p.151 pro supratius rep. superatus, p.176 pro cum ex eorum cognomine repō. cum ex eius cognomine, p.194 pro & industrios pax, &c. repon. & industrios, ac ignauos pax, &c. p.206 pro Popirius Fronto repon. Papirius Fronto.

Ex Ioannis Bertrandi vita.

pag 5 pro tanquem rep. tanquam, p.6 pro viribus viribus vinci repon. viribus vinci, ead. p. pro Sept. anno enim Cal. Febr. 1589 respon. Sept. enim Cal. Febr. ann. 1589 p.24. pro ius eis redditurum repon. ius eis redditurum. p.18 pro de more repon. ex more.

## F I N I S.









A FD/362

UNIVERSIDAD DE SEVILLA




600711895

279/6326










## PUBLICIVS GELLIVS.



Hic etiam vnus est ex decem Seruij discipulis  
 & auditoribus autore eodem Pomponio in  
 dicta l. 2. Male autem Hotomanus in des-  
 criptione Iurisconsultorum, Publicolam  
 Gellium pro Publicio legendum esse dicit.  
 Opinor enim Publicium esse illum, cuius  
 fit mentio in l. 2. §. sed & si sint. D. ad Senatusc. Tertyl. & in  
 l. sub diuersis de condit. & demonstrat. Publicium autem,  
 Prætorem fuisse testatur Iustinianus Tit. de action. in Insti-  
 tut. & Urbanum cum M. Iunio Cicero in Orat. pro Cluētio  
 à quo Publiciana actio in Edicto proposita est, siue Publicia-  
 num iudicium, vt loquitur Caius in l. 13. D. de Public. in  
 rem act. Hoc autem Publicianum Edictum interpretatus est  
 Vlpianus lib. 16. ad Edictum, & Paulus lib. 19. fuit enim in  
 Edicti compilatione à Iuliano positum, cuius Edicti verba  
 ab Vlpiano referuntur in l. 1. D. de Publiciana. *Si quis id quod*  
*traditur ex iusta causa, non à domino & nondum vsucaptum petit,*  
*iudicium dabo.* Verba enim l. 7. Prætor ait, qui bona fide emit,  
 non solum illius Edicti non sunt, vt notauit Glossa: sed ne  
 quidem Publicij.





## L. T V B E R O.

**D**Omum nomenque Tuberorum laudat Cicerō in Orat. pro Q. Ligario: non tamen Luciū sed Q. Tuberōnem virum patritium illum esse puto, quem Pomponius in dicta l. 2. doctissimū habitum fuisse Iuris publici, & priuati, & complures vtriusque operis reliquisse scribit, vt in Tuberone docuimus. Hic autem Lucius Tuberō fuit, qui Prætor vrbānus renunciatus est, de quo memorandum scribit Plinius lib. 10. Natur. histor. cap. 18. in capite Prætoris vrbani. L. Tuberōnis in foro iura pro Tribunali reddentis, auem picū Martium sedisse, ita placide, vt manu prehenderetur: respondere tunc vates, exitium Imperio portendi, si dimitteretur: si exanimaretur Prætori. Ille autem protinus conuersus, nec multo post impleuit prodigium. Ex quibus emendandum puto locum Varronis ex lib. 3. de vita Pop. Romani qui citatur à Nonio Marcello in verbo *Picūnus*. *Pedius Petus cum esset Prætor Vrbānus, & sedens in sella curuli ius diceret populo, Picus Martius aduolauit, atque in capite eius assedit.* Legendumque *Aelius Tuberō cum esset Prætor Vrbānus &c.* Aelij enim, Tuberones dicebantur; vnde cum apud Valerium lib. 5. cap. 6. idem de Aelio prætore scribi legimus, de hoc Aelio Tuberone intelligendum est. Quapropter male Volaterranus lib. 13. hūc prætorem, Cælium Pontium vocat: vnde & inscriptio illa quæ affertur ab Onuphrio lib. 2. fast. mendum etiam habere videtur

*Cereri Aug.*

*Matri Agr.*